




БНСУ-д ажиллаж, амьдарч байгаа гадаадын иргэдэд зориулсан гарын авлага 한국생활 가이드북

*

Энэхүү номонд байгаа заавар зөвлөгөөг Олон соёлт гэр
бүлийг дэмжих хөтөлбөрийн нэгжүүдаснаас үзэж болно.
(www.liveinkorea.go.kr)



Contents

I БНСУ-ын тухай танилцуулга

- 8 **Ерөнхий мэдээлэл**
- 8 Улсын албан ёсны нэр
- 8 Байршил ба нутаг дэвсгэр
- 8 Төрийн далбаа
- 9 Улсын цэцэг
- 9 Хүн ам
- 9 Эдийн засаг
- 10 Засаг захиргааны нэгж
- 11 **Цаг агаар**
- 11 Хавар
- 11 Зун
- 11 Намар
- 11 Өвөл
- 12 **Мөнгөн дэвсгэрт**
- 12 **Баяр, олон нийтийн амралтын өдөр**
- 12 Үндэсний баяр
- 13 Олон нийтийн амралтын өдөр

II Гадаадын иргэдэд зориулсан үйлчилгээ

- 16 **Гадаадын иргэдэд зориулсан үйлчилгээ**
- 16 Солонгос хэлний сургалт
- 16 Солонгосын соёл, ахуй амьдралын талаарх сургалт
- 17 Интернэт, мэдээлэл зүйн сургалт
- 17 Зөвлөгөө
- 17 Гадаадын иргэдэд зориулсан бусад үйлчилгээгээ
- 18 **Гадаадын иргэдэд үйлчлэх байгууллага**
- 18 Олон соёлт гэр бүлийг дэмжих төв (☎1577-5432)
- 20 Гадаадын ажилчдыг дэмжих төв
- 21 Солонгос нөхөртэй эмэгтэйчүүдэд шуурхай тусламж үзүүлэх төв (☎1577-1366)
- 22 Гадаадын иргэн, харьяатын асуудал эрхлэх алба (☎1345)
- 23 Гадаад хэл дээрх вэбсайт

III Оршин суух зөвшөөрөл авах, иргэний харьяалалтай болох

- 26 **БНСУ-д оршин суух зөвшөөрөл**
- 26 Паспортын хүчинтэй хугацаа болон визний хугацааг шалгах
- 28 Гадаад иргэний бүртгэл
- 33 Оршин суух хугацаа сунгах
- 35 Оршин суух зөвшөөрлийн ангилал солих
- 36 Оршин суух зөвшөөрлөөс гадуур үйл ажиллагаа эрхлэх
- 37 Гарах-Орох виз
- 38 Гадаад иргэдийн заавал мэдүүлэх зүйлс
- 39 **Байнга оршин суух эрх авах**

- 39 Хамрагдах хүн
- 40 Солонгос иргэнтэй гэр бүл бологч гадаадын иргэн
- 41 Байнга оршин суух эрх хүчингүй болох
- 42 **БНСУ-ын харьяат болох**
- 42 БНСУ-ын харьяат болох нөхцөл
- 42 Солонгос иргэнтэй гэр бүл бологч гадаадын иргэн
- 47 Солонгосын нийгэмд дасан зохицоход туслах сургалт хөтөлбөр
- 50 **Солонгос иргэнтэй гэр бүл бологч гадаадын иргэн эцэг эх ба төрөл төрөгсдөө урих**

IV Солонгосчуудын аж амьдрал ба ахуй соёл

- 54 **Гэр бүл, аж амьдрал, ахуй соёл**
- 54 Солонгос гэр бүлийн онцлог
- 55 Хэлний соёл
- 60 Гэр бүлийн амьдралд дурсаж тэмдэглэж байх өдөр
- 64 **Хоол хүнс**
- 64 Өдөр тутамд иддэг хоол
- 65 Солонгосын үндсэн хоол
- 71 Амтлагч
- 73 **Орон байр**
- 73 Байр хөлслөх
- 77 Цахилгаан
- 78 Ус
- 78 Газ
- 80 Халаалт
- 81 Утас, кабелийн телевиз, интернет
- 86 Хог хаягдал ангилан ялгах
- 88 **Эдийн засгийн хэмнэлттэй зарцуулалт**
- 88 Өрхийн орлого зарлага

- 90 Бараа худалдан авах, ашиглах
- 93 Хадгаламж ба банкаар үйлчлүүлэх
- 97 **Тээврийн хэрэгсэл**
- 97 Автобус
- 100 Метро
- 104 Такси
- 105 Хувийн авто машин
- 107 Галт тэрэг
- 110 Агаарын тээвэр
- 112 **Олон нийтийн байгууллага**
- 112 Засаг захиргааны байгууллага
- 112 Цагдаагийн газар
- 113 Гал команд
- 113 Шуудан
- 114 Номын сан
- 115 **Нийтийн**
- 115 Үсчин
- 115 Эмэгтэй үсчин буюу гоо сайхны газар
- 115 Халуун усны газар

V Жирэмслэх ба хүүхэд бойжуулах

- 120 **Жирэмслэх ба төрөх**
- 120 Жирэмсэн эхийн хийлгэх ёстой шинжилгээ
- 120 Эрүүл хүүхэд төрүүлэхийн тулд анхаарах зүйлс
- 122 Жирэмсэн эхэд зориулсан эрүүл мэндийн үйлчилгээ
- 124 Төрөлт
- 125 **Нярай хүүхдийн эрүүл мэнд**
- 125 Хүүхдийн бойжилт
- 126 Урьдчилан сэргийлэх тарилага
- 128 Эрүүл мэндийн төвийн урьдчилан сэргийлэх тарилага

- 129 **Бага насны хүүхдийг өсгөн
бойжуулах, боловсрол олгох**
- 129 Бага насны хүүхдийн хүмүүжил,
боловсрол
- 130 Хүүхэд саатуулах төв,
цэцэрлэгийн төлбөрт үзүүлэх
хөнгөлөлт
- 134 Тариалан болон загас агнуур
эрхэлдэг айл өрхийн бага насны
хүүхдэд зориулсан хөнгөлөлтийн
систем

VI Хүүхдийн боловсрол

- 138 **Солонгосын боловсролын систем**
- 138 Боловсролын ерөнхий тогтолцоо
- 138 Боловсролын менежмент
- 139 **Бага сургуулийн боловсрол**
- 139 Бага сургуульд элсэн орох
- 142 Сургуульд ороход бэлтгэх
- 144 Сургуулийн амьдралд дасан
зохицоход туслах
- 149 **Дунд сургуулийн боловсрол**
- 149 Хичээлийн нэр төрөл, агуулга
- 150 Сонгон суралцах хичээл
- 151 Ангийн ажил
- 156 **Ахлах сургуулийн боловсрол**
- 156 Ахлах сургуулийн төрөл
- 157 Сурагчид үзүүлэх нийгмийн халамж
- 161 **Дээд сургуулийн боловсрол**
- 161 Дээд сургуулийн төрөл
- 162 Сургалтын тэтгэлэг

VII Эрүүл мэнд ба эмчилгээ үйлчилгээ

- 166 **Эрүүл мэндийн даатгал**
- 166 ЭМД-ын тогтолцоо

- 166 ЭМД-д даатгуулагч гадаадын иргэн
- 167 Даатгалд хамрагдах журам
- 167 Даатгуулагчид үзүүлэх хөнгөлөлт
- 168 Даатгалын хураамж төлөх
- 168 Зөвлөгөө авах болон лавлах газар
- 169 **Эрүүл мэндийн этгэмжийн систем**
- 169 Тавигдах болзол
- 170 Хувь хүн өөрөө төлөх төлбөр
- 171 **Эрүүл мэндийн байгууллага**
- 171 Эрүүл мэндийн байгууллагын төрөл
- 172 Эмчилгээний төрөл, салбар
- 173 Эрүүл мэндийн байгууллагаар
үйлчлүүлэх үе шат
- 174 Яаралтай үед авах арга хэмжээ
- 175 Эмийн сан
- 176 **Эрүүл мэндийн төв**
- 176 Ерөнхий эмчилгээ
- 177 Эрүүл мэндийн хяналтын гэрээр
үйлчилэх хөтөлбөр
- 178 Сэтгэцийн эрүүл мэндийн үйлчилгээ
- 179 **Түргэн тусламжийн анхан шатны
мэдэгдэхүүн**

VIII Нийгмийн хамгааллын тогтолцоо

- 184 **Ард иргэдийн амьжиргааны доод
түвшингийн баталгааг хангах
хөтөлбөр**
- 184 Хамрагдах хүн
- 185 Тэтгэмжийн төрөл
- 186 Өргөдөл гаргах арга
- 187 **Тэтгэвэр**
- 187 Хамрагдах хүн
- 188 Даатгалын хураамж төлөх
- 188 Тэтгэвэрийн хэлбэр
- 190 **Шуурхай тусламжийн хөтөлбөр**
- 190 Хамрагдах хүн

- 191 Хүсэлт гаргах, хүсэлтийг шийдвэрлэх
- 192 Шуурхай тусламжийн үзүүлэлт
- 192 Тусламжийн төрөл
- 194 **Бие даахад нь туслах хөтөлбөр**
- 194 Хамрагдах хүн
- 194 Ажлын нөхцөл
- 195 Бүртгүүлэх үе шат
- 196 **Өрх толгойлсон эцэг/эх-д үзүүлэх тусламж**
- 196 Тусламжийн төрөл
- 197 Тусламж авах үе шат

IX Ажил хөдөлмөр эрхлэлт

- 200 **Ажил эрхлэлт болон мэргэжлийн сургалт**
- 200 Ажил эрхлэлт
- 204 Мэргэжлийн сургалтын хөтөлбөр
- 206 **Хөдөлмөр эрхлэлттэй холбоотой анхаарах зүйлс**
- 206 Нийгмийн даатгал
- 206 Хөдөлмөрийн хуулийн тухай
- 208 Хөдөлмөрийн харьцаа
- 210 Цалин хөлс
- 211 **Хөдөлмөрийн даатгал**
- 211 Ажилгүйдлын тэтгэмж
- 213 **Үйлдвэрлэлийн ослын даатгал**
- 213 Үйлдвэрлэлийн осол
- 215 Аюулгүй ажиллагааны үндсэн зарчим
- 216 Аюулгүй ажиллагааны мэдэхэд илүүдэхгүй зүйлс
- 217 **Төрөхийн өмнөх ба төрсний дараах амралт**
- 217 Төрөхийн өмнөх амралт

- 218 Дутуу төрөлт ба амьгүй төрөлтийн амралт
- 219 Хүүхэд асрах чөлөө

X Соёлын амьдрал ба аялал жуулчлал

- 224 **Соёлын амьдрал**
- 225 **Аялал жуулчлал**
- 225 ЮНЕСКО-д бүртгэгдсэн дэлхийн соёлын өв
- 228 Улсын дархан цаазат газрууд
- 229 Аялал жуулчлалын гол газрууд
- 240 Музей, уран зургийн галлерей
- 243 Парк – Соёл амралтын хүрээлэн
- 245 Гадаад иргэдийн гудамж

Хаасралт

- 250 Олон соёлт гэр бүлийг дэмжих төв ☎ 1577-5432
- 255 Солонгос иргэнтэй гэр бүл бөлөгч гадаад эмэгтэйчүүдэд яаралтай тусламж үзүүлэх төв ☎ 1577-1366
- 255 Гадаадын ажилчдыг дэмжих төв
- 256 Гадаадын иргэн, харьяатын асуудал эрхлэх алба ☎ 1345




**БНСУ-д
ажиллаж, амьдарч
байгаа гадаадын
иргэдэд зориулсан
гарын авлага**

I

БНСУ-ын тухай танилцуулга

- 8 **Ерөнхий мэдээлэл**
- 8 Улсын албан ёсны нэр
- 8 Байршил ба нутаг дэвсгэр
- 8 Төрийн далбаа
- 9 Улсын цэцэг
- 9 Хүн ам
- 9 Эдийн засаг
- 10 Засаг захиргааны нэгж
- 11 **Цаг агаар**
- 11 Хавар
- 11 Зун
- 11 Намар
- 11 Өвөл
- 12 **Мөнгөн дэвсгэрт**
- 12 **Баяр, олон нийтийн амралтын өдөр**
- 12 Үндэсний баяр
- 13 Олон нийтийн амралтын өдөр





1» Ерөнхий мэдээлэл

1_Улсын албан ёсны нэр

Бүгд Найрамдах Солонгос Улс (Republic of Korea) бөгөөд үүнийг товчлон Солонгос(Кория) гэж бас дууддаг.


2_Байршил ба нутаг дэвсгэр

Ази тивийн зүүн хойд хэсэг, нутаг дэвсгэрийн хэмжээ 99,000км²
(Солонгосын хойгийн нийт нутаг дэвсгэр болох 221,000км²-ын 45%)

3_Төрийн далбаа (Тэйгэгги)

Солонгосын төрийн далбааг ‘Тэйгэгги’ гэж нэрлэдэг.

Тэйгэггиний дүрс нь дорнодын арга билгийн онолыг билэгддэг бөгөөд ‘Дэлхийн эв нэгдэл, эрх тэгш байдал’-ыг илэрхийлдэг.



4_Улсын цэцэг (Гин цэцэг - Мүгүнхуа)

Солонгосын улсын цэцэг нь 'Гин цэцэг (Мүгүнхуа)' юм.

Гин цэцэг нь мөнхийн цэцэг гэсэн утгатай. Жил бүрийн 7 сараас 10 сард дэлгэрдэг цэцэг юм.

5_Хүн ам

2007оны 10-р сарын сүүлийн байдлаар БНСУ гадаадын иргэдийг оролцуулаад нийт 50сая 87,307 хүн амтай байна. Хүн амынхаа тоогоор дэлхийн 194 улс орноос 24-рт ордог. Хүн амын нягтшил нь 490 хүн/км² ба хүн амын нягтшилаараа дэлхийд 3-рт ордог байна.

6_Эдийн засаг

2008 оны байдлаар БНСУ-ын эдийн засаг дэлхийд эхний 15-д(Дэлхийн Банкны мэдээлснээр) явж байгаа ба Эдийн Засгийн Хөгжлийн Хамтын Ажиллагааны Байгууллагын(OECD) гишүүн орон юм. 2007 онд БНСУ-ын ДНБ нь 887 тэрбум 400 сая доллар, 1 хүн тутамд оногдох ДНО нь 18,372 доллар байв. Экспортын гол бүтээгдэхүүнээр автомашин, усан онгоц, төмөр, мэдээлэл технологийн бүтээгдэхүүн зэргийг нэрлэж болно.




7_Засаг захиргааны нэгж

БНСУ-н нийт бүс нутаг 16-н өөртөө засах засаг захиргаанд хуваагддаг. Өөртөө засах засаг захиргаа нь 1 нийслэл хот, 6 дагавар хот, 8 муж, 1 том өөртөө засах мужаас бүрддэг. Өөртөө засах засаг захиргаа нь үндсэн бүсийн засаг захиргаанд хуваагддаг.

Нийслэл хот нь дүүргээс, дагавар хот нь дүүрэг ба сумаас, муж нь хот ба сумаас бүрдэнэ. 2008 оны 12 сарын байдлаар нийслэл хот ба 6-н дагавар хот нь нийт 69-н дүүрэгтэй, 6-н дагавар хот ба 8-н муж нь нийт 75-н хот, 86-н сумтай байна.

Сөүл хот болон Сөүл орчмын хотууд(Инчон, Бүчон, Анъян, Соннам, Ыжонбү, Кванъмён, Шихэнъ, Эыван, Гүнпо, Гуачон, Гүри, Мигэм, Гуанжү, Гуянъ, Ханам зэрэг хотууд)-ыг нэгтгэн нийслэл орчмын хот суурин газар гэнэ. Сөүл хотод 10 сая, Кёнги мужид 10 сая, Инчон хотод 2 сая 500 мянга гэх мэтчилэн нийт хүн амын 50% орчим хувь нь оршин сууж байна.



Нийслэл хот	Дагавар хот	Муж	Өөртөө засах муж
1 Сөүл хот	2 Пусан хот	8 Кёнги муж	16 Жэжү өөртөө засах муж
	3 Тэгү хот	9 Канвон муж	
	4 Инчон хот	10 Хойд Чүнчон	
	5 Гуанжү хот	11 Өмнөд Чүнчон	
	6 Тэжон хот	12 Хойд Жолла	
	7 Үлсан хот	13 Өмнөд Жолла	
		14 Хойд Кёнсан	
		15 Өмнөд Кёнсан	

2» Цаг агаар

Хавар, зун, намар, өвөл гэсэн жилийн 4 улиралтай дулаан бүсийн уур амьсгалтай.

1_Хавар

3 сар~5 сар. Өглөө оройдоо хүйтэн, өдөр нь дулаан байдаг. Навч цэцэг өнгө алаглан дэлгэрч мод бут ногоорно. 3-р сард өвлийн дулаан хувцас өмсөж 4-р сард хөнгөн хувцаслах нь тохиромжтой. 5-р сард зуны улирал шиг халуун өдрүүд олонтой.



2_Зун

6 сар~8 сар. 25°C~35°C орчим халуун болно. 6-р сарын сүүлээс 7-р сарын сүүл хүртлэх хугацааг борооны улирал(жанма) гэдэг. Хэдий борооны улирал боловч өдөр болгон бороо ордоггүй. 8-р сараас 9-р сарын хооронд хур бороо ихээр ордог ба хүчтэй салхи хавсран далайн хар салхи хэд хэдэн удаа дайрч өнгөрдөг.



3_Намар

9 сар~11 сар. 10°C~25°C хэм хүрч аажмаар хүйтэрдэг. 11-р сард өвлийн улирал шиг хүйтэн өдрүүд олон байдаг. Энэ үед өвлийн хувцасаа урьдчилан бэлтгэж, халаах хэрэгсэлийн бүрэн бүтэн ажиллагааг хангах нь зүйтэй. Намар цагийн улайрч шарласан навчис үнэхээр үзэсгэлэнтэй байдаг.



4_Өвөл

12 сар~2 сар. -10°C~10°C хэм хүрч маш их хүйтэрдэг. 3 өдөр нь хүйтэрч байгаад 4 өдөр нь хүйтний эрч сулрах байдлаар өвлийн өдрүүд үргэлжилдэг. Цас орж, хүйтэн салхи салхилах өдөр олон. Дулаан хувцас, халаах хэрэгсэл зайлшгүй хэрэгтэй байдаг. 2-р сарын сүүлээс эхлэн хүйтний эрч суларч цаг агаар нилээн дулаардаг.



3» Мөнгөн дэвсгэрт

- Мөнгөн дэвсгэртийн нэгж нь вон (Won, ₩)
- Ханш(2009 оны 9-р сарын байдлаар) 1 доллар: 1204 вон / 1 евро: 1766 вон / 100 езн: 1310 вон

4» Үндэсний баяр ёслол ба олон нийтийн амралтын өдөр

1_Үндэсний баяр

Солонгост үндэсний томоохон баяр болон улирлын чанартай тэмдэглэлт баяр ёслол цөөнгүй бий. Солонгос улс аргын ба билгийн тооллыг хамтад нь хэрэглэдэг. Үндэсний баяр наадам болон улирлын чанартай тэмдэглэлт баярыг ихэвчлэн билгийн тооллоор тоолон тэмдэглэдэг.

• Цагаан сар[Сольнал](Билгийн тооллын 1-р сарын 1-ний өдөр)

Шинэ оны эхний өдрийг угтан тэмдэглэдэг энэ өдөр ддогтой шөл, мандү идэж, шинэ хувцас(сольбим) өмсөн, настан буурлууддаа золгож, өвөг дээдсийнхээ газар дээр очиж, юүннури нэртэй үндэсний тоглоомоор тоглодог.

• Ургацын баяр[Чүсог](Билгийн тооллын 8-р сарын 15-ны өдөр)

Ургацын баярын өдөр хэмээн нэрлэгддэг энэ өдөр шинэ ургацын будаа тариа, жимс ногоогоор хийсэн хоол идэж, өвөг дээдэстээ хүндэтгэл үзүүлэн газар дээр нь очиж тахилга өргөдөг. Мөн “тэргэл сар угтан” хүслээ шивнэж, “Гангансүллэ” хэмээх тойрон бүжгээр нааддаг.



2_Олон нийтийн амралтын өдөр

- **Тусгаар тогтнолын хөдөлгөөний өдөр (Самильжол: Аргын тооллын 3-р сарын 1-ний өдөр)**

Японы дарангуйллын үед 1919 оны 3-р сарын 1-ний өдөр эхлэж улмаар улс орныг бүхэлд нь хамарсан тусгаар тогтнолын төлөөх хөдөлгөөнийг энэ өдөр дурсан тэмдэглэдэг.

- **Бурхан багшийн мэндэлсэн өдөр (Билгийн тооллын 4-р сарын 8-ны өдөр)**

Буддагийн төрсөн өдөр

- **Хүүхдийн баяр (Аргын тооллын 5-р сарын 5-ны өдөр)**

Хүүхдийн эрх ашгийг хамгаалж, хүүхэд багачуудын аз жаргалтай, энх амьдралыг сахиулахын төлөө бий болгосон тэмдэглэлт өдөр

- **Амь үрэгдэгсдийг дурсах өдөр (Хёнчүниль : Аргын тооллын 6-р сарын 6-ны өдөр)**

Солонгосын дайнд амь үрэгдэгсэд төдийгүй эх орныхоо төлөө амь насаа зориулагсадыг эргэн дурсаж, хүндэтгэл үзүүлдэг өдөр

- **Тусгаар тогтнолын өдөр (Гуанбүгжол : Аргын тооллын 8-р сарын 15-ны өдөр)**

1945 оны 8-р сарын 15-ны энэ өдөр БНСУ Японы дарангуйллаас чөлөөлөгдөж тусгаар тогтнолоо олжээ.


- **Анхны төрт улс байгуулагдсан өдөр (Гэйчоньжол: Аргын тооллын 10-р сарын 3-ны өдөр)**

Солонгос үндэстний өвөг Дангүн анхны төрт Солонгос улсыг байгуулсан өдрийг тэмдэглэдэг өдөр юм. Гэйчоньжол гэдэг нь тэнгэр нээгдсэн өдөр гэсэн утгатай.

- **Зул сарын баярын өдөр (Аргын тооллын 12-р сарын 25-ны өдөр)**

Христийн төрсөн өдөр





**БНСУ-д
ажиллаж, амьдарч
байгаа гадаадын
иргэдэд зориулсан
гарын авлага**

II

Гадаадын иргэдэд зориулсан үйлчилгээ

- 16 **Гадаадын иргэдэд зориулсан үйлчилгээ**
- 16 Солонгос хэлний сургалт
- 16 Солонгосын соёл, ахуй амьдралын талаарх сургалт
- 17 Интернет, мэдээлэл зүйн сургалт
- 17 Зөвлөгөө
- 17 Гадаадын иргэдэд зориулсан бусад үйлчилгээгээ
- 18 **Гадаадын иргэдэд үйлчлэх байгууллага**
- 18 Олон соёлт гэр бүлийг дэмжих төв (☎1577-5432)
- 20 Гадаадын ажилчдыг дэмжих төв
- 21 Солонгос нөхөртэй эмэгтэйчүүдэд шуурхай тусламж үзүүлэх төв (☎1577-1366)
- 22 Гадаадын иргэн, харьяатын асуудал эрхлэх алба (☎1345)
- 23 Гадаад хэл дээрх вэбсайт



1» Гадаадын иргэдэд зориулсан үйлчилгээ

Солонгос улсад ажиллахаар, мөн Солонгос иргэнтэй гэр бүл болон ирж байгаа гадаадын иргэдийн тоо жил ирэх тутам өсөн нэмэгдсээр байна. Эдгээр гадаад иргэдийг Солонгос улсад ажиллаж амьдрахад нь тус дэмжлэг үзүүлэх зорилгоор Солонгос хэл, соёл амьдралтай танилцуулах сургалт, зөвлөгөө зэрэг хөтөлбөр, үйлчилгээг Солонгосын засгийн газар болон иргэний байгууллагууд эрхлэн явуулдаг. Ялангуяа Солонгос хэл мэдэхгүй, Солонгосын соёлтой танилцаж хараахан амжаагүй, Солонгос хүмүүстэй харьцахад хүндрэл учирдаг, ирээд удаагүй байгаа гадаад иргэдэд дараах үйлчилгээ, хөтөлбөр илүү тус нөлөөтэй.

1_Солонгос хэлний сургалт

Солонгост ажиллаж амьдрах, Солонгосын соёлыг ойлгож мэдэхийн тулд Солонгос хэлийг сурах шаардлагатай. Солонгост гадаадын иргэд Солонгос хэлийг үнэ төлбөргүй сурч болох олон байгууллагууд байдаг. Олон соёлт гэр бүлийг дэмжих төв, Гадаадын ажилчдыг дэмжих төв, Солонгос хэлний сургууль гэх зэрэг гадаад хүмүүст зориулсан Солонгос хэлний сургалт явуулдаг байгууллагуудыг энд дурдаж болно.

Олон соёлт гэр бүлийг дэмжих төвөөс Солонгос иргэнтэй гэр бүл болсон гадаад иргэдэд зориулан гэрээр боловсрол олгох хөтөлбөр явуулж байна. Тус хөтөлбөрт хамрагдсан тохиолдолд гэрийн багш тухайн айлд очиж Солонгос хэлийг заах юм.

Сүүлийн үед Солонгос хэлний интернэт сургалтын тоо хэмжээ ч бас нэмэгдэж байгаа бөгөөд хүссэн цагтаа гэрээсээ Солонгос хэлийг сурах боломжтой болж байна.

2_Солонгосын соёл, ахуй амьдралын талаарх сургалт

Соёл, ахуй амьдралын хэв маягийн ялгаанаас үүдэлтэй хүндрэлүүдийг хөнгөвчлөхийн тулд гадаад иргэдэд зориулан Солонгосын аж амьдрал, ахуй соёлд суралцах дараах сургалт хөтөлбөрийг хэрэгжүүлж байна. Олон үндэстний соёлтой танилцах сургалт, хууль зүйн болон хүний эрхийн сургалт, гэрлэлт ба гэр бүлийн тухай ойлголт, Солонгосын нийгэмд дасан зохицох сургалт зэрэг нь хичээл, дадлага гэсэн хэлбэрээр явагддаг.

3_Интернэт, мэдээлэл зүйн сургалт

Солонгосын ихэнх айл өрхүүд компьютер хэрэглэдэг бөгөөд интернэтийн хэрэглээ өндөр хөгжсөн улс юм. Интернэт ашиглан олон төрлийн мэдээлэлийг олж авах боломжтой бөгөөд, банкаар үйлчлүүлэх болон албаны бусад ажлыг бүтээх явцыг хөнгөвчилж өгдөг сайн талтай. Тиймээс Олон соёлт гэр бүлийг дэмжих төв, Гадаадын ажилчдыг дэмжих төв зэрэг байгууллагууд интернэт, мэдээлэл зүйн сургалтыг эрхлэн явуулдаг бөгөөд энд интернэтээр мэдээлэл хайж ашиглах, төрөл бүрийн програм ашиглах аргыг заадаг.

4_Зөвлөгөө

Солонгост оршин сууж буй гадаадын иргэдэд тулгамдсан асуудлыг сонсож түүнийг шийдвэрлэх арга замыг заан өгч, мэдээлэл зөвлөгөө өгөх үйлчилгээг явуулж байна.(гэр бүлийн асуудалтай холбоотой зөвлөгөө, ажил эрхлэлттэй холбоотой зөвлөгөө, Солонгост оршин суухтай холбоотой зөвлөгөө, хуулийн зөвлөгөө гэх мэт)



5_Гадаадын иргэдэд зориулсан бусад үйлчилгээ

Ажилд орох, хувиараа хөдөлмөр эрхлэхтэй холбоотой сургалтанд хамрагдаж, бичгийн болон аман орчуулга хийлгэх хүсэлтэй бол доорх байгууллагын хөтөлбөртэй танилцаж, хүссэн байгууллагаасаа хүссэн мэдээллээ авч болно.



Мэдэхэд илүүдэхгүй

Солонгос иргэнтэй гэр бүл бологч гадаад иргэдэд зориулсан аман ба бичгийн орчуулгын үйлчилгээ

- Олон соёлт гэр бүлийг дэмжих төвийн шугамаар Солонгос хэл болон өөрийн орны хэлийг нэвтэрхий сайн эзэмшсэн Солонгос иргэнтэй гэр бүл бологч гадаад иргэд Солонгос хэлний мэдлэг дутмаг бусаддаа зориулан аман болон бичгийн орчуулгын үйлчилгээ үзүүлдэг.
- Энэ төвөөс 12 улсын хэл (хятад, вьетнам, англи, дагаллог-филиппин, монгол, орос, япон, кампучи, индонейз, непал, тайланд, үзбекстан)-ээр үйлчилгээ үзүүлдэг ба Солонгост ирээд удаагүй байгаа бол зөвлөгөө авч, олон нийтийн байгууллагаар үйлчлүүлэхдээ туслалцаа хүсэж болно.
- ☎1577-5432 дугаарын утас руу залгаж хамгийн ойрын Олон соёлт гэр бүлийг дэмжих төвтэй холбогдож туслалцаа авах боломжтой.

2» Гадаадын иргэдэд үйлчлэх байгууллага

Олон соёлт гэр бүлийг дэмжих төв, Гадаадын ажилчдыг дэмжих төв, Солонгос иргэнтэй гэрлэсэн эмэгтэйчүүдэд яаралтай тусламж үзүүлэх төв нь гадаадын иргэд ба тэдний гэр бүлийнхэн БНСУ-д ажиллаж, амьдрахад нь дэмжлэг тусалцаа үзүүлэх зорилгоор байгуулагдсан ба засгийн газрын тусламжтайгаар үйл ажиллагаагаа явуулдаг юм. Түүнээс гадна Глобал төв гэх мэтчилэн орон нутгийн болон иргэний байгууллагын харьяа гадаадын иргэдэд үйлчлэх байгууллагууд бий. Гадаадын иргэд олноор ажиллаж амьдардаг Ансан хотод гадаад иргэдийн бие даасан төв байгуулагдаж гадаадын иргэдэд төрөл бүрийн захиргааны үйлчилгээ үзүүлж байна. Мөн түүнчлэн Солонгос иргэдийн бие даасан төв, Орон нутгийн соёлын төв зэрэг Солонгос иргэдэд үйчилдэг байгууллагууд ч бас гадаадын иргэдэд үйлчилдэг.

1_Олон соёлт гэр бүлийг дэмжих төв (☎1577-5432)

Олон соёлт гэр бүлийг дэмжих төв нь Солонгос иргэнтэй гэр бүл бологч гадаад иргэдэд туслах, тэдний гэр бүлийн тогтвортой амьжиргааг дэмжих зорилгоор байгуулагдсан бөгөөд одоогоор нийт 100-н төв байгуулагдаад байна. Олон соёлт гэр бүлийг дэмжих төв нь Солонгос иргэнтэй гэрлэсэн гадаад иргэдэд зориулан Солонгос хэлний сургалт зохион байгуулахаас гадна олон соёлт нийгмийн тухай болон гэр бүлийн харилцааны талаар заан сургаж, гэр бүлд буюу хувь хүнд ганцаарчилан зөвлөгөө өгөх, ажил хөдөлмөр эрхлэхтэй холбогдсон зөвлөгөө өгөх, аман болон бичгийн орчуулга хийж өгөх зэрэг үйлчилгээг үзүүлдэг. Мөн тэдний хүүхдүүдэд зориулан хос хэлний сургалт, хэлний хөгжлийг дэмжих (Солонгос хэлний давтлага) сургалт хөтөлбөрүүдийг хэрэгжүүлдэг.



(1) Хөтөлбөрийн агуулга

Ангилал	Агуулга
Сургалтын хөтөлбөр	• Солонгос хэлний сургалт • Гэр бүлийн харилцааны тухай сургалт • “Олон үндэстний соёл” сэдэвт сургалт • Хувийн чадвар дээшлүүлэх сургалт
Зөвлөгөө өгөх хөтөлбөр	• Зөвлөгөө(оршин суух, эдийн засаг, ажил эрхлэлт, хүний эрх, гэр бүлийн хүчирхийлэл, бэлгийн хүчирхийлэл г.м) • Гэр бүлийн асуудалтай холбоотой зөвлөгөө, эхнэр нөхөрт зориулсан зөвлөгөө, төрөл бүрийн эмчилгээ үйлчилгээ
Хүүхдийг дэмжих хөтөлбөр	• Бага насны хүүхдийн талаарх мэдээлэл солилцох танхим байгуулах • Хүүхдийн сурах чадварыг дээшлүүлэх • Хүүхдийн хэлний хөгжлийг дэмжих • Хос хэлний сургалт явуулах • Орон нутаг дах хүүхдийн байгууллагад түшиглэн олон соёлт гэр бүлийн хүүхдэд хэлний сургалт явуулах • Оюутнуудын оролцоотойгоор хичээл сурлагад нь туслах
Солонгос иргэнтэй гэр бүл бологч гадаадын иргэнийн ур чадварыг сайжруулах хөтөлбөр	• Гэр бүлээрээ сайн дурын баг байгуулж ажиллах • Ажилд орох, хувиараа хөдөлмөр эрхлэхэд нь туслах хөтөлбөр, албан байгууллагуудтай холбоо тогтоож өгөх • Эх хэлээ зааж сургах, эх соёлоо зааж сургах, аман болон бичгийн орчуулга хийх боломжоор хангах
Олон үндэстний соёлын тухай ойлголтыг дээшлүүлэх	• Төрсөн ээжтэй нь харьцаа тогтоох • Төрлөх улс тус бүрээр, олон соёлт гэр бүлүүдийн дунд уулзалт зохиох
Гэрээр үзүүлэх үйлчилгээ	• Хүүхдийн асаргаа бойжуулалтын талаар гэрээр зөвлөгөө өгөх үйлчилгээ • Солонгос хэл гэрээр заах үйчилгээ • Жирэмслэлт · төрөлттөй холбоотой заавар зөвлөмж өгөх үйлчилгээ

(2) Хөтөлбөрт хамрагдах арга зам

- Олон соёлт гэр бүлийг дэмжих төв нь орон нутаг бүрт ажиллаж байна. Ажлын өдөр 09:00~18:00 цагийн хооронд үнэ төлбөргүй үйчлүүлэх боломжтой.
- Олон соёлт гэр бүлийг дэмжих төв нь тухайн орон нутгийн нөхцөл ба гэр бүлүүдийн үйчлүүлэх боломжтой цагт тохируулан ажилладаг бөгөөд заримдаа тухайн төвийн нөхцөл байдлаас хамаарч бямба гаригт ажиллах тохиолдол байдаг.
- 2009 оны байдлаар нийт 100-н төв үйл ажиллагаагаа явуулж байна.
- ☎1577-5432 дугаарын утсаар хамгийн ойрын Олон соёлт гэр бүлийг дэмжих төвтэй холбогдож тусалцаа авах боломжтой.

2_Гадаадын ажилчдыг дэмжих төв

(1) Хөтөлбөрийн агуулга

Ангилал	Агуулга
Зөвлөгөө	• Цалинг хугацаанд нь олгохгүй байх • Ажлын байр өөрчлөх (шилжих) • Оршин суух • Үйлдвэрлэлийн осол • Эмчилгээ/нийгмийн халамж • Гэр бүлийн асуудал/Солонгос хүнтэй гэр бүл болох • Залилан/хүчирхийлэл г.м
Сургалт	• Солонгос хэлний сургалт • Компьютерийн сургалт • Тэквондогийн сургалт • Тусгай сургалт: хууль, аюулгүй байдал, ахуй амьдралд дасан зохицох сургалт г.м
Арга хэмжээ	• Нийтийг хамарсан арга хэмжээ • Сургалт, боловсролын арга хэмжээ • Соёлын арга хэмжээ
Эмчилгээ	• Солонгос хэл мэдэхгүйгээс эмнэлэгт үзүүлж чаддаггүй гадаад ажилчдад анхан шатны эмчилгээ, үзлэг хийх
Хэвлэл мэдээллийн хэрэгсэл	• MNTV.NET: Гадаад иргэдэд зориулсан интернэт нэвтрүүлэг • Migrant.kr: Гадаад иргэдтэй холбоотой үйл ажиллагаа эрхэлдэг байгууллагуудын мэдээллийн сүлжээ • MigrantOK: Сар тутам олон улсын хэл дээр хэвлэгдэн гардаг сонин

(2) Хөтөлбөрт хамрагдах арга зам

- Тус төвүүдээр ажлын өдөр 09:00~18:00 цагийн хооронд үйлчлүүлэх боломжтой бөгөөд зарим сургалт нь ням гаригт ч бас явагддаг.
- Эх хэлээр зөвлөгөө өгөх утас(Migrants' Help-line 1644-0644)-аар залгаж өөрийн эх хэлээр төрөл бүрийн зөвлөгөө, лавлагаа авах боломжтой.
- Хэрэв танд ямар нэгэн тусламж хэрэгтэй бол ням гараг (үдээс хойш 1 цаг~7 цаг), ажлын өдрүүдэд ☎1644-0644 утсанд, бямба гарагт ☎02-6900-8000 утсанд холбогдоорой.

3_Солонгос нөхөртэй эмэгтэйчүүдэд шуурхай тусламж үзүүлэх төв (☎1577-1366)

Энэхүү төв жилийн 365 өдөр 24 цагаар ажилладаг. Солонгос иргэнтэй гэрлэсэн эмэгтэйчүүд гэр бүлийн хүчирхийлэл, бэлгийн хүчирхийлэлд өртөх юм уу бэлгийн арилжаанд өртөх зэрэг яаралтай тусламж шаардлагатай үед үйлчлүүлэх боломжтой. Мөн гэнэтийн хэцүү явдал тохиолдох юм уу мэдээлэл шаардлагатай үед ч бас хандаж болох бөгөөд БНСУ-ын харьяат болох, Солонгост оршин суух зөвшөөрөл авах талаар хууль зүйн зөвлөгөө авч болно.

Солонгос, англи, вьетнам, орос, хятад, тайланд, монгол, дагалог-филиппин хэлтэй, Солонгос нөхөртэй эмэгтэйчүүд энд ажилладаг. Үйлчлүүлэгчидтэй ярилцсаны дараа тэд тулгарсан асуудлыг шийдхийн тулд холбогдох байгууллага(гэр бүлийн хүчирхийлэлд өртөгсөдөд тусламж үзүүлэх газар, бэлгийн хүчирхийлэлд автагсадад тусламж үзүүлэх газар, гэр бүлийн хүчирхийлэлд өртөгсөдийг хамгаалах газар, цагдаагийн газар, өмгөөлөгчийн алба, эмнэлэг, эмэгтэйчүүдийн байгууллага, нийгмийн халамжийн байгууллага, эмнэлэгүүд дэх нэг цэгийн үйлчилгээний төв)-тай холбож өгдөг.

(1) Хөтөлбөрийн агуулга

Ангилал	Агуулга
Зөвлөгөө	• Хүчирхийлэлд өртсөн эмэгтэйд төрлөх хэлээр нь анхан шатны зөвлөгөө өгнө. • 365 өдөр 1577-1366 утсаар зөвлөгөө өгнө. • 8 улсын хэлээр зөвлөгөө өгнө.
Шуурхай тусламжийн цогц үйлчилгээ	• Хохирогсодыг орогнох байраар хангах • Гэр бүлийн хүчирхийлэл, бэлгийн хүчирхийлэл, бэлгийн арилжаанд өртсөн эмэгтэйг харж хамгаалах газартай холбож өгөх • Эмнэлгийн үйлчилгээ, хууль, прокурор, цагдаагийн үйлчилгээнд хамруулах
Бусад	• Солонгосын нийгэмд байр сууриа олоход шаардлагатай хууль зүйн мэдээлэл өгөх • Орон нутгийн төвөөр дамжуулан хэргийн газар дээр очиж зөвлөгөө өгөх

(2) Хөтөлбөрт хамрагдах арга зам

- Хүссэн үедээ хаанаас ч гэсэн ☎1577-1366 дугаараар холбогдон утсаар зөвлөгөө авч болно.
- Шаардлагатай үед биечлэн уулзаж ярилцах боломжтой бөгөөд, интернэт сайтын зөвлөгөө өгөх булан болон и-мэйлээр дамжуулан хариулт авах боломжтой. Бүх зөвлөгөө ярилцлага хаалттай нөхцөлд явагдах ба хувийн мэдээллийг нууцалдаг.
- Солонгос хэл ба бусад 8 орны хэлээр интернэтээр дамжуулан зөвлөгөө авах боломжтой (вьетнам, хятад, англи, дагалог-филиппин, орос, монгол, тайланд, камбож хэл).
- Сүвон, Тэжон, Гуанжү, Пүсанд орон нутгийн салбар төв байдаг тул төв дээр биечлэн очиж уулзах ба хэргийн газар дээр дуудаж уулзах замаар зөвлөгөө авах боломжтой.

4_Гадаадын иргэн, харьяатын асуудал эрхлэх алба(☎1345)

Гадаадын иргэн, харьяатын асуудал эрхлэх алба нь гадаад иргэний бүртгэл, оршин суух зөвшөөрлийг олгодог байгууллага боловч, Солонгос улсад ирсэн гадны иргэдэд сургалт, мэдээллээр үйлчлэх хөтөлбөрийг бас хэрэгжүүлж байна.

Солонгос орны хэмжээгээр нийт 14 Гадаадын иргэн, харьяатын асуудал эрхлэх албад байдаг бөгөөд эдгээр албадаас шинээр ирсэн Солонгос иргэнтэй гэрлэгсдэд зориулж Солонгост амьдрахад шаардлагатай мэдээллээр хангадаг ‘Аз жаргалыг мөрөөдөхүй Happy Start хөтөлбөр’-ийг сар бүрийн 2 дахь долоо хоног болон 4 дэх долоо хоногийн пүрэв гаригт 14:00~16:00 цагийн хооронд(Солонгос иргэнтэй гэр бүл бологсодын өдөр) зохион явуулж байна.



‘Аз жаргалыг мөрөөдөхүй - Happy Start хөтөлбөр’-ийн агуулга

- Солонгосын нийгмийн талаар танилцуулах
- Оршин суух зөвшөөрөл, гэр бүлийнхнээ урих, иргэний харьяалал зэрэг асуудлын талаар танилцуулах
- Зайлшгүй мэдэж байх ёстой үндсэн хууль дүрмийг танилцуулах
- Эрүүл мэнд хамгаалал, ЭМД, хуулийн зөвлөгөөний талаар танилцуулах
- Нийгэмд дасан зохицох хөтөлбөрийн талаар танилцуулах
- Солонгос хэлний сургалт болон Солонгос иргэнтэй гэр бүл бологч гадаадын иргэнийг дэмжих хөтөлбөрийн талаар танилцуулах



Мэдэхэд илүүдэхгүй

Гадаадын иргэдийг дэмжих нэгдсэн үйлчилгээ(Hi Korea)

Солонгос, англи, япон, хятад 4 орны хэлээр үйл ажиллагаагаа явуулдаг энэхүү сайтаар дамжуулан Гадаадын иргэн, харьяатын асуудал эрхлэх албадаар очиж үйлчлүүлэх өдөр цагаа урьдчилан товлोज, Гарах-Орох виз авах, оршин суух хугацаагаа сунгуулах зэрэг ажилуудыг гүйцэтгэж болдог.


- Ашиглах заавар
 - Сайтад холбогдоно.(www.hikorea.go.kr)
 - Гишүүнээр элсэнэ.
 - Гадаадын иргэдэд үйлчлэх цахим төв, урьдчилсан захиалагын цонх, хувийн цонх зэргийг ашиглах



5_Гадаад хэл дээрх вэбсайт

Солонгос улс нь мэдээлэл харилцаа өндөр хөгжсөн орон бөгөөд вэбсайтаар дамжуулан аж амьдралдаа шаардлагатай бүх л төрлийн мэдээллийг олж авах боломжтойгоос гадна интернэт хичээлийн тусламжтайгаар Солонгосын нийгэм ба соёлын тухай ойлгон мэдэж, Солонгос хэл сурч болно. Ялангуяа гадаадын иргэдэд үйлчлэх байгууллагын вэбсайтууд олон улс үндэстний хэл дээр бүтээгдсэн байдаг тул ашиглахад дөхөмтэй байдаг.

Вэбсайт	Хаяг	Байгууллага	Үйл ажиллагаа
Олон соёлт гэр бүлийг дэмжих хөтөлбөрийн вэбхуудас	http://www.liveinkorea.go.kr	Бүх Солонгосын олон соёлт гэр бүлийг дэмжих ажлын хороо	Солонгос хэлний сургалт явуулах, Солонгос дах амьдралын тухай мэдээ мэдээллээр хангах, олон хэл дээр мэдээ бэлтгэх хүргэх зэрэг олон соёлт гэр бүлд туслах нэгдсэн үйл ажиллагааг явуулдаг.
korea.net	http://korea.net	Гадаад орнуудын соёл мэдээллийн хүрээлэн	БНСУ-ын албан ёсны вэбсайт
KBS World News	http://world.kbs.co.kr	KBS World	Олон улсын хэлээр мэдээ, сургалт, хөгжөөнт нэвтрүүлэг явуулдаг.
Гадаадын иргэдэд зориулсан нэвтрүүлэг	http://www.mntv.net	Солонгос дах гадаадын ажилчдыг дэмжих төв	Олон улсын хэлээр мэдээ бэлтгэн нэвтрүүлж, өдөр тутмын Солонгос хэл заадаг.
Олон соёлт гэр бүлд зориулсан цахим сургалт	http://ecamp.kdu.edu	Солонгосын дижитал их сургууль	Солонгос хэлний сургалт явуулдаг.
Солонгосын гадаадын ажилчдыг дэмжих төв	http://www.migrantok.org http://www.hikorea.go.kr	Солонгосын гадаад ажилчдыг дэмжих төв	Зөвлөгөө, сургалт танилцуулга зэрэг үйл ажиллагаа эрхэлдэг.
Hi Korea	http://www.hikorea.go.kr	Хууль зүйн яам	Албанд очиж үйлчлүүлэх өдрийн захиалга авах, Гарах-Орох виз олгох, оршин суух хугацаа сунгах зэрэг үйлчилгээ үзүүлдэг.
Mangonet	http://www.mangonet.kr	“Азийн цонх” Гадаад иргэдийн төв	Солонгос иргэнтэй гэр бүл бөлөгч гадаадын иргэдийн холбооны үйл ажиллагаа, боловсрол, эрүүл мэнд, ажлын талаарх мэдээллээр хангадаг.
Salad TV	http://www.saladtv.kr	Салад TV Олон үндэстний соёлын телевиз	Гадаадын иргэн, олон соёлт гэр бүл, гадаадад оршин сууж буй иргэдэд зориулсан интернэт телевиз
korea sparkling	http://www.visitkorea.or.kr	Солонгосын аялал жуулчлалын газар	Солонгосын аялал жуулчлал, баяр наадмын талаарх мэдээлэл



**БНСУ-д
ажиллаж, амьдарч
байгаа гадаадын
иргэдэд зориулсан
гарын авлага**

Ш

Оршин суух зөвшөөрөл авах, иргэний харьяалалтай болох

26 **БНСУ-д оршин суух зөвшөөрөл**

- 26 Паспортын хүчинтэй хугацаа болон визний хугацааг шалгах
- 28 Гадаад иргэний бүртгэл
- 33 Оршин суух хугацаа сунгах
- 35 Оршин суух зөвшөөрлийн ангилал солих
- 36 Оршин суух зөвшөөрлөөс гадуур үйл ажиллагаа эрхлэх
- 37 Гарах-Орох виз
- 38 Гадаад иргэдийн заавал мэдүүлэх зүйлс
- 39 **Байнга оршин суух эрх авах**
- 39 Хамрагдах хүн
- 40 Солонгос иргэнтэй гэр бүл бологч гадаадын иргэн
- 41 Байнга оршин суух эрх хүчингүй болох

42 **БНСУ-ын харьяат болох**

- 42 БНСУ-ын харьяат болох нөхцөл
- 42 Солонгос иргэнтэй гэр бүл бологч гадаадын иргэн
- 47 Солонгосын нийгэмд дасан зохицоход туслах сургалт хөтөлбөр
- 50 **Солонгос иргэнтэй гэр бүл бологч гадаадын иргэн эцэг эх ба төрөл төрөгсөдөө урих**



1» БНСУ-д оршин суух зөвшөөрөл

1_Паспортын хүчинтэй хугацаа болон визний хугацааг шалгах

БНСУ-д ирж буй бүх гадаадын иргэд улсын хилээр нэвтрэн орж ирэхдээ паспорт болон визныхээ хугацаагаа нягтлан шалгасан байх хэрэгтэй. Ингэснээр оршин суух зөвшөөрөл сунгах буюу бусад ямар нэгэн асуудал үүсэх үед түүнээс үүдэлтэй хохирол амсахгүй.

Паспорт

Гадаад паспорт нь тухайн хүний иргэний харьяалал, хувийн мэдээллийг агуулсан биений байцаалт бөгөөд гадаадад зорчих үед түүнийг хэн болохыг нь нотлох баталгаа болохын хувьд олон зүйл дээр шаардагддаг. Тиймээс биедээ заавал авч явж байх хэрэгтэй.



БНСУ-д нэвтрэх виз



Оршин суух хугацааны доод талд байгаа хугацаа нь оршин суух хугацаа дуусна гэсэн үг бус, харин тухайн визний хүчинтэй хугацаа дуусгавар болох өдрийг илэрхийлнэ.

- Дээд талын мөрөнд байгаа огноо бол БНСУ-ын хилээр нэвтрэн орсон он, сар, өдөр болно.
Тухайн өдрөөс эхлэн тус улсад оршин суух өдөр тоологдоно.
- Оршин суух хугацаа нь тус улсын хилээр нэвтрэн орсон өдрөөс эхлэн 90 хоног байна.
Оршин суух хугацаагаа дуусахаас өмнө оршин суух хугацаагаа сунгуулж гадаад бүртгэний бүртгэлд бүртгүүлэх хэрэгтэй.

Гадаад иргэний үнэмлэх



등록사항 변경추가란						
일 자	구 분	내 용			허가기관	확인자
재무기간 FISCAL (FY START)	1 2007.03.10 2008.03.10	①	3	4	5	6

* 이 공을 붙여진 곳은 우체함에 넣어 주십시오. If found, please put this into the postbox.

- ① Гадаад иргэний бүртгэлийн дугаар : Өмнөх дугаар (төрсөн он, сар, өдөр)
- ② Паспортан дээрх овог нэр
- ③ Паспортан дээрх иргэний харьяалал
- ④ Солонгос дахь хаяг
- ⑤ Оршин суух зөвшөөрлийн ангилал : F-2-1(Солонгос иргэнтэй гэр бүл бологч гадаадын иргэнд олгодог зөвшөөрөл)
- ⑥ Олгосон өдөр (дээд мөрөнд), оршин суух хугацаа дуусгавар болох өдөр (доод мөрөнд)
- ⑦ Олгосон газар

(1) Түр хугацаагаар оршин суугч(С төрлийн – дээд тал нь 90 хоног)

Визэн дээр тэмдэглэгдсэн хугацаа нь оршин суух хугацаа дуусах өдөр юм.

(2) Урт хугацаагаар болон байнга оршин суугч : Гадаад иргэний үнэмлэхтэй хүн

Гадаад иргэний үнэмлэхний баруун доод талд тэмдэглэгдсэн сар өдөр нь оршин суух хугацаа дуусах өдөр ба оршин суух хугацаагаа сунгуулсан тохиолдолд үнэмлэхний ар талд тэмдэглэсэн сар өдөр нь оршин суух хугацаа дуусах өдөр болно.

(3) Солонгос иргэнтэй гэр бүл бологч гадаад иргэд

Солонгос иргэнтэй гэр бүл бологч гадаад иргэдийн үнэмлэх дэх оршин суух хугацааны тэмдэглэгээ нь урт хугацаагаар болон байнга оршин суугчидынхтай адил болно.

2_Гадаад иргэний бүртгэл

(1) Гадаад иргэний бүртгэл хийлгэх шаардлагатай иргэн ба хугацаа

БНСУ-д 90-ээс дээш хоногийн хугацаагаар оршин суух гэж буй гадаадын иргэн нь хилээр орж ирсэн өдрөөс 90 хоногийн дотор бүртгүүлнэ.

- Харин, Солонгост ирэх үед паспортан дээрх визний оршин суух хугацаа 59 хоногоор тэмдэглэгдсэн байвал хилээр орж ирснээс хойш 59 хоног дотор гадаад иргэний бүртгэлд бүртгүүлнэ.
- БНСУ-д оршин сууж байх хугацаандаа оршин суух эрх авах юм уу өөрчлөх зөвшөөрөл авсан тохиолдолд зөвшөөрөл авсан даруй гадаад иргэний бүртгэлд бүртгүүлнэ.

(2) Бүрдүүлэх бичиг баримт

- Нийтлэг бичиг баримт
 - Паспорт
 - Гадаад иргэний бүртгэлийн анкет(Гадаадын иргэн, харьяатын асуудал эрхлэх албанд бэлэн байдаг.)
 - Өнгөт зураг (3см X 4см) 2 ширхэг
 - Оршин суух зөвшөөрөл тус бүрт хамаарах хавсралт бичиг баримт (оршин суух зөвшөөрлийн ангилалаас хамаарч бүрдүүлэх бичиг баримт нь өөр байдаг тул Гадаадын иргэн, харьяатын асуудал эрхлэх албанаас заавал тодруулах)
 - Хураамж 10,000 won(Засгийн газрын орлогын тэмдэгт)

(3) Солонгос иргэнтэй гэр бүл болгч гадаад иргэд

Тухайн гадаад иргэнтэй гэрлэсэн Солонгос нөхөр/эхнэр нь дээрх бичиг баримтууд дээр дараах баримтыг нэмж хавсаргана.

- Ургийн бичиг
- Иргэний бүртгэлийн лавлагааны хуулбар
- Батлан даалтын бичиг

(4) Гадаад иргэний бүртгэлд бүртгүүлэх, үнэмлэх авах

- Гадаад иргэний бүртгэлд бүртгүүлж үнэмлэх авахдаа харьяа Гадаадын иргэн, харьяатын асуудал эрхлэх албанд хандана.



Гадаадын иргэн, харьяатын асуудал эрхлэх алба (☎1345 дугаараас лавлах)

Байгууллага	Хаяг	Хамаарах бүс
◎ Сөүл-Кёнгү-Инчон		
Сөүлийн Гадаадын иргэн, харьяатын асуудал эрхлэх алба	Сөүл хот Янгчон дүүрэг Мугдунну 121	Сөүл хот Кёнгү мужийн Анянь, Гуачон, Соннам, Ханам, Гуаньмён хотууд
Сэйжунну дах төлөөлөгчийн газар	Сөүл хот Жунну дүүрэг Самиллу 12 Үнхёнгүн SK –ын байрны 2 давхар	Сөүл хот Жунну, Жүнгү, Эынпён, Дундэймүн, Жүнняян, Дубун, Сонбүг, Канбүг, Нувон дүүргүүд
Инчоны Гадаадын иргэн, харьяатын асуудал эрхлэх алба	Инчон хот Жүнгү дүүрэг Хандун 7-гийн 1-31	Инчон хот Кёнгү мужийн Ансан, Бүчон, Шихэн, Кимпо хотууд, Унжин сум
Сүвоны Гадаадын иргэн, харьяатын асуудал эрхлэх алба	Кёнгү муж Сүвон хот Ёнтун дүүрэг Ёнтун хороо 1012-6 дугаар байшин	Кёнгү мужийн Гүнпу, Ыван, Сүвон, Юунын, Усан, Ичон, Ансон, Хуасон, Гуанжү хотууд Яньпён сум, Ёжү сум
Пёнтэйг дэх төлөөлөгчийн газар	Кёнгү муж Пёнтэйг хот Шинжан дун Сан 5	Пёнтэйг боомт, Данжин боомт
Усан дах төлөөлөгчийн газар	Кёнгү муж Пёнтэйг хот Сунтан шуудангийн хайрцаг 3	Усаны цэргийн нисэх бааз
Ыжонбүгийн Гадаадын иргэн, харьяатын асуудал эрхлэх алба	Кёнгү муж Янжү хот Тогтэ хороо 467-2 дугаар байшин	Кёнгү мужийн Ыжонбү, Дундүчон, Гүри, Гуянь, Намяньжү, Пажү хотууд Яньжү, Ёнчон, Пүчон сумууд Канвон мужийн Чорвон сум

Байгууллага	Хаяг	Хамаарах бүс
☉ Канвон муж		
Чүнчоны Гадаадын иргэн, харьяатын асуудал эрхлэх алба	Канвон муж Чүнчон хот Дуннэй мён Саамни 6	Канвон муж, Кёнги мужийн Гапён сум
Дунхэй дэх төлөөлөгчийн газар	Канвон муж Дунхэй хот Чонгугдн 847 Дунжин байшингийн 4 давхар	Канвон мужийн Дунхэй, Каннын, Самчог, Тэйбэйг хотууд Жонсон сум
Сугчу дах төлөөлөгчийн газар	Канвон муж Сугчу хот Дунмён дун 53-3 Сугчугийн боомтын төв	Канвон муж Сугчу хот Янянь сум, Гусон сум
Гусон дах төлөөлөгчийн газар	Канвон муж Гусон сум Хённэй мён Мёнху ри 88	Өмнөд хойд Солонгост нэвтрэх цагаачийн алба
☉ Чүнбүг-Чүннам-Тэжон		
Чонжүгийн Гадаадын иргэн, харьяатын асуудал эрхлэх алба	Чүнчонбүг муж Чонжү хот Хэндог дүүрэг Сэйто 1-р гудамж 23	Чүнчонбүг муж
Тэжоны Гадаадын иргэн, харьяатын асуудал эрхлэх алба	Тэжон хот Жүнгү дүүрэг Мугдуны гудамж 150	Тэжон хот, Чүнчоннам мужийн Чүнбүг Ёндун сум, Угчон сум
Дэсан дах төлөөлөгчийн газар	Чүнчоннам муж Сосан хот Дэсан ыб Дэсан ри 197-8, Хансон байшин 3 давхар	Чүннам Сосан хот, Тэан сум, Хунсонь сум, Даньжин сум, Бурёнь боомт
☉ Жонбүг-Жоннам-Гуанжү		
Жонбүг-Жоннам Гуанжү	Жоллабүг муж Жонжү хот Хусон ру 213	Жоллабүг муж
Гүнсан дах төлөөлөгчийн газар	Жоллабүг муж Гүнсан муж Жанми дун 49-32	Жоллабүг мужийн Гүнсан хот, Жаньхан боомт
Ёсүгийн Гадаадын иргэн, харьяатын асуудал эрхлэх алба	Жолланам муж Ёсү хот Мүсон ру 267	Жолланам мужийн Ёсү, Сүнчон, Гуаньян хотууд
Гуаньян дах төлөөлөгчийн газар	Жолланам муж Гуаньян хот Жүндун 1359-5	Гуаньян боомт
Гуанжүгийн Гадаадын иргэн, харьяатын асуудал эрхлэх алба	Гуанжү хот Согү Хуажон ру 196	Гуанжү хот, Жолланам муж (Ёсү, Сүнчон, Гуаньян хотуудаас бусад)
Мугпу дах төлөөлөгчийн газар	Жолланам муж Мугпу хот Угам дун 982-2	Жолланам мужийн Мугпу хот, Уанду сум, Шинан сум, Мүан сум, Жинду сум, Ёнгам сум, Хэинам сум

Байгууллага	Хаяг	Хамаарах бүс
◎ Кёнбүг · Кённам·Тэгү·Үлсан		
Пүсаны Гадаадын иргэн, харьяатын асуудал эрхлэх алба	Пүсан хот Жүнгү Чүнжанну 14	Пүсан хот, Гижан сум, Кёнсаннам муж(Кимхэй, Янъсан, Мирянъ хотууд)
Үлсан дах төлөөлөгчийн газар	Үлсан хот Намгү Мэам дун 139-16	Үлсан хот, Үлжү сум
Тэгүгийн Гадаадын иргэн, харьяатын асуудал эрхлэх алба	Тэгү хот Дунгү Аншимну 117	Тэгү хот, Кёнсанбүг муж
Пухан дах төлөөлөгчийн газар	Кёнсанбүг муж Пухан хот Бүтгү Хангү дун 58-13	Кёнсанбүг мужийн Пухан хот, Үлжин сум, Ёндыог сум, Үллэн сум
Масаны Гадаадын иргэн, харьяатын асуудал эрхлэх алба	Кёнъсаннам муж Масан хот Хэ-анну 260	Кёнсаннам муж (Кимхэй, Янъсан, Мирян хотуудаас бусад)
Тунъён дах төлөөлөгчийн газар	Кёнсаннам муж Тунъён хот Дунху дун 17 1-10	Тунъён хот
Сачон дах төлөөлөгчийн газар	Кёнсаннам муж Сачон хот Дунгэм дун 44-5	Кёнсаннам мужийн Сачон хот, Намхэй сум, Хадун сум
Гожэ дах төлөөлөгчийн газар	Кёнсаннам муж Гожэ хотМажон дун 535-5	Кёнсаннам мужийн Гожэ хот
◎ Жэжү арал		
Жэжүгийн Гадаадын иргэн, харьяатын асуудал эрхлэх алба	Жэжү муж Жэжү хот Имхан ру 277	Жэжү муж



Гадаад иргэний үнэмлэх авах тухай зааварчилгаа

Гадаад иргэний үнэмлэх олгоход шаардагдах хугацаа нь тухайн Гадаадын иргэн, харьяатын асуудал эрхлэх албанаас хамаарч өөр байх ба ихэвчлэн 7-10 хоногийн дараа Гадаадын иргэн, харьяатын асуудал эрхлэх албан дээр өөрийн биеэр очиж авах юм уу гэртээ шуудангаар хүргүүлэн авч болдог. Шуудангаар хүлээн авахын тулд шуудангийн төлбөр(3,000 won)-ийг урьдчилан төлж шуудангаар хүлээж авахаар бүртгүүлдэг.

(5) Гадаад иргэний үнэмлэх

Гадаад иргэний үнэмлэх нь тухайн гадаад иргэний биеийн байцаалт болох учир заавал биедээ авч явах хэрэгтэй.

• Гадаад иргэний үнэмлэх дахин авах

Доорх тохиолдолд 14 хоногийн дотор харьяа Гадаадын иргэн, харьяатын асуудал эрхлэх албанд дахин авах хүсэлт гаргана.

- Гадаад иргэний үнэмлэхээ гээгдүүлсэн тохиолдолд
- Гадаад иргэний үнэмлэх нь хуучирч элэгдсэн тохиолдолд
- Нэмэлт тэмдэглэгээ хийх зайгүй болсон тохиолдолд
- Гадаад иргэний бүртгэлийн мэдээлэл(овог нэр, хүйс, төрсөн он сар өдөр, улсын харьяалал өөрчлөгдсөн тохиолдолд)



Бүрдүүлэх бичиг баримт

- Гадаад иргэний үнэмлэх дахин авах өргөдөл
- Үнэмлэхээ гээгдүүлсэн бол яагаад дахин авах гэж байгаа шалтгаанаа дурдсан бичиг(тусгайлсан загвар байхгүй бөгөөд хэрхэн гээгдүүлсэн тухайгаа тоочин бичсэн бичиг)
- Өнгөт зураг(3cm X 4cm) 1 ш
- Хураамж 10,000 won

• Гадаад иргэний үнэмлэх буцааж тушаах

Дараах тохиолдолд гадаад иргэний үнэмлэхийг буцааж тушаана.


Буцааж тушаах тохиолдол	Буцааж тушаах хугацаа	Хавсаргах бичиг баримт
БНСУ-с бүр мөсөн гарч явж байгаа тохиолдолд	Тус улсаас гарахдаа нисэх онгоцны буудал дээр хураалгана.	Байхгүй
БНСУ-н харьяат болох тохиолдолд	БНСУ-н харьяат болсоноос хойш 14 хоногийн дотор	БНСУ-н харьяат болсон тухай тодорхойлолт, гадаадын иргэний харьяаллаас гарсныг нотлох бичиг баримт
Нас барсан тохиолдолд	Нас барсан тухай мэдсэн өдрөөс хойш 14 хоногийн дотор, мөн нас барсан өдрөөс хойш 30 хоногийн дотор	Нас барсан тухай тодорхойлолт

3_Оршин суух хугацаа сунгах

(1) Оршин суух хугацаа сунгуулах шаардлагатай гадаадын иргэн ба сунгах хугацаа

Оршин суух хугацаанаасаа илүү хугацаагаар БНСУ-д амьдрах гэж буй гадаадын иргэн нь олгогдсон хугацаа дуусахаас наанадаж 2 сарын өмнө цаанадаж хугацаа дуусах сүүлчийн өдөр гэхэд оршин суух хугацаагаа сунгуулсан байх шаардлагатай. Зөвшөөрөгдсөн хугацаа хэтэрсний дараа сунгуулах юм бол торгууль оногддог. Зөвшөөрөгдсөн хугацаа дуусах сүүлчийн өдөр хугацаа сунгуулах хүсэлт гаргаж болох боловч хэт давчуу хугацаанд хүсэлт гаргаснаас болж хугацаа сунгаадаггүй бол хугацаа хэтэрсэн өдрөөс эхлэн хууль бус оршин суугч хэмээн тооцогдож ямар нэгэн байдлаар хохирол амсаж болох тул үүнийг сайтар бодолцох хэрэгтэй.

(2) Оршин суух хугацаа сунгах ажлын үе шат



(3) Бүрдүүлэх бичиг баримт

- Оршин суух хугацаа сунгуулах өргөдөл
- Паспорт, гадаад иргэний үнэмлэх(гадаад иргэний бүртгэл хийсэн тохиолдолд)
- Оршин суух зөвшөөрлийн ангилал тус бүрд хамаарах хавсралт бичиг баримт
- Хураамж 30,000 won

(4) Солонгос иргэнтэй гэр бүл бологч гадаадын иргэд

- Дээрх бичиг баримтууд дээр дараах баримтуудыг хавсаргана.
 - Гэр бүлийн Солонгос иргэний ургийн бичиг
 - Гэр бүлийн Солонгос иргэний иргэний бүртгэлийн лавлагааны хуулбар
 - Гэр бүлийн Солонгос иргэний батлан даалтын бичиг



Гэр бүлийн Солонгос иргэн нь ёс бус харьцах юм уу батлан даалт хийж өгөхөөс татгалзах зэрэг шалтгаанаар батлан даалтын бичиг авахад хүндрэл учрах юм бол ойрын Гадаадын иргэдэд үйлчлэх төв, Эмэгтэйчүүдэд зөвлөгөө өгөх газар, Олон соёлт гэр бүлийг дэмжих төвд хандаж туслалцаа авах боломжтой.

- Гэр бүлийн Солонгос иргэн нь ёс бус харьцсаны улмаас гэрлэлтээ цуцлуулах тохиолдолд, хэрвээ хоёр хүн хоорондоо зөвшилцөж гэрлэлтээ цуцлуулвал, хэний буруугаас болж салсныг тогтоох боломжгүй тул оршин суух хугацааг сунгаж өгөхгүй. Энэ талаар холбогдох мэргэжилтэнээс зөвлөгөө авах шаардлагатай.
- Солонгос иргэнтэй гэр бүл бологч нь гэр бүлээ цуцлуулахаар шүүхэд хандсан байгаа тохиолдолд шүүх үйл ажиллагаа дуусах хүртэл оршин суух хугацааг 1 удаа 3 сарын хугацаатайгаар сунгана.



4_Оршин суух зөвшөөрлийн ангилалыг солих

(1) Оршин суух зөвшөөрлийн ангилал солиулах шаардлагатай иргэн ба солиулах

БНСУ-д оршин сууж буй гадаадын иргэн одоогийн оршин сууж буй зөвшөөрлийн дагуу явуулж байсан үйл ажиллагаагаа зогсоож өөр ангилалд хамаарах үйл ажиллагаа явуулах гэж буй тохиолдолд тухайн үйл ажиллагааг явуулж эхлэхээс өмнө харьяа Гадаадын иргэн, харьяатын асуудал эрхлэх албанаас зөвшөөрөл авна.

- Түр хугацааны бизнесийн(С-2) визээр үйл ажиллагаа явуулж буй гадаадын иргэн БНСУ-д хөрөнгө оруулах гэж буй бол(Д-8)
- Хэлний бэлтгэл(Д-4)-ээ дууссаны дараа дээд сургуульд суралцах гэж байгаа бол(Д-2)
- БНСУ-д гэрлэлтээс бусад ангилалын зөвшөөрлөөр оршин сууж буй гадаадын иргэн Солонгос иргэнтэй гэр бүл болох гэж буй бол (F-2)

(2) Бүрдүүлэх бичиг баримт

- Оршин суух зөвшөөрлийн ангилалыг солиулах өргөдөл
- Паспорт ба гадаад иргэний үнэмлэх(гадаад иргэний бүртгэлд бүртгүүлсэн тохиолдолд)
- Оршин суух зөвшөөрлийн ангилал тус бүрт хамаарах нэмэлт бичиг баримт
- Хураамж 50.000 won

(3) Хариу олгох

Зөвшөөрөл олгогдвол паспортан дээр оршин суух зөвшөөрлийн ангилалыг сольсон тэмдэг(тамга) дарж гадаад иргэний үнэмлэх дээр зөвшөөрсөн тухай тэмдэглэгээ хийх ба зөвшөөрөөгүй тохиолдолд зөвшөөрөөгүй шалтгааныг мэдэглэнэ.

[illegible]

5_Оршин суух зөвшөөрлөөс гадуур үйл ажиллагаа эрхлэх

(1) Хамрагдах хүн ба хугацаа

90- ээс дээш хоногийн хугацаагаар оршин сууж(90 хоногийн түр хугацааны визтэй хүнд хамаарахгүй.) буй гадаадын иргэн нь оршин суух зөвшөөрлийн ангилалаа хэвээр хадгалан өөр ангилалд хамаатай үйл ажиллагаа эрхлэх гэж буй тохиолдолд тухайн үйл ажиллагааг эхлэхийн өмнө оршин суух зөвшөөрлөөс гадуур үйл ажиллагаа эрхлэх зөвшөөрлийг заавал авна.

- Сурах (D-2) визтэй оюутан сурахын зэрэгцээ цагийн ажил(S-3) хийх бол
- Шашны(D-6) үйл ажиллагаа явуулж буй хүн дээд сургуульд хичээл заах (E-1) гэж буй бол

(2) Бүрдүүлэх бичиг баримт

- Оршин суух зөвшөөрлийн ангилал солиулах өргөдөл
- Паспорт болон гадаад иргэний үнэмлэх(гадаад иргэний бүртгэлд бүртгүүлсэн тохиолдолд)
- Оршин суух зөвшөөрлийн ангилал тус бүрт хамаарах нэмэлт бичиг баримт
- Хураамж 50,000 вох(D-2 цагийн ажил болон F-2 статус нь 30,000 won)

(3) Хариу олгох

Зөвшөөрөл олгогдвол паспортан дээр оршин суух оршин суух зөвшөөрлийн ангилалыг өөрчилсөн тэмдэг дарж гадаад иргэний үнэмлэх дээр зөвшөөрсөн тухай тэмдэглэгээ хийх ба зөвшөөрөөгүй тохиолдолд зөвшөөрөөгүй шалтгааныг мэдэгдэнэ.



6_Гарах-Орох виз

(1) Хамрагдах хүн ба хугацаа

90-ээс дээш хоногийн хугацаатай оршин сууж буй гадаадын иргэн оршин суух хугацаандаа хилээр гарчихаад дахин орж ирэх үед харьяа Гадаадын иргэн, харьяатын асуудал эрхлэх албанаас Гарах-Орох виз авна.

- Хилээр гарч буй өдрөө нисэх буудал эсвэл боомтоос оршин суугаа хаягийн хамааралгүйгээр нэг удаагийн Гарах-Орох виз авч болно.
- Гарах-Орох виз авахгүйгээр хилээр гарах юм уу Гарах-Орох визийн хугацаанд орж ирэхгүй бол оршин суух эрх нь хүчингүй болдгыг анхаарах хэрэгтэй.

(2) Төрөл

- 1 удаагийн : 1 жилд зөвхөн 1 удаа дахин орж ирэх боломжтой.
- Олон удаагийн : 2 жилийн дотор 2-оос дээш удаа дахин орж ирэх боломжтой.

(3) Бүрдүүлэх бичиг баримт

- Гарах-Орох виз хүссэн өргөдөл
- Паспорт болон гадаад иргэний үнэмлэх(гадаад иргэний бүртгэлд бүртгүүлсэн тохиолдолд)
- Оршин суух зөвшөөрлийн ангилал тус бүрт хамаарах нэмэлт бичиг баримт
- Хураамж – 1 удаагийн : 30,000 won, олон удаагийн : 50,000 won

(4) Солонгос иргэнтэй гэр бүл бологч гадаадын иргэн

Солонгос иргэнтэй гэр бүр болсон гадаадын иргэн (F-2-1) оршин суухыг зөвшөөрсөн хугацааны хирээр олон удаагийн Гарах-Орох виз авч болно. Харин, Солонгос иргэнтэй гэрлэж оршин суух зөвшөөрөл авсан хэдий ч гэрлэлтээ цуцлуулахаар шүүхэд хандаад оршин суух хугацаа нь гурав гурван сараар сунгагдаж буй тохиолдолд зөвхөн нэг удаагийн Гарах-Орох виз олгогдоно.

(5) Гарах-Орох визийн хугацааг сунгах

Гарах-Орох виз аваад хилээр гарсан гадаадын иргэн нь зөвшөөрөгдсөн хугацааны дотор орж ирж чадахгүй тохиолдолд зөвшөөрөгдсөн хугацааны дотор тухайн улсад байгаа БНСУ-ын ЭСЯ буюу консулын газарт очиж сунгуулж болно.

7_Гадаадын иргэдийн заавал мэдүүлэх зүйлс

БНСУ-д оршин сууж буй гадаадын иргэд нь дараах тохиолдолд холбогдох газар заавал мэдэгдэх үүрэгтэй бөгөөд энэхүү үүргийг зөрчсөн тохиолдолд зохих хэмжээний торгууль шийтгэл оногдох ба тус улсад оршин суухад нь таагүй байдал үүсч болох учир анхаарах хэрэгтэй.

(1) Гадаад иргэний бүртгэлд өөрчлөлт орсон бол заавал мэдэгдэх үүрэгтэй.

- Хамрагдах хүн ба хугацаа

Гадаад иргэний бүртгэлд бүртгэлтэй гадаадын иргэн нь дараах тохиолдолд харгалзах өдрөөс 14 хоногийн дотор харьяа Гадаадын иргэн, харьяатын асуудал эрхлэх албанд бүртгэлтэй холбогдсон мэдээлэлд өөрчлөлт орсон тухай мэдэгдэнэ.

- Холбогдох мэдээлэл

- Овог нэр, хүйс, төрсөн он сар өдөр, улсын харьяалал өөрчлөгдөх тохиолдолд
- Паспортын дугаар, олгогдсон өдөр, хүчинтэй хугацаа өөрчлөгдсөн тохиолдолд
- Тухайн гадаад иргэний харьяалагддаг байгууллага өөрчлөгдөх юм уу нэр нь солигдох тохиолдолд



Бүрдүүлэх бичиг баримт

- Гадаад иргэний бүртгэлд өөрчлөлт орсон тухай бүртгэлийн анкет
- Паспорт болон гадаад иргэний үнэмлэх
- Өөрчлөлт орсныг нотлох бичиг

(2) Оршин суугаа хаяг өөрчлөгдсөн бол заавал мэдэгдэх үүрэгтэй.

- Хамрагдах хүн ба хугацаа

Гадаад иргэний бүртгэлд бүртгэлтэй гадаадын иргэн нь байраа солих зэрэг шалтгаанаар оршин суугаа хаяг нь өөрчлөгдсөн тохиолдолд шинэ газарт нүүж очсон өдрөөс 14 хоногийн дотор шинээр оршин суух газрын хот, сум, дүүргийн засаг дарга юм уу шинээр оршин суух газрыг хамаарах Гадаадын иргэн, харьяатын асуудал эрхлэх албанд мэдэгдэнэ.



Бүрдүүлэх бичиг баримт

- Оршин суугаа хаягт өөрчлөлт орсон тухай бүртгэлийн анкет
- Паспорт болон гадаад иргэний үнэмлэх

2» Байнга оршин суух эрх авах

Дараах иргэд харьяа Гадаадын иргэн, харьяатын асуудал эрхлэх албанд байнга оршин суух эрх авахаар хүсэлт гаргах эрхтэй бөгөөд хүсэлт гаргахдаа өөрийн оршин суух зөвшөөрлийн ангилалын дагуу шаардлагатай бичиг баримтыг бүрдүүлж өгнө.

1_Хамрагдах хүн

- ① 5-аас дээш жил БНСУ-д оршин сууж буй хүн
- ② Солонгос иргэнтэй гэрлэсэн эсвэл байнга оршин суух эрх бүхий хүний гэр бүл болон насанд хүрээгүй хүүхэд
- ③ 50 мянган ам.доллараас дээш хэмжээний хөрөнгө оруулалт хийсэн гадаадын иргэн
- ④ Гадаадын иргэний харьяалалтай уугуул Солонгос иргэн
- ⑤ БНСУ-д төрж өссөн хятад иргэн
- ⑥ Дэвшилтэт үйлдвэрлэлийн салбарын доктрын зэрэг эзэмшсэн хүн
- ⑦ Дэвшилтэт үйлдвэрлэлийн салбарын баклаврын зэрэг эзэмшсэн болон мэргэжлийн үнэмлэхтэй хүн
- ⑧ Тусгай салбарт ажиллах ур чадвар эзэмшсэн хүн
- ⑨ БНСУ-ын төлөө гарамгай гавъяа байгуулсан хүн
- ⑩ Тэтгэврийн хүн



2_Солонгос иргэнтэй гэр бүл бологч гадаадын иргэн

Солонгос иргэнтэй гэр бүл бологч нь Солонгос улсад 2-оос дээш жил амьдарч доор заасан нөхцлийг хангасан тохиолдолд тус улсад оршин суух зөвшөөрлийн ангилалыг солиулах хүсэлт гарган байнгын оршин суух эрх авч болно.

(1) Хамрагдах хүн

- Солонгос эхнэр буюу нөхөртэйгөө гэрлэлтийн байдлаа хэвээр хадгалж байгаа бол
- Солонгос эхнэр буюу нөхөр нь нас барсан юм уу шүүхээс сураггүй алга болсныг мэдэгдсэн бол
- Тухайн гадаадын иргэн нь Солонгос эхнэр буюу нөхөртэйгөө гэрлэлтээ цуцлуулсан эсвэл тусдаа амьдарч байгаа бол, үүнд тухайн гадаад иргэн буруугүйг нотлох боломжтой тохиолдолд
- Гэрлэлтээ цуцлуулсан эсвэл тусдаа амьдарч байгаа гэдгээс хамаарахгүйгээр, БНСУ-ын иргэний харьяалалтай насанд хүрээгүй хүүхдийг өсгөж тэжээж байгаа бол

(2) Байнга орших суух эрх авахад шаардлагатай бичиг баримт

- Оршин суух зөвшөөрлийн ангилалыг солиулах тухай өргөдөл(F-2 --->F-5)
- Паспорт болон гадаад иргэний үнэмлэх
- Гэр бүлийн Солонгос иргэний ургийн бичиг, иргэний бүртгэлийн лавлагааны хуулбар
 - ※ Гэр бүлийн Солонгос иргэн нь сураггүй алга болсон тохиолдолд сураггүй алга болсон тухай шүүхийн шийдвэр, нас барсан тохиолдолд нас барсан тухай тодорхойлолт, гэр бүлийн Солонгос иргэнтэй гэр бүлээ цуцлуулсан юм уу тусдаа амьдарч байгаа бол гэр бүлийн Солонгос иргэнд хариуцлага хүлээгдэнэ гэдгийг нотлох шүүхийн шийдвэр
- Эд хөрөнгөтэй холбоотой бичиг баримт(дараах баримтын аль нэг)
 - Өөрийн эсвэл хамт амьдардаг гэр бүлийнхний нэр дээр дансандаа 30 саяаас дээш вонтой гэсэн банкны тодорхойлолт
 - Үл хөдлөх хөрөнгийн гэрчилгээ эсвэл барьцаат түрээсийн гэрээний хуулбар
 - Өөрийн юм уу гэр бүлийн хүний ажлын газрын тодорхойлолт гэх мэт тогтмол орлоготой болохыг нотлох баримт
- Батлан даалтын бичиг
 - ※ Гэр бүлийн Солонгос иргэнээс өөр хүн ч бас батлан даалт гаргаж болдог. Харин батлан даалт гаргагч нь баталгаа гаргах чадвартайгаа нотлох ажлын газрын тодорхойлолт, татвар төлсөн баримт, хөрөнгийн татвар төлсөн баримттай байна.
- Хураамж 50,000 вон

(3) Байнга оршин суух эрх авсны давуу тал


- Өөрийн улсын харьяаллаас гарахгүй байж болно.
- Гэр бүлийн Солонгос иргэнтэй гэр бүлээ цуцлуулсан ч гэсэн байнга оршин суух эрх нь хүчинтэй үлдэнэ.
- Байнга оршин суух эрх авсан өдрөөс 3 жилийн дараа харьяа орон нутгийн сонгуулд оролцож болно.
- Солонгосын хилээр гарсан өдрөөс 1 жилийн дотор дахин орж ирэх тохиолдолд Гарах-Орох виз авах шаардлагагүй.

3_Байнга оршин суух эрх хүчингүй болох

Байнга оршин суух эрхтэй хэдий ч дараах тохиолдолд байнгын оршин суух эрх нь цуцлагдана.

- Дахин орох зөвшөөрлийн хугацаан дотор орж ирээгүй хүн
- Эрүүгийн хуулинд заасан төрийн эсрэг гэмт хэрэг, улсын тусгаар тогтнол аюулгүй байдалд заналхийлсэн гэмт хэрэг үйлдсэн хүн
- Хүн амины хэрэг, дээрэм, хар тамхины хэрэг, улсын аюулгүй байдлын эсрэг гэмт хэрэг, хүчин, бэлгийн хүчирхийлэл, хүчээр дарамтлан доромжлох зэрэг хэрэг үйлдсэн хүн
- Хуурамч, шудрага бус аргаар байнга оршин суух эрх авсан хүн
- Хуурамчаар гэрлэсэн нь нотлогдсон хүн
- Хуурамч паспорт буюу өөр хүний паспортоор Солонгост орж ирсэн хүн

※ Хуурамч гэрлэлт гэдэг нь ханилан сууж амьдрах зорилгогүйгээр гэрлэлт бүртгүүлэхийг хэлэх ба эрүүгийн хуулийн зүйл ангийн дагуу шийтгэл хүлээнэ. Солонгос иргэнтэй танилцахдаа мөнгө өгсөн төдийгөөр хуурамч гэрлэлт гэж үзэхгүй.



3» БНСУ-ын харьяат болох

1_БНСУ-ын харьяат болох нөхцөл

Дараах шаардлагыг хангасан иргэд харьяа Гадаадын иргэн, харьяатын асуудал эрхлэх албанд БНСУ-ын харьяат болох хүсэлт гаргаж болно.

- БНСУ-ын харьяат болохын тулд маш нарийн нөхцөл шаардлагыг хангасан байх ёстой учир дор дурдсан шаардлагыг хангасан тохиолдолд ч гэсэн мэргэжлийн хүнээс зөвлөгөө авсны дараа холбогдох бичиг баримтыг бүрдүүлэх хэрэгтэйг анхаарна уу.

① Солонгост 5-аас дээш жил оршин суусан бол

② Эцэг эсвэл эх нь БНСУ-н харьяат байсан юм уу эцэг эх нь БНСУ-д төрсөн, мөн өөрөө БНСУ-д төрж мэндэлсэн гадаадын иргэн 3-аас дээш жилийн хугацаатайгаар байнга оршин суусан бол

③ БНСУ-н иргэнтэй гэр бүл болж 2-оос дээш жилийн хугацаатайгаар байнга оршин суусан бол

④ Эцэг эсвэл эх нь БНСУ-н харьяат бол

※ Эцэг эсвэл эх нь БНСУ-ын харьяат болсон бол түүний хүүхэд нас, гэрлэлтийн байдал, Солонгост оршин суусан хугацаанаас хамааралгүйгээр БНСУ-ын харьяат болох тусгай хүсэлт гаргаж болно.

⑤ БНСУ-ын төлөө гарамгай гавьяа байгуулсан бол

2_Солонгос иргэнтэй гэр бүл бологч гадаадын иргэн

(1) Тавигдах нөхцөл

- Солонгос улсад нэвтрэн орж ирээд гадаад иргэний бүртгэлд бүртгүүлснээс хойш тус улсад 2-оос дээш жил хууль ёсоор оршин суусан бол
- Гэрлээд 3-аас дээш жил болж байгаа ба Солонгос улсад 1-ээс дээш жил оршин суусан бол
- Солонгос иргэнтэй гэрлэсэн байх үед гэр бүлийн Солонгос иргэн нь нас барсан, ор сураггүй алга болсон, мөн өөрийн буруугүй хирнээ гэр бүлийн хэвийн амьдралаар амьдрахад бэрхшээлтэй байсан гадаад иргэн 2-оос дээш жил Солонгос улсад тодорхой хаягтайгаар оршин суусан бол
- БНСУ-ын иргэний харьяалалтай насанд хүрээгүй хүүхдийг өсгөж тэжээж байгаа юм уу өсгөн тэжээх шаардлагатай бол

(2) Бүрдүүлэх бичиг баримт

- БНСУ-ын харьяат болохыг хүссэн өргөдөл (өнгөт зураг 4см X 5см 1-ийг наана.)
※ Өргөдлийг бөглөсний дараа эхний хуудсыг 1 хувь хуулбарлан өргөдөлд хавсаргана.
- БНСУ-ын харьяат болохыг хүссэн мэдүүлэг
- Батлан даалтын бичиг(зургаа наана.)
- Паспортын хуулбар
- Гэр бүлийн Солонгос иргэний ургийн бичиг, иргэний бүртгэлийн лавлагааны хуулбар
- Өөрөө эсвэл гэр бүл нь эдийн засгийн хувьд биеээ даасан гэдгийг батлах баримт
 - Өөрийн эсвэл хамт амьдардаг гэр бүлийнхний нэр дээр дансандаа 30 саяаас дээш вонтой гэсэн банкны тодорхойлолт
 - Үл хөдлөх хөрөнгийн гэрчилгээ юм уу барьцаат түрээсийн гэрээний хуулбар
 - Өөрийн юм уу гэр бүлийн хүний ажлын газрын тодорхойлолт зэрэг тогтмол орлоготой болохыг батлах баримт
- Гэр бүлийн Солонгос иргэнтэй гэр бүлийн харьцаагаа тасалсан тохиолдолд үүнийг батлах баримт
※ Гэр бүлийн Солонгос иргэн нь ор сураггүй алга болсон тохиолдолд сураггүй алга болсон тухай шүүхийн шийдвэр, нас барсан тохиолдолд нас барсан тодорхойлолт, гэр бүлийн Солонгос иргэнтэй гэр бүлээ цуцлуулсан эсвэл тусдаа амьдарч байгаа тохиолдолд гэр бүлийн хүнд нь хариуцлага хүлээгдэнэ гэсэн шүүхийн шийдвэр гэх мэт



Гэр бүлээ цуцлуулсан юм уу тусдаа амьдрах болсон нь Солонгос иргэнтэй гэрлэсэн гадаадын иргэнээс шалтгаалаагүй тохиолдолд тухайн гадаадын иргэн нь оршин суух хугацаагаа сунгах, байнга оршин суух эрх хүсэх, БНСУ-ын харьяат болохыг хүсэх үедээ нэмэлт бичиг баримт бүрдүүлэх шаардлагатай болдог ба тэдгээрийг доор дурдав. (2-оос доошгүйг бүрдүүлэх шаардлагатай.)

- Эрүүгийн шүүхийн шийдвэр эсвэл гэр бүлээ цуцлуулсан тухай шүүхийн шийдвэр(гэр бүлээ цуцлуулсан тухай шүүхийн шийдвэрт нөхөр нь буруутай болохыг тодорхойлсон байх)
- Гэр бүлийн хүн нь хүчирхийлсэн хэргээр шүүхэд хандсан тохиолдолд: Прокуророос хэргийг хүчингүйд тооцсон шийдвэр(ялыг түдгэлзүүлэх юм уу ял тулгах эрхгүй)
- Гэр бүлийн хүн нь зодсон тохиолдолд: Эмнэлгийн тодорхойлолт(нөхөртөө зодуулсан гэдэг нь тэмдэглэгдсэн байх), шархдаж гэмтсэн зураг г.м
- Гэр бүлийн хүн нь эдийн засгийн чадваргүй болсон тохиолдолд: Гэр бүлийн хүн нь дампуурсан тухай холбогдох шийдвэр
- Гэр бүлийн хүнээ хаана байгааг мэдэхгүй тохиолдолд: Нөхөр нь гэрээ орхиж явсан тухай цагдаагийн газарт мэдэгдсэн бичиг г.м
- Гэр бүлийн хүнийх нь эцэг эхийн талын хамаатны бичсэн гэр бүлийн харьцаагаа тасалсан шалтгааныг тайлбарласан бичиг
- Гэр бүлийн харьцаа таслагдах үед амьдарч байсан хороо(баг)-ны даргын үйлдсэн гэр бүлийн харьцаагаа таслах болсон шалтгаан нь гэр бүлийн хүнд нь байгааг тайлбарлан бичсэн тодорхойлолт(гэр бүлийн харьцаагаа таслах болсон шалтгаан, үйл явцыг дэлгэрэнгүй тайлбарласан байх)
- Дээрх зүйлүүдэд хамаарах бусад бичиг баримт: ‘Наториатаар баталгаажуулсан эмэгтэйчүүдийн байгууллагын тодорхойлолт’ гэх мэт.



Мэдэхэд илүүдэхгүй

Гэр бүлийн Солонгос иргэний ёс бус харьцааны улмаас гэр бүлийн харьцаагаа үргэлжлүүлэхэд хүндрэлтэй болсон тохиолдолд гэр бүлээ цуцлуулаагүй хэдий ч тухайн байдал нь гадаадын иргэнээс шалтгаалаагүй гэдгийг батлаж чадах юм бол БНСУ-ын харьяат болох боломжтой тул холбогдох мэргэжилтнээс зөвлөгөө авч шийдвэрлэх нь зүйтэй юм.

- Солонгос эхнэр болон нөхөртэйгөө гэр бүлийн харьцаагаа тасалснаас хойш БНСУ-ын иргэний харьяалалтай насанд хүрээгүй хүүхдийг өсгөж тэжээж байгаа болон өсгөн тэжээх хүүхдийнхээ ургийн бичиг, хүүхдээ өсгөн тэжээж байгаа, эсвэл өсгөн тэжээх шаардлагатайг нотлох бичиг баримт
- Хураамж 100,000 вон

(3) БНСУ-ын харьяалал олгох ажлын үе шат

① БНСУ-ын харьяалал хүсэх өргөдөл ба бүрдүүлэх бичиг баримт

БНСУ-ын харьяат болохыг хүссэн өргөдлийг Харьяатын асуудал эрхэлсэн Гадаадын иргэн, харьяатын асуудал эрхлэх албан дээр хүлээн авна. Өргөдөл гаргахдаа гэр бүлийн Солонгосын иргэний хамтаар оршин суугаа бүсийг хариуцсан Гадаадын иргэн, харьяатын асуудал эрхлэх албанд хандана.

② Харьяат болох шаардлага хангасан эсэхийг судалж шалгах, ярилцлага авах

- Хүсэлт гаргасны дараа ярилцлаганд дуудах хүртэл нэг жил гаруй хугацаа шаардагдана. Энэ хугацаанд бичиг баримтын, гэр болон ажлын байран дах шалгалт зэрэг үе шаттай шалгалт үзлэгүүд үргэлжилнэ.
- Ярилцлага хийх өдрөөс 2~4 долоо хоногийн өмнө мэдэгдэх хуудас илгээдэг учир хүсэлт гаргаснаас хойш оршин суугаа хаяганд өөрчлөлт орсон бол харьяа Гадаадын иргэн, харьяатын асуудал эрхлэх албад өөрчлөлт орсон тухай мэдэгдэнэ.
- Солонгос иргэнтэй гэр бүл болсон гадаадын иргэн нь бичгийн шалгалтаас чөлөөлөгдөх бөгөөд ярилцлаганы үеэр Солонгос хэлний түвшин, БНСУ-н иргэний хувьд эзэмшсэн байх ёстой үндсэн суурь мэдлэгийг шалгаж тогтооно.
- Ярилцлаганд тэнцээгүй тохиолдолд дахин 2 удаа ярилцлага-шалгалт өгч болно.

③ БНСУ-ын харьяат болохыг зөвшөөрөх

- Хууль Зүйн Яамны сайдын БНСУ-ын харьяалал олгох тухай зөвшөөрсөн мэдэгдэл хүлээж авсны дараа ургийн бүртгэлд заавал бүртгүүлж, гадаадын иргэний харьяатаас гаран, БНСУ-ын иргэний бүртгэлд бүртгүүлж, гадаад иргэний үнэмлэхийг буцааж тушаана.

④ Ургийн бүртгэл

- БНСУ-ын харьяат болохыг зөвшөөрсөн мэдэгдэл хүлээж авсан өдрөөс хойш 1 сарын дотор мэдэгдэх хуудсан дээр заасан ургийн бүртгэлийн газар (хот-дүүргийн тамгын газар буюу баг-тосгоны хороо) очиж ургийн бүртгэлд бүртгүүлнэ.
- Ургийн бүртгэлд бүртгүүлэхдээ БНСУ-ын харьяат болохыг зөвшөөрсөн бичиг болон гадаад иргэний үнэмлэхийг заавал авч очино.

⑤ Гадаадын иргэний харьяатаас гарах

- БНСУ-ын харьяат болохыг зөвшөөрсөн мэдэгдэл хүлээн авсан өдрөөс хойш 6 сарын дотор өөрийн орны ЭСЯ буюу Консулын газарт очиж иргэний харьяатаас гарах өргөдөл гаргана. Дээрх газраас олгосон гадаадын иргэний харьяатаас гарсан тухай тодорхойлолтыг Гадаадын иргэн, харьяатын асуудал эрхлэх албаны харьяатын асуудал эрхлэсэн ажилтанд өгсний дараа гадаадын иргэний харьяатаас гарсан тухай тодорхойлолт гаргуулж авна.
- Заасан хугацааны дотор гадаадын иргэний харьяатаас гарсан тухай тодорхойлолтыг гаргуулан авч чадахгүй бол БНСУ-ын харьяалал нь автоматаар цуцлагдана.
- Солонгос улсад тухайн орны ЭСЯ байхгүй юм уу өөрийн улсын холбогдох хуулийн дагуу иргэний харьяатаас гарсан тухай тодорхойлолт авах боломжгүй тохиолдолд Гадаадын иргэн, харьяатын асуудал эрхлэх албанд гадаадын иргэний харьяатаас гарах тухай амлалт бичиг өгөн, гадаадын иргэний харьяаллаас гарахыг түр хойшлуулсан тухай тодорхойлолт гаргуулан авч Солонгос улсын иргэний бүртгэлд бүртгүүлнэ.

⑥ Иргэний бүртгэл

- БНСУ-ын харьяалал олгох зөвшөөрөл, ургийн бичиг, гадаадын иргэний харьяатаас гарсан тухай тодорхойлолтоо харьяа баг-тосгон-хорооны иргэдэд үйлчлэх төв дээр авч очин иргэний бүртгэлд бүртгүүлж БНСУ-ын иргэний үнэмлэх авна.

⑦ Гадаад иргэний үнэмлэхээ буцаан тушаах

- Иргэний бүртгэл хийгдсэнээс хойш 14 хоногийн дотор Гадаадын иргэн, харьяатын асуудал эрхлэх албан дээр БНСУ-ын харьяалал олгох зөвшөөрөл, ургийн бичиг, иргэний үнэмлэх зэргийг гадаад иргэний үнэмлэхтэйгээ авч очоод гадаад иргэний үнэмлэхээ тушаана.

(4) Иргэний үнэмлэх авах.

БНСУ-ын харьяат болж иргэний бүртгэлд хамрагдсны дараа Солонгос улсын иргэний үнэмлэх авдаг. Тус иргэний үнэмлэх нь Солонгос улсын иргэн гэдгийг нотлох баримт болдог. Засаг захиргааны байгууллагад төрөл бүрийн өргөдөл хүсэлт гаргах, бүртгэл хийлгэх, бичиг баримт гаргуулан авах зэрэг тохиолдолд шаардлагатай болдог.



Иргэнийхээ үнэмлэхийг бусдад хэрэглүүлэх, бүртгэлийн дугаараа бусдад зааж өгөх нь гэмт хэрэгт ашиглагдах эрсдлийг дагуулдаг гэдгийг анхаарах хэрэгтэй.

- **Иргэний үнэмлэх дахиж авах**

Иргэний үнэмлэхээ гээгдүүлсэн бол 1 хувь зураг(сүүлийн 6 сарын дотор авхуулсан 3cm×4cm хэмжээтэй зураг) -аа харьяа баг-тосгон-хорооны иргэдэд үйлчлэх албанд өгч өргөдөл гаргана.

- **Нүүсэн тохиолдолд**

Нүүснээс хойш 14 хоногийн дотор шинээр нүүж очсон газрын баг-тосгон-хорооны иргэдэд үйлчлэх албанд бүртгүүлнэ.



Амьдарч буй газартаа бүртгүүлэхгүй бол иргэний бүртгэлд хамаарагдахгүй болж иргэний бүртгэл нь цуцлагддаг болохыг анхаарах хэрэгтэй.

3_Солонгосын нийгэмд дасан зохицоход туслах сургалт хөтөлбөр

“Солонгосын нийгэмд дасан зохицоход туслах сургалт хөтөлбөр” нь гадаадын цагаач иргэдэд стандарт Солонгос хэл, Солонгосын нийгмийн тухай ойлголт өгөх сургалт бөгөөд Хууль Зүйн Яамны сайдын итгэмжилсэн байгууллагуудаас зохион явуулдаг тус сургалтанд сурч төгссөн гадаадын цагаач иргэнд БНСУ-н харьяат болохоор хүсэлт гаргах үед нь хөнгөлөлт үзүүлдэг.

- Сургалтын зорилго : Гадаадын цагаач иргэд Солонгосын нийгэмд хурдан дасан зохицох, тогтвор суурьшлаа олоход туслах
- Сургалтын сэдэв : ① Солонгос хэлний сургалт ② Солонгосын нийгмийн тухай ойлголт өгөх сургалт
- Сургалтын цаг: Хүн тус бүр доод тал нь 50 ~ дээд тал нь 450 цаг
 - ‘Солонгос хэл’-ний сургалт дээд тал нь 400 цаг + ‘Солонгосын нийгмийн тухай ойлголт’ сургалт нь 50 цаг
 - Сургалтын хугацаа : ‘Солонгос хэл’-ний сургалт нь жилд 2 удаа, ‘Солонгосын нийгмийн тухай ойлголт’ сургалт нь жилд 3 удаа
- ※ Солонгос хэлний мэдлэгийн түвшингээс хамаарч суралцах хугацаа нь харилцан ялгаатай байх ба Солонгосын иргэнтэй гэр бүл болсон гадаадын иргэн нь Солонгос хэлний сургалтын 3-4-р шатаас чөлөөлөгдөнө. (“Солонгосын нийгэмд дасан зохицоход туслах сургалт хөтөлбөр”-ийн төлөвлөгөөтэй танилцна уу.)
- Сургалт зохион байгуулагч газрууд: ‘09 онд 20-н байгууллага(бүс нутаг бүрт 1, хот суурин газарт 2~3-н байгууллага)
- Сургалтанд хамрагдагсад үзүүлэх хөнгөлөлт
 - Солонгос иргэнтэй гэр бүл болсон гадаадын иргэн: БНСУ-ын харьяат болгох тухай асуудалд дүгнэлт гаргах хугацаа богиносгох, ярилцлагын үед сургалтанд хамрагдсан байдлыг харгалзан үзэх зэрэг хөнгөлөлтүүд байна.
 - Иргэний харьяатын зөвшөөрөл хүссэн энгийн иргэн: БНСУ-ын харьяат болгох тухай асуудлыг хэлэлцэх үеийн бичгийн шалгалтаас чөлөөлөх, тухайн асуудалд дүгнэлт гаргах хугацаа богиносгох, ярилцлагын үед сургалтанд хамрагдсан байдлыг харгалзан үзэх зэрэг хөнгөлөлтүүд байна.
- ※ Хөтөлбөрт оролцогчийн хүсэлтээр сургалтын явцад төрөл бүрийн зөвлөгөө өгдөг.



Солонгосын нийгэмд дасан зохицоход туслах сургалт хөтөлбөрийн төлөвлөгөө

Ангилал		1-р шат	2-р шат	3-р шат	4-р шат	5-р шат
Солонгос хэлний сургалт		Анхан шат 1	Анхан шат 2	Дунд шат 1	Дунд шат 2	Гүнзгий шат
Сургалтын цаг		100цаг	100цаг	100цаг	100цаг	Чөлөөлөгдөнө
Солонгосын нийгмийн тухай ойлголт						Ерөнхий сургалт (50 цаг)
Суурь мэдлэгийг урьдчилан дүгнэх оноо	Солонгос иргэнтэй гэр бүл бологч	29-өөс доош	30~49 оноо	-	-	50~100 оноо
	Энгийн цагаач	29-өөс доош	30~49 оноо	50~69 оноо	70~89 оноо	90~100 оноо

Солонгосын нийгэмд дасан зохицоход туслах сургалт хөтөлбөрийг хэрэгжүүлэх байгууллага (*09 он)

Бүс	Байгууллагын нэр	Утас	Хаяг
Сөүл	Сөүлийн Боловсролын Их Сургууль (Олон үндэстний соёл, боловсролын хүрээлэн)	02-3475-2324	Сөүл хот Сочу дүүрэг Сочу 1 хороо 1650 Сөүлийн Боловсролын Их Сургууль
	Түндэмүн дүүргийн Олон соёлт гэр бүлийг дэмжих төв	02-957-1073	Сөүл хот Түндэмүн дүүрэг Хвэги хороо 1 Кёнхи Их Сургууль
	Хуйвоны Нийгмийн халамжийн нэгдсэн төв	02-837-0761	Сөүл хот Гүру дүүрэг Гүрубун хороо 476-134
Кёнги	Сүвон хотын Олон соёлт гэр бүлийг дэмжих төв	031-257-8504	Кёнги муж Сүвон хот Палдаль дүүрэг Хуасо хороо 102-1
	Олон үндэстний соёлын сүлжээ (Пучоны Олон соёлт гэр бүлийг дэмжих төв)	031-544-0611	Кёнги муж Пучон хот Сүхэл ыб Сунү ри 191-5
	Ансан хотын Гадаад иргэдийн төв	031-481-3297	Кёнги муж Ансан хот Данвон дүүрэг Шинчон гудамж 67
Инчон	Инчон хотын Намгү дүүргийн Олон соёлт гэр бүлийг дэмжих төв	032-440-6545	Инчон хот Намгү дүүрэг Эмэгтэйчүүдийн нийгэмлэг гудамж 16
Пүсан (Үлсан)	Дунэи Их Сургууль (Пүсаны Олон үндэстний цагаачлалын төв)	051-890-1038	Пүсан хот Пүсанжин дүүрэг Омгуан гудамж 995
	Пүсан хотын Ёнду дүүргийн тамгын газар	051-419-4631	Пүсан хот Ёндн дүүрэг Тэжун гудамж 1151

Бүс	Байгууллагын нэр	Утас	Хаяг
Тэгү	Бид нэг гэр бүл-Хайр төв	053-553-2780	Тэгү хот Дунгү дүүрэг Шинчон 4-р хороо 285-23
Кёнбүг	Гүми хотын Олон соёлт гэр бүлийг дэмжих төв (Аз жаргалтай гэр бүл болохын төлөө)	054-464-0545	Кёнбүг муж Гүми хот Хёнуг хороо 314-3
Кённам	Жинжү Боловсролын Их Сургууль (Олон соёлт гэр бүл судлалын хүрээлэн)	055-740-1209	Кённам муж Жинжү хот Шинан хороо 380
Гуанжү	Гуанжүгийн Бүтгү дүүрэг Олон соёлт гэр бүлийг дэмжих төв	062-363-2963	Гуанжү хот Бүтгү дүүрэг Үсан хороо Дунмүн гудамж 3 3 давхар
Жоннам	Жансон сумын Олон соёлт гэр бүлийг дэмжих төв	062-944-9225	Жоннам муж Жансон сум Жансон ыб Ёнчон ри 1083-9
Жонбүг	Уанжү сумын Олон соёлт гэр бүлийг дэмжих төв (Үсог Их Сургууль)	063-290-1036	Жонбүг муж Уанжүн сум Самнэй ыб Самнэй гудамж Хүжон ри 409 Үсог Их Сургууль
Тэжон	Мугвон Их Сургууль (Олон үндэстний нийгэм - сургалт, судалгааны төв)	042-829-7288	Тэжон хот Согү дүүрэг Мугвон гудамж 21 Мугвон Их Сургууль
Чүннам	Санмён Их Сургууль(Солонгос хэл, соёлын хүрээлэн)	041-550-5391	Чүннам муж Чонан хот Дуннам дүүрэг Ансо хороо уулын 92 Санмён Их Сургууль
Чүнбүг	Чүнбүг мужийн Эмэгтэйчүүдийн байгууллагуудын зөвлөл	043-223-5253	Чүнбүг муж Чонжү хот Сандан дүүрэг Бүгмүн гудамж 2 га 16-4 Гижон байшин 2 давхар
Канвон	Канвон Их Сургууль(Солонгос хэл, соёлын хүрээлэн)	033-250-8137	Канвон муж Чүнчон хот Канвон дээд сургуулийн гудамж 1 Канвон Их Сургууль
Жэжү	Жэжүгийн Гадаадын цагаач иргэдийн төв	064-712-1140	Жэжү хот Нухён хороо Гуавон 3-р гудамж 47 тоот Энхэй байшин 6 давхар

4» Солонгос иргэнтэй гэр бүл болсон гадаадын иргэн эцэг эх, төрөл төрөгсөдөө урих


Солонгосын иргэнтэй гэр бүл болсон гадаадын иргэн эцэг эх, төрөл төрөгсөдөө урих гэж буй бол БНСУ-д зорчих гэж буй эцэг эх болон төрөл төрөгсөд нь өөрийн улс дахь БНСУ-ын ЭСЯ болон Консулын газарт хандана. Тухайн улс оронд байгаа БНСУ-ын ЭСЯ, Консулын газрын үйл ажиллагаас хамаарч виз мэдүүлэгчийн бүрдүүлэх шаардлагатай бичиг баримт, урих боломжтой хүмүүс зэрэг нь өөр өөр байж болно. Тодорхой мэдээллийг тухайн улс оронд суугаа БНСУ-ын ЭСЯ, Консулын газраас лавлах нь зүйтэй юм.

Гадаад дахь дипломат төлөөлөгчийн газар	Утас
БНХАУ-ын Гуанжоү дэх Консулын газар	86-20)3887-0555
Тайланд улс дахь ЭСЯ	66-2)247-7537
Вьетнам улс дахь ЭСЯ(Ханой)	84-4)3831-5110
Вьетнам улсын Хошимин хот дахь	84-8) 3822-5757
Консулын газар	84-8)3822-5757
Монгол улс дахь ЭСЯ	976-11)32-1548
Филлипин улс дахь ЭСЯ	63-2)811-6139
Индонез улс дахь ЭСЯ	62-21)520-1915
Камбож улс дахь ЭСЯ	855-23)211-900/3
Бангладеш улс дахь ЭСЯ	8802)881-2088



Memo





БНСУ-д
ажиллаж, амьдарч
байгаа гадаадын
иргэдэд зориулсан
гарын авлага

IV

Солонгосчуудын аж амьдрал ба ахуй соёл


- | | | | |
|----|--|-----|-------------------------------------|
| 54 | Гэр бүл, аж амьдрал, ахуй соёл | 93 | Хадгаламж ба банкаар үйлчлүүлэх |
| 54 | Солонгос гэр бүлийн онцлог | 97 | Тээврийн хэрэгсэл |
| 55 | Хэлний соёл | 97 | Автобус |
| 60 | Гэр бүлийн амьдралд дурсаж тэмдэглэж байх өдөр | 100 | Метро |
| 64 | Хоол хүнс | 104 | Такси |
| 64 | Өдөр тутамд иддэг хоол | 105 | Хувийн авто машин |
| 65 | Солонгосын үндсэн хоол | 107 | Галт тэрэг |
| 71 | Амтлагч | 110 | Агаарын тээвэр |
| 73 | Орон байр | 112 | Олон нийтийн байгууллага |
| 73 | Байр хөлслөх | 112 | Засаг захиргааны байгууллага |
| 77 | Цахилгаан | 112 | Цагдаагийн газар |
| 78 | Ус | 113 | Гал команд |
| 78 | Газ | 113 | Шуудан |
| 80 | Халаалт | 114 | Номын сан |
| 81 | Утас, кабелийн телевиз, интернэт | 115 | Нийтийн |
| 86 | Хог хаягдал ангилан ялгах | 115 | Үсчин |
| 88 | Эдийн засгийн хэмнэлттэй зарцуулалт | 115 | Эмэгтэй үсчин буюу гоо сайхны газар |
| 88 | Өрхийн орлого зарлага | 115 | Халуун усны газар |
| 90 | Бараа худалдан авах, ашиглах | | |



1» Гэр бүл, аж амьдрал, ахуй соёл

1_Солонгос гэр бүлийн онцлог

Солонгосын гэр бүлийн амьдрал өөр бусад орноос ялгаатай өвөрмөц онцлогтой байдаг. Энэхүү онцлог ялгааг сайтар ойлгож мэдэх юм бол Солонгос гэр бүлд зохицон амьдрахад ямар нэгэн хүндрэл бэрхшээл учрахгүй бөгөөд Солонгосын соёлд суралцахад тус нэмэр болдог. Гэр бүлийн соёл нь тухайн айл өрх, орон нутгаас хамаарч өөр өөр байдаг. Солонгосчууд эрт үеэс Кунзын соёлын нөлөөн дор амьдарч ирсэн. Тиймээс Солонгос гэр бүлийн соёлд Кунзын соёлтой бусад улс орнуудтай төстэй тал байх боловч улс орны үсрэнгүй үйлвэрлэлийн хөгжлийг дагаад Солонгосын гэр бүлийн соёл ч бас өөрчлөгдөн хувьсаж байна.



(1) Гэр бүлийн харилцаа

- Гэр бүлийн гишүүн нэг бүрийн аз жаргалыг эрхэмлэхийн зэрэгцээ гэр бүлийн доторх эв найрыг ч бас эрхэм чухалд тооцдог.
- Гэрийн дотор ах захаа хүндлэх ёс дэгийг эрхэмлэн дагадаг. Эцэг эх, өвөө, эмээ, төрөл төрөгсөд, ахмад настнуудыг хүндэтгэн дээдлэх ёсны тухай ойлголтыг гэрийн хүмүүжилээр олгодог.
- Эцэг эх – үр хүүхэд хоорондын харилцаа их онцлогтой байдаг. Солонгосын эцэг эхчүүд нь үр хүүхдээ маш их хайрладаг. Заримдаа тэр хайр нь хэтрээд хүүхдээ дэндүү бэлэнчлэх занд сургачихдаг тал ч бий.
- Эцэг эхдээ ‘ачлалтай(хюуду)’ байхыг эрхэмлэн үздэг. Эцэг эхдээ ачлалтай байна гэдэг нь үр хүүхдүүд нь эцэг эхээ баярлуулж насан өндөр болоход нь асран тэтгэхийг хэлдэг.

(2) Эхнэр нөхрийн харилцаа

- Эхнэр нөхрийн хоорондын харилцаа чухал хэдий ч нэг талаар эцэг эхдээ үр хүүхэд нь байх, нөгөө талаар үр хүүхэддээ эцэг эх нь байх үүргээ нэн чухалчилдаг.
- Гэр орны ажил, үр хүүхдээ өсгөн хүмүүжүүлэх нь гагцхүү эмэгтэй хүний хийх ажил гэж үзсээр ирсэн. Харин сүүлийн үед эрэгтэйчүүд ч гэсэн гэр орны ажил хийж үр хүүхдээ хүмүүжүүлэх ажилд оролцох хандлагатай болж байна.
- Солонгос эрчүүд эхнэртээ хайр энхрийллээ илэрхийлэхдээ тааруухан байдаг. Ялангуяа эцэг эх, гэр бүлийнхнийхээ өмнө эхнэрээ магтах, хайрлаж энхрийлэх нь ёс журамд нийцэхгүй явдал гэж үзсээр ирсэн учир ихэд болгоомжилдог.

(3) Гэр бүлийн амьдралд дасан зохицох

Солонгосын иргэнтэй гэр бүл болсон гадаадын иргэн та гэр бүлийн амьдралаа аз жаргалтай байлгая гэвэл юуны түрүүнд соёлын ялгаатай талуудыг давж гарах шаардлагатай. Солонгосын гэр бүлийн соёл таны төрсөн нутгийн соёлоос олон талаараа ялгаатай тул хүнд хэцүү, бэрхшээлтэй зүйлтэй тулгарах нь дамжиггүй. Тиймээс дараах аргыг зөвлөж байна.



- Хоёр биенийхээ эх нутгийн гэр бүлийн соёлыг аль болох ойлгохыг хичээх
- Гэр бүлийн хүн болон хадам эцэг эхээсээ гэр бүлийн уламжлалын талаар асуух
- Тухайн гэр бүлийн соёлыг хүндэтгэж, дагаж мөрдөх
- Гэр бүлийн амьдралд тулгарч буй хүндрэлүүдийг харилцан ярилцаж шийдвэрлэх
- Ганцаараа бүхнийг шийдэх гэж оролдолгүй эргэн тойрныхоо хүмүүсээс тусламж хүсэх

※ Эдгээр аргыг хэрэглээд үр дүнд хүрэхгүй бол зөвлөгөө өгөх төвд хандах нь зүйтэй. Оршин суугаа газрынхаа ойролцоох Олон соёлт гэр бүлийг дэмжих төв (☎1577-5432), Солонгосын иргэнтэй гэр бүл болсон эмэгтэйчүүдэд шуурхай туслах төв(☎ 1577-136 6)-д хандаарай.

2_Хэл ба зан заншил

Солонгос хэлэнд өөрөө бусдыг “дуудаж” нэрлэх, бусад өөр бусдыг “зааж” нэрлэх арга нь тус бүр ялгаатай хэлэгддэг. Нэг хүнийг дуудах нэр нь дуудаж байгаа хүн нь хэн бэ гэдгээс шалтгаалж өөр өөр байна. Энэ нь бусад улс оронд байдаггүй хэлний онцлог юм. Буруу дуудах юм уу нэрлэх юм бол ёс журамгүй хүнд тооцогддог.


(1) Гэр бүлийнхнээ хэрхэн дуудах вэ

Солонгост гэр бүлийн гишүүд бие биесээ тусгай нэрээр авгайлан дууддаг. Гэр бүлийн ургийн холбооны зурган * дээр эхнэр нөхрийн талын хүмүүсийг дуудаж нэрлэхэд хэрэглэдэг үгсийг заасан байдаг. Эхнэр нь нөхрийнхөө талын хүмүүстэй насны ялгаанаас үл хамааран хүндэтгэлийн үгээр харьцдаг. Харин нөхөр нь эхнэрийнхээ талын хүмүүсээс насаар ахмад хүнтэй хүндэтгэлийн үгээр харьцах ба өөрөөсөө дүү хүнтэй ихэвчлэн энгийн үгээр харьцдаг. Айл бүрийн ёс заншил харилцан адилгүй байдаг тул нөхөр юм уу хадам эцэг эхтэйгээ зөвлөлдөх нь зүйтэй.

※ Гэр бүлийн ургийн холбооны зураг : Гэр бүлийн гишүүдийн холбоог тайлбарлахын тулд шугамаар холбосон зургийг ургийн холбооны зураг гэнэ. Хөндлөн шугамаар холбогдсон нь эхнэр – нөхрийн харьцааг заах ба босоо холбосон шугам нь эцэг эх – үр хүүхдийн холбоог илэрхийлнэ.

Эхнэр нь нөхрийн талын садан төрлийг нэрлэн дуудах

Нөхрийн гэр бүлийн ургийн холбооны зураг



(2) Эхнэр нь нөхөр болон нөхрийнхөө садан төрлийн хүмүүсийг авгайлан дуудаж нэрлэх нь

Садан төрлийн холбоо	Авгайлан дуудах нэр	Авгайлан нэрлэх нэр				
		Нөхөртөө	Хадам эцэг эхдээ	Хадам талыхандаа	Бусад хүмүүст	Үр хүүхэддээ
Хадам аав	abeonim	abeonim	abeonim	abeonim	siabeonim	harabeoji
Хадам ээж	eomeonim	eomeonim	eomeonim	eomeonim	sieomeonim	halmeoni
Нөхөр	yeobo OOabba	yeobo OOabba	abeom, aebi, geusaram, geui	aebi,	nampyeon, geui, acabba	abeoji, abba
Нөхрийн ах	ajubeonim	ajubeonim	ajubeonim	ajubeonim	ajubeonim	keunabeoji
Нөхрийн эгч/эмэгтэй дүү	hyeongnim/ agasi	hyeongnim/ agasi	hyeongnim/ agasi	hyeongnim/ agasi	sinui, sidongsaeng	gomo
Нөхрийн эрэгтэй дүү	doryeonnim, seobangnim	doryeonnim, seobangnim	doryeonnim, seobangnim	doryeonnim, seobangnim	doryeonnim, seobangnim sidongsaeng	samchon (unmarried), jageunabeoji
Нөхрийн ахын эхнэр	hyeongnim	hyeongnim	hyeongnim	hyeongnim	hyeongnim, keun dongseo	keuneomeonim
Эмэгтэй дүүгийн нөхөр	seobangnim	seobangnim, gomobu	seobangnim	seobangnim	gomobu	gomobu
Нөхрийн дүүгийн эхнэр	dongseo	dongseo	dongseo	dongseo	dongseo	jageuneomeonim

* Авгайлан дуудах нэр : Ярилцаж байгаа хүнийгээ дуудах нэр

* Авгайлан нэрлэх нэр : Ярианы эзэн биеийг бусдад зааж нэрлэх нэр


OO→өөрийн үр хүүхдийн нэр, O→Овог

Нөхөр нь эхнэрийн талын садан төрлийг нэрлэн дуудах

Эхнэрийн гэр бүлийн ургийн холбооны зураг

Ta(you)-jangan, abeonim
Хүүхэд-oeharabeoji

Ta(you)-jangmonim, eomeonim
Хүүхэд-oehalmeoni



(3) Нөхөр нь эхнэр болон эхнэрийнхээ садан төрлийн хүмүүсийг авгайлан дуудах, нэрлэх нь

Садан төрлийн холбоо	Авгайлан дуудах нэр	Авгайлан нэрлэх нэр				
		Эхнэртээ	Хадам эцэг эхдээ	Хадам талынхандаа	Бусад хүмүүст	Үр хүүхдэдээ
Хадам аав	jangin, abeonim	abeonim, jangineoreun	abeonim, jangineoreun	abeonim, jangineoreun	oeharabeoji, jangineoreun	oeharabeoji
Хадам ээж	jangmo, eomeonim	eomeonim, jangmonim	eomeonim, jangmonim	eomeonim, jangmonim	00 oeharabeoji, janomonim	oehalmeoni
Эхнэр	yeobo, 00 eomma	dangsin, 00 eomma	00 eomi, jipsaram	00 eomi, jipsaram	00 eomma, cheo, anae 00	eomeoni, eomma
Эхнэрийн ах/эрэгтэй дүү	hyengnim/cheonam	hyengnim/cheonam	hyengnim/cheonam	hyengnim/cheonam	cheonam	oesamchon, oesukbu
Эхнэрийн эгч/эмэгтэй дүү	cheohyeong, cheoje	cheohyeong, cheoje	cheohyeong, cheoje	cheohyeong, cheoje	cheohyeong, cheoje	imo
Эхнэрийн ахын эхнэр	ajumeoni	cheonamdaek	cheonamdaek	cheonamdaek	cheonamdaek	oesungmo
Эхнэрийн дүүгийн эхнэр	cheonamdaek	cheonamdaek	cheonamdaek	cheonamdaek	cheonamdaek, 00 oesukmo	oesungmo
Эхнэрийн эгчийн нөхөр	hyeongnim, dongseo	hyeongnim, dongseo	hyeongnim, dongseo	hyeongnim, dongseo	hyeongnim, dongseo	imobu
Эхнэрийн эмэгтэй дүүгийн нөхөр	dongseo, 0 seobang	dongseo, 0 seobang	dongseo, 0 seobang	dongseo, 0 seobang	dongseo, 00 imobu	imobu

* Авгайлан дуудах нэр : Ярилцаж байгаа хүнийгээ дуудах нэр

* Авгайлан нэрлэх нэр : Ярианы эзэн биеийг бусдад зааж нэрлэх нэр

00—Өөрийн үр хүүхдийн нэр, О—Овог

(4) Хүндэтгэлийн ба энгийн үг хэллэг

Солонгос хэлэнд харилцагч хүнийхээ нас, тухайн хүнтэй ойр дотно харилцаатай эсэх, нийгэмд эзлэх байр суурь зэргээс хамааран харилцан адилгүй үг хэллэг хэрэглэдэг. Харилцагч хүнээ хүндэтгэх хүндэтгэлийн үг, мөн хүндэтгэлийн бус энгийн үг хэллэг ч бас байдаг.

- Харилцагч хүн нь ахмад настай эсвэл өөрөөс нь өндөр албан тушаалтай тохиолдолд, мөн албан ажлын байранд хүндэтгэлийн үг хэрэглэнэ.
- Харилцагч хүн нь найз нөхөр нь юм уу, өөрөөс нь нас бага, мөн бага насны хүүхэд байгаа тохиолдолд энгийн үг хэллэгийг хэрэглэнэ.

3_Гэр бүлийн амьдралд дурсан тэмдэглэж байх өдөр

Амьдралд төрөх, үхэх, гэрлэх гээд олон үйл явдлууд тохиолддог. Эдгээр нь хувь хүн төдийгүй тухайн гэр бүлд маш чухал үйл явдлууд тул эдгээрийг хамтдаа баярлан тэмдэглэж, гашуудан үздэг ёс заншилтай

(1) Төрсөн өдрийн баяр

- Зуу дахь өдрийн баяр : Солонгост хүүхэд төрсний зуу дахь өдрийг онцгойлон тэмдэглэдэг. Зуу дахь өдрийн баярын зоогоор жигнэсэн тутрагын боорцог, улаан буурцагаар хийсэн сүсү гёндань, далайн байцааны шөл зэргийг бэлтгэдэг ба хүүхэддээ шинэ ганган хувцас өмсгөн баяр хүргэдэг.
- Нэг насны ой : Хүүхэд төрөөд нэг жил болсон анхны төрсөн өдрийг төрөл төрөгсөдөө урин өргөнөөр тэмдэглэж өнгөрүүлдэг. Хүүхэддээ ханбуг өмсгөж төрсөн өдрийн ширээ засдаг. Уламжлалт ёсоор ширээн дээр тутрагын боорцог, сунгён, сүсүгёндан, жимс жимсгэнэ, утас, будаа, мөнгө, харандаа, ном тэргүүтнийг өрж тавьсаны дараа Тульжаби(хүүхэд юуг сонгож авахыг харах) үйлыг гүйцэтгэсний дараа ерөөлийн үг хэлж бэлэг өгдөг. Сүүлийн үед энэхүү баярын ширээг зоогийн газар засаж тэмдэглэдэг болсон.



Нэг насны ой



Нэг насны ой



Мэдэхэд илүүдэхгүй

Нэг насны ойн ширээн дээр тавьдаг зүйлс ба түүний билэгдэл

- Утас – урт наслахыг билэгдэнэ.
- Мөнгө, будаа – эд баялагаар баян байхыг билэгдэнэ.
- Хөл бөмбгийн бөмбөг – хөл бөмбгийн тамирчин болохыг билэгдэнэ.
- Модон алх - шүүгч болохыг билэгдэнэ.
- Харандаа, бийр, ном – эрдэм номтой хүн болохыг билэгдэнэ.

- **Төрсөн өдөр** : Жилдээ нэг удаа тохиох энэ өдрийг Солонгосоор “Сэн-иль” гэдэг. Ахмад настай хүний төрсөн өдрийг хүндэтгэж “Сэн-шинь” гэж хэлдэг. Солонгос уламжлал ёсоор төрсөн өдрийнхөө өглөө далайн байцааны шөл хийж уудаг. Гэр бүлийнхээ боломж бололцооноос хамааран амттан хоол бэлдэж ойр дотныхоо төрөл садан, найз нөхдөө урьдаг. Зочид төрсөн өдрөө тэмдэглэж байгаа хүнд хэрэгцээт зүйлийг бэлэглэх юмуу бэлэн мөнгө өгдөг байна.

(2) Хурим (гэрлэх ёслол)

Солонгост уламжлалт болон орчин үеийн гэсэн хоёр төрлийн гэрлэх ёс бий. Уламжлалт хуримын ёс нь орчин үед бараг мөрдөгдөхөө больж ихэвчлэн орчин үеийн маягаар хуримаа хийх болжээ. Орчин үеийн ёс жаягийн дагуу гэр бүл бологсод хуримын ордон юм уу христын сүм, буддын сүм хийд зэрэг газарт хуримаа хийдэг. Сүйт залуу нь ёслолын хувцас өмсөж, харин сүйт бүсгүй нь гоёмсог даашинз өмсөж хуримлах бөгөөд ёслол дууссаны дараа үндэсний хувцасаа өмсөж хадам эцэг эх болон настанууддаа мөргөн хүндэтгэл үзүүлдэг (пэбэг*).

* **Пэбэг**: Хуримын ёслол дээр сүйт бүсгүй хадам эцэг эх болон настануудад анх удаа золгох үеэрээ барьдаг тусгайлан бэлдсэн зоогийг хэлнэ.



(3) Жар-далан насны ойн баяр(урт наslaхын ерөөн тэмдэглэдэг баяр)

- 60 насны ойн баяр : 60 насны насалсан настан буурлууд энэ баярыг тэмдэглэн өнгөрүүлдэг. Солонгосын хүн ам одоогийнхоос богино насладаг байх үед урт удаан эрүүл саруул амьдрахыг бэлэгдэн, үр хүүхдүүд нь эцэг эхдээ зориулж энэ баярыг хийдэг байв. Харин сүүлийн үед хүн амын наслалт уртассан учраас төдийлөн сүр



дуулиангүйгээр ёс болгон тэмдэглэдэг болжээ. Дээр үед найр наадам болгон тэмдэглэдэг байсан бол одоо цагт тэднийгээ аялалд явуулах юм уу эсвэл сэтгэл шингэсэн бэлэг сэлт барьж баярлуулдаг болжээ.

- 70 насны ойн баяр : Нас сүүдэр 70 хүрэх жил энэхүү ойн баярыг хийдэг. Жил бүр тэмдэглэдэг төрсөн өдрийн баярыг бодвол энэ өдрийг илүү өргөн дэлгэр тэмдэглэдэг ба ойр дотныхоо хүмүүсийг урьж нижгэр найр наадам хийж бэлэг сэлт өгдөг.

(4) Оршуулга

Оршуулгын ёслолыг Солонгос хэлээр “жаннэ” гэдэг. Нас барсан хүний гэр бүлийнхэн гашуудлын хувцас(санбуг) өмсөж талийгаачид оршуулгын хувцас(сү-и) өмсгөдөг. Настай хүмүүсийг амьд сэрүүн байхад нь энэхүү сү-и хувцсыг бэлтгэж тавьдаг уламжлалтай. Санбуг гашуудлын хувцас нь тухайн гэр бүл, орон нутгаасаа хамааран ялгаатай байдаг.Маалингаар хийсэн хувцас өмсдөг айл байдаг ч ихэвчлэн хар, цагаан өнгийн хувцас өмсдөг. Гашуудал илэрхийлэхээр* очиж байгаа хүн гял цял хувцас аль болох өмсөхөөс зайлсхийж хар, цагаан өнгийн хувцас өмсөх нь зохимжтой. Эмгэнэл илэрхийлэхдээ тухайн оршуулах ёслолын үед даган мөрдөж буй заншлын дагуу даган үйлдэнэ. Мөн өөрийнхөө боломж бололцоонд тааруулан буяны мөнгө өгдөг.

* Мүньсан: Талийгчийн гэр бүлд гашуудал илэрхийлэхээр очих

2» Хоол хүнс

1_Өдөр тутам иддэг хоол

Солонгос хүмүүс олуулаа нэг дор цугларч, хоол хүнсээ хуваалцан идэх дуртай. Зочин урьсан бол түүнийг ердийн үеийг бодвол илүү нарийн, гоц амттай хоол ундаар дайлдаг. Солонгос үндэсний хоол нь будаа, шөл, хачраас бүрддэг. Шөл нь тан, жигэ зэрэг олон төрөл байх бөгөөд хачрыг ногоогоор болон төрөл бүрийн идээг жигнэж, шарж, хуурч, хайрч бэлтгэнэ. Хамгийн гол хачир бол кимчи юм. Будаанаас гадна янз бүрийн нарийн гоймон, гурилтай шөл, ддог зэргийг иддэг.



Мэдэхэд илүүдэхгүй

Солонгос хүмүүстэй хамт хооллоцгооё!!

Солонгос хүмүүстэй хамт хоолловол амархан дотносдог. Солонгос хоол идэж сурах нь Солонгос хэл, соёлыг сурахад тань маш сайнаар нөлөөлөх бөгөөд ингэснээр Солонгос оронд ажиллаж амьдрахад илүү амар хялбар болно.

Ундны ус

Солонгост ундны усыг санаа зоволтгүй ууж болно. Тэд өөрсдөө усаа цэвэршүүлж бас цай чанаж хөргөж уух нь ч бий. Крантны усыг зүгээр уух нь хэдий аюулгүй ч гэсэн аль болох буцалгаж, эсвэл цэвэршүүлж уух нь зүйтэй. Солонгост анх ирсний дараа ундны ус өөрчлөгдсөнөөс гэдэгс өвдөх тохиолдол байдаг. Ихэнхдээ энэ байдал нь хэд хоног өнгөрөхөд зүгээр болдог ч гэсэн хэрэв байдал хүндэрвэл эмнэлэгт хандах нь зүйтэй. Гуанз, хоолны газар усыг хүссэн хэмжээгээрээ ууж болох бөгөөд шаардлагатай бол дэлгүүрээс авч ууж болно.

2_Солонгосын үндсэн хоол

(1) Агшаасан цагаан будаа(Паб)

Будааг усархаг агшаадаг учир зүүн өмнөд азийн орнуудын агшаасан будаанаас нялцгай байдаг. Анхандаа сайн шингэхгүй байх юм уу гүйлгэж магадгүй. Долоо хоног өнгөрөхөд Солонгосын агшаасан будааг сайн идэж чаддаг болно.



Мэдэхэд илүүдэхгүй

Бибимпаб

Будаанд төрөл бүрийн ногоо, үхрийн мах, амтлагч хийж гүнжидийн тос(чам гирым) ба улаан чинжүүний сүмс хольж иддэг энэ хоол Солонгосын урдаа барьдаг гол хоолны нэг юм.. Дэлхийн алдартай одууд үүнийг ихэд амтархан иддэг.



(2) Шөлний төрлүүд(гүг, тан, жигэ, жоньгул)

Солонгосчууд ихэвчлэн ногоо, загас, мах орсон шөлтэй хоол хийж будаатайгаа хамт иддэг. Хоолны орцноос хамааран ○○гүг, ○○тан, ○○жигэ, ○○жоньгул гэж нэрлэдэг.

- Хатаасан загасны шөл(бүгогүг) : Хатаасан загасны шөл. Элэгний хэт их ачаалалтай үед юм уу архи их уусны дараа идэхэд биенд сайнаар нөлөөлдөг гэдэг.
- Буурцагны соёогоор хийсэн шөл(куннамүлгүг) : Урт соёолсон буурцагаар хийсэн шөл.
- Далайн байцаатай шөл(миёггүг) : Далайн ургамлын нэгэн төрөл болох далайн байцаатай шөл.
- Сольлонтан: Үхрийн яс, махыг удаан чанаж гаргасан шөл буюу энэхүү шөлөнд хийсэн будаатай хоол.
- Галбитан: Үхрийн хавиргыг удаан чанаад шөлөнд нь цуу, давс мэтийн амтлагч гоймон зэргийг нэмж хийсэн хоол.
- Гамжатан : Ястай гахайн махыг төмс, ногоотой хамт чанаж хийсэн хоо.
- Тагтуритан(Тагбуггымтан) : Тахианы мах, ногоог халуун амтлагч жантай хамт хийж чанасан хоол.
- Кимчижигэ : Кимчи, гахайн мах зэргийг хамт чанаж хийсэн өтгөн шөл.
- Түэнжанжигэ : Шар буурцагны жан, дүфү, хулуу, мөөг, сонгино зэргийг хийж чанасан өтгөн шөл.
- Бүдэжигэ: Кимчи болон хиа, төрөл бүрийн ногоо хийж чанасан өтгөн шөл
- Дунтэ(Сэнтэй)жигэ: Хөлдөөсөн ба хөлдөөгөөгүй далайн загас, манжин, дүфү, хулуу хийж чанасан загасний өтгөн шөл.



Дунтэжигэ



Сольлонтан

(3) Кимчи

Солонгосчуудын байнга иддэг хамгийн гол хүнс бол кимчи бөгөөд маш амттай тэгээд тэжээллэг бас удаан хадгалж болдог онцлогтой. Бэчү кимчийг хийхдээ цагаан лууван, урт байцаа, өргөст хэмх зэрэг хүнсний ногоог давсалсны дараа нунтаг улаан чинжүү, сармис, цагаан гаа, жодгал(даршилсан сам хорхой, жижиг загас) зэрэг амтлагчуудыг хольж битүү таглан тодорхой температурт тодорхой хугацааны турш исгэж болгодог. Өвлийн улиралд урт байцаа тариалах боломжгүй байдаг учир 11 сарын сүүл 12 сарын эхний өдрүүдэд өвлийн турш идэх кимчигээ дардаг. Кимчины нэр төрөл олон янз байх бөгөөд их хэмжээгээр дарах үедээ ойрын хамаатан садангууд цугларч хамтран хийх нь ч бий.



Бэчү кимчи



Буссам кимчи



Гад кимчи



Пэйг кимчи




Чунгаг кимчи



Гаддүги

(4) Махан хоол

- Бүлгуги: Нимгэн хэрчсэн үхрийн махыг бага зэргийн чихэрлэг амттай амтлагчаар амтлаад шарж бас хуурч хийсэн хоол.
- Гальби: Үхэр болон гахайн хавиргыг амтлаж шарсан хоол.
- Самгёбсал: Гахайн хавирганы махыг шарж олон төрлийн ногоотой боож иддэг хоол.
- Тагкалби: Жижиглэн хэрчсэн тахианы махыг төрөл бүрийн ногоотой хуурч хийсэн хоол. Бага зэрэг халуун амттай.
- Жэюүг бугтым: Гахайн махыг ногоотой хуурч хийсэн хоол.



Гальби



Бүлгуги

(5) Загасан хоол

- Сэнсонхвэ: Түүхий загасыг шингэлсэн улаан чинжүүний сүмс, эсвэл гичний нухаштай цуунд дүрж иддэг.
- Сэнсонгү-и: Загасыг давс цацаж юм уу амтлагч түрхэн шарж бэлтгэдэг.
- Сэнсонжим: Амталсан загасыг бага зэргийн усанд чанах буюу жигнэж бэлтгэдэг.
- Сэнсонжурим: Загас болон ногоон дээр цуу, амтлагч хийж удаан жигнэж бэлтгэдэг.
- Ужинью бугтым: Далайн арваалжийг ногоотой хольж халуун амтлагчаар амтлаад хуурч бэлтгэдэг.



Сэнсонхвэ



Сэнсонгү-и

(6) Хөнгөн хоолны төрөл

- Рамён: Халуун чинжүүтэй, бага зэрэг чинжүүтэй гэх мэт олон янзын амттай энэ хоол нь болгож бэлтгэхэд богино хугацаа шаардагддаг, хийхэд хялбархан бөгөөд Солонгосын хамгийн түгээмэл түргэн хоолны нэг юм. Буцалсан халуун ус хийхэд л тэр дороо бэлэн болдог аягатай рамён ч байдаг.
- Кимбаб: Энэ нь ким(далайн хатаасан байцаа)-нд будаа болон амталсан цагаан лууван, гахайн махан хиам, өндөг, лууван, өргөст хэмх зэргийг ороож бэлтгэсэн бүтээгдэхүүн юм. Хиам заавал ордог тул урьдчилаад хиамгүй хийгээд өгөөрэй гэж хэлээд хасуулж болно. Үнэ хямд кимбабаар нэгийн зэрэг удаа өл залгах боломжтой.
- Гүгсү(мён): Шөлөнд гоймонг хийж чанах юм уу чанасан гоймонг амтлагчтай хольж бэлтгэдэг.
- Мандү: Хавтгайлсан гуриланд мах, дүфү, кимчи зэргийг хөшиглөн хийж чимхээд жигнэх юм уу шарж бэлтгэдэг. Гуги мандү(махтай банш), кимчи мандү(кимчитэй банш), мүл мандү(усанд чанасан банш), твигэм мандү(шарсан банш) зэрэг төрөл зүйл байдаг.
- Догбугги: Карэдогийг тохиромжтой хэмжээгээр хэрчиж төрөл бүрийн ногоотой хольж амтлан хуурсан хоол.
- Сүндэ: Пүнтүүз болон цусыг хольж гахайн нарийн гэдсэнд хийгээд амталж чанадаг.



Рамён



Кимбаб



Мандү

(7) Дөрвөн улиралын жимс

Солонгос орон хавар, зун, намар, өвөл гэсэн жилийн дөрвөн улиралтай. Улирал болгонд шинэ, амтлаг жимсний арвин их ургац хураадаг. Сүүлийн жилүүдэд хүлэмжинд жимс тарих болсноор улирлаас хамааралгүйгээр дөрвөн улирлын турш амтат жимс ногоо идэх бололцоотой болсон. Гэлээ ч гэсэн жимсийг тухайн гардаг улиралд нь авч идэх нь илүү амттай. Өөрийн төрсөн нутгийн жимс идье гэвэл том супер маркет юм уу их дэлгүүрээс очиж авч болно. Эх нутгийн тань жимс илүү амттай гэж та бодож байгаа бол эндүүрэл шүү. Солонгос нутагт Солонгос жимс л хамгийн амттайн дээр бас эрүүл мэндэд ч тустай.

- Хавар: интоор, гүзээлзгэнэ(5 сарын-эх 6 сарын эх)
- Зун: тоор(7-8 сар), амтат гуа(6-7 сар), шигуа(6-8 сар), чавга, помидор
- Намар: илжгэн чих(9-10 сар), лийр, алим, улаан чавга, усан үзэм(9сар)
- Өвөл: жүрж, амтат жүрж



Гүзээлзгэнэ



Тоор



Алим



Жүрж

3_Амтлагч

- **Сармис**

Солонгосоор “Маньль” гэдэг. Сармис хурц амттай боловч шарж хайрахад халуун амт нь сулран зөөлөн чихэрлэг амттай болдог. Хоол амтлахдаа жижиглэн хэрчиж хийх ба үнэр халуун амт оруулах зорилгоор ашиглахдаа бүтнээр нь хийж хэрэглэнэ.

- **Цуу**

Солонгосоор “Канжан” гэдэг. Хоолны амтыг тааруулахад хэрэглэдэг давсархаг амттай шингэн амтлагч. Иссэн шар буурцагны хатаамалыг давстай холин исгэж хийдэг бөгөөд шөлний канжан(жусон канжан, жин канжан) ба амтлагч канжан гэсэн хоёр төрөл байдаг. Шөлний канжаныг нь шөл амтлахад, амтлагч канжаныг шарсан ба түүхий загас дүрж иддэг сүмсний зориулалтаар хэрэглэдэг.

- **Улаан чинжүүний сүмс**

Солонгосоор “Гучүжан” гэдэг энэ амтлагч хоолонд халуун амт оруулдаг. Нунтаг улаан чинжүү, нунтаг иссэн шар буурцагны хатаамал, давсыг хольж хийдэг. Шар буурцагны зөөлөн амт, улаан чинжүүний халуун амт, давсны шорвог амт хоорондоо сайн нийцэж гучүжанд өвөрмөц амт оруулдаг.

- **Шар буурцагны жан**

Солонгосоор “Туэнжан” гэдэг ба маш өвөрмөц хоол амтлагч юм. Шөлтэй хоолонд гол төлөв хэрэглэнэ.



Сармис



Цуу



Улаан чинжүүний сүмс



Шар буурцагны жан

• **Элсэн чихэр**

Солонгосоор “Сольтан” гэдэг. Нунтаг цагаан, шар бас бор өнгөтэй ч байдаг.

• **Цагаан цуу**

Солонгосоор “Шигчу” гэдэг. Шингэн шар өнгөтэй, гашуун исгэлэн амттай амтлагч. Ургамлын тостой төстэй харагддаг боловч шошгон дээр нь алим, мөхлөг будааны зураг байдаг.

• **Давс**

Солонгосоор “Сугым” гэдэг. Цагаан өнгөтэй шорвог амттай нунтаг энэ амтлагч элсэн чихэртэй төстэй харагддаг учраас нарийн ажиглаж шалгах шаардлагатай.

• **Хоол амтлагч**

Солонгосоор “Жумирыю” гэдэг. “Мивон” болон “Дашида” зэрэг нунтаг хоол амтлагчийг бүхэлд нь жумирыю гэж нэрлэдэг бөгөөд мивон нь давс, элсэн чихэртэй төстэй учир анхааралтай байх хэрэгтэй. Хэт их хэмжээгээр хэрэглэх нь эрүүл мэндэд муугаар нөлөөлдөг гэдгийг анхаарах хэрэгтэй.

• **Ургамлын тос**

Солонгосоор “Шигюнью” гэдэг. Шингэн шар өнгөтэй, хоол хайрах шарах үед хэрэглэдэг бүтээгдэхүүн. Шошгон дээр нь эрдэнэ шиш, самарны зураг бий.

• **Гүнжидийн тос**

Солонгосоор “Чамгирым” гэдэг. Шингэн бор өнгөтэй, анхилуун үнэртэй, аагтай сайхан амт гаргах үед хэрэглэдэг тос.

• **Загасыг даршилж хийдэг амтлагч**

Солонгосоор “Эгжод” гэдэг. Загасыг давсанд дарж даршилсан энэ амтлагч мёлчи эгжод, Ганари эгжод зэрэг олон зүйл төрөл байдаг. ганари эгжод нь Тайланд, Вьетнам үндэсний хоолонд хэрэглэдэг загасны сүмс(fish sauce)-тэй ойролцоо амттай.



Элсэн чихэр



Цагаан цуу



Давс



Хоол амтлагч



Гүнжидийн тос



Эйгжод

3» Орон байр

Солонгост хувийн орон сууц, нийтийн угсармал орон сууц, офистэл, олон өрхөд зориулсан нийтийн орон сууц зэрэг хэлбэрийн орон байрууд байдаг. Сүүлийн үед хот суурин газар амьдардаг хүмүүс тав тухыг нь бодож нийтийн угсармал орон сууцыг илүүд үздэг болсон. Солонгос хүмүүс өөрийн гэсэн гэр оронтой байхыг чухалд тооцдог. Солонгосын байр сууцны үнэ их өндөр байдаг бөгөөд хөдөө орон нутгийг бодвол хот суурин газрын орон байрны үнэ харьцангуй үнэтэй.



1_Орон байр хөлслөх

(1) Бүтэн барьцаатай түрээсний байр

Солонгос хэлээр “Жонсэ” гэдэг бөгөөд зөвхөн Солонгост л байдаг түрээсийн өвөрмөц хэлбэр юм. Байрны эзэнд тодорхой хэмжээний мөнгийг барьцаа болгон өгч, тодорхой хугацааны турш тухайн байранд оршин сууж байгаад гэрээний хугацаа дуусвал барьцааны мөнгөө эргүүлж авна. Нэг хэсгээр(1 давхар, 1-2 өрөө)нь болон бүхэл бүтэн байрыг тэр чигээр нь ч түрээслэн авч болно. Байрыг бүтнээр нь түрээсэх тохиолдолд барьцааны мөнгө байрны үнийн 60-70% тай тэнцдэг. Байр түрээслэх гэрээний хугацаа нь ихэвчлэн 2 жил байдаг бөгөөд түрээслэгч тал эхэлж гэрээгээ цуцлаагүй тохиолдолд байрны эзэн тухайн 2 жилийн дотор гэрээгээ цуцлах эрхгүй гэсэн заалт хуулинд байдаг.

(2) Сарын түрээстэй байр

Солонгосоор “Волсэ” гэдэг бөгөөд тодорхой хэмжээний барьцаа төлөхийн зэрэгцээ сар бүр түрээсийн төлбөр төлдөг түрээсийн хэлбэр юм. Нэг ижил байрны хувьд барьцааны мөнгөний хэмжээ нь бүтэн түрээснийхээс хямд байдаг. Гэрээ байгуулах үедээ байрны эзэнтэй сайн ярилцаж тохиролцож чадвал барьцаа болон сарын түрээсийн хэмжээг зохицуулж болно. Барьцааны мөнгө их бол түрээсийн хэмжээ багасч, барьцааны мөнгө бага бол сарын түрээсийн мөнгө тэр хэмжээгээр ихэсдэг. Сарын түрээс нь өрөөний том жижиг, тоо хэмжээ, тоноглол зэргээс хамаарч бага зэрэг ялгаатай байдаг. Бүтэн түрээсийн байр болон сарын түрээсийн байр хөлслөх гэрээнд бусад ахуйн хэрэгцээний хангамжийн зардал (цахилгаан, ус, газ, телефон утас, интернэт, телевиз г.м) багтдаггүй учир үүнийг түрээслэгч өөрөө төлөх ёстой. Байранд тавилага болон гэр ахуйн хэрэгсэл байдаггүй тул түрээслэгч өөрөө бэлтгэх хэрэгтэй.

(3) Дотуур байр

Албан газар болон сургуулийн зүгээс бэлтгэж өгсөн байрыг хэлнэ. Үйлдвэрлэлийн дадлагажигч(D-3)-ийн байрыг үйлдвэр гаргаж өгдөг. Дадлагажигч ажилчин(E-8) болон гэрээний ажилчин(E-9)-дын дийлэнхид амьдрах орон байрыг нь ажил олгогч нь бэлтгэж өгдөг боловч ер нь бол заавал хангах үүрэг хүлээдэггүй.

(4) Байр хөлслөхдөө анхаарах зүйлс

Солонгост байр олох, хөлслөх олон янзын арга зам бий. Гудамжинд наасан зарын дагуу өөрийн биеэр очиж уулзаад хөлслөх арга байхад үл хөдлөх хөрөнгө зуучлах газраар дамжуулж олж хөлслөх арга бас байна. Зуучлуулан олох арга нь хамгийн өргөн дэлгэрсэн арга юм. Үл хөдлөх хөрөнгө зуучлах газар хүссэн хэмжээтэй байрыг хүссэн газар, хүссэн өртгөөр тань олж өгөх ба түрээсийн гэрээ байгуулахад хэрэгтэй бичиг баримтыг бүрдүүлж өгдөг. Зуучлалын газраар үйлчлүүлсэн тохиолдолд үйлчилгээний хураамж төлөх хэрэгтэй байдаг.

(5) Гэрээ

• Гэрээ байгуулах хүн

Гэрээг заавал байрны эзэнтэй байгуулах ёстой. Гэрээний бичигт амьдрах хугацаа, барьцааны хэмжээ, сарын түрээсийн хэмжээ зэргийг бичсэн байдаг. Гэвч зарим тохиолдолд байрны эзэнтэй биш тус байрыг хөлслөн амьдарч байгаа түрээслэгчтэй гэрээ байгуулж барьцааны мөнгө төлөх тохиолдол байдаг. Ийм тохиолдолд хэрэв байрны эзэн тухайн гэрээний нөхцөл агуулгыг хүлээн зөвшөөрөхгүй бол барьцааны мөнгийг эргүүлж авж чадахгүйд хүрдэг. Тиймээс гэрээ байгуулахдаа заавал тэр байрны эзэмшигчийг хэн болохыг тодруулан тэр хүнтэй гэрээгээ байгуулах хэрэгтэй. Байрны эзэн мөн эсэхийг байрны гэрчилгээний хуулбараас үзэж тодруулж болно.

- Байрны гэрчилгээ

Гэрээ байгуулахаас өмнө байрны гэрчилгээний хуулбарыг үзэж шалгах нь орох гэж байгаа байрныхаа янз байдалтай танилцахаас илүү чухал зүйл юм. Байрны гэрчилгээний хуулбарт байрны эзний нэр, хаяг, байрны талбайн хэмжээ, бүтэц, байрны эзний өртэй эсэх зэргийг бичиж оруулсан байдаг. Гэрчилгээний хуулбарыг бүртгэлийн газар, интернэтээс авч болох бөгөөд сайн мэдэхгүй бол ойр орчны хүмүүсээс асууж лавлаж болно.

- Төлбөрийн хэмжээ ба төлөх арга

Гэрээний урьдчилсан төлбөрийн хэмжээ барьцааны мөнгөний 10%-тай тэнцдэг. Байрны барьцаа нь 2 сая вон бол гэрээний урьдчилсан төлбөр нь 200 мянган вон байдаг. Үлдсэн 1 сая 800 мянган воны нэг хэсгийг нь байранд нүүж ирэхийн өмнө тодорхой өдөр тохирч өгөх бөгөөд үлдсэн мөнгийг нь байранд нүүж орох өдрөө өгдөг. Нүүж ирсэн өдрөө бүгдийг нь нэг дор төлөх тохиолдол ч байдаг. Төлбөр хийсэн баримтаа заавал хадгалж байгаарай.



Гэрээнд зайлшгүй тэмдэглэх зүйлс

- Байрны хаяг(байрны гэрчилгээний хуулбарт тэмдэглэгдсэн хаяг болон гэрээнд тэмдэглэсэн хаяг адил байх ёстой)
- Урьдчилгаа мөнгөний хэмжээ (барьцаа болон сарын түрээсийн төлбөр)
- Урьдчилгаа, хувааж төлөх төлбөр, үлдэгдэл төлбөрийн хэмжээ ба төлөх хугацаа(барьцааны 10%-ийг урьдчилгаа хэлбэрээр өгөх нь найдвартай.)
- Гэрээний хүчинтэй хугацаа
- Байрны эзэн болон түрээслэгчийн гарын үсэг, тамга, хурууны хээ



(6) Түрээсийн хугацаа дуусах, барьцаагаа эргүүлж авах

Гэрээний хугацаа дуусахаас өмнө байрнаасаа гарах асуудал заримдаа тохиолддог. Энэ үед байрны эзэн барьцааны мөнгийг эргүүлж өгөхдөө үлдсэн хугацааны сарын түрээсийн мөнгийг суутгаж авдаг.

Тухайлбал 2 сая воны барьцаатай 150 мянгийн сарын түрээстэй өрөөнд амьдарч байгаад гэрээний хугацаа дуусахаас 3 сарын өмнө байраа солих боллоо гэж бодой. Шинэ түрээслэгч залгуулаад орж ирэх тохиолдолд ямарч асуудал гарахгүй боловч тэгээгүй тохиолдолд байрны эзэн барьцааны мөнгөнөөс 3 сарын түрээсийн мөнгө болох 450 мянгыг суутгаж аваад 1 сая 550 мянгыг эргүүлж өгөхийг хууль бус үйлдэлд тооцдоггүй. Харин гэрээний хугацаа дуусч, дуусгавар болсон өдрөөс өмнө дор хаяж 1 сарын өмнө нүүнэ гэдгээ хэлсэн хэдий ч шинэ түрээслэгч олдоогүй гэсэн шалтгаанаар барьцааны мөнгийг өгөхгүй байх явдал бол хууль бус үйлдэлд тооцогдоно. Энэ тохиолдолд иргэний шүүхэд гомдол гарган шүүхийн шийдвэрийн дагуу мөнгөө буцаан авах боломжтой. Гэвч шүүхийн шат дамжлага төвөгтэй, ажил явдал ихтэй байдаг тул хэрвээ ийм явдал тохиолдвол зөвлөгөө өгч дэмжлэг үзүүлэх байгууллагад хандах нь зүйтэй.



Гэрээний хугацаа дуусахаас 1 сарын өмнө заавал хийх зүйлс

Байрны эзэнд гэрээний хугацаагаа сунгах эсэх, нүүх эсэхээ тодорхой хэлэх хэрэгтэй. Тухайлан хэлж ярихгүй байх тохиолдолд гэрээний хугацаа автоматаар сунгагддаг. Олон хүмүүс үүний талаар мэдэхгүйгээс болж хохирдог тул анхаарч мартахгүй байх хэрэгтэй.



2_Цахилаан

(1) 220V вольт

Солонгосын цахилгааны залгуурын цахилгаан хүчдэл ихэвчлэн 220 вольт байдаг. Хэрэв цахилгаан хэрэгсэл 110 вольтийн зориулалттай бол залгуурыг 220 вольтоос 110 вольтоор бууруулж өгдөг хувиргагч трансформатор хэрэгтэй.



(2) Цахилгаан тусгаарлагч

Бүх орон байранд цахилгааны улмаас гардаг гал түймрээс урьдчилан сэргийлдэг цахилгаан тусгаарлагч гэж хамгаалах төхөөрөмж байдаг. Цахилгаан хэрэглээний хэмжээ хэт их байх юм уу, цахилгаан гүйдэлд асуудал гарвал унтраалга автоматаар унтарч, цахилгаан тасардаг. Энэ төхөөрөмж хэвийн ажиллахгүй үед аюул гарч болзошгүй байдаг тул шинээр байр хөлслөхдөө цахилгаан тусгаарлагч нь хэвийн ажиллаж байгаа эсэхийг заавал шалгах хэрэгтэй. Шалгах арга нь тун амархан. Гал хамгаалагчийн шалгах товчлуур(улаан өнгөтэй, богино холбооны тусгаарлагч нь ногоон өнгөтэй)-ыг дарж үзэхэд болно. Унтраалга доошоо бууж байвал хэвийн, буухгүй байвал хэвийн бус гэсэн үг юм.



3_Ус

Өвлийн улиралд ундны усны хоолой, тоолуур хөлдснөөс ус ашиглах боломжгүй болох явдал заримдаа гардаг. Үүнээс сэргийлэхийн тулд дараах зүйлсийг анхаарна уу.

- Усны тоолуурны саван дотор ус гоожсон эсэх, дулаан хадгалагч байгаа эсхийг шалгана. Ямар нэг асуудал байвал даруй арга хэмжээ авах хэрэгтэй.
- Өрхүүдийн хаалга хооронд тагтан коридороор холбогдсон нийтийн угсармал орон сууц, угсармал байшин зэргийн усны тоолуурын хайрцаг гаднаа ил байдаг тул гадуур нь хамгаалалтын бүрхүүл уут углах юм уу хөлдөхөөс хамгаалах хэрэгсэл ашиглах хэрэгтэй. Мөн удаан хугацаагаар байраа эзгүй орхих тохиолдолд юм уу дүн өвлийн шөнөөр крантны усаа бага зэрэг гоожуулах юм бол хөлдөхөөс сэргийлж болдог.
- Усны тоолуур хөлдсөн бол эхлээд бүлээн ус гоожуулаад аажмаар халуун ус гоожуулан гэсгээх юм бол усны тоолуурын шил хагарахаас сэргийлж чадна.

4_Газ

(1) Ахуйн хэрэглээний газ

Ахуйн хэрэглээний газтай буруу харьцсанаас болж томоохон осолд өртөх тохиолдол олон бий. Газаа хэрэглэж дууссаныхаа дараа гал унтарсан эсэхийг байнга шалгаж хийн хоолойн хаалтыг сайн хааж занших хэрэгтэй.

(2) Шахмал хий

Зөөврийн зориулалттай плиткэнд энэхүү газыг хэрэглэдэг. газыг буруу хийснээс болж хий алдагдах нь олонтоо тул галын хэмжээ бага байх юм уу, газ үнэртэж байвал даруй шалгаж үзэх хэрэгтэй. Хэрэглэж дууссан газны савыг хадаас, шөвгөөр цоолоод “дахин боловсруулах хаягдал” гэсэн тэмдэгтэй хогийн саванд хаяна.



(3) LPG газ ба төвийн нийлүүлэлттэй газ

Хийн хоолойны хаалтыг нээсний дараа плитка асаана. Хэрэглэж дуусмагцаа хийн хоолойг заавал хаана.

Хий алдагдаж байгаа эсэхийг шалгая гэвэл аяга сав угаагч шингэнийг устай 1:1-ийн харьцаатайгаар хольж хийн хоолойн газ алдагдаж болзошгүй хэсэгт түрхэнэ. Ямар ч өөрчлөлт байхгүй бол зүгээр гэсэн үг. Харин хөөсөрч байвал хий алдагдаж байгаагийн дохио тул даруй засах хэрэгтэй. Хотын хийн шугаманд холбогддог айлд сар бүр 1 удаа хийн компаниас аюулгүй байдлын шалгалт хийхээр ирдэг. Энэ үед болж өгвөл гадагш гарахгүй байж заавал шалгуулах хэрэгтэй. Зайлшгүй гадагш гарах шаардлага гарвал байрны эзэн юм уу хөршдөө захиж байгаад заавал шалгуулах нь зүйтэй.



(4) Газны ослоос урьдчилан сэргийлэх

Ихэнх газны осол газны тоног төхөөрөмжийн ашиглалтанд анхаарал тавиагүйгээс болж хий алдах явдлаас үүдэлтэй байдаг. Газанд угаартах, дэлбэрэх зэрэг ослоудыг энд дурдаж болно. Хий алдагдаж байгаа эсэхийг шалгаж үзээд алдагдаж байгаа нь илэрэх л юм бол тэр даруй доорх арга хэмжээг аваарай.



- Газны хоолойг түгжинэ.
- Цонх, хаалгаа бүгдийг онгойлгож агаар оруулна.
- Цахилгааны оч үсэрхэд газ дэлбэрдэг тул энэ үед цахилгаан хэрэгслийг огт хэрэглэж болохгүй.
- Газ түгээдэг төв газартай холбоо барьж шалгуулна.

5_Халаалт

(1) Бойлер

Бойлерын тоног төхөөрөмж нь олон янз байдаг. Эдгээрт шахмал түлш ашигладаг шахмал түлшний бойлер, тос ашигладаг тосон бойлер, шингэрүүлсэн хий хэрэглэдэг хийн бойлер, хотын шугаманд холбогдсон хийн бойлер орно. Шахмал түлшний бойлер хямд үнэтэй ч түлшийг цаг тухайд нь сольж өгөх ёстой учир ашиглахад төвөгтэй байдаг. Тосон бойлер болон хийн бойлер зардал ихтэйн дээр тос, хий дуусах бүрт захиалах хэрэгтэй болдог муу тал бий. Эдгээрээс хэрэглэхэд хамгийн хамгийн тохиромжтой нь хотын шугаманд холбогдсон бойлер болно. Хотын төвөөс хангадаг хий нь шугаман хоолойгоор дамжин айл өрх бүрт түгээгддэг тул ахуйн хэрэгцээнд болон халаалтын аль алинд хэрэглэж болно. Үнэ ч хямд байдаг. Байр хайхдаа хотын шугаманд холбогддог эсэхийг асууж тодруулаарай. Хотын шугаманд холбогдсон байрны сарын түрээс бага зэрэг үнэтэй байдаг хэдий ч халаалтын зардал хэмнэх бололцоотой юм.



(2) Цахилгаан халаагуур цахилгаан гудас

Цахилгаан халаагуур болон цахилгаан гудас ч бас халаах дулаацуулах төхөөрөмжийн тоонд зүй ёсоор ордог. Гэвч эдгээрийг хэрэглэхэд цахилгааны төлбөр их их гардаг тул энэ талыг бас бодолцох хэрэгтэй юм.

(3) Хийн халаагуур

Хийн халаагуурыг өрөө, ажлын байрыг халуун дулаан байлгах зориулалтаар их хэрэглэдэг. Хийн халаагуураа асаалттай нь орхиж унтахаас болгоомжилгоорой. Унтаж байхдаа хүчил төрөгчийн дутагдалд орж осолдох аюултай гэдгийг байнга сана. Бас өрөө байраа байнга агааржуулж байхаа мартаузай.

6_Утас, кабелийн телевиз, интернэт

(1) Суурин утас

Солонгосын аль ч газраас 100 дугаар руу залгаж телефон утас тавиулах хүсэлтийг тавьж болно. Утасны чагнуураа бариад 100 гэсэн дугаар руу залгахад тухайн орон нутгийн лавлах товчоотой холбогдоно. Эхлээд Солонгос хэл дээр, дараа нь Англи хэл дээр тайлбар сонсогдоно. Хэрвээ та Солонгос Англи хэлний аль нэгээр нь сайн ярьдаг бол холбооны газар очихгүй байсан ч болно.

Утасныхаа төлбөрийг сар бүр банкн дах хувийн данснаас шилжүүлэгддэг автомат төлбөрийн систем ашиглан төлөх нь илүү амар байдаг. Тэгвэл сар бүр банк явж төлбөр тушаах төвөгтэй ажилаас чөлөөлөгдөнө. Утас эвдрэх юм уу, асууж лавлах зүйл гарсан тохиолдолд ч бас 100 дугаар руу залгахад болно.

(2) Гар утас

Ихэнх гадаад иргэдэд лизингээр гар утас худалддаггүй. Тиймээс бэлэн мөнгөөр худалдаж авах л боломжтой. Гадаад иргэний бүртгэлийн үнэмлэхтэй хүн өөрийн нэрээр гар утасны дугаар худалдан авч болох хэдий ч, үнэмлэхгүй бол боломжгүй. Ийм тохиолдолд картны утас буюу ярих төлбөрөө урьдчилан төлдөг гар утасыг ихэвчлэн худалдаж авдаг. Тодорхой хэмжээний мөнгөөр цэнэглэгдсэн картыг худалдан авсны дараа гар утсандаа тухайн картны дугаарыг оруулж тэр хэмжээгээр нь ярьж болдог энэ утас ердийн гар утсыг бодвол бүртгэлийн хураамж, суурь хураамж байхгүй ч гэсэн ярианы төлбөр нь нилээн үнэтэй. Картны утас хэрэглээ гэвэл 1 сард дор хаяж 10,000 воноор цэнэглэх хэрэгтэй. Утасны төлбөр 10,000 воны дотор гарсан ч дараагийн сард үлдэгдэл нэгжийг хэрэглэх боломжгүй байдаг. Шинэ загварын гар утасны үнэ 300,000-600,000 воны үнэтэй байдаг бөгөөд хуучин гар утас 30,000-200,000 вон байдаг. Картыг гар утас худалдаалдаг цэгүүдэд зардаг бөгөөд гадаадын ажилчид ихтэй үйлдвэрийн ойр орчмын дэлгүүр, гадаадын иргэдийн зориулсан хүнсний дэлгүүрүүдээс ч худалдаж авч болно.



Мэдэхэд илүүдэхгүй

Зар сурталчилгааны утас/мессеж

Гар утастай болсны тань дараахнаас элдэв янзын зар мэдээ хүргэх гэсэн дуудлага, мессеж ирэх нь олонтоо. Өөрт хэрэгцээтэй мэдээлэл биш бол тоомсорлохгүй өнгөрч болно. Саваагүйрхэн ярьж байгаад санаандгүйгээр их хэмжээний утасны төлбөр төлөх, хохирох асуудалд унаж болшгүй тул сэрэмжтэй байх хэрэгтэй.



Мэдэхэд илүүдэхгүй

Бүсийн код

Солонгос нийт 16 бүсийн кодтой. Нэг бүс дотор утсаар ярих бол утасны дугаараа л хийхэд болох боловч, өөр бүсийн утас руу залгахдаа эхлээд бүсийн кодыг хийсний дараа утасны дугаараа оруулна. Жишээлбэл Сөүл дотор ярихдаа утасны дугаараа оруулж ярьсан бол, Сөүлээс Пүсан руу залгахдаа Пүсаны бүсийн код 051-ийг дарсны дараа утасны дугаараа оруулна.

Орон нутгийн бүсийн код

Бүс	Код	Бүс	Код	Бүс	Код	Бүс	Код
Сөүл	02	Инчон	032	Канвон	033	Кённам	055
Пүсан	051	Гуанжү	062	Чүнбүг	043	Жонбүг	063
Тэгү	053	Тэжон	042	Чүннам	041	Жоннам	061
Үлсан	052	Кёнги	031	Кёнбүг	054	Жэжү	064

(3) Таксфон

Таксфон утсаар ярихын тулд зоосон мөнгө юм уу картны аль нэг нь хэрэгтэй байдаг. Гадаад руу хямдхан ярьж болдог цагийн хуваарь байдаг бөгөөд цагаа сайн барьж чадвал гадаад руу ярих мөнгөө хэмнэнэ. Хот дотор ярихад 3 минут тутам 70 вон, хотоос гадагш залгахад 43 секунд тутам 70 вон гардаг.



(4) Яаралтай дуудлага хийх ба дуудлага хүлээн авагч нь төлбөр төлөх яриа

Бүх таксфон утсанд яаралтай үед хэрэглэх зориулалттай улаан өнгийн товчлуур байдаг. Карт болон зоосон мөнгө байхгүй үед уг товчлуурыг дарж гэмт хэрэг, гал түймэрийн тухай мэдээлж бас тусламж хүсэж болно.

Заавал цээжлэх ёстой утасны дугаарууд:



- Гэмт хэрэг: улаан өнгийн товчлуур+112
- Гал түймэр: улаан өнгийн товчлуур+119

Зоосон мөнгө болон карт байхгүй үед дуудлага хүлээн авагч нь төлбөр төлөх дуудлага “коллект кол”ийн үйлчилгээг авч болно. Энэ тохиолдолд дуудлага хүлээн авагчийн тань утасны төлбөр дээр таны хийсэн дуудлаганы төлбөр нэмэгдэж тооцогддог. Ийм дуудлагын үнэ ердийн ярианы төлбөрөөс бага зэрэг үнэтэй байдаг. Улаан өнгийн товчлуур дээр дараад 1541 дугаарыг хийсний дараа залгах утасныхаа дугаарыг цуглуулж “#” товчлуур дээр дарахад дуудлага хийгдэнэ.



(5) Гадаад руу ярих

Гадаад улс руу интернэтээр болон олон улсын ярианы картаар ярих нь хямд төсөр тусдаг. Олон улсын ярианы картыг гадаадынхан олноороо үйлчлүүлдэг дэлгүүр болон 24 цагын дэлгүүрүүдэд худалдаалдаг.



Ашиглах заавар

Системд холбогдох дугаар оруулах



Картны дугаар оруулах



Улсын код+орон нутгийн код+ утасны дугаар оруулах

Улс	Улсын код	Улс	Улсын код	Улс	Улсын код	Улс	Улсын код
Аргентин	54	Хонконг	852	Малайз	60	Сингапур	65
Бангладеш	880	Энэтхэг	91	Мексик	52	Шриланк	94
Бразил	55	Индонези	62	Миянмар	95	Сүдан	249
Монгол	976	Иран	98	Непал	977	Тайланд	66
Хятад	86	Ирак	964	Нигр	234	Вьетнам	84
Колумб	57	Сири	963	Пакистан	92	Япон	81
Египт	20	Турк	90	Перү	51	Ангола	244
Казахстан	7	Орос	7	Филиппин	63	Чили	56



Мэдэхэд илүүдэхгүй

Гадаад руу хямд ярих арга

Гадаад руу хийх дуудлага нь дотоодын ярианы төлбөрөөс хамаагүй үнэтэй байдаг. Шөнийн цагаар болон олон нийтийн амралтын өдөр ярианы төлбөр хямдардаг тул энэ хугацааг зөв ашиглах юм бол ярианы төлбөрөө хэмнэх боломжтой. Улс бүхэн, утасны компани тус бүр ярианы төлбөр өөр хоорондоо харилцан адилгүй байдаг учир ярианы төлбөрийн талаарх мэдээллийг урьдчилан олж авах хэрэгтэй. Сүүлийн үед интернэт утас, олон улсын ярианы картаар илүү хямд төлбөртэй ярих боломжтой болсон.

(6) Кабелийн телевиз, интернет

Солонгост агаарын долгионоор цацагддаг нэвтрүүлгийн суваг(KBS, MBC, SBS)-с гадна кабелийн телевизийн суваг, орон нутгийн кабелийн нэвтрүүлгийн суваг, сансрын кабелийн нэвтрүүлгийн суваг(Sky life) гэх мэт олон төрлийн сувгууд байдаг. Орон нутгийн кабелийн телевизийн компаниудын дотор өндөр хурдтай интернэтийн шугаманд холбож өгөх үйлчилгээ үзүүлдэг газрууд бий. Кабелийн телевиз болон интернэтийг хамт тавиулбал бусад үйлчилгээний газруудаас хамаагүй хямд үнээр үйлчилгээ үзүүлдэг.

Зөвхөн интернэт ашиглах гэж байгаа бол харилцаа холбооны компани тус бүр бага сага үнийн зөрөөтэй байдаг тул сайтар харьцуулж үзсэний эцэст шийдвэр гаргах нь зүйтэй. Гэртээ интернэт холбуулахад хүндрэлтэй бол хэрэгцээтэй үедээ интернэт кафенд очиж үйлчлүүлж болно. Интернэт кафе 24 цагийн турш ажилладаг бөгөөд 1 цагт 1000~1500 воны үнэтэй байдаг.

7_Хог хаягдал ангилах

Хогоо хаях үедээ ангилж (ердийн хог, хоолны хаягдал, дахин боловсруулах хог хаягдал) зориулалтын хогийн уутанд хийж тогтоосон хог хаях цэгт аваачиж хаяна. Хог хаягдлыг гол төлөв өглөө эрт авч явдаг тул оройн 10 цагаас үүрийн 5 цагийн хооронд хаядаг. Хог хаягдлыг зохих журмын дагуу ялгаж, ууталж хаяхгүй бол хогийн машин авч явдаггүй бөгөөд бүр ноцтой тохиолдолд торгууль хүртэл оногдуулдаг.

(1) Энгийн хог хаягдал

Зориулалтын хогийн уутанд хийж хаяна.



Мэдэхэд илүүдэхгүй

Хогийн уут

Хогийн уутыг ойрхон олон нэрийн барааны дэлгүүрээс юм уу том супер маркетаас худалдан авна. Хот дүүрэг бүрийн ердийн хог, хоолны хаягдлын уутны өнгө өөр байдаг тул сайн харж авах хэрэгтэй. Ердийн хогны уут зориулалтаасаа хамааран 5, 10, 20, 30, 50, 75, 100 литрийн хэмжээтэй байдаг. Хоолны хаягдал ойр ойрхон хаягддаг тул 2-5 литрийн хэмжээтэй жижиг уут байдаг. Зарим газар хоолны хаягдлыг тусгай хогын саванд хаяхыг шаарддаг ба энэ мэтчилэн тухайн амьдарч байгаа газраас хамаарч хоолны хаягдыг хаяж ангилах арга өөр өөр байдаг тул энэ талаар хөршөөсөө асуух нь зүйтэй. Хогийн уут нь дүүрэг, орон нутаг бүр өөр өөр байдаг тул сольж хэрэглэж болохгүй.



(2) Хоолны хаягдал

Усыг нь сайн шавхаад зориулалтынх нь уутанд хийж хаях юм уу эсвэл усыг нь шавхасны дараа хоолны хаягдлын саванд хийдэг.



(3) Дахин боловсруулах хог хаягдал


Төрөл бүрийн цаас, шилэн сав, лааз, хуванцар сав, хувцас зэргийг дахин боловсруулах хог хаягдал гэнэ. Ундааны шил, лааз зэргийн дотрох шингэнийг шавхаж хатаасны дараа аль болох навтайлган овор багатай болгоод гаргаж тавина.

**(4) Шатдаггүй хог**

Шаазан сав суулга, гутал зэрэг шатдаггүй хогийг ч бас зориулалтын хогийн уутанд хийж хаяна.

**(5) Том овортой хог**

Хэрэглэхгүй болсон тавилага, цахилгаан бараа зэрэг овортой хогыг хаяхдаа хогон дээрээ хороо хориноос худалдаж авсан, хог ачуулах төлбөр төлсөн тэмдэгтэй тусгай наадаг цаасыг нааж гэрийнхээ гадаа гаргаж тавина. Наадаг цаасны үнэ хогийн төрөл, овор хэмжээнээс хамааран өөр өөр байдаг. Зарим хот дүүрэгт наадаг цаасыг тогтсон худалдааны газар (супермар



4» Эдийн засгийн хэмнэлттэй зарцуулалт

1_Өрхийн орлого зарлага

(1)Өрхийн орлого зарлага

Өрхийн орлого зарлага гэдэг нь өрхөд орж ирж буй мөнгө ба гарч буй мөнгөний байдлыг хэлнэ. Бага орлоготой ч хэрхэн зарцуулж байгаагаас шалтгаалж өрхийн орлого зарлагын байдал нэмэх(+) хасах(-) болж байдаг.

(2) Мөнгөний үнэ цэнэ

Солонгост 1 won, 10 won, 50 won, 100 won, 500 won-ы зоосон мөнгө болон 1,000 won, 5,000 won, 10,000 won, 50,000 won-ы цаасан дэвсгэртэйг гүйлгээнд хэрэглэдэг. Мөн 100,000 болон түүнээс дээш воноос хэмжээний чек ашигладаг.

• Зоос



10 won(шиб won)



10 won(шиб won)



50 won(ушиб won)



100 won(пэг won)



500 won(үпэг won)

• Цаасан дэвсгэрт



1,000 won(чоно won)



5,000 won(учоно won)



10,000 won(мана won)



50,000 won(умана won)



100,000 won(шиммана won)

※ 100,000 wonы чекийг бэлэн мөнгөний адил өргөнөөр хэрэглэдэг. (Чекээр гүйлгээ хийхдээ өөрийнхөө биеийн байцаалтыг үзүүлж, чекний ард нэр, утасны дугаараа бичнэ.)

Солонгосын 1,000 won, 5,000 won, 10,000 won, 50,000 won-оор юу худалдаж авч болох талаар өөрийн орны мөнгөний үнэ цэнэтэй байнга харьцуулан бодож байх хэрэгтэй. Бас Солонгос барааны үнийн тухай бодолцож байх нь илүүдэхгүй.



Мэдэхэд илүүдэхгүй

Энэ мөнгөөр юу хийж болох вэ?

Кофены автомат машинаас нэг аяга кофе авч уухад ойролцоогоор 300-500 won хэрэгтэй.

1,000 won-оор жижиг дэлгүүрээс нэг уут печень юм уу нэг ширхэг мөхөөлдөс авч болно.

5,000 won-оор бол гуанзнаас пэгбан, бибимпаб, нэимён зэрэг хоол авч идэж болох ба

10,000 won-оор 1 гынь (600g) үхрийн мах худалдан авч болдог.

50,000 won-оор нэг уут цагаан будаа(20kg) худалдан авч болно.



☕ = 300~500원



📦 = 1,000원



🍲 = 5,000원



🥩 = 10,000원



🍚 = 50,000원

2_Бараа худалдан авах, ашиглах

Худалдан авах зүйлээ урьдчилан төлөвлөлгүйгээр дэлгүүр явснаас онцын шаардлагагүй зүйл авах тохиолдол гардаг. Ингэвэл зарлага нь орлогоосоо хэтрэн өрхийн төсөвт хүндрэл үүсдэг учир дэлгүүр явахаасаа өмнө худалдаж авах зүйлээ заавал төлөвлөх нь зүйтэй.

(1) Жагсаалт гаргах

Бараа худалдаж авхаасаа өмнө юу худалдаж авахаа бичинэ.

(2) Бараа худалдаж авах газар

Хаанаас хэр хэмжээгээр худалдаж авхаа шийднэ.



24 цагийн дэлгүүр

Хүнсний бүтээгдэхүүнээс эхлэн төрөл бүрийн бараа худалддаг 24 цагаар ажилладаг дэлгүүр. Бага талбайтай учир яарсан үед хайсан бараагаа олж авахад хялбар бөгөөд яарсан үед ганц хоёр зүйл худалдаж авахад хүндрэлгүй амар байдаг.



Зах (5 дахь өдрийн зах)

Хүнс, хувцас, ойр зуурын ахуйн хэрэгсэл зэрэг төрөл бүрийн бараа худалддаг захын барааны үнэ нь ерөнхийдөө хямд, худалдан авах хэмжээ, үнийг тохиролцож болдог. Эндээс Солонгосын эгэл жирийн иргэдийн амьдралын дүр зургийг харж болно.



Олон нэрийн барааны дэлгүүр

Ихэвчлэн печень амттан, хүнсний ногоо, мах, ус ундаа зэрэг хүнсний бүтээгдэхүүн голчлон худалддаг бөгөөд гэрийн ойролцоо байдгаараа онцлог юм. Барааг уг үнээс нь бага зэрэг(10% орчим) хямдарсан үнээр худалдан авах боломжтой байдаг.



Их дэлгүүр

Хувцас, хүнс, цахилгаан бараа, гоо сайхны бараа, гоёл чимэглэл зэрэг маш олон төрлийн бараа худалдаалдаг ба тоноглол, үйлчилгээ, барааны чанар дээд зэрэглэлийнх байдаг учраас үнэтэй байдаг. Хямдрал байнга явагддаг тул тэр үеийг нь хүлээж байгаад хямдхан үнээр чанартай бараа худалдаж авах боломжтой.



Супермаркет

Энд их дэлгүүртэй адил хүнс, хувцас, цахилгаан бараа, ахуйн хэрэглээний зүйлс зэрэг олон төрлийн бараа худалдаалдаг. Барааны чанар, тоноглол үйлчилгээ ч бас сайн.



ТВ дэлгүүр

Телевизээр гарч байгаа барааны танилцуулга нэвтрүүлгийг үзээд хэрэв таалагдвал тэр даруй утсаар захиалж шуудангаар гэртээ хүлээн авч болдог үйлчилгээг “Хөүм-шоппин” буюу ТВ дэлгүүр гэдэг. Энэ нэвтрүүлгээр хувцас, хүнс, гоо сайхны бараа, цахилгаан бараа, даатгал зэрэг бүтээгдэхүүнүүдийг худалдаалдаг. Биеээ яадраалгүй хүссэн бараагаа худалдан авах боломжтой ч түр зуурын сэтгэл хөдлөлөөр шаардлагагүй бараа худалдан авах тохиолдол байдаг тул анхаарах хэрэгтэй.



Интернэт дэлгүүр

Интернэт дээр суунгаа дуртай бүтээгдэхүүнээ захиалан авч болдог үйлчилгээг интернэт дэлгүүр гэх ба маш олон төрлийн бараа интернэтээр дамжин худалдаалагддаг. Гэвч зарим тохиолдолд компьютерийн дэлгэцээр харсан бодитоор харсан хоёр ялгаатай байх, бараа авахаар бүртгүүлэх үед иргэний бүртгэлийн дугаар мэтийн хувийн мэдээллийг шаардах зэрэг хүндрэл учирдаг.

(3) Төлбөрийн хэлбэр

Бэлэн мөнгө, чек, кредит карт, бараа худалдан авах эрхийн бичиг зэрэг хэлбэрээр төлбөр хийдэг.



(4) Бараа худалдан авах

Барааг худалдан авахдаа үнэ, чанарыг хооронд нь харьцуулах хэрэгтэй ба хүнсний барааны хүчинтэй хугацааг шалгана.

Худалдан авсан барааны үнийг зөв тооцсон эсэхийг шалгах хэрэгтэй. Худалдан авсан баримтаа хадгалж байх хэрэгтэй бөгөөд дараа бараагаа солих юм уу буцаах шаардлагатай үед баримтаа үзүүлдэг.



(5) Бараа хэрэглэхийн өмнө

- Худалдан авсан барааныхаа баталгааны хуудсыг цуглуулж нэг дор хадгална.
- Бүтээгдэхүүнийг зөв хэрэглэхийн тулд хэрэглэх зааврыг унш.
- Барааг хадгалах арга, анхаарах зүйлтэй танилцаж тогтоож ав. Аюулгүй байдал, эрүүл мэндийнхээ төлөө үүнийг марталгүй хийгээрэй.



(6) Бараа буцаах, төлбөрөө эргүүлэн авах үед анхаарах зүйлс

- Барааг ашиглаж, гэмтээхгүйгээр сайн хадгална.
- 7 ~14 хоногийн дотор барааг буцаасан тохиолдолд төлбөрөө буцаан авах боломжтой учир гэрийнхэндээ юм уу хөршдөө хэлж тусламж хүсээрэй.
- Бараа буцаах, төлбөрөө эргүүлэн авах үед хүндрэл учрах юм уу хохирол амссан үед Солонгосын хэрэглэгчийн эрхийг хамгаалах газар, Хэрэглэгчийн байгууллагад хандаж туслалцаа хүсээрэй.



Солонгосын хэрэглэгчийн эрхийг хамгаалах газар

02-3460-3000, www.kca.go.kr

Хэрэглэгч иргэдийн холбоо

02-739-5441, www.cacpk.org

3_Хадгаламж ба банкаар үйлчлүүлэх



(1) Хадгаламжийн ач холбогдол

Эд хөрөнгө хураан хуримтлуулах, болзошгүй аюул гамшигт бэлэн байх, өндөр настны амьдралдаа бэлтгэх, өөрийн орон гэртэй болох, үр хүүхдийнхээ сургалтын төлбөрийг бэлтгэх зэрэг олон талын асуудал дээр хадгаламж бидэнд ашиг тусаа өгдөг. Тиймээс банкинд хадгаламжийн данс нээлгэж мөнгөө хадгалуулах нь хамгийн зөв зүйтэй арга юм.

(2) Хадгаламжийн төрөл

- Хугацаагүй хадгаламж: Тодорхой заасан хугацаагүй бөгөөд хүссэн үедээ орлого зарлагын гүйлгээ хийж болдог хадгаламж юм. Хүүгийн хэмжээ нь бага байдаг.
- Хугацаат хадгаламж: Их хэмжээний мөнгийг нилээн урт хугацаагаар орлого зарлагын гүйлгээ хийхгүйгээр хадгалуулдаг хадгаламж бөгөөд хадгаламжийн хүү нь өндөр байдаг.
- Хуримтлалын хадгаламж: Хуримтлалын хадгаламж нь дансандаа гэрээний дагуу сар бүр тогтмол орлого хийж тодорхой хугацааны дараа их хэмжээний мөнгөтэй болох боломжийг бүрдүүлдэг хадгаламж бөгөөд хүү нь ч гэсэн өндөр байдаг.
- Чөлөөт хадгаламж: Өрхийн орлогын хуримтлалын хэмжээг нэмэгдүүлэх зорилгоор бий болсон хадгаламжийн шинэ төрөл бөгөөд урт хугацааны хадгаламжийн хүү нь өндөр байдаг.

(3) Банкаар үйлчлүүлэх

• Банкинд данс нээлгэх (хадгаламж нээлгэх)

- Бэлтгэх зүйлс: Биеийн байцаалт (паспорт, гадаад иргэний үнэмлэх, жолооны үнэмлэх, тамга, хадгалуулах мөнгө)

- Дараалал

① Дугаар түгээх автоматаас дугаар авч өөрийхөө ээлжийг болтол сууж хүлээнэ.

② Өөрийн тань дугаар самбарт гарч ирвэл тухайн цонхон дээр явж очино.

③ Банкны ажилтанд ямар зорилготой (хадгаламж нээлгэх, мөнгө шилжүүлэх, дансандаа мөнгө хийх г.м) ирсэнээ хэлнэ. (Бэлэн мөнгөний карт авах хүсэлтэй бол түүнийгээ хэлнэ.)

※ Бэлэн мөнгөний карт: Хадгаламжийн дэвтэр, тамгагүйгээр бэлэн мөнгөний автомат машин (АТМ)-д бэлэн мөнгө хийж бас авч болдог карт

④ Банкны ажилтны зааврын дагуу бичиг баримтыг бөглөж өгнө.

⑤ Дансны дэвтэр бэлэн болсон бол дэвтэр болон биеийн байцаалтаа шалгаж авна.

※ Нууц дугаараа зөвхөн өөрөө мэдэж байх хэрэгтэй ба өөр хүнд зааж өгч болохгүй.

• Банкаар үйлчлүүлэх цаг

- Даваа~Баасан: 09:00~16:00

- Ажлын бус цагаар: Банкнуудын 365 өдөр ажилладаг бэлэн мөнгөний автомат машин(АТМ)-ыг ашиглана.

• Дансандаа мөнгө хийх, авах, автомат машинаас мөнгө авах

- Дансны орлогын болон зарлагын баримтыг бөглөөд үйлчилгээний цонхон дээр очно. Дансанд мөнгө хийхэд нууц дугаар шаардлагагүй ч авах үед нууц дугаар, гарын үсэг(тамга) хэрэг болдог.

- Бэлэн мөнгөний автомат машин(АТМ)-аас дансны дэвтэр болон бэлэн мөнгөний картаараа мөнгө хийж, авч болдог. Мөнгө авахад нууц дугаар шаардлагатай бөгөөд нууц дугаараа дараалан 3 удаа буруу оруулвал мөнгө авч, хийх боломжгүй. Банкны ажлын бус цагаар юм уу өөр банкны бэлэн мөнгөний автомат машин(АТМ)-р үйлчилүүлэх тохиолдолд хураамж төлөх хэрэгтэй болдог.



• Интернэт банк

- Интернэтээр хийгддэг банкны үйлчилгээг интернэт банкны үйлчилгээ гэдэг.
- Интернэт банкаар дансан дах үлдэгдлээ шалгаж, мөнгө шилжүүлэх боломжтой.
- Интернэт банкаар үйлчлүүлэхийн тулд Санхүүгийн төлбөр тооцооны хорооноос баталгаажуулсан зөвшөөрлийг банкны вебсайтаас татаж компьютертаа суулгах хэрэгтэй бөгөөд банкнаас олгосон мөнгө шилжүүлэхэд хэрэглэдэг нууц кодны карт(secret card)-тай байх хэрэгтэй. Энэ тухай дэлгэрэнгүй лавлагааг банкнаас аваарай.



Мэдэхэд илүүдэхгүй

Телефон банк

Утсаар хийгддэг банкны үйлчилгээг телефон банкны үйлчилгээ гэдэг. Интернэт банкны адилаар өөрийн нууц дугаар, кодны карт хэрэгтэй. Интернэт банк болон телефон банкаар үйлчилүүлэх эрхийг хамт авах нь ажлыг тань хөнгөлнө.

• Ахуйн үйлчилгээний төлбөр төлөх

- Банкинд очиж төлөх

Ахуйн үйлчилгээний нэхэмжлэлийн хуудсыг банкинд авч очоод төлбөр хийж болно. Зарим банкууд нэхэмжлэлийн хуудсаар төлбөр тооцоо хийхээ зогсоосон байна. Энэ тохиолдолд банкны дотор байдаг автомат төлбөрийн машинаар төлбөрөө хийх ёстой болно. Төлбөрийн машинаар үйлчлүүлэхийн тулд тухайн банкны дэвтэртэй байх хэрэгтэй. Хэрэв банкны дэвтэр байхгүй бол шуудан руу очоорой. Ахуйн үйлчилгээний төлбөр тооцоог шуудан дээр ч бас хийж болдог юм шүү.

- Автомат шилжүүлэг

Сар бүрийн тогтсон өдөр тухайн хүний данснаас ахуйн үйлчилгээний төлбөр автоматаар холбогдох үйлчилгээний байгууллагын дансанд шилжин ордог үйлчилгээг автомат шилжүүлэг гэдэг. Энэ үйлчилгээгээр үйлчлүүлэхийн тулд банк руу очиж хүсэлт гаргах юм уу эсвэл холбогдох үйлчилгээний байгууллага руу утасдахад л болно. Мөнгө шилжих өдрийг сайн санаж дансандаа хүрэлцэхүйц хэмжээний мөнгө үлдээж байх хэрэгтэй.

- **Мөнгөн гуйвуулга**

- Эх орондоо байгаа гэр бүлийнхнийхээ нэр дээр банкинд данс нээлгэнэ.
- Хүлээн авах хүний нэр, хаяг, утасны дугаар, банкны нэр, дансны дугаар, биеийн байцаалтаа аваад банкны мөнгөн гуйвуулга хариуцдаг үйлчилгээний цонх руу очино. Бусдыг нь банкны ажилтан хийж өгнө.
- Гуйвуулсан мөнгөний баримтаа сайн хадгалж байх хэрэгтэй.



Мэдэхэд илүүдэхгүй

Мөнгө гуйвуулах хамгийн найдвартай арга

Мөнгө гуйвуулах хамгийн найдвартай арга зам бол банк, шуудан зэрэг санхүүгийн байгууллагаар үйлчлүүлэх явдал юм. Хувийн байгууллагаар дамжуулан мөнгө гуйвуулах нь хурдан, шимтгэл хураамж бага гэж бодож болох боловч тэдгээр газрууд гуйвуулсан мөнгийг замаас нь бултуулан авч зугтах явдал байнга гарч байдаг. Нэгэнт алдсан мөнгийг эргүүлж авах нь боломжгүй байдаг учир эхнээсээ хувийн мөнгө шилжүүлэгч байгууллагаар үйлчлүүлэхгүй байх нь зүйтэй.

5» Тээврийн хэрэгсэл

1_Автобус

Солонгост хот доторх болон хот хоорондын, мөн хурдны автобус гэж байдаг. Хот хоорондын болон хурдны автобусаар үйлчлүүлэхдээ тасалбараа урьдчилан авах хэрэгтэй. Автобусанд суухын өмнө хөдлөх цаг, явах чиглэлийг нь лавлаж байх нь илүүдэхгүй.



(1) Хот хоорондын автобус

- Хот доторх автобус
 - Автобусанд суухдаа төлбөрөө бэлнээр болон тээврийн хэрэгслийн төлбөрийн картаар төлнө
 - Тээврийн хэрэгслийн төлбөрийн картыг буудлын ойролцоох цэгүүдээс худалдан авч болно.
 - Уг картыг 1-ээс 90 мянга хүртэл воноор цэнэглэж болно.
 - Уг картаар тооцоо хийхэд унааны зардал тодорхой хэмжээгээр хямдардаг. Мөн автобус метрог сольж суух тохиолдолд хөнгөлөлт эдэлдэг.

• Хот доторх автобусны төлбөр ба онцлог

Ангилал	Төлбөр	Онцлог
Ердийн хотын автобус	1,000 won	Бүх буудал дээр зогсоно.
Суудлын автобус	1,500~1,700 won	Гол буудлууд дээр зогсоно.
Тосгоны автобус	600~800 won	Ойрхон маршрутаар явна.

※ Маршрут, төлбөр нь хот, дүүрэг бүр өөр байж болох учир тухайн орон нутгийнхаа нийтийн тээврийн хэрэгслийн мэдээллийн вебсайтаас тодруулах хэрэгтэй.



Мэдэхэд илүүдэхгүй

Сөүлийн хот доторх автобус



Цэнхэр автобус: Автобусны төв шугамыг дагаж Сөүл орчимд болон Сөүл хот дотор явна.



Ногоон автобус: Сөүл хотын гол метроны буудал, автобусын буудал хооронд явдаг.



Улаан автобус: Сөүл хот, дагуул хотуудын хооронд явдаг тусгай зэрэглэлийн автобус.



Шар автобус: Сөүл хот доторх гол метроны буудал төдийгүй худалдаа, аялал жуулчлалын төв, дэлгүүр хоршоотой газруудаар зогсдог.

(2) Хот хоорондын болон хурдны автобус

• Хот хоорондын болон хурдны автобусаар үйлчлүүлэх

- Нилээн хол зайтай хот суурин газар руу явах үед хот хоорондын болон хурдны автобусанд суудаг. Энэ автобусаар үйлчлүүлэхийн тулд терминал (тээврийн товчоон) дээр очих хэрэгтэй.
- Орон нутгийн автобус нь олон хотуудаар дамждаг учраас хурдны автобусыг бодоход цаг их зарцуулагддаг.
- Хурдны автобус зөвхөн зорьсон чиглэлийн буудал дээрээ л зогсдог ба дотор нь ердийн болон дээд зэрэглэлийн автобус гэж ангилдаг. Дээд зэрэглэлийн автобусны суудал хоорондын зай өргөн бөгөөд илүү тав тухтай аялах боломжтой ч энгийн автобуснаасаа илүү өндөр үнэтэй байдаг.

• Гол хотуудад байрлах автобусны терминал

Хот хоорондын болон хурдны автобусанд суухдаа хот, орон нутгууд дах автобусны терминал дээр очих ёстойг дээр дурдсан. Хурдны автобусны компаниудын холбооны вэбсайт (www.kobus.co.kr) юм уу хот хоороондын автобусны мэдээлэлийн вэбсайт(www.gbuis.co.kr)-аас зорчих цаг, тасалбар захиалах тухай мэдээлэл авч болдог.

Терминал	Утас	Терминал	Утас
Сөүлийн хурдны автобусны терминал	1688-4700	Үлсаны автобусны терминал	052-268-1556
Дун-Сөүл нэгдсэн терминал	1688-5979	Каннынгийн автобусны терминал	033-647-3181
Сөүл Намбү терминал	02-521-8550	Сугчугийн автобусны терминал	033-631-3181
Сүвоны автобусны терминал	1688-5455	Чүнчоны автобусны терминал	033-256-1571
Инчоны автобусны терминал	032-430-7114	Чонжүгийн автобусны терминал	1688-4321
Ансаны автобусны терминал	031-403-8251	Мугпугийн автобусны терминал	061-276-0221
Ыжобүгийн автобусны терминал	1688-0314	Жонжүгийн автобусны терминал	063-277-1572
Тэжоны Собү терминал	042-584-1616	Гуанжүгий автобусны терминал	062-360-8114
Чонаны автобусны терминал	041-551-4933	Ёсүгийн автобусны терминал	061-652-1877
Тэгүгийн Дунбү терминал	053-759-6162	Пүсаны хурдны автобусны терминал	051-508-9200
Тэгүгийн Собү терминал	053-656-2824	Масаны хурдны автобусны терминал	055-256-1621



Мэдэхэд илүүдэхгүй

Дамжин суух систем

Метро явдаг бүх хотуудад энэ систем нэвтэрсэн бөгөөд автобус дамжих юм уу автобусаас метронд дамжин суух үед төлбөр нь явсан зайнаас хамаарч тооцогддог хямдралын систем юм.

Жишээлбэл тээврийн хэрэгслийн төлбөрийн карт ашиглахгүйгээр бэлэн мөнгө төлөх юм бол та автобус, метро дамжиж суух бүртгээ 1,000 вон төлнө. Харин карт ашиглах юм бол автобус юм уу метронд дамжиж суугаад 10km доторх зайнд зорчих юм бол нэмэлт төлбөр төлөхгүй. Харин 5km тутамд картнаас тань 100 вон нэмж унана. Харин орон нутаг бүрт хямдралын хэмжээ өөр өөр байдгыг санаарай.

2_Метро



Сөүл, Пүсан, Тэгү, Гуанжү, Инчон зэрэг хотуудад метро явдаг. Сөүлийн метроны 9-н шугамын үйлчилгээг төрийн өмчит байгууллага болох Солонгосын Төмөр Зам(KNR) хариуцан ажилладаг. Сөүлийн метроны шугамнууд бүгд өөр өөр өнгөтэй ба хотын зах хязгаар болон ойролцоох дагуул хотуудыг хооронд нь хөндлөн гулд холбосон байдаг. Солж суух буудал болгон нь тусгайлан тэмдэглэсэн байдаг бөгөөд өглөө, орой ачаалал ихтэй үед 2.5 ~ 3 минутын зайтай, бусад үед 4~6 минутын зайтай явдаг.

(1) Тасалбар ба үйлчилгээний төлбөр

Зорчигч	Төлбөр (карт ашигласан үед)
Том хүн (20-с дээш насны)	Суурь төлбөр: 10km хүртэл зайнд 900 вон
Оюутан (14 -19 нас хүртэл)	Карт: 20% хямд(суурь үнэ 720 вон)
Хүүхэд (8-13 нас)	Карт: 50% хямд(суурь үнэ 450 вон) 1 удаагийн тасалбарын 50%(500 вон)
Ахмад настан, тахир дутуу болон төрд гавьяа байгуулсан хүн	100% хямдралтай (үнэгүй)

(2) Үйлчилгээтэй холбоотой заавар зөвлөгөө

- Үндсэн явах замд ноогдох төлбөр нь 1,000 вон ба зорчих зайнаас хамааран уг төлбөр нэмэгддэг.
- Өглөө 5 цаг 30 минутаас эхлэн шөнө дунд хүртэл явна.
- Метроны чиглэл, шугамыг заасан зургууд буудал бүр дээр хэд хэдэн газар хадсан байдаг. Мөн авч явахад хялбар зургийг буудал бүрийн тасалбар түгээгүүрээс үнэгүй авч болно.
- Метро бүхий хот, орон нутагт тээврийн хэрэгслийн төлбөрийн карт ашиглан автобус, метронд сольж суухдаа хямдрал эдлэх боломжтой. Тухайн орон нутгаас хамааран хямдралын хэмжээ харилцан адилгүй байна.
- Бэлэн мөнгөөр тасалбар аван зорчиж болох хэдий ч энэ тохиолдолд үнэ нь хямдардаггүй тул тээврийн хэрэгслийн төлбөрийн карт ашиглах нь илүү тохиромжтой. Метроогоор зорчих үед картанд нэг удаагаас доошгүй зорчих төлбөрийн дүнтэй тэнцэх мөнгө үлдсэн байх ёстой ба дутсан тохиолдолд автобус, метроны буудлын тасалбар түгээгүүрийн газар хүссэн хэмжээгээрээ мөнгө өгч цэнэглүүлж болно.


**Мэдэхэд илүүдэхгүй****Тасалбар түгээгч автомат машин ашиглах заавар**

- ① Тээврийн карт цэнэглэх, 1 удаагийн тасалбар авах, үнэгүй тасалбар авахын аль хүссэнээ сонгоно.
 - ② Зорчих чиглэл (төлбөр)-ээ сонгоно.
 - ③ 2-оос дээш тасалбар авах бол авах тоогоо дарна.
 - ④ Мөнгөө хийнэ.
 - ⑤ Тасалбар болон хариулт мөнгөө авна.
- ※ 1 удаагийн тасалбар худалдаж авах үед тасалбарын үнээс гадна барьцааны 500 вон хэрэгтэй бөгөөд энэ 500 вонг метроноос буусны дараа барьцаа буцааж авах автоматаас авна.



(3) Метроны шугамны зураг

Эхний юм уу сүүлийн метро явах цаг, зогсоол, үйлчилгээний цагийн хуваарь, зорьсон зогсоолдоо хамгийн хурдан очих зам хайх зэрэг мэдээллийг доорх байгууллагуудын вэбсайтаас тодруулж болно.



Сөүл



Сөүл Метро www.seoulmetro.co.kr

Сөүл хотын төмөр замын алба www.smrt.co.kr

Пүсан

Пүсаны Нийтийн тээврийн

алба www.humetro.busan.kr



Тэгү

Тэгү хотын Төмөр замын алба www.dtro.or.kr

Гуанжү

Гуанжү хотын Төмөр замын алба www.gwangsubway.co.kr

Тэжон

Тэжон хотын Төмөр замын алба www.djet.co.kr

3_Такси

Такси бол 24 цагаар үйлчилгээнд явдаг тээврийн хэрэгсэл юм. Таксины дээд талд олон өнгийн гэрлэн тэмдэг хадаастай байдаг тул суудлын машин дундаас амархан танигдана. Таксинд суухын тулд таксины зогсоол дээр хүлээх юм уу эсвэл замын хажуунаас гараа өргөн зогсоож болно. Таксийг утсаар дуудаж үйлчлүүлэх юм бол таксины төлбөрөөс гадна дуудлагын төлбөр (ихэвчлэн 1000 вон) төлөх хэрэгтэй болдог. Солонгосын бүх хот тосгон дуудлагын такси компанитай бөгөөд ойр орчныхоо хүмүүсээс дуудлагын утасны дугаарыг нь асууж мэдэж болно.

(1) Ердийн такси

3-4 хүн суух боломжтой ба тоолуур тавигдсан байдаг. Үндсэн төлбөрийн хэмжээ газар бүр өөр өөр боловч дунджаар 2000-3000 вон байдаг. 00:00-04:00 цаг хүртэл шөнийн нэмэгдэл тооцогддог. Хамрах бүс нутгаасаа гадагш явахад бас нэмэлт үнэ тооцогддог. Тухайлбал Сөүлээс таксинд суугаад Сүвон хот руу очиход тоолуур дээр гарсан төлбөрийн 20%-тай тэнцэх хэмжээний мөнгийг нэмж төлөх ёстой.



(2) Дээд зэрэглэлийн такси

Хөдөлгүүрийн багтаамж нь 3000CC-с дээш хэмжээтэй, дээд зэрэглэлийн хөнгөн тэрэг энэ үйлчилгээнд явдаг. Ихэнх нь хар өнгөтэй байдаг бөгөөд нийслэл орчмын газруудаар голцуу үйлчилдэг. Үндсэн төлбөр нь таксинаас хамаагүй үнэтэй бөгөөд 3км-т 4,500 вон гардаг. Харин шөнийн нэмэгдэл, бүсээс гадагш явах нэмэгдэл авдаггүй.



(3) Том оврын такси (дуудлагын такси)

Ачаа ихтэй болон олуулаа явж байгаа үед энэ таксинд суугаад тав тухтай явж болно. Дээд тал нь 9 хүн сууж болох энэ такси нь дуудлагын системтэй холбогдсон байдаг тул утсаар хэзээ ч хаанаас ч дуудан үйлчлүүлж болно. Үндсэн төлбөр нь дээд зэрэглэлийн такситай адил 4500 вон боловч үнэ төлбөрийн талаар жолооч зорчигчид хоорондоо тохиролцож болно.



4_Хувийн хэрэглээний унаа тэрэг

Хувийн хэрэгцээнд унадаг машин тэрэг нь жижиг оврын хөнгөн тэрэгнээс авахуулаад маш олон төрөл байдаг бөгөөд тэдгээр нь хэдэн сая воноос хэдэн арван сая хүртэл үнэтэй байна.

* Жолооны үнэмлэх

Солонгос улсад ажиллаж амьдарч буй гадаадын иргэд болон Солонгос иргэнтэй гэр бүл болсон гадаадын иргэдэд жолооны үнэмлэх авахад нь үнэ төлбөргүй тусламж үзүүлдэг Олон соёлт гэр бүлийг дэмжих төв, цагдаагийн газар гэх мэтийн байгууллагууд байдаг. Энэ тухай дэлгэрэнгүй мэдээллийг амьдарч байгаа газрынхаа Олон соёлт гэр бүлийг дэмжих төв, цагдаагийн газраас тодруулаарай.

Жолооны үнэмлэх авахдаа:

① Жолооны сургалтанд суух

Жолооны сургалтыг жолооны шалгалтын төв болон жолооны сургалт явуулдаг мэргэжлийн курс дамжаанууд зохион байгуулдаг.

② Эрүүл мэндийн үзлэгт орох

③ Онолын шалгалтанд бүртгүүлэх

Шаардлагатай бичиг баримт	Хураамж
Шалгалтын хуудас(3 хувь зураг), компьютерийн зориулалтын үзэг, иргэний үнэмлэх, өөр хүн орондоо явуулж бүртгүүлэх бол тухайн хүний биеийн байцаалт, өөрийн(итгэмжлэгчийн) итгэмж бичгийг хавсаргана.	• Энгийн 1 буюу 2-р төрөл бол 6,000 won • Моторт тээврийн хэрэгсэл 4,000 won • 2-р төрлийн бага оврийн тээврийн хэрэгсэл 6,000 won

④ Онолын шалгалт

Шалгалт нь 4 хэлбэрийн 40 асуулттай байдаг.

⑤ Жолооны шалгалтанд бүртгүүлэх

Бичгийн шалгалтанд тэнцсэн, мөн жолооны шалгалтанд унасан хүн өгнө.

Шаардлагатай бичиг баримт	Хураамж
Шалгалтын хуудас, иргэний үнэмлэх, өөр хүн орондоо явуулж бүртгүүлэх бол тухайн хүний биеийн байцаалт, өөрийн(итгэмжлэгчийн) итгэмж бичгийг хавсаргана.	• Энгийн 1 болон 2-р төрөл 15,000 won • 1-р төрлийн том оврын, тусгай тээврийн хэрэгсэл 15,000 won • Моторт тээврийн хэрэгсэл 5,000 won • 2-р төрлийн бага оврийн тээврийн хэрэгсэл 6,000 won

⑥ Жолооны шалгалт

Сургалтын зам дээр машин жолоодон олон төрлийн үйлдэл хийдэг.

※ Энгийн 1 төрөл, 2 төрлийн жолооны шалгалт өгөхөөс өмнө доод тал нь 3 цаг жолооны сургалтанд суусан байх ёстой.

⑦ Жолооны дадлагын үнэмлэх

Жолооны шалгалтанд тэнцэх юм бол хотын зам дээр жолооны дадлага хийж болох дадлагын үнэмлэх олгодог.

⑧ Хотын жолооны дадлага

Хотын жолооны шалгалт өгөх гэж буй хүн дадлагын үнэмлэхээ авсны дараа жолооны үнэмлэх аваад 2 жил болсон хүний хамт 10 цаг жолооны дадлага хийх ёстой.

⑨ Хотын жолооны шалгалтанд бүртгүүлэх

10-аас дээш цаг хотын жолооны дадлага хийсэн бол хотын жолооны шалгалтанд орох цаг өдрийг товлож өгдөг.

⑩ Хотын жолооны шалгалт

Товлосон өдөр шалгалтын байранд ирж шалгалт өгнө.

⑪ Жолооны үнэмлэх

Хотын жолооны шалгалтанд тэнцэх юм бол төрөл тус бүрээр (том оврын 1-р төрөл, энгийн 1-р төрөл, тусгай 1-р төрөл, энгийн 2-р төрөл, бага оврын 2-р төрөл, моторт тээврийн хэрэгсэлийн 2-р төрөл) нь үнэмлэх олгоно.



Илүү дэлгэрэнгүй мэдээллийг жолооны шалгалт авдаг байгууллагаас лавлана уу.
(<http://www.dla.go.kr>/ ☎ 1577-1120)

5_Галт тэрэг

Галт тэрэг нь нисэх онгоцны дараа орох хамгийн хурдан тээврийн хэрэгсэл юм. Дийлэнх том хотууд галт тэрэгний зогсоолтой бөгөөд галт тэрэгнээс буугаад автобус, метроны аль алинд дамжин сууж болдог тул элдэв төвөг учирдаггүй. Хурд, төлбөрийнх нь их багаар хурдны галт тэрэг(КТХ), Сэ-маиль, Мүгүнхуа гэж дараалуулж болно.



(1) Хурдны галт тэрэг(КТХ)

КТХ-ээр зорчих тасалбарыг буудлын касс, аялал жуулчлалын компани, тасалбарын автомат машин болон интернэт<www.korail.com>-ээр захиалан авч болдог. Захиалга өглөөний 9 цагаас эхэлдэг ба хамгийн эртдээ 2 сарын өмнө оройтлоо гэхэд галт тэрэг хөдлөхөөс 1 цагийн өмнө худалдан авч болдог. Захиалсан хүн ба зорчигч нь өөр тохиолдолд захиалга өгсөн хүн тасалбарын төлбөрийг хариуцдаг.



Мэдэхэд илүүдэхгүй

Хурдны галт тэрэг(КТХ) нь Кёнбү болон Хунам чиглэлийн шугамд явдаг.

- Кёнбү
Сөүл-Юунсан-Гуанмён-Чонан-Асан-Тэжон-Дун Тэгү-Мирянь-Гүпу-Пүсан
- Хунам
Сөүл-Юунсан-Гуанмён-Чонан-Асан-Со Тэжон-Нунсан-Игсан-Кимжэ-Жоныб-Жансон(Гуанжү)-Сунжонни-Нажү-Мугпу
- Лавлах утас ☎1544-7788

(2) Сэ-маиль галт тэрэг


Мүгүнхуа галт тэргийг бодвол төхөөрөмжлөл сайнтай, цөөн зогсдог учир харьцангуй хурдан байдаг. Тасалбарыг касс, аялал жуулчлалын компани, тасалбарын автомат машин болон интернэт <www.korail.com>-ээр захиалан авч болно.

(3) Мүгүнхуа галт тэрэг

Солонгосын Төмөр зам албаны бараг ихэнх шугамд явдаг. Галт тэрэг бүр зогсоол болгон дээр зогсоод байдаггүй. Гол чиглэлд явж байгаа галт тэрэгнүүд хоорондоо өөр өөр тогтсон зогсоол дээр зогсож цаг хэмнэдэг.

(4) Төмөр замын гол чиглэлүүд

- Кёнбүгийн төмөр зам: Ёнжү-Ечөн-Жомчун-Санжү-Кимчон
- Кёнвоны төмөр зам: Шинталли-Ёнчон-Хантанган-Суюусан-Ыжонбү-Ёнсан
- Кёныгийн төмөр зам: Дурасан-Мүнсан-Илсан-Сөүл
- Кёнжоно төмөр зам: Самнанжин-Чанвон-Масан-Жинжү-Хадун-Сүнчон-Болгю-Бусон-Хвасүн-Гванжү-Сунжонни
- Кёнчүний төмөр зам: Сонбүг-Масог-Чонпён-Ганчун-Чүнчон
- Тунхэ намбүгийн төмөр зам: Пухан-Кёнжү-Үлсан-Хэүндэ-Пүсанжин
- Ёндуны төмөр зам: Ёнжү-Бунхва-Бүнчон-Сынбү-Тунни-Дугеэ-Тунхэ-Жондунжин-Каннын
- Жанханы төмөр зам: Жанхан-Сочон-Үнчон-Дэчон-Гванчон-Хунсон-Есан-Унянунчон-Чонан
- Жоллагийн төмөр зам: Игсан-Жонжү-Жүгни унчон-Намвон-Гугсон-Гүрэгү-Сүнчон-Догян-Ёсү
- Жүнаны төмөр зам: Чоннянни-Палдан-Ныннэ-Янпён юнмүн- Вонжү-Бунян-Жэчон-Данян-Пүнгү-Ёнжү-Андун-Ысон-Ёнчин-Кёнжү
- Чүнбүгийн төмөр зам: Буняан-Чүнжү-Чонжү-Жучивон
- Тэбэгийн төмөр зам: Жэчон-Ёонволь-Жынсан-Гухан -Чүжон-Тэбэг-Бэгсан
- Хунамын төмөр зам: Тэжон-СоТэжон-Нунсан-Игсан-Кимжэ-Жоныб-Жансн(Гванжү)-Сунжонни-Нажү-Мугпу



6_Агаарын тээвэр

Агаарын тээврийн хэрэгсэл нь хол замыг богино хугацаанд туулдагаараа цаг их хэмнэдэг. Гэхдээ төлбөрийн хувьд бусад тээврийн хэрэгслүүдээс хамгийн үнэтэй. Солонгост КАЛ, Азиана, Ханьсонг, Жэжү зэрэг агаарын тээврийн компаниуд байх бөгөөд голчлон Сүүл/Инчон-Пүсан, Сүүл/Инчон-Жэжү, Сүүл/Инчон-Тэгү, Сүүл-Үлсан, Сүүл-Гуангжү, Сүүл-Жинхэ, Сүүл-Каннын зэрэг маршрутаар нислэг хийдэг. Онгоцны билетийг нисэх онгоцны буудлаас худалдан авч болох ба утас болон интернэтээр аялал жуулчлал, агаарын тээврийн компаниудаас захиалан авч болно.



Солонгосын иргэний агаарын тээвэр



Азиана агаарын тээвэр

Олон улсын нисэх буудал

Нисэх буудлын нэр	Утасны дугаар	Вэбсайт
Инчоны ОУ-ын нисэх буудал	1577-2600	www.airport.kr
Кимпогийн ОУ-ын нисэх буудал	02-2660-2114	www.airport.co.kr/doc/gimpo
Жэжүгийн ОУ-ын нисэх буудал	064-797-2114	www.airport.co.kr/doc/jeju
Кимхэгийн ОУ-ын нисэх буудал	051-974-3114	www.airport.co.kr/doc/gimhae
Чонжүгийн ОУ-ын нисэх буудал	043-210-6114	www.airport.co.kr/doc/cheongju
Тэгүгийн ОУ-ын нисэх буудал	053-980-5290	www.airport.co.kr/doc/daegu
Яняны ОУ-ын нисэх буудал	033-670-7114	www.airport.co.kr/doc/yangyang
Мүаны ОУ-ын нисэх буудал	061-455-2114	www.airport.co.kr/doc/muan
Гуанжүгийн ОУ-ын нисэх буудал	062-940-0214	www.airport.co.kr/doc/gwangju

Дотоодын нисэх буудал

Нисэх буудлын нэр	Утасны дугаар	Вэбсайт
Гүнсаны нисэх буудал	063-469-8345	www.airport.co.kr/doc/gunsan
Ёсүгийн нисэх буудал	061-689-6300	www.airport.co.kr/doc/yeosu
Пуханы нисэх буудал	054-289-7399	www.airport.co.kr/doc/pohang
Үлсаны нисэх буудал	052-288-7011	www.airport.co.kr/doc/ulsan
Вонжүгийн нисэх буудал	033-344-3311	www.airport.co.kr/doc/wonju
Сачоны нисэх буудал	055-831-9300	www.airport.co.kr/doc/sacheon

Гадаадын гол агаарын тээврийн компаниудын утас

나라명	ОУ-ын Агаарын Тээвэр	Утасны дугаар
Хятад	Намбан Агаарын Тээвэр	02-775-9070
Хятад	Тунбан Агаарын Тээвэр	02-778-0375
Индонез	Гарүда Индонезийн Агаарын Тээвэр	02-773-2092/4
Тайланд	Тайландын Агаарын Тээвэр	02-3707-0114
Монгол	Монголын Агаарын Тээвэр	02-756-9760/1
Филлипин	Филлипиний Агаарын Тээвэр	02-774-3581
Вьетнам	Вьетнамын Агаарын Тээвэр	02-757-8920
Непал	Роял Непалын Агаарын Тээвэр	02-756-2161

6» Олон нийтийн байгууллага

1_Засаг захиргааны байгууллага

Зарим үед ямар нэг ажлаар хот, дүүрэг, хорооны захиргаа, иргэдэд үйлчлэх төвийг зорих шаардлага гардаг. Эдгээр байгууллагууд нь тус нутаг дэвсгэрт оршин сууж буй иргэдийн эрүүл мэнд, нийгмийн халамжийн асуудал болон нийтийн үйлчилгээний газруудын үйл



ажиллагааг хариуцан ажилладаг бөгөөд иргэд төрөл бүрийн баримт бичиг авах, өргөдөл хүсэлт гаргах үедээ энд ирж үйлчлүүлдэг. Хорооны захиргаа, хорооны иргэдэд үйлчлэх төв дээр иргэдэд зориулсан соёлын болон бусад төрлийн сургалт хөтөлбөрүүдийг зохион явуулдаг. Сүүлийн үед төрөл бүрийн лавлагаа, бичиг баримтыг захиргаан дээр биечлэн очихгүйгээр метроны томоохон буудлууд дээр байрлуулсан бичиг баримтын автомат төхөөрөмжнөөс эсвэл интернэт (www.egov.go.kr)-ээс хэвлэн авах боломжтой болсон. Гэхдээ автомат төхөөрөмжнөөс юм уу интернэтээр авах боломжгүй бичиг баримт ч бас бий. Интернэтээс бичиг баримт авах гэж буй бол компьютер тань заавал принтертэй холбогдсон байх ёстой ба өөрөө мөн гэдгийг нотлох онлайн баталгаа шаардах тохиолдол ч байдаг. Хэрвээ ямар нэгэн чухал бичиг баримт авах шаардлага гарсан бол хаанаас яаж авах ёстойг урьдчилан асууж тодруулах хэрэгтэй.

2_Цагдаагийн газар(☎ 112)

Залилан, хүчирхийлэл, дээрэм зэрэгт өртсөн үед мөн автын осолд өртөх буюу осол гарсныг харсан бол 112 дугаар луу утасдаж хэлэх юм уу цагдаагийн газар очиж мэдэгдэнэ. Таксфоноос ярих бол улаан товчийг дарж 112 дугаарт залгахад болох ба энгийн утас, гар утаснаас залгах бол шууд 112 дугаарыг дарахад л болно.



Гэмт хэргийн хохирогч болсон үед мэдээлэгчийн хаяг, нэр, утасны дугаарыг хэлээд хэзээ, хаана, юу тохиолдсоныг тайлбарлаж, гэмт этгээдийн төрх байдал, онцлог, зугтаж явсан зүг чиг, хэрхэн зугтсаныг мэдэгдэх хэрэгтэй.

3_ Гал команд(☎ 119)

Гал гарах юм уу хэн нэгэн хүнийг эмнэлэгт хүргэх шаардлагатай үед, мөн иймэрхүү тохиолдлыг харсан бол 119 дугааранд залгаж мэдэгдэнэ. Таксфоноос ярих бол улаан товчийг дарж 119 дугаарт залгахад болох ба энгийн утас, гар утаснаас залгах бол шууд 119 дугаарыг дарахад л болно.



Гал гарсан тухай мэдээлэхдээ гэрийн байршил, давхар, байшингийн төрөл, ойр орчмын тэмдэгтэй байшинг тайлбарлан хэлж, хэн нэгнийг эмнэлэгт яаралтай хүргэх шаардлага гарсан тохиолдолд өвчтөний тухай үндсэн мэдээллийг тодорхой хэлж өгч, 119 аврах багийнхан ирэх хүртэл утсаар мэргэжилтэнтэй холбогдон гэнэт үүсч болох хүндрэлд бэлэн байна.

4_Шуудан

Гэрийн ойролцоох шуудангийн салбараар захиа, илгээмж явуулж болно. Шуудан нь дотоодын болон олон улсын шуудангийн үйлчилгээг эрхлэн явуулдаг бөгөөд банктэй адил мөнгөн



우정사업본부
KOREA POST

санхүүгийн үйлчилгээ ч бас үзүүлдэг. Гадаад руу захиа, илгээмж явуулах бол олон улсын шуурхай шуудан(EMS)-гаар үйлчлүүлээрэй. Шуудангийн үйлчилгээний талаар 1588-1300, санхүүгийн үйлчилгээний талаар 1588-1900 дугаар луу залган дэлгэрэнгүй тайлбар зөвлөгөө авах боломжтой.

(1) Дотоодын шуудангийн үйлчилгээ

Ихэнх захиа, илгээмж нь шууданд хүргэж өгсний маргааш гэхэд хаягласан эзэндээ хүргэгддэг. Арал, уулын бүс нутаг бол хүргэлтийн хугацаа арай урт байдаг. Хүргэж буй газраас хамаарч хүргэлтийн үнэ өөр өөр байна. Том овортой, хүнд жинтэй илгээмж нь овор жингээ дагаад төлбөр нь өсдөг.

(2) Олон улсын баталгаат шуудан

Захиа, бичиг баримт, бараа бүтээгдэхүүнийг дэлхийн 130 гаруй улс оронд хурдан шуурхай, найдвартай хүргэж өгдөг энэхүү шуудангаар дээд тал 30кг илгээмж явуулж болдог. Захиа, бичиг баримт, итгэмжлэх хуудас, ном, санхүүгийн байгууллага хоорондын чек, барааны загвар, кассет, видео бичлэг гэх мэт олон төрлийн илгээмж энэ газраар илгээгддэг. Австрали, Филиппин, Аргентин, Бангладеш зэрэг зарим улсууд руу 20кг-аас доош байхаар заасан байдаг. Мөн зарим улсад оруулахыг хориглосон бараа ч бас байдаг учир энэ тухай урьдчилан тодруулах хэрэгтэй.

5_Номын сан

Номын санд иргэдийн боловсрол мэдлэгт тус нэмэр болох төрөл бүрийн ном сэтгүүл, видео, аудио хэлбэрийн материалууд байдаг. Ихэнх хот, сум, дүүргүүд өөрсдийн номын сантай ба ном унших, аудио, видео материал үзэж сонсох, тэдгээрийг зээлээр авах зэрэг үйлчилгээгээр үнэ төлбөргүй хангадаг. Гэртээ ойрхон номын сангийн тухай мэдээллийг хот, сум, дүүргийн захиргаанаас газраас асууж лавлаарай.



Мэдэхэд илүүдэхгүй

Улсын төв номын сан

- Ажиллах цаг
 - Номын танхим: Даваа-Ням 9 цаг~18цаг (оройн цагаар 18:00~22:00)
 - Амралтын өдөр
 - Сар бүрийн 2, 4 дэх даваа гариг, мөн ням гаригуудаас бусад олон нийтийн амралтын өдөр, номын сангийн даргын шаардлагатай гэж үзсэн бусад өдөр
- Бичгийн хэрэгслээс бусад эд зүйлсээ хадгалах хайрцганд хийж орно.
- Бүртгүүлэх(вэбсайтаар) >үнэмлэх хүсэх >үнэмлэх авах >орох >номын танхимаар үйлчлүүлэх >үйлчлүүлж дуусах >гарах
- Хэрхэн очих
 - Метро: Сөүлийн 2-р шугамны Сочу буудлын 6-р гарцаар гараад явган 15 минут, 7-9-р шугамны Гусугбос терминал буудлын 5-р гарцаар гараад явганаар 10 минут алхана.



7» Нийтийн үйлчилгээний газар

1_Эрэгтэй үсчин - Ибальсу

Энд эрэгтэй хүний үс засах, сахал хусах зэрэг үйлчилгээ хийдэг. Үнэ нь юу хийлгэснээс хамаарч өөр өөр байдаг ч ихэнхдээ 5,000-10,000 вон болдог. Хотын төвийн үсчин арай илүү үнэтэй байдаг.

2_Эмэгтэй үсчин - Миюншил

Энд анхандаа зөвхөн эмэгтэйчүүд үйлчлүүлдэг байсан боловч өнөө үед эрэгтэй хүмүүс ч үйлчлүүлдэг газар болсон. Хими, тайралт, үс будах, хумс засах, нүүр будах зэрэг үйлчилгээ хийдэг. Үнэ нь ямар үйлчилгээ хийлгэснээс шалтгаалан харилцан адилгүй байдаг. Энгийн тайралт л гэхэд ихэнхдээ 8,000 вон орчим болох бөгөөд хими хийлгэхэд 20,000-100,000 вон болох ба төрөл зүйл нь ч олон байдаг.



3_Халуун усны газар

Солонгосын халуун усны газрыг халуун усны газар(мугюгтан), саун, халуун уурын газар (жимжилбан) хэмээн ангилж болно.

- Мугюгтан: Энд халуун хүйтэн устай жижиг усан сан болон шүршүүр байдаг. Нэг удаагийн үйлчилгээний төлбөр 4000-6000 вон.
- Саун: Энд халуун хүйтэн устай жижиг усан сан, шүршүүр бас амралтын өрөө танхим байдаг. Нэг удаагийн үйлчилгээний төлбөр 5000-7000 вон.
- Жимжилбан: Энд халуун хүйтэн устай жижиг усан сан, шүршүүр болон амралтын өрөө танхим бас унтлагын өрөө байдаг. Усан сан, шүршүүрээс бусад газар эрэгтэй эмэгтэй хүн хамт орж болно. Нэг удаагийн үйлчилгээний төлбөр 7000-12000 вон.

- Саун болон жимжилбанд орох төлбөрт амралтын өрөө, унтлагын өрөө, биеийн тамирын хэрэгсэл ашиглах зэрэг дотоод нэмэлт үйлчилгээний төлбөр багтсан байдаг.

Бие угаах газар бэлтгэж тавьсан саванг ихэвчлэн эрэгтэйчүүд хэрэглэдэг. Эмэгтэйчүүд нь өөрсдийн саван, тосоо гэрээсээ авчирдаг. Ариун цэврийн хэрэглэлийн хувьд бэлдэж тавьсан зүйлсийг хэрэглэж болохоос гадна доторх дэлгүүрээс нь худалдан авч бас болно. Хоол авч идэх, гоо сайхны үйлчилгээнд орох, массаж хийлгэхэд нэмэлт төлбөр төлнө. Мөн бие үрэх төлбөрт үйлчилгээ ч бас байдаг.

- Бие угаах танхим дахь усан сан 43-45°C хэм, халуун амрах өрөөний доторх хэм 40-70°C хэм, ууран саун 70-100°C хэм, хуурай саун 70-130°C хэм байдаг. Биеийнхээ онцлогт тохируулан зөв орж хэрэглэх юм бол биед хуримтлагдсан бохир эд эс гадагшлахын зэрэгцээ мэдрэлийн ядаргаа тайлагдан, булчин тайвширах эерэг үйлчилгээтэй.



Мэдэхэд илүүдэхгүй

Халуун усны газар

Солонгос бол усанд орох соёл онцгой хөгжсөн газар. Ихэнх Солонгосчууд 1-2 долоо хоногт нэг удаа нийтийн халуун усны газарт очиж биеээ зүлгэж хирээ арилгадаг. Халуун усны танхим руу орохдоо бүх хувцасаа тайлдаг. Солонгост хамтдаа халуун усанд орохоор явна гэдэг нь төдий хэмжээгээр дотно харьцаатай гэдгийн илэрхийлэл болдог. Дотно биш бол чармай нүцгэлчээд хамт усанд орно гэдэг амаргүй ажил. Ийм соёл байхгүй орны хүмүүст энэ нь их эвгүй санагдаж дасахад хэцүү байж болох юм. Зарим үед халуун усанд орохоор очсон гадаад хүмүүс дотуур хувцастайгаа усанд орж Солонгосчуудыг гайхшруулдаг. Олон хүмүүсийн дунд нүцгэн зогсож усанд орох нь хэдийгээр эвгүй байж болох ч Солонгос халуун усны газраар үйлчлүүлэхийг хүсвэл ёс дүрмийг нь дагахаас өөр аргагүй юм.



Мэдэхэд илүүдэхгүй

Нийтийн халуун усанд орж болохгүй үе бас бий.

Эрүүл хүн хүртэл хуурай саунд хэт удаан байх нь биенд сайнаар нөлөөлдөггүй. Нэн ялангуяа жирэмсэн эмэгтэйчүүд, зүрхний өвчтэй хүмүүсийн эрүүл мэндэд аюултай тул огт орж болохгүй.

Саунд суухад хөлс их гардаг тул 30 минут тутамд 1 аяга ус ууж шингэнээ нөхөж байх хэрэгтэй. Дотроо ундны ус үнэгүй байдаг бөгөөд хийжүүлсэн ундааг худалдан авч ууж болно.

Хааяа нэг, шөнө архи их уусны дараа жимжилбан юм уу саунд очиж хоноод маргааш өглөө нь тэндээсээ шууд ажилдаа явдаг хүмүүс бий. Гэвч архи уух үед биений доторх шингэний хэмжээ багасдаг тул жимжилбанд орж хөлсөө их гаргах нь эрүүл мэндэд муугаар нөлөөлдөг.

Арьсны болон халдварт өвчтэй хүмүүс нийтийн халуун усны газарт огт очиж болохгүй.

Нийтийн халуун усны газар усанд орохдоо

- ① Усан санд орохоос өмнө шүршүүрт орж толгойгоо угаана.
- ② Халуун устай усан сан дотор 5-10 минут сууж хөлсөө гаргана.
- ③ Усан сангаас гарч гараар болон бие угаагч алчуураар биеэ үрэн хирээ арилгана.
- ④ Өөрийн таашаалд тохируулан хүйтэн устай санд орох юм уу хуурай саунд орно.
- ⑤ Угаах өрөөнөөс гарахын өмнө дахин нэг удаа шүршүүрт орно.

Халуун усны газар заавал мөрдөх дүрэм

Дотуур хувцастайгаа угаах өрөөнд орж болохгүй. Усан сан дотор биеэ үрж болохгүй. Халуун ус болон саван байгаа гээд хувцасаа угааж болохгүй.



БНСУ-д
ажиллаж, амьдарч
байгаа гадаадын
иргэдэд зориулсан
гарын авлага

V

Жирэмслэх ба хүүхэд бойжуулах

- 120 **Жирэмслэх ба төрөх**
- 120 Жирэмсэн эхийн хийлгэх ёстой шинжилгээ
- 120 Эрүүл хүүхэд төрүүлэхийн тулд анхаарах зүйлс
- 122 Жирэмсэн эхэд зориулсан эрүүл мэндийн үйлчилгээ
- 124 Төрөлт
- 125 **Нярай хүүхдийн эрүүл мэнд**
- 125 Хүүхдийн бойжилт
- 126 Урьдчилан сэргийлэх тарилага
- 128 Эрүүл мэндийн төвийн урьдчилан сэргийлэх тарилага
- 129 **Бага насны хүүхдийг өсгөн бойжуулах, боловсрол олгох**
- 129 Бага насны хүүхдийн хүмүүжил, боловсрол
- 130 Хүүхэд саатуулах төв, цэцэрлэгийн төлбөрт үзүүлэх хөнгөлөлт
- 134 Тариалан болон загас агнуур эрхэлдэг айл өрхийн бага насны хүүхдэд зориулсан хөнгөлөлтийн систем⁹³



1” Жирэмслэх ба төрөх

1_Жирэмсэн эхийн хийлгэх ёстой шинжилгээ

Жирэмсэн эмэгтэй эрүүл мэндийнхээ байдлыг хянахын тулд дараах үндсэн шинжилгээнүүдийг хийлгэсэн байх ёстой. Эдгээр шинжилгээнээс гадна тухайн эх болон ургийн эрүүл мэндийн байдлаас хамааран илүү нарийн шинжилгээг хийлгэж болно.

Жирэмсэн эмэгтэйн хийлгэвэл зохих шинжилгээ

Цусны шинжилгээ	Цусны ерөнхий шинжилгээ	Цусан дах гемоглобин, улаан болон цагаан бөөмний тоо болон хэлбэрийг тогтоож, цус багадалттай эсэх, ДОХ, салхин цэцэг зэрэг халдварт өвчинтэй эсэхийг оношилно.
	Цусны бүлгийн шинжилгээ	ABO цусны бүлэг, Rh-г тогтоодог.
	Тэмбүүгийн шинжилгээ	Тэмбүү өвчин нь ургийн амийг тасалж, үр зулбах шалтгаан болдог.
	Элэгний үрэвслийн шинжилгээ	Элэгний үрэвсэлтэй эсэхийг шинжилнэ. Жирэмсэн эх элэгний үрэвсэлтэй тохиолдолд тэр нь урагт халдварлах магадлал өндөр байдаг.
Шээсний шинжилгээ		Чихрийн болон уургын шинжилгээ хийснээр жирэмсний хордлого болон чихрийн шижин зэргийн оношилж шээсний замын халдвар буй эсэхийг тогтооно.
Эхо шинжилгээ		Савны дотор талыг харж ургийн өсөлт, байршил, хэлбэр болон хөгжил хэвийн хэмжээнд явагдаж байгаа эсэхийг шинжилдэг.

2_Эрүүл хүүхэд төрүүлэхийн тулд анхаарах зүйлс

• Эрүүл эхээс эрүүл хүүхэд төрнө.

Та хүүхэд төрүүлэхээр төлөвлөж байгаа байгаа өөрөө эрүүл байх хэрэгтэй. Хэрвээ ямар нэгэн өвчин эмгэгтэй бол эмчид үзүүлж эмчлүүлээрэй.



- **Эм бэлдмэл хамаагүй хэрэглэж болохгүй.**

Эм бэлдмэл нь урагт онцгой муу нөлөө үзүүлдэг. Ялангуяа жирэмсний эхэн үе бол ургийн гар, хөл, зүрх, төв мэдрэлийн систем бүрэлдэн бий болох үе юм. Тиймээс маш их анхааралтай байх хэрэгтэй. Ханиадны эм уухдаа ч гэсэн эмчээс зөвлөгөө авах хэрэгтэй.

- **Архи, тамхи огт хэрэглэж болохгүй.**

Архи, тамхи нь ургийн өсөлтөд сөргөөр нөлөөлж оюун санааны хомсдол болон биеийн гаж хөгжилтэй болоход хүргэдэг. Тиймээс жирэмсний үед бага хэмжээгээр ч гэсэн архи, тамхи хэрэглэж болохгүй. Нөхөр нь ч бас эрүүл бэлгийн эстэй байхын тулд архи хэрэглэхээс зайлсхийх хэрэгтэй.

- **Илчлэг, уураг, минераль, витаминаар баялаг хоол хүнсний зүйл хэрэглэх хэрэгтэй.**

Өдөр тутам хангалттай хэмжээгээр хооллож байгаа тохиолдолд нэмэлт тэжээл хэрэглэх шаардлаггүй. Ямар нэгэн тэжээлийн дутагдалгүй тохиолдолд жирэмсний эхний 4 сард сар бүр 1 кг, дараагийн 6 сард сар бүр 2 кг нийт 13 кг-аар биеийн жин нэмэгдэнэ. Харин төмрийн бэлдмэлийг жирэмсний 5 сартайгаас эхлэн ууж эхлэх хэрэгтэй.

- **Хүнд ажил, осолтой хөдөлгөөн хийхээс зайлсхийнэ.**

Ачаалал ихтэй хүнд хүчир ажил хөдөлмөр хийх, өндөр газар авирах зэрэг аюул осолтой хөдөлгөөн хийхээс зайлсхийх хэрэгтэй. Ердийн амьдралын хэмнэлээ алдалгүй тодорхой хувиарын дагуу хөнгөн дасгал хийх нь биед тустай.

- **Тогтмол эмчид үзүүлнэ.**

Эмчийн зааврын дагуу тогтмол үзүүлж байх хэрэгтэй. Жирэмсэн үедээ эмнэлэгийн хяналтанд байх нь гэдсэнд байгаа хүүхдэд учирч болох элдэв өвчин ослоос урьдчилан сэргийлэх найдвартай арга юм.



Мэдэхэд илүүдэхгүй

Солонгосын хүүхэд тээх уламжлал

Солонгосчууд жирэмсэн эхийн сэтгэл санааны байдал, биеэ авч явах байдал нь хэвлий доторх хүүхдийнх нь оюун санаа болон бие махбодид нөлөөлдөг гэж үзсээр ирсэн юм. Эрүүл чийрэг хүүхэдтэй болохын тулд эх нь аливаа зүйлд хянамгай байж муу санаа, буруу явдлыг тэвчин, уужим тайвуу ярьж, удаан аажуу хөдлөхийг эртнээс сургаж захиж иржээ. Жирэмсэн хүн идэж уух, явах гишгэхдээ ч анхаарал болгоомжтой байх хэрэгтэй төдийгүй хийж, харж, бодож болохгүй хориотой зүйл ч өчнөөн байдаг. Солонгос иргэнтэй гэр бүл болсон гадаад эмэгтэйчүүдийн хувьд хадмууд нь бэрдээ дээрх сургаалийг хэлж захиx үед өөрийнх нь хувийн амьдралд нь хэтэрхий оролцож байгаа мэт санагдаж сэтгэл санааны дарамтанд орох явдал байдаг. Энэ нь улс орон тус бүрийн соёлын ялгаанаас үүдэлтэй зүйл тул хоорондоо сайн ярилцаж ойлгоцох нь зүйтэй.

3_Жирэмсэн эхэд зориулсан эр мэндийн үйлчилгээ

Солонгос иргэнтэй гэр бүл болсон гадаад эмэгтэй жирэмсэлсэн тохиолдолд эрүүл мэндийн төвийн хяналтанд үнэ төлбөргүй хамрагддаг ба гадаад иргэний үнэмлэхээ авч очоод бүртгүүлэхэд л болно. Ялангуяа эрүүл мэндийн онцгой хяналт шаардлагатай жирэмсэн эхчүүд* эрүүл мэндийн төв болон эмнэлэгийн хяналтанд заавал орох шаардлагатай.



* Эрүүл мэндийн хяналтанд заавал орох ёстой жирэмсэн эх

Бага залуу болон өндөр настай жирэмсэн эхчүүд (20-оос доош, 35 –аас дээш насны), цусны өндөр даралттай, чихрийн шижин зэрэг өвчин эмгэгтэй, мөн урьд өмнө нь дутуу төрж байсан, төрөлхийн гажигтай хүүхэд төрүүлж байсан жирэмсэн эхчүүд энэ ангилалд хамрагдах бөгөөд эдгээр эхчүүдэд эрүүл мэндийн онцгой хяналт шаардлагатай байдаг.

(1) Төрөхийн өмнөх үнэ төлбөргүй шинжилгээ

Жирэмсэн эхчүүд эрүүл мэндийн төв дээрээ жирэмсний урьдчилсан шинжилгээ, шээсний шинжилгээ(чихрийн болон уургын шинжилгээ), цусны шинжилгээ(цусны гемоглобин, улаан цагаан бөөмийн шинжилгээ, цусны ийлдэс дэхь тэмбүүгийн шинжилгээ, элэгний үрэвсэлийн шинжилгээ, цусны бүлгийн шинжилгээ) өгдөг. Эрүүл мэндийн төв дээр очиж бүртгүүлээд дээрх үйлчилгээнд хамрагдаж болно.

(2) Төрөхийн өмнөх сургалт

- Хүүхдээ хөхөөр хооллох, биеийн тамирын, төрөхөд бэлтгэх, хүүхдийн массаж зэрэг сургалтуудыг зохион байгуулдаг.
- Жирэмслэлт, ураг тээлт, төрөлт зэрэгтэй холбоотой ном сурах бичиг, CD, дүрс бичлэг хуурцаг зэргийг зээлээр өгдөг.

(3) Үнэгүй төмрийн бэлдмэл

Жирэмсний 5 сартайгаас дээш эхчүүдэд төмрийн бэлдмэлийг тараадаг.

(4) Жирэмсэн эх болон хөхүүл хүүхдийн нэмэлт хоол тэжээл, амин дэм

Нэмэлт хоол тэжээл, амин дэм шаардлагтай жирэмсэн эх, бага орлогтой солонгос иргэнтэй гэрлэсэн гадаад эмэгтэй болон түүний хөхүүл хүүхдэд зориулан тэдний хоол ундны тэжээллэг байдал, эрүүл мэндийн тэнцвэржүүлэх үүднээс сургалт явуулж хэрэгцээтэй нэмэлт хоол тэжээл, амин дэмийг тусламж болгон олгодог.

Ангилал	Олгох тусламж
Хамрагдах хүмүүс	• Нийт орлого нь амжиргааны баталгаажих доод түвшний орлоготой харьцуулахад 200%-иас доош айл өрх • Жирэмсэн эх хөхүүл эх хөхүүл хүүхэд(6-с доош насны) • Тэжээлийн дутагдлын(цус багадалт, бага биеийн жинтэй, бойжилтын удаашралтай, амин тэжээлийн дутагдалтай) нэгээс дээш суурь шалтгаантай хүн
Үзүүлэх дэмжлэг	• Нэмэлт амин дэм бүхий багц хоол хүнс үнэ төлбөргүй олгоно. - Цагаан будаа, төмс, өндөг, лууван, сүү, хар буурцаг, ким, далайн байцаа, туна загасны нөөш, жүрж зэргээс хөтөлбөрт хамрагдагчийн амин дэмийн үзүүлэлтэд үндэслэн аль тохирохыг нь олгоно. • Нэмэлт хоол тэжээл, амин дэмийн талаарх үнэ төлбөргүй сургалт - Хувь хүнд болон группээр, мөн гэрээр сургалт явуулна. - Доод тал нь сард 1 удаа уулзалт сургалт зохион байгуулна. - Ажлын зав чөлөөгөөр оройн цагаар болон Бямба, Ням гаригуудад сургалтанд хамрагдаж болно.
Хүсэлт гаргах	• Бүртгүүлэх газар : Эрүүл мэндийн төв • Бүрдүүлэх бичиг баримт - Оршин суугаа хаягын тодорхойлолт: Ам бүлийн тодорхойлолт болон гадаад иргэний үнэмлэх, ургийн бүртгэлийн хуулбар, эрүүл мэндийн даатгалын дэвтрийн хуулбар - Орлогын тодорхойлолт : ЭМД төлсөн баримт, мөн амьжиргааны баталгаажих доод түвшинд хамрагдагч болохыг тодорхойлсон тодорхойлолт юм уу эмнэлэгийн яаралтай тусламж үйлчилгээнд хамрагдагч болохыг тодорхойлсон тодорхойлолт зэрэг



Зөвхөн зарим эрүүл мэндийн төвд жирэмсэн эхийн болон хөхүүл хүүхдийн нэмэлт тэжээл, хоол хүнсний төслийг туршилтаар явуулж байгаа учир энэхүү хөтөлбөрт хамрагдаж болох эсэхийг тодруулах хэрэгтэй. Эрүүл мэндийн төв дээр өөрийн биеэр очих юм уу утсаар лавлаж болно.

4_Төрөх

Солонгост жирэмсэн эхчүүд эмэгтэйчүүдийн эмнэлэгт очиж амарждаг. Эрүүл мэндийн төвд жирэмсний хяналтанд байсан ч гэсэн хүүхдээ эмнэлэг болон хүүхэд эх барьж авдаг эмнэлгийн бусад байгууллагад очиж гаргах ёстой. Хүүхэд төрүүлэхийн өмнө төрөхөд шаардлагатай зүйлүүдийг урьдчилан бэлтгэсэн байх нь сэтгэл тайван энх мэнд амаржихийн үндэс болно. Хүүхэд төрүүлэх хоёр төрлийн арга байдлыг энд танилцуулъя.

(1) Өөрөөрөө төрөх

- Эм тариа, бусад багаж хэрэгсэл ашиглахгүйгээр байгалийн жамаар эх нь өөрөө хүүхдээ төрүүлэх аргыг өөрөөрөө төрөх гэдэг. Энэ үед төрөх үйл явцыг хөнгөвчлөх үүднээс хязганг сэтлэх мэс хагалбар хийдэг.
- Төрөх хугацаа нь хэтэрчээд байхад хүүхэд гарахгүй байх тохиолдолд сав агшаадаг эм тариа хэрэглэх нь бий. Анхны төрөлтийн хувьд өвдөлт 10 цагаас дээш, 2 дахь болон түүнээс хойшхи төрөлтийн хувьд өвдөлт 5 цаг орчим үргэлжилдэг.
- Хүүхэд гарахаас өмнө дунших өвдөх нь хэцүү болохоос биш төрсний дараа уг өвдөлт ор мөргүй алга болдгоороо энэ арга эмэгтэй хүний хувьд хамгийн тохиромжтой хэлбэр юм. Мөн эмнэлэгт 3 өдөр орчим болох тул зардалд ч хэмнэлттэй.

(2) Мэс заслын аргаар төрөх

- Өөрөөрөө төрөх боломжгүй үед мэс заслыг аргаар төрдөг. Өндөр настай буюу аарцагны яс нь хавчиг эхчүүд юм уу, хүүхэд нь буруу байрласнаас болж төрөхийн хүндрэл учрах аюултай үед энэ аргыг хэрэглэдэг.
- Мэс засал хийх үед үүнээс болж бусад дагалдах өвчин сэдэрч болнзошгүй тул зайлшгүй тохиолдлыг эс тооцвол өөрөөрөө төрөх нь илүү тохиромжтой .
- Мэс заслын аргаар төрсөн үед нэг долоо хоногоос дээш хугацаагаар эмнэлэгт хэвтэх шаардлага гардаг тул зардал ч нэмэгддэг.



Энэ талаар ойролцоо байрлах Олон соёлт гэр бүлийг дэмжих төв, Эрүүл мэндийн төв, Гадаадын ажилчдыг дэмжих төв, Солонгос иргэдтэй гэр бүл болсон гадаад эмэгтэйчүүдэд шуурхай тусламж үзүүлэх төв зэрэг тусламжийн байгууллагуудад хандвал аман болон бичгийн орчуулгын үйлчилгээ авч болно гэдгийг санахад илүүдэхгүй.

2» Нярай хүүхдийн эрүүл мэнд

Нярай хүүхдийн биеийн өсөлт хөгжил маш идэвхтэй явагдах боловч нөгөөтэйгүүр биеийн эсэргүүцэх чадвар багасч өвчинд амархан өртөг. Энэ үед эрүүл мэндийн төвийн нярай хүүхдийн эрүүл мэндийн хяналтанд зайлшгүй хамрагдаж урьдчилан сэргийлэх тарилганд хамрагдах хэрэгтэй. Урьдчилан сэргийлэх тарилга үнэгүй байдаг.

1_Нярай хүүхдийн эрүүл мэнд

(1) Биеийн жин

Төрөх үедээ 3 кг бол 6 сартайд нь энэ жин 2 дахин нэмэгдэх (6 кг) ба 1 настайд нь 3 дахин нэмэгдэнэ (9 кг).

(2) Биеийн өндөр

Төрөх үедээ 50 см бол 1 настайд нь энэ хэмжээ 1.5 дахин өснө (75 см).

(3) Биеийн хөгжил

4 сар	Толгойгоо дааж эхэлнэ. Хэвтээ байдлаас хоёр тийшээгээ биеэ эргүүлж чаддаг болно.
5 сар	Эргэж хөрвөөж чадна. (Элгээрээ хэвтэж байснаа нуруугаар эргэж хэвтнэ.)
6 сар	Дээшээ харж хэвтэж байгаад дороо хөрвөөн элгээрээ хэвтэж чаддаг болох ба хоёр гар дээрээ биеэ дааж өндийдөг болно.
7 сар	Бусдын тусламжтайгаар суудаг болно.
8 сар	Ганцаараа суудаг болно.
9 сар	Мөлхөнө.
10 сар	Юм түшиж босно.
12 сар	Юм түшиж явна.



Мэдэхэд илүүдэхгүй

Хүүхэд өсгөж бойжуулах талаарх зөрчилдөөн

Хүүхдээ өсгөж бойжуулах явцад хүүхдээ хэрхэн өсгөх тал дээр томчуудын хооронд маргаан үүсч болно. Иймэрхүү маргаан Солонгос гэр бүлд хадам эцэг эх болон залуу гэр бүлийн хооронд байнга тохиолддог. Тиймээс хадам эцэг эхтэйгээ сайн ярилцаж маргаантай байдлаас гарах нь чухал юм.

Хүүхэд өсгөж бойжуулах талаарх зөрчилдөөний жишээ

- Хоол унд болон сүүг нь хүүхдийн хүссэн үед нь өгнө. ↔ Тодорхой цагийн хуваариар хооллоно.
- Мяралаг байсан нь дээр тул сайн хооллох хэрэгтэй ↔ Тохиромжтой хэмжээгээр хооллох хэрэгтэй.
- Уйлагнаад байвал үүрч аргадах ёстой. ↔ Дандаа үүрээд байх юм бол муу зан сурна.
- Хүйтэн сүү хүүхдийн гэдсэнд сайн. ↔ Хэт хүйтэн хоол ходоодонд муу.

2_Урьдчилан сэргийлэх тарилага

Хүүхдийг халдварт өвчнөөс урьдчилан сэргийлж уг өвчний дархлаатай болгохын тулд уг тарилгыг хийдэг.

(1) Урьдчилан сэргийлэх тарилга хийлгэхийн өмнө анхаарах зүйлс

- Тарилгыг үдээс өмнө хийлгэнэ. Тарилгаас болж ямар нэгэн хүндрэл үүссэн тохиолдолд эмнэлэгт хандах хугацаа хожих сайн талтай.
- Хүүхдийн эрүүл мэндийн дэвтрийг заавал авч очно. Вакцин хийлгэсний дараа ямар тарилга хийлгэсэн тухай тэмдэглэж байх ёстой.
- Халуунтай байгаа эсэхийг шалгана.
- Хүүхдээ урьдчилан усанд оруулж цэвэрхэн хувцас өмсгөнө.
- Хүүхдийн биеийн байдлыг сайн мэдэх эцэг эх нь хамт явна.

(2) Урьдчилан сэргийлэх тариа хийлгэсний дараа анхаарах зүйлс

- Тарилга хийлгэсэн газрыг 5 минут орчим дарж биеээр нь сайн тарааж өгнө.
- Тарилга хийлгэсэн өдөр хүүхдээ усанд оруулж болохгүй.
- Тарилга хийлгэсэн газрыг цэвэрхэн байлгах хэрэгтэй.
- Тарилга хийлгэсний дараа 3 цагийн турш хүүхдийн биеийн байдлыг анхааралтай ажиглана.
- Вакцин хийлгэсний дараа халуурах болон таталт өгөх зэрэг шинж тэмдэг илэрвэл эмчид яаралтай хандах хэрэгтэй.



(3) Урьдчилан сэргийлэх тарилагын төрөл ба тарилагын тоо, хугацаа

Ангилал	Халдварт өвчний нэр		Тарилагын нэр	Тарилагын тоо	Хугацаа
Заавал хийлгэх тарилга	Сүрьеэ		BCG	1 удаа	Төрсөний дараа 4 долоо хоногийн дотор (1 удаа)
	Гепатит Б		НерВ	3 удаа	0-1-6 сар (3 удаа)
	Сахуу, татран, хөхүүл ханиад		DTaP	анх 4 удаа, нэмж 1 удаа	2-4-6 сар (3 удаа) нэмэлт : 15~18 сар, 4~6 нас
			Td	нэмж 1 удаа	нэмэлт : 11~12 нас
	Халдварт саа		IPV	анх 3 удаа, нэмж 1 удаа	2-4-6 сар (3 удаа) нэмэлт : 4~6 нас
	Улаан бурхан, гахайн хавдар, салхин цэцэг		MMR	анх 1 удаа, нэмж 1 удаа	12~15 сар (1 удаа), нэмэлт : 4~6 нас
	Тархины хавдар		JEV (амьгүй нянгийн вакцин)	анх 3 удаа, нэмж 2 удаа	12-24 сар (2 удаа), 2-р ээлжийн дархлаажуулалт 12 сарын дараа, 3-р ээлжийн дархлаажуулалт Нэмэлт : 6 нас, 12 нас
	Сэргэнүүд		Var	1 удаа	12~15 сар (1 удаа)
	Хөхүүл ханиад	Эхний ээлжинд хамрагдах хүн	Flu	6~9 наснаас доош 2 удаа, үүнээс хойш жил бүр 1 удаа	6 сартайгаас дээш
	Гэдэсний хижиг	Зайлшгүй хамрагдах шаардлагатай бүлэгт хийнэ	Уухаар	3~4 удаа	6 наснаас дээш
Тариа			анх 1 удаа, нэмж 1 удаа	2 наснаас дээш	
Тарваган тахал			3 удаа	0 сар	
Бусад тарилга	Б төрлийн хемофилюс хөхүүл ханиад		Hib	4 удаа	2-4-6 сар, 12~15 сар
	Гепатит А		НерА	Анх 1 удаа, нэмж 1 удаа (анх тариулсны дараа 6~12 сарын дараа)	1-16 нас
	Пневмококк нянгийн сүрьеэ		PCV	1~4 удаа	2, 4, 6 сар нэмэлт : 12~15 сар

3_ Эрүүл мэндийн төвийн урьдчилан сэргийлэх тарилага

Зайлшгүй хийлгэх ёстой урьдчилан сэргийлэх тарилгыг эрүүл мэндийн төв дээр үнэ төлбөргүй хийдэг. Эрүүл мэндийн төв дээр очихдоо эх нялхасын эрүүл мэндийн дэвтэр(эхийн эрүүл мэндийн дэвтэр, хүүхдийн эрүүл мэндийн дэвтэр)-ээ авч очно.

• Элэгний Б вирусын халдвараас сэргийлэх хөтөлбөр

Элэгний Б вирустай эхээс төрсөн хүүхэд тухайн өвчнөөр өвчлөх магадлал өндөр байдаг. Өвчтэй эхээс төрсөн хүүхдийг тус өвчнөөс урьдчилан сэргийлэхийн тулд иммуноглобулины тунг 1 удаа, элэгний Б вирусын эсрэг тарилгыг 3 удаа хийж антиген · өвөрмөц эсрэг биетийн шинжилгээ хийлгэх шаардлагатай болдог ба үүнд гарах зардлыг улс хариуцдаг .



Хөтөлбөрт хэрхэн хамрагдах вэ?

- Засгийн газраас “Элэгний Б вирусын халдвараас урьдчилан сэргийлэх дэвтэр”-ийг бүх орон нутгийн эмэгтэйчүүдийн эмнэлгүүдээр дамжуулан тарааж байна. Дээрх дэвтэрт халдвараас сэргийлэх хөтөлбөрт хамрагдах эрхийн тасалбарыг хавсаргасан байдаг.
- Жирэмсэн эхэд хийсэн шинжилгээгээр элэгний Б вирус илэрсэн тохиолдолд дээрх дэвтрийг өгдөг.
- Элэгний Б вирусаар өвчилсөн эх хүүхдээ тарилганд хамруулах үедээ уг дэвтэрт хавсаргасан эрхийн тасалбарыг өгч үнэ төлбөргүй хийлгэж болно.

• Бусад үйлчилгээ

Бусад үйлчилгээ гэдэгт нярай хүүхдийн эрүүл мэндийн шинжилгээ*, нярай хүүхдийн өсөлт бойжилтын шинжилгээ, шүд ба хараа хамгаалах, хүүхдийн массаж, бор хоол, анхны тусламж үзүүлэх сургалтын хөтөлбөрүүд хамрагдаж байна. Эрүүл мэндийн төв бүрийн сургалтын агууллага өөр өөр байдаг тул урьдчилан лавлах шаардлагатай.

* Нярай хүүхдийн эрүүл мэндийн шинжилгээг төрсөнөөс хойш 6 сар, 18 сартайд нь хийх бөгөөд цусны болон шээсний шинжилгээ авдаг.

3» Бага насны хүүхдийг өсгөн бойжуулах, боловсрол олгох

1_Бага насны хүүхдийн хүмүүжил, боловсрол

Сургуулийн өмнөх насны хүүхдийг бойжуулах болон сурган хүмүүжүүлэх зорилгоор байгуулагдсан хүүхэд саатуулах төв, цэцэрлэгт явснаар хүүхэд олон зүйлийг сурч мэддэг.

(1) Хүүхэд саатуулах төв

- Хүүхэд саатуулах төв нь 0~5 насны хүүхдийг харж бас олон зүйлийг зааж сургадаг газар юм. Солонгосоор “Орини-Жиб” гэж нэрлэдэг.
- Тус төв нь ажлын өдрүүдэд өглөө 7 цаг 30 минутаас орой 7 цаг 30 минут хүртэл ажиллана. Зарим нь шөнө орой хүртэл ажилладаг байхад зарим нь 24 цагийн үйл ажиллагаа ч явуулдаг.
- Тус төв нь бага насны хүүхэд эрүүл энх, өв тэгш хүмүүжилтэй хүн болон өсөж бойжиход нь шаардлагатай нийгэм, хэл, танин мэдэхүй, оюун санааны цогц мэдлэг олгохыг зорилгоо болгодог.
- Хүүхэд саатуулах төвийн сарын төлбөр ажиллах цаг, хүүхдийн нас, сургалтын орчин зэргээс хамааран харилцан адилгүй бөгөөд дунджаар 170 мянгаас 380 мянган вон байдаг.



(2) Цэцэрлэг

- Цэцэрлэг бол 3~5 насны хүүхдүүдэд зориулсан боловсролын байгууллага юм.
- Ихэнх цэцэрлэг өглөөний 9 цагаас үдээс хойш 2 цаг хүртэл ажилладаг. Эхнэр нөхөр хоёулаа ажил хийдэг гэр бүлд зориулж өглөөний 7 цагаас оройн 8 цаг хүртэл ажилдаг цэцэрлэг ч бий.
- Цэцэрлэгт бага сургуультай адил Солонгос хэл, тоо бодлого, биеийн тамир, дуу хөгжим, зураг хичээл заадаггүй. Харин хүүхдийн хөгжлийн онцлогт тохируулсан танин мэдэхүй, хөдөлгөөнт сургалтыг цогц хэлбэрээр явуулдаг.
- Улсын харьяа цэцэрлэгийн сургалтын төлбөр сардаа 20 ~50 мянган вон, хувийн цэцэрлэг 180~250 мянган вон байдаг.

2_Хүүхэд саатуулах төв болон цэцэрлэгийн төлбөрт үзүүлэх хөнгөлөлт

Сургуулийн өмнөх насны 0~5 насны хүүхдийг хүүхэд саатуулах төв болон цэцэрлэгт өгөх тохиолдолд тухайн өрхийн орлогоос нь хамааран хүүхэд саатуулах төв болон цэцэрлэгийн төлбөрийн хөнгөлөлт эдлэх боломжтой байдаг.

(1) Хүүхэд саатуулах төвийн төлбөрийн хөнгөлөлт

0~5 насны хүүхэдтэй иргэд хүүхэд саатуулах төвд хүүхдээ явуулах тохиолдолд төрөөс дараах хөнгөлөлтийг үзүүлдэг.

• Хөнгөлөлтөнд хамрагдах нөхцөл


Хүүхэд тань 0-5 настай бөгөөд хүүхэд саатуулах төвд хүмүүждэг бол, мөн дараах нөхцөлийг хангаж буй тохиолдолд та хөнгөлөлт эдлэх боломжтой.

- Өрхийн тогтмол орлого нь (өрхийн нийт хөрөнгөтэй харьцуулан засгийн газраас тогтоосон хэмжээ) бага насны хүүхэдтэй өрхийн дундаж орлогын 70% (энэ хэмжээг засгийн газраас жил бүр тогтоодог)-иас доогуур тохиолдолд тус хөнгөлөлтийг эдлэх бөгөөд хөнгөлөлтийн хэмжээ нь өрхийн орлогын түвшингээс хамаардаг. (Өрхийн орлогын хэмжээ тогтоосон хэмжээнээс 50% -иас доош бол 100%-ийн хөнгөлөлт эдлэнэ.)

※ Солонгос иргэнтэй гэр бүл болсон гадаад эмэгтэйн гаргасан хүүхэд БНСУ-ын харьяат бол мөн адил хөнгөлөлт эдэлнэ.

- Бага сургууль(тусгай сургууль)-д элсэн орж суралцалгүй хүүхэд саатуулах төвд хүмүүжиж байгаа 12-оос доош насны хөгжлийн бэрхшээлтэй хүүхдийн төлбөрийг эцэг эхийн орлогын түвшнээс хамаарахгүйгээр улс зуун хувь хариуцдаг.

• Хөнгөлөлтөнд хамрагдахыг хүсвэл



- Өргөдөл гаргах: Асран хамгаалагч (эцэг эх болон бусад асран хамгаалагч) нь хүүхэд саатуулах төвийн төлбөрт хөнгөлөлт олгохыг хүссэн өргөдөл болон холбогдох бичиг баримтыг оршин суугаа газрынхаа хот · сум · дүүргийн, мөн баг · суурин · хорооны захиргаанд гаргана.
- Бүрдүүлэх бичиг баримт: Өрхийн хөрөнгө, орлогыг тодорхойлсон холбогдох бичиг баримт



Хөнгөлөлт олгох шийдвэр гарсан тохиолдолд “Аи-Сараан”(хүүхдийг хайрлая) карт олгодог бөгөөд сар болгон гардаг хүүхэд саатуулах төвийн төлбөрийг тус картаар хийнэ. (Эцэг эх нь хариуцах ёстой төлбөрөөс бусад засгийн газрын тэтгэлэгт хамрагдах бусад төлбөрийг ч бас энэ картаар хийнэ.)



(2) Цэцэрлэгийн төлбөрийн хөнгөлөлт

Хүүхэд тань 3-5 настай бөгөөд цэцэрлэгт хүмүүждэг бол өрхийн орлогын түвшингээс хамаарч цэцэрлэгийн төлбөрийн хөнгөлөлт эдлэх боломжтой.

• Хөнгөлөлтөнд хамрагдах нөхцөл

5 хүртэлх насны цэцэрлэгийн хүүхэд дараах нөхцөлийг хангасан тохиолдолд хөнгөлөлт эдлэх боломжтой.

- Өрхийн тогтмол орлого нь бага насны хүүхэдтэй өрхийн дундаж орлогын 70%-иас доогуур бол тус хөнгөлөлтийг эдэлнэ
- 5 настай хүүхэдтэй өрхийн хувьд дээрх хөнгөлөлтийн хэмжээ адил тэнцүү бөгөөд 3 ба 4 настай хүүхэдтэй өрхийн хувьд тухайн өрхийн орлогын түвшин, наснаас хамааран ялгаатай байна.
- Хөгжлийн бэрхшээлтэй хүүхдийн хувьд өрхийн орлогоос үл хамааран цэцэрлэгийн төлбөрөөс 100% хөнгөлөгднө.

• Хөнгөлөлтийн хэмжээ

Хөнгөлөлтийн хэмжээ нь тухайн цэцэрлэгийн төлбөр, цэцэрлэгийн төрөл, хүүхдийн наснаас хамааран харилцан адилгүй байна.

① 3~4 настай хүүхэд

- Өрхийн тогтмол орлого нь бага насны хүүхэдтэй өрхийн дундаж орлогын 70%-иас доогуур байх тохиолдолд тус айлын цэцэрлэгт явдаг 3~4 настай хүүхдийн цэцэрлэгийн төлбөр хөнгөлөгдөх ба хөнгөлөлтийн хэмжээ нь эцэг эхийн орлогын түвшингээс хамааран харилцан адилгүй байдаг.
- Төрөөс амьжиргааны тэтгэмж авдаг өрхийн хүүхэд болон бага орлоготой өрх толгойлогч эхийн хүүхэд, мөн сарын дундаж орлого нь бага насны хүүхэдтэй өрхийн дундаж орлогын 50%-иас доогуур өрхийн бага насны хүүхэд улсын харьяа цэцэрлэгт хүмүүжих тохиолдолд цэцэрлэгийн төлбөрийг улсаас 100% хариуцдаг.

② 5-н настай хүүхэд

- Өрхийн тогтмол орлого нь бага насны хүүхэдтэй өрхийн дундаж орлогын 70%-иас доогуур байх тохиолдолд тус айлын цэцэрлэгт явдаг 5 настай хүүхдийн цэцэрлэгийн төлбөрийг улсаас 100% хариуцдаг. (Үүнд хуулинд заасан бага орлоготой болон сарын дундаж орлогын түвшингээс бага орлоготой өрхийн хүүхэд бас хамрагдна)
- Бага сургуульд оролгүй сургуульд элсэн орох хугацаагаа хойшлуулсан 5 настай хүүхэд цэцэрлэгт явах тохиолдолд төлбөрийн хөнгөлөлт хүсэх эрхтэй. (Сургуульд элсэн орох хугацааг хойшлуулсан тухай тодорхойлолт гарган өгөх ёстой.)
- Бага сургуульд наснаасаа эрт орох гэж буй хүүхэд(4 настай) 5 настай хүүхдэд олгодог төлбөрийн хөнгөлөлтийг эдлэхгүй.

③ Нэг айлын 2 буюу түүнээс дээш хүүхэд цэцэрлэгт хүмүүждэг бол

- Өрхийн тогтмол орлого нь бага насны хүүхэдтэй өрхийн дундаж орлогын 70%-иас доогуур байх тохиолдолд цэцэрлэгт явдаг хүүхэд тус бүр ①-т заасан хөнгөлөлтийг эдлэнэ.
- Хоёр дахь хүүхдээс эхлэн орлого нь бага насны хүүхэдтэй өрхийн дундаж орлогын 60-70%-иас доогуур байх тохиолдолд, төрөөс олгодог тэтгэлэгийн 40~50%-тай тэнцэх хэмжээний мөнгийг тэтгэмж болгон нэмж олгодог.

• **Хөнгөлөлтөнд хамрагдахыг хүсвэл**

- Цэцэрлэгийн төлбөрийн хөнгөлөлтийг хүүхдийн эцэг эхэд нь шууд олгодоггүй. Улсаас тухайн хүүхдийн явж буй цэцэрлэг рүү шилжүүлдэг.
- Асран хамгаалагч (эцэг эх болон бусад асран хамгаалагч) нь цэцэрлэгийн төлбөрт хөнгөлөлт үзүүлэхийг хүссэн өргөдөл болон холбогдох бичиг баримт(хөрөнгийн ба бага орлоготой болох тухай тодорхойлолт)-ыг оршин суугаа газрынхаа хот · сум · дүүрэг, мөн баг · суурин · хорооны захиргаанд гаргана.

• **Хөнгөлөлтөнд хамрагдах шат дараалал:**

- Өргөдөл гаргах : Асран хамгаалагч (эцэг эх болон бусад асран хамгаалагч) нь цэцэрлэгийн төлбөрт хөнгөлөлт үзүүлэхийг хүссэн өргөдөл болон холбогдох бичиг баримтыг оршин суугаа газрынхаа хот · сум · дүүргийн, мөн баг · суурин · хорооны захиргаанд гаргана.
- Бүрдүүлэх бичиг баримт : Өрхийн хөрөнгө болон орлогыг тодорхойлсон холбогдох бичиг баримт



3_Тариалан болон загас агнуур эрхэлдэг айл өрхийн бага насны хүүхдэд зориулсан хөнгөлөлтийн систем

Тариалан, болон загас ан агнуур эрхэлдэг айл өрхийн 0~5 насны хүүхэд цэцэрлэгт түүнчлэн хүүхэд саатуулах төвд хүмүүжиж байгаа тохиолдолд энэхүү тэтгэлэгт хамрагдах боломжтой. Хүүхэд нь цэцэрлэг болон төвд явдаггүй байсан нь ч гэртээ хүүхдээ өсгөж бойжуулахад нь зориулж сар бүр тодорхой хэмжээний тэтгэлэг олгодог.

• Хөнгөлөлтөнд хамрагдах нөхцөл

Доор заасан бүх нөхцлийг хангаж байж хөнгөлөлтөнд хамрагдах боломжтой болно.

- Газар тариалангийн бүс нутагт тодорхой хаягтай бөгөөд байнга оршин суудаг байх
- Тариалангийн нийт талбайн хэмжээ 5 га-гаас бага тариачин өрх 0~5 насны болон сургуульд элсэн орохоо хойшлуулсан 6 настай хүүхэдтэй бол
- Тухайн хүүхдийн эцэг эх буюу асрамжлан халамжлагч нь газар тариалан, загас агнуураас өөр ажил хөдөлмөр эрхэлдэггүй бол
- Тухайн хүүхдийн эцэг эх буюу асрамжлан хамгаалагч газар тариалан, загас агнуураас олох орлого жилд 35 сая воноос бага бол



Дараах тохиолдолд хөнгөлөлт эдлэх боломжгүй


Дээрхтэй адил төстэй бусад хөнгөлөлт эдэлж байгаа юм уу албан газраасаа хүүхэд асран бойжуулах тэтгэлэг авч буй өрхүүд тус хөнгөлөлтөнд хамрагдахгүй.

• Өргөдөл гаргах

Хөнгөлөлтөнд хамрагдахыг хүссэн газар тариалан, загас агуур эрхлэгч иргэн өргөдөл, багийн даргын тодорхойлолт, банкны дэвтэр, өөрийн тариалангийн талбайн ойролцоо тариа тарьдаг 2 тариачны тодорхойлолт зэргийг авч суурин · баг · хорооны иргэдэд үйлчлэх төвд өгнө.

Memo





БНСУ-д
ажиллаж, амьдарч
байгаа гадаадын
иргэдэд зориулсан
гарын авлага

VI

Хүүхдийн боловсрол

- 138 **Солонгосын боловсролын систем**
- 138 Боловсролын ерөнхий тогтолцоо
- 138 Боловсролын менежмент
- 139 **Бага сургуулийн боловсрол**
- 139 Бага сургуульд элсэн орох
- 142 Сургуульд ороход бэлтгэх
- 144 Сургуулийн амьдралд дасан зохицоход туслах
- 149 **Дунд сургуулийн боловсрол**
- 149 Хичээлийн нэр төрөл, агуулга
- 150 Сонгон суралцах хичээл
- 151 Ангийн ажил
- 156 **Ахлах сургуулийн боловсрол**
- 156 Ахлах сургуулийн төрөл
- 157 Сурагчид үзүүлэх нийгмийн халамж
- 161 **Дээд сургуулийн боловсрол**
- 161 Дээд сургуулийн төрөл
- 162 Сургалтын тэтгэлэг



1[»] Солонгосын боловсролын систем

1_Боловсролын ерөнхий тогтолцоо

Солонгос улсын боловсрол бага сургууль (6 жил), дунд сургууль (3 жил), ахлах сургууль (3 жил), их дээд сургууль (4 жил) (мэргэжлийн дээд сургууль 2 жил) гэсэн тогтолцоотой. Бага сургуулийн 6 жил, дунд сургуулийн 3 жилийн сургалт нь албан ёсны сургалт хэмээн тооцогдох бөгөөд үнэ төлбөргүй байдаг.

2_Боловсролын менежмент

Нэг жил хоёр хичээлийн улиралд хуваагддаг бөгөөд сургалтын хөтөлбөрийг улирал бүрээр зохион гаргадаг. Хичээлийн 1-р улирал дуусаад зуны амралт эхлэх ба нэг сар орчим үргэлжилдэг. 2-р улирал дуусч шинэ хичээлийн жил эхлэх хүртэл хугацааг өвлийн амралтын үе гэх ба 2 сар орчим үргэлжилнэ. 1-р улирал нь 2 сарын сүүл юм уу 3-н сарын эхэн, 2-р улирал нь 8-н сарын сүүл юм уу 9 сарын эхний өдрүүдэд эхэлдэг.



Мэдэхэд илүүдэхгүй

Гадаад хүүхдүүдийн сургууль

Солонгост ажиллаж амьдарч буй гадаадын иргэдийн хүүхдүүд, гадаадад хэсэг хугацаанд амьдарч байгаад буцаж ирсэн Солонгос иргэдийн хүүхдүүд сурдаг сургуулийг ийнхүү нэрлэдэг. Сөүл, Инчон, Кёнги мужид байгуулагдсан эдгээр сургуулийн сургалтын төлбөр жирийн сургуулиас өндөр ба элсэж ороход тодорхой нөхцөл шаардлагыг хангасан байх ёстойгоос гадна элсэлтийн шалгалт өгдөг сургуулиуд ч бас бий.

• Элсэх болзол

Тус сургуульд элсэн суралцахыг хүсвэл доор дурдсан зүйлүүдээс хоёроос доошгүй болзлыг хангасан байх шаардлагатай.

- Гадаадын иргэн байх
- Гадаадад байнга оршин суух эрхтэй байх
- Гадаадад 3-аас дээш жил амьдарсан Солонгосын иргэн
- Эцэг эхийн аль нэг нь гадаадын иргэн бол

• Бүрдүүлэх бичиг баримт

Голдуу элсэлтийн анкет, урд өмнө суралцаж байсан сургуулийн дүн, багшийн тодорхойлолт шаарддаг боловч, тухайн сургуульд өөр ямар бичиг баримт шаардлагатайг урьдчилан тодруулах хэрэгтэй.

2» Бага сургуулийн боловсрол



Бага сургууль 6 жилийн сургалттай бөгөөд 6 настайдаа сургуульд орж болдог. Бага сургуульд Солонгос хэл, тоо зэрэг нийгэм, байгалийн ухааны холбогдолтой хичээлүүд болон дуу хөгжим, дүрслэх урлаг, биеийн тамир зэрэг оюун санаа бие бялдар хөгжүүлэх хичээлүүдийг голлон заадаг. Бага сургуулийн боловсрол нь албан ёсны бөгөөд үнэ төлбөргүй байдаг. Эцэг эх нь хүүхдээ бага сургуульд явуулаагүй тохиолдолд хуулийн дагуу шийтгэл хүлээдэг.

1_Бага сургуульд элсэн орох

(1) Элсэх хүүхэд


- 1 сарын 1-ээс 12 сарын 31 байдлаар 6 нас хүрсэн хүүхэд
- Сургуульд орох хугацааг хойшлуулсан, урд жил нь ороогүй хүүхэд
- Наснаасаа эрт элссэн хүүхэд хамаарахгүй.

※ 2010 оны хичээлийн жилд шинээр элсэн орох сурагч нь 2003. 1. 1 ~ 2003. 12. 31 хооронд төрсөн байна.

2011 оны хичээлийн жилд шинээр элсэн орох сурагч нь 2004. 1. 1 ~ 2004. 12. 31 хооронд төрсөн байна.

(2) Элсэлтийн үе шат

Бага сургуулиуд дараах 5-н үе шатын дагуу элсэлтээ явуулдаг.



Боловсролын их сургууль буюу Багшийн дээд сургуулийн харьяа бага сургуулийг улсын бага сургууль гэдэг. Улсын ба хувийн бага сургуулийн элсэлт авах хугацаа болон олон нийтийн бага сургуулийн элсэлт авах хугацаа өөр байна. Улсын болон хувийн бага сургууль нь олон нийтийн сургуулиас арай өмнө элсэлт хийдэг бөгөөд улсын болон хувийн сургуульд орохыг хүсэхгүй бол олон нийтийн бага сургуульд орж болно.



Улсын болон хувийн бага сургуулийн элсэлт авах хугацаа тухайн сургуулиас хамаарч өөр өөр байх тул биеэр очиж асуух юм уу сургуулийн вэбсайтаас тодруулах хэрэгтэй.



(3) Эрт орох · элсэлтийг хойшлуулах · нэмэлт элсэлт

- Наснаасаа эрт сургуульд орох : Солонгост 5 настай хүүхдийг бага сургуульд элсэн орохыг зөвшөөрдөг. (түүнээс бага насны хүүхдийг зөвшөөрөхгүй)

※ 2010 оны хичээлийн жилд шинээр элсэн орох сурагч нь 2004. 1. 1 ~ 2004. 12. 31 хооронд төрсөн байна.

- Элсэлтийг хойшлуулах : 6 настай боловч сургуульд орох хугацаагаа дараа жил хүртэл хойшлуулах хүсэлтийг зөвшөөрдөг.

※ 2010 онд бага сургуульд элсэн орох ёстой 2003. 3. 1 ~ 2003. 12. 31 хооронд төрсөн хүүхдийг дараа жилийн буюу 2011 оны хичээлийн жил хүртэл элсэн орох хугацаагаа хойшлуулахыг зөвшөөрнө.

- Бүртгүүлэх : Хүүхдийн эцэг эх, асран хамгаалагч нь баг, суурин, хорооны даргад сургуульд эрт оруулахыг хүссэн эсвэл хугацааг хойшлуулахыг хүссэн тухай өргөдөл өгнө.

- Бүртгэлийн хугацаа: Жил бүрийн 10.1 ~ 12.31 хүртэл



Анхаарах зүйл: Сургуульд наснаас нь эрт оруулах юм уу эсвэл хойшлуулах нь сургуулийн захирал бус эцэг эхийн сонголтоор шийдвэрлэгддэг тул энэ асуудалд нухацтай хандах хэрэгтэй.

- Нэмэлт элсэлт: Өвчин болон бусад хүндэтгэх шалтгаан(алдагдах, сураггүй болох)-ы улмаас тогтоосон хугацаанд сургуульд элсэн орж чадаагүй сургуулийн насны хүүхэд, гадаадад амьдарч байгаад ирсэн солонгос иргэний хүүхэд болон солонгост ажиллаж амьдарч байгаа гадаад иргэний сургуулийн насны хүүхдүүдийг нэмэлт элсэлтийн журмын дагуу элсүүлэн авдаг.



Иргэний бүртгэл нь хүчингүй болсон, ургийн бүртгэлгүй, Солонгост хууль бусаар оршин сууж буй хүүхэд сургуульд орох

- Сургуулийн насанд хүрсэн боловч албан ёсны боловсрол авах эрхээ эдэлж чадахгүй байгаа иргэний бүртгэл нь хүчингүй болсон, ургийн бүртгэлгүй, Солонгост хууль бусаар оршин сууж буй хүүхдүүдэд сурах эрх олгохын тулд баг, суурин, хорооны дарга нар болон сургуулийн захирлууд хичээл зүтгэл гарган ажиллаж байна.
- Амьжиргааны баталгааны дугаар, байрны түрээсийн гэрээ, оршин суугаа хорооноос гаргасан батлан даалт, ургийн бичиг, Солонгосын хилээр орж ирсэн тухай тодорхойлолт, гадаад иргэний бүртгэлд бүртгүүлсэн тухай тодорхойлолт зэрэгт үндэслэн Солонгост оршин сууж буй нь нотлогдсон тохиолдолд дээрх хүүхдүүдийг бага сургуульд элсүүлэн авдаг.

2_Сургуульд орох бэлтгэл

Сургуульд орох нь хүүхдийн хувьд маш их баяр хөөртэй үйл явдал боловч бас нэг талаар тэднийг тодорхой хэмжээний сэтгэлийн дарамтанд оруулдаг. Эцэг эх нь хүүхдээ сургуульдаа дуртай явж, тэнд байх хугацаагаа баяр хөөртэй өнгөрүүлж, сургуулийн амьдралд хурдан дасан зохицоход нь тусалж сэтгэл санаагаар дэмжиж байх хэрэгтэй.

• Хувцас

Хүүхдээ сургуульд явуулахдаа биед эвтэйхэн хөнгөн хувцас өмсүүлж заншаарай.

• Цүнх

Нуруундаа үүрдэг, хэт том бус цүнх бэлдээрэй. Хэт их хээ хуартай, моод загвар хөөсөн цүнхнээс илүү энгийн цэвэрхэн цүнх бэлдэж өгөх нь зүйтэй.

• Харандаа, үзэгний сав, балруул

Үзэгний сав эрээн мяраан бус энгийн байх нь зүгээр. Тоглоомтой үзэгний сав авч өгөхөөс зайлсхий. Анх сургуульд орж байгаа хүүхдэд 2В харандаа(тод балтай) хэрэглэх нь зохимжтой байдаг. Хоёроос гурван харандаа, нэг ширхэг балруул байхад болно. 0,5 харандааг том ангид орсон үедээ хэрэглэх нь зүйтэй.

• Дэвтэр

1,2-р ангийн хүүхдэд зориулан гаргасан хичээлийн дэвтэр байдаг ба тэдгээрээс авч өгөхөд болно. Харилцах дэвтэр, тэмдэглэлийн дэвтрийг урьдчилан бэлдэж өгөх хэрэгтэй бөгөөд бусад дэвтрийг ангийн багшийн зааврын дагуу бэлтгэнэ.

(Жишээ) Цээж бичгийн дэвтэр г.м



• **Тосон харандаа ба өнгийн харандаа**

1-р ангийн хүүхдэд 12 өнгийнх байхад болно.

• **Гутлын уут ба ангид өмсөх кет**

Гутлын уут нь пүүз багтах хэмжээтэй байх хэрэгтэй ба ангид өмсөх кет нь цагаан, хар хөх, цайвар хөх зэрэг олон өнгөтэй байдаг. Ангид өмсөх кетийг гутлын дэлгүүр юм уу сургуулийн ойролцоох бичиг хэрэгслийн дэлгүүрээс худалдан авч болно. Хөлөнд эвгүй юм уу томдсон кет авч өгч болохгүй.

(Кетээ хувийн эд зүйл хадгалах хайрцганд хийх бол гутлын уут авах шаардлагагүй.)



Мэдэхэд илүүдэхгүй

Сургуульд орохоосоо өмнө заавал сурах зүйлс

- Сургуулийнхаа нэрийг цээжилж хэлэх
- Гэрийнхэн болон өөрийнхөө нэрийг бичих
- Эгшиг, гийгүүлэгч сурах
- Үндсэн тоо сурах(1~10)
- Өнгийн харандаа, тосон харандаа, хайч, баллуур хэрэглэж сурах
- Өнгийн харандаагаар дугуй, хөндлөн, босоо шугам зурах
- Өнгө цээжлэх
- Өөрийнхөө эд зүйлийг бусдынхаас ялгаж сурах
- Гэрийн хаяг, утасны дугаарыг цээжлэн утсаар залгаж, утас авч сурах
- Хооллох ёсонд суралцах



3_Сургуулийн амьдралд дасан зохицоход туслах

- **Сургуулийн талаар таатай сэтгэгдэл төрүүлэх**

- Сургуулиас айдаг хүүхэд байдаг. Ийм хүүхдийг сургууль дээр нь урьдчилан дагуулж очоод хичээл хийдэг анги танхим, үзүүлэн самбарыг тайлбарлан харуулж сургуульд явах сонирхолтой гэдгийг ойлгуулна.
- Сургууль дээр дагаж мөрдөх ёстой дүрэм журам байдгийг урьдаас хэлж ойлгуулна.
- Олон найз, ах, эгч нартай болно гэдгийг хэлж ойлгуулна.

- **Багш бол сургуульд сурахад тусалдаг хүн**

- Багш бол хүүхдүүдэд мэдэхийг хүссэн зүйл, мэдэх ёстой зүйлийг зааж өгдөг хүн гэдгийг хэлж ойлгуулна.
- Багш ямар хүүхдэд дуртай байдаг талаар бас ярьж өгөөрэй. (сургуулийн дүрэм сайн сахьдаг, амалснаа биелүүлдэг хүүхэд г.м)

- **Өөрт оногдсон ажлаа өөрөө хийх**

- Хүүхдэд хичээлийн хэрэгслийнх нь жагсаалтыг гарган өгч, тэдгээрийг цүнхэндээ ямар дэс дараагаар нь хэрхэн хийх, цэгцлэх аргыг заан өгч, давтуулан хийлгэснээр хүүхэд өөрийнхээ эд зүйлсийг хайрлан хямгадах, цэвэрч нямбай байдалд суралцна. (нүүр гараа угаах, эд зүйлээ өөрөө цэгцэлж цэвэрлэх, бие засах өрөөг зөв хэрэглэх зэрэг ч үүнд багтна)

- **Эрүүл биед саруул ухаан оршино**

- Хүүхдэд амьсгалын замын болон чих хамар хоолойн төрлийн эмгэг байгаа эсэхийг урьдчилан шинжлүүлж эмчлүүлнэ.
- Хүүхэд ямар нэгэн хоол хүнсний харшилтай юм уу ямар нэг өвчинөөр өвчилсөн байгаа бол багшид нь энэ тухай урьдчилан мэдэгдэнэ.(сүүний харшил, диатиз, гэдэсний үрэвсэл г.м)

• **Сургуульдаа аюул осолгүй явж ирэх тухай заах**

- Явган явахын ач тусыг ойлгуулах. Гэр сургууль хоёрын хооронд явган явахад тохиромжтой замыг зааж өгөх
- Ямар нэг аюул осолд орохгүйн тулд замаар явахдаа баруун гараа барьж явах ёстойг, мөн замын гарц, гэрлэн дохионы учрыг сайтар хэлж ойлгуулах
- Автобусанд дугаарлан зогсож суух журамтайг мэдүүлэх
- Автобусаас буугаад автобусны урдуур болон хойгуур зам гарч болохгүйг анхааруулах
- Гүүрэн гарц, хонгилон гарцаар зам гарахыг заах
- Гарцаар зам хөндлөн гарахдаа гүйхгүй байх
- Замын зохицуулагчийн зааврыг дагах ёстойг хэлж ойлгуулах
- Зам гарч эхлэх үед нь гэрлэн дохио солигдох юм бол буцаж байрандаа очих, хэрвээ замын голоос хэтэрч явсан бол хурдан гарах



Хичээлийн дараах сургалтын хөтөлбөр

Энэ хөтөлбөр бага орлоготой өрхийн хүүхдүүд, эцэг эх нь хоёул ажил хийдэг өрхийн хүүхдүүдэд зориулагдсан бөгөөд сургуулийн хичээл тарсны дараа хүүхдүүд сургалтын төв дээр ирж хичээл болон гэрийн даалгавараа хийж найзалж нөхөрлөдөг. Хичээлийн дараах сургууль(бүх түвшин), дүүрэг хорооны хүүхдийн төв, өсвөр үеийнхний хичээлийн дараах сургалт хариуцсан академи, сургалт хүмүүжлийн төв зэрэг газруудад бага сургуулийн сурагчдаас эхлэн дунд, ахлах сургуулийн сурагчидад зориулсан хичээлийн дараах сургалт хөтөлбөр хэрэгжиж байна.

Хичээлийн дараах сургалт болон асран хамгаалах үйлчилгээ үзүүлдэг байгууллагууд

Ангилал	Орон нутгийн хүүхдийн төв	Өсвөр үеийнхний Хичээлийн дараах гадуурх сургалт хариуцсан академи	Хичээлийн дараах сургууль	Сургалт хүмүүжлийн төв
Хөтөлбөрт хамрагдах хүүхэд	Бага орлоготой өрхийн хүүхэд (18 хүртлэх насны)	Улсаас амьжиргааны тэтгэмж авдаг амьжиргааны доод түвшинд хамрагдах өрхийн хүүхэд Бага сургуулийн (4~6-р анги), дунд сургуулийн (1~2-р анги)	Бага дунд ахлах ангийн сурагч	Бага орлоготой өрхийн хүүхэд (бага сургуулийн 1 ~ 6-р анги)
Ажиллах цаг	Долоо хоногт 5өдөр, 1 өдөрт 8 цагаас дээш	- Ажлын өдөр 15:00 ~ 22:00 - Бямба гараг 12:00 ~ 19:00 - Хичээлгүй хагас сайн өдөр 09:00 ~ 14:00	Сургуулиасаа хамаарч харилцан адилгүй байна.	Нэг өдөр 4-өөс дээш цаг
Хөтөлбөрийн агуулга	Асран хамгаалах, хичээл давтуулах, хөнгөн хоол, зөвлөгөө зэрэг цогц үйлчилгээ	Хүүхдийн онцлогт тохирсон сургалт, нэмэлт давтлага, хөнгөн хоол зэрэг цогц үйлчилгээ	Гэрийн даалгавар хийхэд нь туслах, тоглоом тоглуулах, зөвлөгөө өгөх, авьяас тодруулах, зан чанар төлөвшүүлэх сургалт г.м	Асран хамгаалах, хичээлийг нь давтуулах
Төлбөр	Төлбөргүй	- Улсаас амьжиргааны тэтгэмж авдаг өрхийн хүүхэд : Төлбөргүй - Энгийн хүүхэд : Төлбөртэй	Хот · аймгийн боловсорлын газраас лавлах	Тухайн төвөөс лавлах
Лавлах газар	Орон нутгийн хүүхдийн төвүүдийн холбоо ☎02-732-7979 www.jckh.org	Орон нутгийн өсвөр үеийнхний сургалтын төв, Өсвөр үеийнхний хичээлийн дараах сургалт хариуцсан академ ☎02-6430-0908 www.youthacademy.or.kr	Хот · аймгийн боловсорлын газар	Сургалт хүмүүжлийн мэдээллийн нэгдсэн төв ☎02-701-0431~2 www.educare.or.kr

Интернэт сургалтын вебсайт

Интернэт сургалтын вебсайт нь гэрийн даалгавраа хийхэд туслахаас гадна хүссэн цагтаа хүссэн хичээлээ хүссэнийхээ хирээр үзэж сонсож болох сайн талтай. Орон нутаг дах хот-мужийн боловсролын газраас үнэ төлбөргүй явуулдаг интернэт сургалтын вебсайт болон хувийн байгууллагуудын эрхлэн явуулдаг төлбөртэй вебсайтыг танилцуулъя.

Хот-мужийн боловсролын газраас эрхлэн явуулдаг зайны сургалтын вэбсайт

Бүс	Вэбсайтын нэр	Вэбсайтын хаяг
Сөүл	Ггүлмад датком	www.kkulmat.com
Пүсан	Пүсаны зайны сургууль	cyber.busanedu.net
Тэгү	Тэгү цахим сургалт	estudy.dgedu.ne
Инчон	Инчон цахим-сургууль	cyber.edu-i.org
Тэжон	Тэжон зайны сургалт	www.edurang.ne
Үлсан	Үлсан зайны сургалт	home.go.kr
Кёнги	Та нупи	danopy.kerinet.re.kr
Канвон	Канвон эдюү уан	www.gweduone.net
Чүнбүг	Чүнбүг дээд сургуулийн багш нарт зориулсан төв	www.cbedunet.or.kr
Чүннам	Чүннам сайбер сургалт	cell.cise.or.kr
Жоннам	Жоннам сайбер сургалт	cyber.jnei.or.kr
Жонбүг	Жонбүг цахим-сургууль	cyber.jbedunet.com
Кённам	Кённам зайны сургалт	www.gnedu.net
Кёнбүг	Кёнбүг зайны сургууль	cyber.gyo6.net
Гуанжү	Гуанжү зайны сургалт	www.gedu.net
Жэжү	Жэжү е-стади	www.jejuestudy.net

Хот-мужийн боловсролын газраас эрхлэн явуулдаг зайны сургалтын вэбсайт

Вэбсайтын нэр	Вэбсайтын хаяг	Агуулга
Ваиз Кэмп	www.wisecamp.com	Анги даасан багш камер ашиглан зайнаас сургалт зөвлөгөө өгнө.
Эдюү Муа	www.edumoa.com	Хямд үнэтэй, хамгийн олон гишүүнтэй.
А-И Намү	www.inamu.com	Хөдөлгөөнт зураг дүрс бичлэг хоёрын хослуулсан сургалт, дунд сургуулийн хичээлийн агуулгатай холбогдсон
Гичүль Датком	www.gichool.com	Шалгалт ирдэг асуултан тулгуурлан зохиосон асуултын сан нь төлбөргүй ашиглах боломжтой
Дунг-А Кид	www.doosandong.com	Бүх төрлийн хичээл, гэрийн даалгаварт туслах
Эдюү Пиа	www.edupia.com	Интернэтийн багш нь хичээл хийх дадал суулгах аргачлал, заавар зөвлөгөө өгнө
Хаү Ки	www.howkey.com	Багш хичээлд нь тусалж шалгалтанд ирж болзошгүй асуултыг бэлдэж өгдөг



3» Дунд сургуулийн боловсрол

Дунд сургууль 3 жилийн сургалттай. Солонгос хэл, нийгэм, математик, шинжлэх ухаан, техник технологи, гэр ахуй, биеийн тамир, дуу хөгжим, дүрслэх урлаг, гадаад хэл(англи хэл)-ний хичээлүүд үзнэ. Ихэнх хүүхдүүд гэрийнхээ ойролцоо дунд сургуульд хуваарилагдан суралцдаг бөгөөд бага сургуулийн нэгэн адил албан ёсны үүрэгт сургалт юм. Эцэг эх нь хүүхдээ дунд сургуульд явуулахгүй бол хуулийн дагуу шийтгэл хүлээнэ.

1_Хичээлийн нэр төрөл, агуулга

Дунд сургуулийн хичээлийн хөтөлбөрт түвшин харгалзах сургалтын системийг шинээр нэвтрүүлсэн. Энэ нь сурагч тус бүрийн хэрэгцээ, чадвар, онцлог, сонирхолыг аль болох харгалзан үзэж тэдний өөрийгөө хөгжүүлэх чадвар, сургалтын үр дүнг нэмэгдүүлэхийн тулд бий болгосон сургалтын систем юм. Дунд сургуулийн 1~3-р ангид түвшин тус бүрээр шатчилсан хэлбэрээр математик, англи хэлний хичээлийг, гүнзгийрүүлсэн болон нэмэлт хэлбэрээр Солонгос хэл, нийгмийн хичээлийг зааж байна.

Хичээлийн нэр төрөл, агуулгыг доор танилцуулав.

Хичээл	Агуулга
Ёс суртахуун	Хувийн амьдрал, гэр бүл · хөрш · сургуулийн амьдрал, нийгмийн амьдрал, улс-үндэстний амьдрал
Солонгос хэл	Сонсох, ярих, унших, бичих, Солонгос хэлний тухай мэдлэг, утга зохиол
Математик	Тооцоолон бодох, үсэг томъёо, теором, функц, боломж статистик, график, хэмжигдэхүүн
Нийгэм	Газар зүй(хүн төрлөхтөн ба орон зай), ерөнхий нийгэм(хүн төрлөхтөн ба нийгэм), дэлхийн түүх, Солонгосын түүх (хүн төрлөхтөн ба цаг хугацаа)
Шинжлэх ухаан	Ерөнхий мэдлэг(хөдөлгөөн, энерги, бодис, амь, дэлхий), судлагаа(ажиглалт, ангилан ялгалт, хэмжилт, туршилт, мэдээлэлд дүгнэлт хийх, судлах)
Биеийн тамир	Хөнгөн атлетик, гимнастик, ганцаарчилсан болон багийн спорт, бүжиг, бие бялдаржуулах дасаг, онол, эрүүл мэнд
Дуу хөгжим	Хөгжмийн тухай ойлголт(ритм, хөг аялгуу, хэлбэр, тоолох, хурд, хоолойн өнгө), дадлага(дуулах, хөгжимдөх, мэдэрч илэрхийлэх)
Дүрслэх урлаг	Гоо зүйн дадлага, илэрхийлэл, мэдрэмж
Техник-гэр ахуй	Гэр бүл ба ажлын тухай ойлголт, амьдралд хэрэгтэй технологи, эд баялагийн тухай ойлголт, хүрээлэн байгаа орчноо хамгаалах
Англи хэл	Ярианы хэл (сонсох, ярих), бичгийн хэл(унших бичих)

2_Сонгон суралцах хичээл

(1) Сонгон суралцах хичээлийн зорилго

- Тус хичээлийн зорилго нь сурагчидад сургуулийн нөхцөл байдал, сурагчийн мэдлэгийн түвшин, сургалтын шаардлага зэрэгт үндэслэн зөвхөн сургуулийн стандарт хөтөлбөрийн хүрээнд хязгаарлагддаг байсан гол үндсэн хичээлүүдийн агуулгыг гүнзгийрүүлж үзэж судлах боломж олгоход оршино.
- Урд өмнө зөвхөн хичээлийн хөтөлбөрийн хүрээнд заадаг байсан сонгон суралцах хичээлийн агуулгыг улам гүнзгийрүүлж сурагчидыг олон төрлийн салбар чиглэлээр системтэйгээр суралцах боломжийг хангах юм.
- Орон нутгийн олон нийт, сургууль, сурагчдын шинэ соргог санааг хөтөлбөртөө тусгаж, сурагчдын авьяасыг хөгжүүлж, хувийн онцлог имидж бүрдүүлэх, зан чанарыг төлөвшүүлэхэд дэмжлэг үзүүлнэ.
- Сурагчид сонирхол, онцлогтоо таарсан хичээлийг сонгон суралцах боломж олгосноор сурагч өөрийнхөө шийдвэрт эзэн байж, сурах чадвараа сайжруулах боломж олгох сурагч төвтэй сургалт гэж хэлж болно.
- Нэг хичээлээр олж авах боломжгүй олон салбарын мэдлэг шаардагдсан мэдлэгийг тодорхой системтэйгээр олгох хичээлийн төлөвлөгөөг боловсруулсан.
- Сургууль нь тус хичээлийн хөтөлбөрт орон нутгийн болон сургуулийн онцлог, сурагч болон эцэг эхийн хүсэлтийг нэн түрүүн тусгасан байдаг ба заагч багшийн мэргэжлийн ур чадварт онцгой анхаарал тавьж тэдний ур чадварыг нэмэгдүүлэхэд туслалцаа үзүүлдэг.



(2) Сонгон суралцах хичээлийн агуулга

Ерөнхий ангилал	Ангилал	Хөтөлбөрийн агуулга	Цаг хуваарилалт
Үндсэн	Үндсэн хичээлтэй холбоотой гүнзгийрүүлсэн сургалт	Үндсэн 10-н төрлийн хичээлийн гүнзгийрүүлсэн, нэмэлт сургалт	102 цаг (сонгон суралцах хичээлээс эхлэн хувиарладаг)
	Сонгон суралцах хичээл	Ханз, компьютер, байгаль орчин, өдөр тутмын гадаад хэл, бусад	
Тусгай	Тусгай сэдэвт сонгоны сургалт	Ардчилсан иргэний, зан төлөвийн, байгаль орчны, эдийн засгийн, энергийн, хөдөлмөрийн сэтгэлгээний, эрүүл мэндийн, аюулгүй байдлын, бэлгийн хүмүүжлийн, хэрэглэгчийн, карерийн, Солонгосын соёлын мөн чанарын, өмнөд хойд Солонгосын нэгдлийн, олон улсын, тэнгис далайн, мэдээлэл болон мэдээллийн ёс зүйн тухай сэдэвт сургалт хөтөлбөр	34 цаг (долоо хоногт 1 цаг)
	Бие даах сургалт	Хичээллэх арга барилд суралцах, бие даасан буюу багын хамтарсан судалгаа явуулах, байгальтай орчинтой танилцах зэрэг сургалт	

3_Ангийн ажил

(1) Ангийн ажлын зорилго

Сурагч хүн анги хамт олноороо нийгмийн үйл ажиллагаанд оролцох, өөрийн авьяас чадвар, бусдаас ялгаатай чанарыг нээн олж хөгжүүлэх, нийгэм хамт олны тухай ойлголттой болж тэдэн дунд биеэ авч явах чадвартай ардчилсан нийгмийн иргэн, биеэ даасан хувь хүн болгон хүмүүжихэд туслах нь ангийн ажлын гол зорилго юм.

• Бие даасан үйл ажиллагаа

Анги сургуулийнхаа нэг бүрэлдэхүүн гишүүн болохын хувьд үүрэг хариуцлагаа ухамсарлаж, хүлээсэн үүргийн дагуу өөрт ноогдсон ажлаа гүйцэтгэж, бие даасан үйл ажиллагаанд идэвхитэй оролцох нь ардчилсан иргэн хүнд байх ёстой суурь чанар юм.

• Дасан зохицох

Орчин нөхцөлдөө дасан зохицох чадвар нь дээшилж, өөрөө өөрийнхөө асуудлыг шийдвэрлэх чадвартай болно.

• **Өөрийгөө хөгжүүлэх**

Өөрийгөө хөгжүүлэх үйл ажиллагаанд сайн дураар оролцсоноор эмх журам, нягт нямбай байдалд суралцаж, өөрийн сонирхол онцлогийг хөгжүүлснээр бие хүн болон төлөвших үндэс суурийг тавина.

• **Сайн дурын үйл ажиллагаа**

Сайн дурын үйл ажиллагааны мөн чанарыг ухааран ойлгож, бусдад туслах ажилд идэвхитэй оролцдог болох бөгөөд бусдыг мэдэрч ойлгож сурах бөгөөд амьдралын баяр баясгалан, өөрийнхөө үнэ цэнийг мэдрэнэ.

• **Нийтийн үйл ажиллагаа**

Нийтийн үйл ажиллагааны ач холбогдлыг ойлгон мэдэж, түүнд сайн дураар оролцох дадалтай болдог. Сургууль болон амьдарч буй орон нутгийнхаа сурагч нь бас иргэн нь гэдгээ ухаарч өөрийн үүрэг хариуцлагаа ухамсарлана.



(2) Агуулга

Хамрах хүрээ	Агуулга	
Бие даасан үйл ажиллагаа	• Зөвшилцөөн	• Ардчилсан иргэний оролцоо
Дасан зохицох	• Үндсэн дадал зуршил бүрдүүлэх • Мөн чанараа тодорхойлох	• Зөвлөгөө • Бусадтай дотносох • Мэргэжлээ сонгох
Өөрийгөө хөгжүүлэх	• Утга зохиол, урлаг • Эрүүл мэнд, биеийн тамир • Сайн дурын байгууллагын үйл ажиллагаанд хамрагдах	• Дадлага • Мэдээлэл солилцох • Чөлөөт цаг, соёлын амьдрал
Сайн дурын үйл ажиллагаа	• Ажилд туслах • Байгаль орчин хамгаалах, тохижилт үйлчилгээ • Бусдын сэтгэл санаагаар дэмжих	• Компанит үйл ажиллагаа • Сайн дурын аврах үйл ажиллагаа
Зохион байгуулалттай арга хэмжээ	• Баяр ёслол • Тэмцээн • Солилцооны арга хэмжээ	• Гамшигт өртөгсөдөд туслах • Сургуулийн соёлын арга хэмжээ • Сургалтын арга хэмжээ

Өсвөр насны хүүхэд залуучууд(зөвлөгөө өгөх)-ыг дэмжих төв

Хот, сум, дүүргээс өсвөр насны хүүхэд залуучуудын эрх ашгийг хамгаалах, туслах зорилгоор тэдэнд зөвлөгөө өгөх, дэмжих төв байгуулан ажиллуулж байна. 1388 дугаарын утсанд бүсийн код хийхгүйгээр залгаж оршин суугаа газрынхаа хамгийн ойрхон төвтэй холбогдоорой.

- 1) Үйлчлүүлэх хүн: Тухайн орон нутагт оршин суугаа хүүхэд залуучууд юм уу, тэдний эцэг эхийн хэн нь ч үйлчлүүлэх боломжтой.
- 2) Хүсэлт гаргах: Утас юм уу интернэтээр бүртгүүлж болох ба төв дээр биеэр очиж бүртгүүлж ч болно.
- 3) Үйлчлүүлэх цаг ба төлбөр
 - Төв бүхэн үйл ажиллагаа явуулах цаг нь харилцан адилгүй байдаг ч гол төлөв өглөөний 9 цагаас оройны 6 цаг хүртэл ажилладаг.
 - Орон нутгийнхаа нөхцөл байдал, төвийн онцлогоос хамаарч бямба ням гарагуудад ажилладаг газар ч байдаг.
 - Төвүүд нь харьяа газар нутагт амьдарч байгаа хүүхэд залуучуудад ихэвчлэн үнэ төлбөргүй үйлчилдэг ба сэтгэл зүйн тест зэрэг зарим хөтөлбөр төлбөртэй байдаг

Хүүхэд залуучуудад зөвлөгөө өгдөг төвүүдийн хөтөлбөр

Ангилал	Агуулга
Ганцаарчилсан зөвлөгөө	Өсвөр үеийхэнд тулгамдсан асуудал (сургууль, найз нөхөд, гэмт хэрэг), гэмт хэргээс урьдчилан сэргийлэх, гэр бүлийн харилцаа, гэр бүлийн зөрчил
Хамт олноор нь зөвлөгөө өгөх	Үерхэл, бие биентэйгээ зөв ойлголцож ярилцах, цагийг зөв боловсон өнгөрөөх, хичээл давтах арга
Сэтгэлзүйн тест	Сэтгэцийн чадвар, ур чадвар, зан араншин, дур сонирхол тодорхойлох тестүүд
Эцэг эхэд зориулсан сургалт	Сэтгэцийн чадварын тест, Ур чадварын шалгалт, Зан араншингийн тест, дур сонирхол тодохойлох тест
Интернэт зөвлөгөө	Хүүхэдтэйгээ хэрхэн харилцах, аавуудад зориулсан зөвлөмж
Интернэт зөвлөгөө	Нээлттэй зөвлөгөө, ганцаарчилсан зөвлөгөө, чатаар өгөх зөвлөгөө, интернэт сэтгэлзүйн сорил



Мэдэхэд илүүдэхгүй

Сургууль дээрх хүчирхийлэл

Сургууль дээр болон сургуулиас гадуур сурагч нь сурагчаа бие махбодь, хэл яриа, сэтгэл санааны хувьд дарамталж хүчирхийлэхийг сургууль дээрх хүчирхийлэл гэнэ. Ялих шалихгүй зүйлээр биеээ элэглэн дооглох зэрэг үйлдэл нь тухайн хүүхдийн сэтгэл санаа, биеээ авч явах байдалд таагүй байдлаар нөлөөлсөн бол үүнийг мөн хүчирхийлэл гэж үздэг.

Сургууль дээрээ хүчирхийлэлд өртсөн байж болзошгүй хүүхдийн биеээ авч явах байдал

- Хувцас, биеийн тамирын шаахай, нүдний шил зэргээ байнга хаяж гээх, хагалах
- Биеийн аль нэг хэсэгт нь шарх, хөхөрсөн ул мөр харагдах. Асуухад явж байгаад унасан гэх юм уу биеийн тамир хийж байгаад гэмтсэн гэж хариулах
- Сурах бичиг, дэвтэр, цүнхэн дээрээ 'үхмээр байна' гэж бичиж эрээчсэн байх
- Халаасны мөнгө бага байна гэх юм уу гэрээсээ ямар ч шалтгаангүй мөнгө авч явах
- Ямар ч тамир тэнхээгүй сулбайж суух, гэртээ байхдаа өрөөнөөсөө гарч ирэхгүй байх
- Хоолондоо муудаж урьд нь дуртай байсан хоолоо ч идэхээ болих
- Бие өвдөж байна гэсэн шалтгаанаар хичээлдээ явахаас дургүйцэх
- Найз нартайгаа утсаар ярихаас дургүйцэх
- Гэнэт өөр тийшээ нүүмээр байна гэх юм уу, өөр сургууль руу шилжүүлж өгөөч гэж гуйх
- Сурлагын дүн нь огцом муудах
- Унтаж байхдаа хар хөлс нь цувах юм уу, хар дарж зүүдлэх, гиншиж яраглах



Авах арга хэмжээ

Сургууль дээрх хүчирхийлэлд өртсөн тохиолдолд холбогдох байгууллагад хандаж, дараах тусламжийг авч болно.

(1) Сургууль

Эхлээд хүүхэд тань сургууль дээрээ хүчирхийлэлд өртөж байгаа талаар анги даасан багшид нь хэлээрэй. Ингэснээр ангийн багш нь Сургууль дээрх хүчирхийллийн эсрэг өөрөө удирдах хороонд мэдэгдэж тэндээс судалгаа хийсний дараа зохих арга хэмжээг авна. Уг хороо нь хүчирхийллээс урьдчилан сэргийлэх, хүчирхийллийн эсрэг арга хэмжээ авах, хохирогч сурагчийг хамгаалах болон буруутай этгээдэд арга хэмжээ авах, хохирогч, хохироогчийн хоорондийн маргааныг зохицуулах үүрэг гүйцэтгэнэ.

(2) Боловсролын газар: Сургууль дээрх хүчирхийллийн эсрэг SOS тусламж

Сургууль дээрх хүчирхийллийн эсрэг SOS тусламжийг сургууль дээрх хүчирхийллийн хор уршгийн талаар зөвлөгөө өгөх төв болон сургууль дээрх хүчирхийлэлд өртөгсдөд туслах төв зэрэг байгууллагаас авч болно. Сургууль дээрх хүчирхийллийн хор уршгийн талаар зөвлөгөө өгөх төв нь хохирсон болон хохирол учруулсан сурагч, тэдгээрийн эцэг эхэд нь зөвлөгөө өгдөг. Харин Сургууль дээрх хүчирхийлэлд өртөгсдөд туслах төв нь сургуулийн зүгээс шийдвэрлэхэд хэцүү асуудлыг хариуцан маргаан зөрчлийг зохицуулах үүрэгтэй. Дээрхтэй холбоотой асуудал гарсан үед зөвлөгөө өгөх төвийн ☎1588-9128(Авралын гар) болон ☎1588-7179 (сурагчдад зөвлөгөө өгөх утас) дугаарын утсанд хандаарай.

(3) Олон нийтийн байгууллага

Хүүхэд залуучуудад зөвлөгөө өгөх 1388 дугаарын утсанд хохирогч, түүний эцэг эхчүүд холбогдож сургууль дээрх хүчирхийлэлтэй холбогдсон хуулийн зөвлөгөө, эмчилгээний талаар зөвлөгөө авч болно. Уг төв нь сургууль дээрх хүчирхийллээс урьдчилан сэргийлэх үйл ажиллагааны хүрээнд хүчирхийлэл ахин давтагдахгүй байх тал дээр анхаарал тавьж хохирол учруулсан сурагчдад зориулсан сургалтын тусгай хөтөлбөр зохион сургалт явуулж байна.

(4) Цагдаа:

Сургууль дээрх хүчирхийллийн хохирогчид One-stop үйлчилгээ үзүүлэх төвийн ☎117 дугаарын утас(гар утаснаас залгахдаа бүсийн код + 117)-нд холбогдож яаралтай тусламж, хамгаалал болон зөвлөгөө авах боломжтой. One-stop үйлчилгээ нь зөвлөгөө, мөрдөн байцаалт, эмчилгээ, хууль зүйн үйлчилгээг 365 өдөр 24 цагаар үзүүлдэг.

(5) Интернет зөвлөгөө

Сургууль дээр гарсан хүчирхийлэлийн асуудлаар Интернетээр хүүхэд залуучуудад зөвлөгөө өгөх байгууллага Уандда датком(☎1588-9128), Хүүхэд залуучуудын хүсэл эрмэлзэл сан(☎02-3291-3634)зэрэг байгууллагууд ажиллаж байна.

(6) Сургууль дээрээ хүчирхийлэлд өртсөн бол дараах утсанд залгаж тусламж хүсээрэй.

- Аюулд өртөгсдөд зөвлөгөө өгөх төв ☎1588-9128
- Сурагчдад зөвлөгөө өгөх утас ☎1588-7179
- Хүүхэд залуучуудын шуурхай утас ☎1388
- Сургууль дээрээ хүчирхийлэлд өртсөн хохирогчидод One-stop үйлчилгээ үзүүлэх төв ☎177

4» Ахлах сургуулийн боловсрол

Ахлах сургууль 3-н жилийн сургалттай. Энгийн болон нарийн мэргэжлийн, шинжлэх ухаан техникийн, тусгай мэргэжлийн ахлах сургуулиуд байдаг. Шинжлэх ухаан техникийн, тусгай мэргэжлийн ахлах сургуульд шалтгалт өгч ордог бол бусад энгийн сургуульд орохдоо орон нутгийн онцлогоос хамаарч сугалаа сугалж орно. Ахлах сургуулийн боловсрол нь албан бус учир сургуулийн төрбөрийг хувиараа төлөх шаардлагатай.

Сургуулийн төлбөр нь тухайн орон нутгийн болон сургуулийнхаа онцлогоос хамаараад харилцан адилгүй байна. Шинжлэх ухаан техникийн болон тусгай мэргэжлийн сургуулиас бусад сургуулийн төлбөр нь 3 сар тутамд 400 мянган вон байдаг. Гэхдээ ар гэрийн байдлыг нь харгалзан сургалтын төлбөрөөс хөнгөлөх болон чөлөөлдөг.

1_Ахлах сургуулийн төлбөр

Энгийн ахлах сургууль	Энэ сургуульд эхний жилдээ Солонгос хэл, ёсзүй, нийгэм судлал, тоо, шинжлэх ухаан, хөдөлмөр, биеийн тамир, дуу хөгжим, дүрслэх урлаг, англи хэл зэргийг заах ба 2-3 ангид нь сурагч нэг бүрийн хувийн онцлог болон чадвар, цаашдын зорилгод нь нийцүүлэн сонгон суралцах хичээлийг оруулдаг.
Нарийн мэргэжлийн ахлах сургууль	Тус сургууль нь нарийн мэргэжлийн бүрэн дунд боловсролыг эзэмшүүлдэг. Нэгдүгээр ангид нь Солонгос хэл, ёсзүй, нийгэм судлал, тоо, шинжлэх ухаан, хөдөлмөр, биеийн тамир, дуу хөгжим, дүрслэх урлаг, англи хэл зэргийг зааж, 2-3 дугаар ангид нь нарийн мэргэжлийн хичээлүүд ордог. Нарийн мэргэжлийн хөдөө аж ахуй, аж үйлдвэрлэл, худалдаа эдийн засаг, далайн аж ахуй тээвэрлэлт зэрэг салбарыг хамарна. Сүүлийн үед сургалтын агуулга нь мэдээлэл холбооны салбар, робот, хүүхэлдэйн кино, дүрс бичлэг кино урлаг, нийтийн хоол, үсчин гоо сайхан, аялал жуулчлалын салбар зэргээр өргөжин тэлж байна.
Шинжлэх ухаан техникийн ахлах сургууль	Тус сургууль нь нарийн мэргэжлийн бүрэн дунд боловсролыг эзэмшүүлдэг. Нэгдүгээр ангид нь Солонгос хэл, ёсзүй, нийгэм судлал, тоо, шинжлэх ухаан, хөдөлмөр, биеийн тамир, дуу хөгжим, дүрслэх урлаг, англи хэл зэргийг зааж, 2-3 дугаар ангид нь нарийн мэргэжлийн хичээлүүд ордог. Нарийн мэргэжлийн хөдөө аж ахуй, аж үйлдвэрлэл, худалдаа эдийн засаг, далайн аж ахуй тээвэрлэлт зэрэг салбаруудыг хамардаг. Сүүлийн үед мэдээлэл холбооны салбар, робот, хүүхэлдэйн кино, дүрс бичлэг кино урлаг, нийтийн хоол, үсчин гоо сайхан, аялал жуулчлалын салбар зэргээр өргөжин тэлж байна.
Тусгай мэргэжлийн ахлах сургууль	Тусгай мэргэжлийн ахлах сургууль гэдэгт гадаад хэл, дүрслэх урлаг, биеийн тамирийн ахлах сургуулиуд орно. Дээрх сургуулиуд нь гоц авьяастан сурагчдад гадаад хэл, дуу хөгжим, биеийн тамир, бүжиг зэргийг зааж эзэмшүүлэх бөгөөд эдгээр салбарт авьяас чадвар бүхий хүүхдүүд тус сургуулиудад шалгалт өгөн элсэн орох боломжтой.

2_Сурагчид үзүүлэх нийгмийн халамж

Сурагчид олгох тэтгэлэг, үзүүлэх хөнгөлөлт нь орон нутаг, сургууль, хичээлийн улирлаас хамаарч харилцан адилгүй байдаг.

(1) Сургалтын тэтгэлэг

• Тавигдах болзол

- Баг-суурин-хорооны иргэдэд үйлчлэх төвд сургалтын тэтгэмж авагчаар бүртгэгдэн сургалтын болон элсэлтийн төлбөрийн тэтгэмж авдаг хүүхэд (амьжиргааны баталгаажих доод түвшний тэтгэмж авдаг өрхийн хүүхэд, өрх толгойлсон эх ба эцгийн хүүхэд, тусгай асрамжийн газар амьдардаг хүүхэд)
- Орон нутгийн ЭМД-ын санд сард 47,000(3 хүн)~50,000 вон(6 хүн)-аас ихгүй даатгалын хураамж төлсөн өрхийн хүүхэд
- Ажлын газраас нь ЭМД-ын санд сард 43,800 вонгоос дээшгүй хураамж төлсөн өрхийн хүүхэд
- Амьжиргааны баталгаажих доод түвшингөөс доогуур орлоготой давхаргад хамаарахгүй боловч, өрхийн нөхцөл байдал(эцэг эх нь салсан, нас барсан, ажилгүй, дампуурсан, өвчтэй, өртэй, ор сураггүй алга болсон, өрхийн үйлдвэрлэл нь зогсонги байдалд байгаа г.м)-ын улмаас дэмжлэг шаардлагатай хэмээн анги даасан багш нь тодорхойлолт гаргасан бага орлоготой давхаргын хүүхэд

• Бүрдүүлэх бичиг баримт

Болзол	Бүрдүүлэх бичиг баримт
Амьжиргааны баталгаажих доод түвшний тэтгэмж авдаг өрхийн хүүхэд	① Сургалтын тэтгэлэг хүссэн өргөдөл ② Тодорхойлолт(эсвэл баг-суурин-хорооны иргэдэд үйлчлэх төвөөс сургуульд сурч буй тухай албан бичиг)
ЭМД-ын хураамж төлдөг өрхийн хүүхэд	① Сургалтын тэтгэлэг хүссэн өргөдөл ② Иргэний бүртгэлийн хуулбар(ам бүлийг шалгах зориулалттай) ③ ЭМД-ын дэвтрийн хуулбар ④ ЭМД-ын төлбөрийн нэхэмжлэл юм уу төлсөн баримт(даатгалын төлбөрийг шалгах бичиг баримт) ※ Цалингийн тодорхойлолт өгөх тохиолдолд хариуцагч болон цалин олгогчийн тамга тэмдэг хэрэгтэй.
Анги даасан багшийн тодорхойлсон	① Сургалтын тэтгэлэг хүссэн өргөдөл ② Иргэний бүртгэлийн хуулбар(ам бүлийг шалгах зориулалттай) ③ Анги даасан багшийн тодорхойлолт ④ Бусад хавсралт бичиг баримт(өртэй/нас барсан/ажилгүй/ дампуурсан/гэрлэлтээ цуцлуулсан гэдгийг нотлох) ※ Багшийн тодорхойлолтыг анги даасан багш бичнэ.

(2) Сургалтын төлбөрийн хөнгөлөлт**• Тавигдах болзол**


Амьдралын боломж муутай хэдий ч ‘Сургалтын тэтгэлэг’ авах болзлыг хангаагүйн улмаас тэтгэлэгт хамрагдаж чадаагүй сурагчийн сургалтын төлбөрийг багшийн тодорхойлолтыг үндэслэн тодорхой хэмжээгээр хөнгөлдөг.

Болзол		Бүрдүүлэх бичиг баримт
Хуулинд хөнгөлөлт эдлүүлэхээр заасан тохиолдол	Тусгай боловсролын байгууллагад суралцаж буй сурагч	Тусгай боловсролын байгууллагын комиссын шалгалтын хариу
	Төрийн гавьяат зүтгэлтэний тухай хууль болон бусад холбогдох хуулинд хөнгөлөлт эдлэхээр заасан хүүхэд	Харьяа байгууллагын даргын гарын үсэгтэй боловсролын хөнгөлөлт эдлэх эрхтэй гэдгийг баталсан тодорхойлолт
Энгийн тохиолдол	Амьдралын боломж муутай өрхийн хүүхэд - Ажилгүй буюу дампуурснаас болж амьдралын боломж нь муудсан ‘Сургалтын тэтгэлэг’ авах болзлыг хангаж чадаагүй сурагч - Онц сурлагатны тэтгэлэг зэрэг бусад замаар сургалтын төлбөрийн дэмжлэг авч байгаа боловч түүгээрээ төлбөрөө бүгдийг төлж чадахгүй байгаа сурагч	Анги даасан багшийн тодорхойлолт
Бусад	Дээрх тохиолдлоос гадна сургуулийн захирал нь шилдэг сурагчийн тэтгэлэг зайлшгүй шаардлагатай гэж үзсэн сурагч	• Төлбөрөөс хөнгөлөх шийдвэр гаргасан албан бичиг (хөнгөлөлт үзүүлж буй шалтгааныг бичих) • Сургуулийн шилдэг сурагч болохыг тодорхойлсон ангийн багшийн тодорхойлолт

• Хөнгөлөлт үзүүлэх хугацаа

Сургалтын төлбөрийн хөнгөлөлтийг 1 жилийн хугацаатай үзүүлэх ба хөнгөлөлт үзүүлэх шаардлагыг хангахгүй бол хөнгөлөлтөөс хасах ба хуулиар заасан хөнгөлөлт эдлэх эрх бүхий сурагч суралцах хугацааны туршид энэхүү хөнгөлөлтийг эдлэнэ.

(3) Сургалтын тэтгэлэг, төлбөрийн хөнгөлөлт хүсэх өргөдөл гаргах



Хөнгөлөлт, тэтгэлэгт хамрагдахыг хүссэн сурагчийн эцэг эх(асран хамгаалагч) ‘Сургалтын төлбөрийн хөнгөлөлт хүсэх өргөдөл’-ийг анги даасан багшид(биеэр эсвэл шуудангаар) өгсний дараа анги даасан багш нь тухайн сурагчийн гэрээр очиж амьдрал ахуйтай нь танилцдаг. Үүний дараа багш сурагчийн зүгээс шаардлагатай бусад баримт бичиг бүрдүүлэх арга замыг зааж өгөх буюу нийгмийн халамж хариуцсан ажлын комисст тодорхойлолт саналыг хүргэнэ. Сургууль нийгмийн халамж хариуцсан ажлын комисс томилох ба уг комиссоос өргөдөл гаргасан айл өрхийн талаар судлагаа хийж асуудлыг шийдвэрлэнэ. Мөн шаардлагатай тохиолдолд анги даасан багшийн санал, тодорхойлолтын дагуу хөнгөлөлт олгох явдал ч бий. Өргөдөл гаргаж байгаа бүх сурагчид шаардлагатай бичиг баримтыг бүгдийг нь бүрдүүлж авчрах ёстой боловч ар гэрийн гачигдлаас болоод зарим бичиг баримтыг бүрдүүлэх боломжгүй сурагч бас хааяа гардаг. Энэ тохиолдолд ганц анги даасан багшийн тодорхойлолтыг үндэслэн сургалтын төлбөрийн хөнгөлөлт олгох боломжтой. Өргөдлийн маягтыг улирлын эхээр сургууль дээр нь тараадаг.

(4) Хоолны мөнгө олгох

Сурагчид олгох хоолны мөнгөний тэтгэлэг нь орон нутаг, сургууль, хичээлийн улирлаас хамаарч харилцан адилгүй байдаг.

- **Бүртгүүлэх хугацаа:** 1 жил тутамд(тухайн жилийн 1.1~12.31)

• **Тавигдах болзол**

- Зайлшгүй хамрагдах сурагч : Насанд хүрээгүй өрх толгойлогч, амьжиргааны баталгаажих доод түвшний тэтгэмж авдаг хүн, өрх толгойлсон эх болон эцэгтэй өрх, асрамжийн газар амьдардаг сурагч, тусгай ангийн сурагч
- Сурагчидын нийгмийн халамжийн асуудал хариуцсан коммиссоос зөвшөөрсөн сурагч: Амьжиргааны баталгаажих доод түвшингээс доод давхаргад хамрагдах өрхийн хүүхэд

• **Бүрдүүлэх бичиг баримт**

Хөтөлбөр	Хамрагдах сурагч	Бүрдүүлэх бичиг баримт
Алс зайдуу орон нутгийн сургуульд хоолны мөнгө олгох	Алс зайдуу орон нутгийн сургуулийн нийт сурагчидад үнэ төлбөргүй олгоно.	Байхгүй.
Бага орлоготой давхаргын хүүхдэд хоолны мөнгө олгох	Зайлшгүй хамрагдах сурагч • Насанд хүрээгүй өрх толгойлогч • Амьжиргааны баталгаажих доод түвшний тэтгэмж авдаг хүний хүүхэд • Өрх толгойлсон эх болон эцэгтэй өрхийн хүүхэд • Асрамжийн газар амьдардаг сурагч • Тусгай боловсрол эзэмшигч	• Амьжиргааны баталгаажих доод түвшний тэтгэмж авдаг тухай тодорхойлолт • Амьжиргааны баталгаажих доод түвшний тэтгэмж авдаг тухай тодорхойлолт • Өрх толгойлсон эх болон эцэгтэй өрх болохыг баталсан тодорхойлолт • Сургуулийн захирлын тодорхойлолт • Сургуулийн захирлын тодорхойлолт
	Сурагчидын нийгмийн халамжийн асуудал хариуцсан коммиссоос зөвшөөрсөн сурагч • Аль болох амьжиргааны түвшин доогуур орлоготой давхаргаас сонгоно. (эцэг эхийн нь аль нэг байхгүй, ажилгүй болсон, болон бусад нэн ядуу)	• Ангийн багшийн тодорхойлолт (захирлаар батлуулсан) • Шаардлагатай тохиолдолд эрүүл мэндийн хураамж төлсөн барим болон нэхэмжлэх
3 болон 3-аас дээш хүүхэдтэй өрхийн хүүхдэд хоолны мөнгө олгох	3 болон 3-аас дээш хүүхэдтэй өрхийн бага дундахлах сургуульд сурдаг хүүхдүүд (Харин, 3 хүүхэд нь бүгд бага дундахлах сургуульд сурдаг бол энэ хөтөлбөр 3-дахиас дээших хүүхдэд хамаарна.)	Иргэний бүртгэлийн хуулбар (мөн ургийн бичиг)
Тусгай сургуульд хоолны мөнгө олгох	Тусгай сургуулийн сурагч	Байхгүй.

5» Их дээд сургуулийн боловсрол

Солонгосын их, дээд сургуулиуд нь мэргэжил, чиглэлээсээ хамаарч 2 болон 4 жилийн сургалттай байдаг. 4 жилийн дээд сургуульд дээд боловсрол эзэмшиж онолын талын хичээлүүдийг түлхүү үздэг байхад, 2 жилийн техник мэргэжлийн сургуульд тусгай техник технологийг эзэмшээд хөдөлмөрийн талбарт шууд гарч ажиллах мэргэжилтэй боловсон хүчнийг бэлтгэдэг. Дээд сургуулийн чиг, зорилгод үндэслэн ердийн дээд сургууль, тусгай мэргэжлийн дээд сургууль, тусгай дээд сургууль гэж хуваадаг. Тусгай мэргэжлийн дээд сургуульд боловсролын, нээлттэй, хэвлэл мэдээллийн, шинжлэх ухаан технологийн дээд сургуулиуд, тусгай дээд сургуульд цэргийн, цагдаагийн, татварын дээд сургуулиуд багтдаг. Дээд сургуульд орохдоо жил бүр явагддаг суурь боловсролын түвшин тогтоох шалгалт өгч авсан онооныхоо дагуу өөрийн суралцахыг хүссэн дээд сургуульд бүртгүүлнэ. Сургууль бүрийн оюутан шалгаруулж авах дүрэм журам өөр байдаг тул орох гэж буй сургуулийнхаа болзол шаардлагыг хангасан байх ёстой. Эцэг эх нь хоёулаа гадаадын иргэн байх тохиолдолд гадаад оюутны тусгай элсэлтийн журмын дагуу бүртгүүлдэг.



1_Дээд сургуулийн төрөл

Ердийн дээд сургууль, үйлдвэрлэлийн дээд сургууль, боловсролын дээд сургууль, хэвлэл мэдээллийн дээд сургууль, зайны сургалттай дээд сургуулиуд нь 4 жилийн сургалттай бөгөөд үүнээс гадна 2~3 жилийн сургалттай мэргэжлийн дээд сургууль, техник мэргэжлийн дээд сургуулиуд байдаг.

Ангилал	Агуулга
Ердийн дээд сургууль	Дотроо мэргэжлийн олон салбарыг хамарсан тэнхим факультеттай энэ сургуульд ахлах сургууль төгссөн сурагчид хамгийн ихээр элсэн ордог.
Үйлдвэрлэлийн Дээд сургууль	Голчлон аж үйлдвэрийн салбарын боловсон хүчнийг бэлтгэдэг сургууль
Боловсролын дээд сургууль	Бага сургуулийн багш бэлтгэн гаргадаг сургууль
Мэргэжлийн дээд сургууль	Нарийн мэргэжлийн ажилтан бэлтгэдэг сургууль
Хэвлэл мэдээллийн болон зайны сургалттай дээд сургууль	Телевиз, радио, компьютер зэрэг мэдээллийн хэрэгсэлээр дамжуулан хүссэн газраасаа сургалтанд хамрагдаж болдог зайны сургалт явуулдаг сургууль
Техник мэргэжлийн дээд сургууль	Инженер техникийн мэргэжилтнүүдийг бэлтгэдэг сургууль

2_Сургалтын тэтгэлэг

Их, дээд сургуулийн сургалтын төлбөрийг хувь хүн өөрөө хариуцах журамтай боловч улсаас болон их дээд сургуулиудаас маш олон хэлбэрээр сургалтын тэтгэлэг олгодог. Энэхүү тэтгэлэгт хамрагдахын тулд дараах болзлыг хангасан байх шаардлагатай.

- Сурлагаараа тэргүүлсэн оюутны тэтгэлэг : Салбар, тэнхмүүдээс онц сурлагаараа тэргүүлэн шалгарсан оюутан залууст энэхүү тэтгэлгийг олгодог. Энэхүү тэтгэлэгт хамрагдахын тулд эрдэм номдоо шамдаж, сайн дүн авах хэрэгтэй.
- Ар гэрийн гачигдалтай оюутанд олгох тэтгэлэг : Бараг бүх их, дээд сургууль энэ төрлийн тэтгэлгийг олгодог. Тэтгэлэгт хамрагдахыг хүссэн оюутан өөрөө эсвэл эцэг эх нь удирдагч багш, сургалтын тэтгэлэг хариуцсан хэлтэст очиж амьдралын боломж бололцоо, тохиолдож буй хүндрэл бэрхшээлийн талаар тодорхой танилцуулах хэрэгтэй.



Мэдэхэд илүүдэхгүй

Гадаад хэл дээрх “Боловсрол ба сургууль” гарын авлага


Боловсрол, Шинжлэх ухаан, Технологийн Яам, Чүнчонбүг мужийн Боловсролын Газраас гадаадын цагаач иргэд болон тэдний хүүхдүүдэд зориулан боловсролын систем, сургуулийн амьдралын талаар дэлгэрэнгүй танилцуулсан гарын авлагыг англи, хятад, япон, вьетнам хэлээр хийж гаргажээ. Бага, дунд, ахлах сургууль, их, дээд сургуульд элсэх бэлтгэл, сургалтын агуулга, сургуулийн амьдрал, элсэлтийн шалгалтын талаар энд дэлгэрэнгүй бас ойлгомжтой тайлбарласан байна.

- Бага сургуулийн танилцуулга(англи, хятад, япон, вьетнам гэсэн 4 хэлээр)
- Дунд сургуулийн танилцуулга(англи, хятад, япон, вьетнам гэсэн 4 хэлээр)
- Ахлах сургуулийн танилцуулга(англи, хятад, япон, вьетнам гэсэн 4 хэлээр)

※ Тус гарын авлагыг олж авахыг хүсвэл Чүнчонбүг мужийн Боловсролын Газар(043-290-2000)-аас лавлах юм уу, Чүнчонбүг мужийн Боловсролын Газрын вэбсайт(www.cbe.go.kr)-аас татаж авч болно.

Memo





БНСУ-д
ажиллаж, амьдарч
байгаа гадаадын
иргэдэд зориулсан
гарын авлага

VII

Эрүүл мэнд, эмчилгээ үйлчилгээ

- | | | | |
|-----|----------------------------------|-----|--------------------------------|
| 166 | Эрүүл мэндийн даатгал | 173 | Эрүүл мэндийн байгууллагаар |
| 166 | ЭМД-ын тогтолцоо | | үйлчлүүлэх үе шат |
| 166 | ЭМД-д даатгуулагч гадаадын | 174 | Яаралтай үед авах арга хэмжээ |
| | иргэн | 175 | Эмийн сан |
| 167 | Даатгалд хамрагдах журам | 176 | Эрүүл мэндийн төв |
| 167 | Даатгуулагчид үзүүлэх | 176 | Ерөнхий эмчилгээ |
| | хөнгөлөлт | 177 | Эрүүл мэндийн хяналтын |
| 168 | Даатгалын хураамж төлөх | | гэрээр үйлчилэх хөтөлбөр |
| 168 | Зөвлөгөө авах болон лавлах газар | 178 | Сэтгэцийн эрүүл мэндийн |
| 169 | Эрүүл мэндийн этгэмжийн | | үйлчилгээ |
| | систем | 179 | Түргэн тусламжийн анхан |
| 169 | Тавигдах болзол | | шатны мэдэгдэхүүн |
| 170 | Хувь хүн өөрөө төлөх төлбөр | | |
| 171 | Эрүүл мэндийн байгууллага | | |
| 171 | Эрүүл мэндийн байгууллагын | | |
| | төрөл | | |
| 172 | Эмчилгээний төрөл, салбар | | |



1” Эрүүл мэндийн даатгал

1_Эрүүл мэндийн даатгалын систем



ЭМД-д хамрагдсан иргэд орлогын түвшингээс хамаарч сар бүр тодорхой хэмжээний даатгалын хураамж төлдөг. ЭМД- д хамрагдсан тохиолдолд төрөл бүрийн шинжилгээ болон эмчилгээний зардал их хэмжээгээр хэмнэгддэг. Солонгосын бүх ард иргэд ЭМД-д хамрагдах ёстой гэсэн журам байдаг. Харин эрүүл мэндийн тэтгэмж авдаг хүмүүст энэ журам хамаарахгүй.

Хоёр төрлийн ЭМД байх бөгөөд ажиллаж байгаа албан газрынхаа шугамаар ЭМД-д хамрагдаж болох ба эсвэл оршин сууж байгаа орон нутгийнхаа ЭМД-н албанд хувиараа очиж даатгуулж болно. Үйлдвэрийн ажилчин болон төрийн албан хаагч, багш зэрэг тодорхой албан газар харьяалагдан ажилладаг хүмүүс ажлын газрын ЭМД-д

даатгуулагч болно. Ажлын газрын ЭМД-д даатгуулагч болон тэдний асран хамгаалж байгаа гэр бүлийнхнээс бусад хүмүүс оршин суугаа орон нутгийнхаа ЭМД-н албанд хувиараа очиж хамрагдах ёстой бөгөөд тэднийг орон нутгийн ЭМД-д даатгуулагч гэнэ. Ажлын газрын ЭМД-д даатгуулагчийг ажлын газраас нь ЭМД-д хамруулдаг бөгөөд даатгалын хураамжийн 50%-ийг ажлын газар нь, үлдсэн 50%-ийг даатгуулагч өөрөө төлдөг. Хэрэв даатгуулагч ямар нэгэн байдлаар эмнэлэгийн үйлчилгээ авах болвол түүний эмчилгээний зардлын тодорхой хувийг даатгалын сангаас гаргадаг ба үлдэгдэл зөрүүг даатгуулагч өөрөө төлнө.

2_ЭМД-д даатгуулагч гадаадын иргэн

Солонгос улсад хууль ёсны дагуу оршин сууж байгаа бөгөөд үйлдвэр компани болон бусад албан байгууллага, сургууль соёлын салбарт ажилладаг багш, ажилчин, албан хаагч, бүртгэлтэй гадаадын иргэд ажлын газрын ЭМД- д хамрагдна. Тус даатгалд хамрагдаагүй, Солонгост 3-н сараас дээш хугацаагаар оршин сууж буй гадаад иргэн нь хот, орон нутгийн ЭМД-д хамрагдаж болно. Харин, Солонгост 3-н сараас дээш хугацаагаар оршин суугаагүй боловч цаашдаа 3-н сараас дээш хугацаагаар ажиллах юм уу сурах зорилгоор оршин суух нь тодорхой болсон гадаадад амьдардаг Солонгосын иргэн болон гадаадын иргэн нь нотлох баримтаа хавсаргаснаар тус даатгалд хамрагдаж болдог.

3_Даатгалд хамрагдах журам

(1) Гэр бүлийнх нь хүн ажлын газрын ЭМД-д даатгуулагч бол :

- Гэр бүлийн хүнийхээ ЭМД-н дэвтэрт тэтгүүлэгч*-ээр бүртгүүлнэ. Гэр бүлийн хүн нь шаардлагатай бичиг баримтыг ЭМД-ын албанд өгнө.
- Бүрдүүлэх бичиг баримт: Асран хамгаалуулагчаар бүртгүүлэхийг хүссэн хүсэлт, гадаад иргэний үнэмлэх, гэр бүлийн хүний иргэний үнэмлэх, ургийн бичиг

* Тэтгүүлэгч : Өөрийн гэсэн орлогогүй, гэр бүлийн гишүүний орлогоор амьдардаг хүнийг хэлнэ.

(2) Эрхэлсэн ажилтай гадаадын иргэн

- Гадаадын иргэн нь тодорхой ажил эрхэлдэг бол ЭМД- д зайлшгүй хамрагдах ёстой.
- Ажлын газраас нь ЭМД- ын албанд гадаад иргэний үнэмлэх болон бусад шаардлагатай бичиг баримтыг өгч бүртгүүлнэ.

(3) Солонгос гэр бүлийн хүн нь болон гадаадын иргэн хоёул ажил хөдөлмөр эрхэлдэггүй тохиолдолд

- Хувиараа хөдөлмөр эрхэлдэг юм уу өдрийн ажил хийдэг, тодорхой эрхэлсэн ажилгүй бол хот, дүүргийн даатгалд даатгуулна.
- Тус даатгалд даатгуулахдаа оршин сууж байгаа бүсийг хамаардаг Үндэсний ЭМД-ын албаны салбарт очиж, гадаад иргэний үнэмлэх болон өргөдлөө өгнө. Гадаадын иргэн ганцаараа очиж даатгуулж болно.

4_Даатгуулагчид үзүүлэх хөнгөлөлт, тусламж үйлчилгээ

- Тус даатгалд хамрагдсан тохиолдолд төрөл бүрийн шинжилгээ болон эмчилгээний зардал их хэмжээгээр хэмнэгддэг. Эмчилгээний зардлын тодорхой хувийг даатгалын сангаас гаргадаг ба үлдэгдэл зөрүүг даатгуулагч өөрөө төлдөг.
- Эрүүл мэндийн нэгдсэн үзлэгт үнэ төлбөргүй хамрагдана. Даатгуулагч хэдэн настай байхаас хамааран үзлэг шинжилгээний нэр төрөл өөр өөр байна. Гол төлөв 2 жил тутамд нэг удаа хамрагдана.

5_Даатгалын хураамж төлөх

(1) Ажлын газрын ЭМД-д даатгуулагч

- Даатгалын хураамж төлөх: Даатгуулагчид олгодог цалингаас ажил олгогч нь сар бүр суутгаж төлдөг.

(2) Орон нутгийн ЭМД-д даатгалд даатгуулагч

- Даатгалын хураамж төлөх
 - Даатгалын хураамжийг сар бүр төлдөг. Гадаадад амьдардаг Солонгосын иргэн болон гадаадын иргэд Солонгост ирснээс хойш 3 сар өнгөрсөн өдрөөс эхлэн тухайн сарын даатгалын хураамжийг урд сарын 25-ны өдөр гэхэд төлсөн байна. (Харин, өнгөрсөн хугацааны хураамж төлөгдөөгүй бол бүр эхний хураамжин дээр нэмж төлнө.)
 - F-1~2, F-5 ангилалын оршин суух зөвшөөрөлтэй гадаадын иргэн Солонгос иргэний адилаар орлогын хувьтай харгалзах хэмжээний даатгалын хураамжийг сар бүр төлнө.

Анхаарах зүйл

Оршин суух зөвшөөрлийн ангилалаас үл хамааран гэр бүлийн хүн гэдэг нь нотлогдох юм бол Солонгосын иргэн гэр бүлдээ нэгтгэн бүртгүүлж Солонгос хүний адил хэмжээгээр сар бүр даатгалын хураамж төлж болдог.



6_Зөвлөгөө өгөх байгууллага болон лавлах утас

ЭМД-ын хураамж, нөхцөл шаардлага, хөнгөлөлт зэргийн талаарх дэлгэрэнгүй мэдээллийг Үндэсний ЭМД-ын албаны вэбсайтаас, эсвэл 1577-1000 буюу англи хэлээр зөвлөгөө өгөх 02-390-2000 утсаар асууж болно.



Үндэсний ЭМД-ын албаны вэбсайт <http://www.nhic.or.kr/>

2» Эрүүл мэндийн тэтгэмжийн систем

Эдийн засгийн хувьд бага орлоготой гэр бүлд зориулж өвдөх-гэмтэж бэртэх · төрөх зэрэгт шаардагдах эмнэлэгийн зардлыг улсаас олгодог. Эмнэлэгийн үзлэг, оношлогоо, эм тариа болон эмчилгээний эд материал, эмчилгээ, мэс засал, урьдчилан сэргийлэх үзлэг, эмнэлэгт хэвтэх, асран сувилуулах, өөр эмнэлэгт шилжих зэрэгт үүсэх зардлыг тэтгэмж хүсэгчийн орлогын төвшингөөс хамаарч бүтнээр нь эсвэл нэг хэсгийг олгох зэрэг харилцан адилгүйгээр тогтоодог.



1_Хамрагдах хүн

- Амьжиргааны баталгаажих доод түвшин хамрагддаг, холбогдох бусад тэтгэмжид хамрагддаг (амьжиргааны баталгаажих доод түвшингөөс доогуур орлоготой өрхийн гишүүн) бүх ард иргэд эрүүл мэндийн тусламжийн хөнгөлөлт эдлэнэ.
- БНСУ-ын иргэний харьяалалтай насанд хүрээгүй хүүхдийг өсгөж тэжээж буй солонгос иргэнтэй гэр бүл бологч (салсан, гэр бүлийн хүн нь нас барсан тохиолдол орно.) гадаадын иргэн ч гэсэн эмчилгээний тэтгэмжийг авах боломжтой.

1-р групп	2-р групп
Амьжиргааны баталгаажих доод түвшний тэтгэмж авдаг иргэн (хөдөлмөрийн чадваргүй) гамшигт өртсөн иргэн, төрийн гавьяат зүтгэлтэн, бодит бус соёлын өв эзэмшигч, хойд Солонгосын дүрвэгсэд, Гуанжүгийн ардчилсан хөдөлгөөний нөхөн олговор хүртэгч, өргөмөл хүүхэд(18-аас доош насны), хэсүүлчин	Амьжиргааны баталгаажих доод түвшний тэтгэмж авдаг хүн (хөдөлмөрийн чадвартай)

2_ Хувь хүн өөрөө төлөх төлбөр

Эрүүл мэндийн тэтгэмж хүртдэг хүн ч бас эмчилгээний зардлын тодорхой хэсгийг өөрөө төлнө.

Ангилал	1-р групп	2-р групп
Эмнэлэгт хэвтэн эмчлүүлэх	Эмчилгээний зардлыг 100 % хөнгөлнө.	Эмчилгээний зардлын 10%
Амбулатороор эмчлүүлэх	1-р шатны ЭМБ (1 000 won), Эмнэлэг, нэгдсэн эмнэлэг (1 500 won), 3-р шатны ЭМБ (тусгай лиценз бүхий байгууллага 2 000 won), СТ*, MRI*, PET (эмчилгээ үйлчилгээний 5%)	1-р шатны ЭМБ (1 000 won), Эмнэлэг, нэгдсэн эмнэлэг (эмнэлгийн зардлын 15%), 3-р шатны ЭМБ (эмнэлгийн зардлын 15%)
Эмийн сан	Эмийн сан 500 won	Эмийн сан 500 won

* СТ (Рентген томограф), MRI (Цахилгаан соронзон оношилгооны аппарат) хүний биеийн дотор хэсгийн зургийг авч оношилдог арга.

※ Энэ талаар дэлгэрэнгүй мэдээллийг Эрүүл мэнд, нийгмийн халамжийн дуудлагын төвийн 129 утсаар болон хот-сум-дүүрэг(баг-суурин-хорооны иргэдэд үйлчлэх төв)-ийн нийгмийн халамжийн ажилтнаас лавлана уу.



3» Эрүүл мэндийн байгууллага

1_Эмнэлэг, эрүүл мэндийн байгууллагын төрөл

Эрүүл мэндийн байгууллага нь тухайн байгууллагын хэмжээ, үйлчлүүлэх дэс дараалал, үйлчилгээний агуулга болон төрлөөрөө хоорондоо ялгардаг. Ханиад хүрэх, хоол боловсруулалт муудах зэрэг хөнгөн өвчний үед ойролцоох эмнэлэгийн байгууллагад хандаж эмчлүүлэх ба өвчин нь эдгэрэхгүй юм уу нарийн шинжилгээ шаардлагатай тохиолдолд нэгдсэн эмнэлэг, их сургуулийн эмнэлэгт очиж эмчлүүлнэ.



Эрүүл мэндийн байгууллагын төрөл

Эрүүл мэндийн даатгал	1-р шат		2-р шат
Цар хүрээ	Дүүрэг хорооны эмнэлэг	Эмнэлэг, нэгдсэн эмнэлэг	Их сургуулийн эмнэлэг(нэгдсэн мэргэжлийн эмнэлэг)
Эмчилгээний төрөл	Амбулаторын эмчилгээ, Урьдчилан сэргийлэх тарилга, Эрүүл мэндийн хяналт	Нэгдсэн шинжилгээ, хэвтэж эмчлүүлэх	Нарийвчилсан шинжилгээ, Архаг өвчин, гэмтэл согогын эмчилгээ, хяналт
Хамаарах эрүүл мэндийн байгууллага	Амбулаторын эмчилгээ, Урьдчилан сэргийлэх вакцин, Эрүүл мэндийн хяналт	Төрөл бүрийн эмчилгээний тасаг бүхий нэгдсэн эмнэлэг	Их сургуулийн эмнэлэг, мэргэжлийн эмнэлэг

- Эмнэлэгийн дийлэнх тусламж, үйлчилгээг 1,2-р шатны эмнэлэгээс авч болно. Харин 3-р шатны эрүүл мэндийн байгууллагт хандах тохиолдолд яаралтай эмнэлэгийн тусламж авах шаардлагатай өвчтөн болон цусны өвчтэй өвчтөнөөс бусад өвчтөн 1, 2-р шатны эрүүл мэндийн байгууллагын эмчийн магадлагааг авч очих хэрэгтэй. мэндийн байгууллагын эмчийн магадлагааг авч очих хэрэгтэй.
- Солонгос улсад Европын анагаах ухаанаас гадна Дорнын уламжлалт анагаах ухаан ч бас их хөгжсөн бөгөөд эдгээр эмнэлэгүүд нь орон нутаг бүрт байдаг. Ардын эмнэлэг зүү, төөнүүр, бумба тавих зэрэг эмчилгээнээс гадна эмийн ургамлаар хийсэн “тан” авч болно.

2_Эмчилгээний төрөл, салбар

Төрөл	Эмчилгээний чиглэл
Дотор	Улаан хоолой, ходоод гэх мэт хоол боловсруулах эрхтэн, зурх, элэг, бөөр мэт дотор эрхтэнтэй холбоотой сүрьеэ, цусны даралт, чихрийн шижин гэх мэт өвчин өвчин эмгэгийг эмчилнэ.
Хүүхэд	18 наснаас доош бүх насны хүүхдийн өвчин эмгэгийг эмчилнэ. Мөн дутуу төрсөн хүүхэд, дөнгөж төрсөн хүүхэд тохиолдох бүх төрлийн эмгэгийг эмчилнэ.
Эмэгтэйчүүд	Жирэмсэн болон амаржсан эмэгтэйчүүд, эмэгтэйчүүдийн бусад өвчин эмгэгийг эмчилнэ.
Сэтгэл мэдрэл	Сэтгэл санаатай холбоотой өвчин эмгэгийг эмчилнэ.
Мэдрэл	Тархины судас нарийсах, татаж унах, зөнөх, мэдрэлийн өвчин гэх мэт мэдрэлтэй холбоотой өвчинг эмчилнэ.
Өрхийн эрүүл мэнд	Нас хүйс, өвчний төрлөөс хамааралгүйгээр өрх бүлийг өвчин эмгэгээс урьдчилан сэргийлэх, эрүүл мэндийн үзлэгт оруулах, эмчлэх гэх мэт өргөн цар хүрээг хамарсан үйл ажиллагаа явуулдаг
Арьс өнгө	Батга, үс халзрах, харшил гэх мэт арьстай холбоотой өвчинг эмчилнэ
Мэс засал	Мухар олгой, халдварт өвчин, хоол боловсруулах эрхтэн гэх мэт засал шаарддаг өвчнийг эмчилнэ.
Гэмтэл согог	Яс, булчингийн өвчнийг мэс засал болон мэс заслийн бус аргаар эмчилнэ.
Гоо сайхны мэс засал	Нүдэнд давхраа хийх, түлэгдэл болон өвчний урхагийг эмчлэх гэх мэт биеийн галбир төрх, чадамжийг сайжруулах эмчилгээг хийнэ.
Нөхөн сэргээх эмчилгээ	Нөхөн сэргээх мэргэжлийн эмч физик эмчилгээ болон хэл ярианы эмчилгээний эмч нартай хамтран булчин шөрмөс, яс, мэдрэлийн эрхтэний өвчинг эмчилнэ.
Урологи	Бөөр, давсаг гэх мэт урологийн дотор эрхтэн, төмсөг, эр бэлэг эрхтэнд бий болдог өвчинг эмчилнэ.
Нүд	Нүдний цагаа, ойрын харааг тогтоох мэс засал гэх мэт нүд хийгээд нүдний мэдрэлтэй холбоотой өвчинг эмчилнэ.
Чих хамар хоолой	Чих, хамар, хоолойны өвчинг эмчилнэ.
Шүд	Шүдний хэвийг засах, муруй шүд засах, шүдний пааланг өнгөлөх, шүдний мэдрэлийн эмчилгээ хийнэ.
Түргэн тусламж	Түргэн тусламж хэрэгтэй өвчтөнд шуурхай онош тогтоож, эмчилгээ хийнэ.
Уламжлалт эмчилгээ	Дорнын анагаах ухаанаар бүх салбарын өвчнийг эмчилдэг бөгөөд эмчилгээний арга хийгээд эм хийх арга барилын хувьд бусад эмнэлэгээс ялгаатай.

3_Эмнэлгийн байгууллагаар үйлчлүүлэх үе шат

(1) 1-р шатны эмнэлгийн байгууллагаар үйлчлүүлэх

Бүртгэлийн цонхон дээр эрүүл мэндийн даатгалын дэвтэр, иргэний үнэмлэхээ өгнө.

Нэрийг тань дуудвал үзлэгийн өрөө рүү орж эмчид өөрийнхөө
өвчний зовиурын талаар тодорхой ярина.

Эмчийн зөвлөгөөнөөс дахин тодруулах зүйл байвал асууна.

Үзлэг дууссаны дараа эмчилгээний төлбөр тушааж эмийн жор авна.

Эмнэлгийн ойролцоох эмийн сангаас эм авна.

(2) 2-р шатны эмнэлгийн байгууллагаар үйлчлүүлэх

1-р шатны эрүүл мэндийн байгууллагаас эмчийн магадлагаа авна.

Цагаасаа бага зэрэг эрт очоод 1, 2-а шатны эрүүл мэндийн байгууллагаас өгсөн
эмчийн магадлагааг өгнө.

Холбогдох эмчилгээний тасагт очиж эмчлүүлнэ.

Эмийн жор авч, шаардлагтай тохиолдолд дараагийн эмчилгээнийхээ цагийг авна.

Бүртгэлийн цонхон дээр эмчилгээний төлбөрөө тушаана.

4_Яаралтай үед авах арга хэмжээ

- Ердийн үед эмийн сангаас ханиад болон гэдэс, өвчин намдаах зэрэг эмнүүдийг авч гэртээ хадгалах нь зүйтэй.
- Яаралтай тусламж шаардлагатай үед 119 утсанд хандаж түргэн тусламж дуудаж болно. Тэд өвчтөнийг хамгийн ойрын эмнэлэгт хүргэж өгөх болно. Түргэн тусламжийн тасагт анхан шатны тусламж эмчилгээг үзүүлдэг бөгөөд мэс засал хийлгэх болон шинжилгээ хийлгэх үүднээс эмнэлэгт хэвтэх шаардлагатай гэж үзвэл өрөө гартал хүлээнэ.
- Өрөө гарсны дараа хэвтэж эмчлүүлнэ.



Мэдэхэд илүүдэхгүй

Эрүүл мэндийн байгууллага, эмийн санд очихдоо эрүүл мэндийн даатгалын дэвтэр, биеийн байцаалтаа авч очно.

- Яаралтай тусламж ☎ 119
- Эрүүл мэнд, нийгмийн халамжийн дуудлагын төв ☎ 129 (гар утаснаас залгахдаа бүсийн код + 129)
- Эмнэлгийн яаралтай тусламжийн мэдээлэл өгөх төв ☎ 1339

5_Эмийн сан

Солонгосын эмчилгээ оношилгоо болон эм зүйн салбар биеээ даасан үйл ажиллагаа явуулдаг тус тусын хууль дүрэмтэй тул цөөн төрлийн ойр зуурын эмийн бүтээгдэхүүнээс бусад эм тариаг эмийн жоргүй бол худалдан авах боломжгүй. Эмийн сангаас жоргүй авч болох эмийн жагсаалтанд ханиадны эм, хоол шингээх эм, халуун буулгах эм, өвчин намдаагч, тосон түрхлэг, тос зэрэг орно. Үүнээс гадна шумуул, жоом устгагч, ариун цэврийн хэрэгсэл, эрүүл мэндэд сайн амин дэмтэй ундаа, бэлгэвч зэргийг эмийн сангаас худалдан авч болно.

Анхны тусламжийн эм

Гэнэт өвдөх юм уу, гэнэтийн осол гэмтлийн үед хэрэглэх анхны тусламжийн эмийг гэртээ байнга бэлэн байлгах хэрэгтэй. Анхны тусламжийн эм байхгүй бол бас дээр нь эмийн сан хаалттай бол хэцүү байдалд орно. Гэртээ заавал авч тавих ёстой эмийн нэрсийг доор жагсаав.

- Халуун буулгах эм: Их халуурах үед ууна.
- Өвчин намдаагч эм: Өвчний зовниург дарах үед ууна.
- Хоол шингээгч эм: Гэдэс эвгүйрхэн хоолны шингэц муудах үед ууна.
- Нүдний эм. Нүд ядрах, нүд өвдөх үед хэрэглэнэ.
- Цэвэршүүлэгч спирт: Хутга, хурц иртэй зүйлээр зүссэнээс үүссэн шарх сэдэрхээс сэргийлж түрхэж хэрэглэнэ.
- Вазелин: Хөнгөхөн түлэгдсэн үед түрхэж хэрэглэнэ.
- Арьсанд түрхдэг тос: Маажууртай, загатнасан хэсэгт түрхэж хэрэглэнэ.
- Усан түрхлэг: Шавжинд хазуулсан газар, загатнасан газар, маажууртай газар, хөлс их гардаг хэсэгт түрхэж хэрэглэнэ.
- Наадаг цаас: Булчин шөрмөсний өвчтэй хэсэгт нааж хэрэглэнэ.
- Ариутгасан шархны лент: Шархыг хамгаалах үүднээс нааж хэрэглэнэ.
- Анхны тусламжийн хайрцаг: Марль, ариутгасан хөвөн, хайч, ариутгасан шархны лент, боолт, гоюу зэрэг түргэн тусламжийн арга хэмжээ авах үед зайлшгүй шаардагддаг зүйлс орсон байдаг.



4» Эрүүл мэндийн төв



Эрүүл мэндийн төв нь тухайн орон нутгийн оршин суугчдыг аливаа өвчнөөс урьдчилан сэргийлж эрүүл мэндийг хамгаалах тусламж үйлчилгээг явуулдаг төрийн өмчийн эрүүл мэндийн байгууллага юм. Урьдчилан сэргийлэх вакцин хийх, архаг өвчин эмгэгийг эмчилэх болон төрөл бүрийн шинжилгээ авах, физик эмчилгээ, шүдний эмчилгээ, ардын уламжлалт эмчилгээ зэрэг эмнэлэгийн үйлчилгээг үзүүлнэ. Бусад эрүүл мэндийн байгууллагуудыг бодвол харьцангуй хямд өртөгтэй.

1_Ерөнхий эмчилгээ

Ангилал	Агуулга
Эмчилгээний төрөл	Цусны даралт, чихрийн шижин зэрэг архаг өвчин болон төрөл бүрийн шинжилгээ, физик эмчилгээ
Ардын уламжлалт эмчилгээ	Зүү, төөнүүр тавих, тан барих
Шүд	Амны хөндийн оношилгоо болон зөвлөгөө, урьдчилан сэргийлэх эмчилгээ, хорхойтой шүд эмчилэх, шүд авах зэрэг
Эмчилгээний зардал	65-аас дээш насны өндөр настанд эмчилгээ үнэ төлбөргүй. Эмчилгээ+төрөл бүрийн шинжилгээ = 1,100 won Шүдний эмчилгээ = 1,100 won Ардын эмчилгээ = 1,100 won Физик эмчилгээ = 500 won
Эмчилгээнд хамрагдах	Бүртгүүлэх → Эмчилгээ → Төлбөр төлөх → Эмийн бичиг авах → Эмийн сан

2_Гэрээр үйлчлэх өрхийн эрүүл мэндийн хяналт хөтөлбөр

Сувилагч, физик эмчилгээний эмч, хоол тэжээлийн эмч зэрэг эрүүл мэндийн төвийн мэргэжилтнүүд сувилгаа, физик эмчилгээ, хоол тэжээлийн зөвлөгөө зэрэг эрүүл мэндийн үйлчилгээг гэрээр хийдэг хөтөлбөр юм.

(1) Хамрагдах хүн

- Амьжиргааны баталгаажих доод түвшний тэтгэмж хүртдэг өрх, амьжиргааны түвшин доогуур айл өрхийн өвчтэй буюу бие султай хүн
- 65-аас дээш насны тахир дутуу иргэн, ганц бие ахмад настан, ахмад настай гэр бүлүүдийг хамгийн түрүүнд энэ хөтөлбөрт хамруулдаг.

(2) Үйлчилгээний төрөл

- Тархины саажилт, цусны даралт, чихрийн шижин, хорт хавдар, зөнөг өвчин, сэтгэцийн эмгэг зэрэг онц хүнд өвчинтэй иргэдийг хяналтанд оруулах
- Архаг хууч өвчинтэй, тахир татуу, осолд орсон гэр бүлийн гишүүнтэй өрхийг хяналтанд оруулах
- Жирэмсний хяналт болон нярай хүүхдийн бойжолтонд хяналт тавьж зөвлөгөө өгөх
- Эрүүл мэндийн сургалт болон зөвлөгөөг тогтмол хугацаагаар гэрт очиж өгөх
- Эрүүл мэнд сайжруулахтай холбоотой сургалт явуулах

(3) Хамрагдах үе шат



- Орон нутгийн эрүүл мэндийн төвийн гэрээр үйлчлэх эрүүл мэндийн үйлчилгээг хариуцсан хэлтэст бүртгүүлнэ.
- Хариуцсан ажилтан гэрээр нь очиж хүсэлт гаргачийн гэр бүл, амьжиргааны нөхцөл байдал, эрүүл мэндэд нөлөөлж буй шалтгаан зэргийг тодорхойлно.
- Өвчин, биеийн байдлаас хамаарч тохирох үйлчилгээг гэрээр үзүүлнэ.

3_Сэтгэцийн эрүүл мэндийн үнэ төлбөргүй үйлчилгээ

Сэтгэцийн эрүүл мэндийн төв нь сэтгэцийн өвчнөөс урьдчилан сэргийлэх, сэтгэцийн эрүүл мэндийг хамгаалах, сэтгэцийн эмгэгтэй өвчтөнг илрүүлэх, зөвлөгөө болон нөхөн сэргээх эмчилгээ үйлчилгээ үзүүлэх, сэтгэцийн эрүүл мэндийн сургалт, суртчилгаа зэрэг ажлыг явуулдаг олон нийтийн эрүүл мэндийн байгууллага юм. Гансрах, сэтгэцийн тайван бус байдал, эмэнд донтох зэрэг байдал шинж тэмдэг мэдэгдвэл үед ойролцоох сэтгэцийн эрүүл мэндийн төвд хандаж зөвлөгөө авч болдог.

(1) Хамрагдах хүн

- Тухайн орон нутгийн сэтгэцийн өвчтөн ба тэдний гэр бүлийнхнийг сэтгэцийн өвчтөний бүртгэл хяналтанд хамруулна.
- Сэтгэцийн өвчнөөс урьдчилан сэргийлэх хөтөлбөрт орон нутгийн бүх иргэд хамрана.

(2) Хамрагдах үе шат

- Сэтгэцийн эрүүл мэндийн төв нь ажлын өдөр(Даваа~Баасан) үдээс өмнө 9 цагаас үдээс хойш 6 цаг хүртэл ажиллах ба орон нутгийн нөхцөл байдлаас хамаарч бага зэрэг ялгаатай байна.
- Үйлчлүүлэх шат дараалал
 - Сэтгэцийн эрүүл мэндийн төвд биеэр очиж бүртгэлийн хуудас бөглөнө.
 - Сэтгэцийн эрүүл мэндийн төвөөр анх үйлчлүүлж байгаа хүмүүс эмчийн үзлэг, дүгнэлтийн дагуу холбогдох хөтөлбөрт хамрагдана.
 - Сэтгэцийн эрүүл мэндийн зөвлөгөө өгөх утас(☎1577-0199)-нд холбогдож сэтгэцийн эрүүл мэндийн төвөөр үйлчлүүлэх тухай мэдээлэл, зөвлөгөө авах боломжтой.
- Үйлчилгээний төлбөр: Төлбөргүй(Хэрвээ өндөр өртөгтэй тусгай эмчилгээ хийлгэх бол тодорхой хэмжээний хэсгийг өвчтөн хариуцана.)

5» Түргэн тусламжийн анхан шатны мэдэгдэхүүн

Осол аваар гарсан үед тусламжийг зөв шуурхай хүргэж чадвал өвчтөний зовиурыг багасгахаас гадна өвчин хүндрэхээс урьдчилан сэргийлж чадна. Анхан шатны шуурхай тусламжийг үзүүлсний дараа 119(түргэн тусламжийн утас) руу утасдан эмнэлэгт хүргэх хэрэгтэй.



(1) Нүдэнд юм орсон үед

Нүдний хүүхэн харааг хөдөлгөвөл шарх улам гүнзгийрэх тул хөндөхгүй байх хэрэгтэй. Нүдэнд юм орсон үед гаргаж авах гэсний хэрэггүй. Юм орсон нүдээ бинтээр ороож тагласны дараа 2 нүдээ анина. Тэгээд эмнэлэгт яаралтай очих хэрэгтэй.



(2) Шүд унасан үед

Шүдийг унасан ормонд нь болгоомжтойгоор дахин хийгээд эмнэлэгт очих хэрэгтэй.

Хэрэв унасан шүдийг эргүүлж хийх боломжгүй бол өвчтөний аман дотор юм уу бүлээн сүүнд хийж байлгана. Унасан шүдийг хэт их цэвэрлэх муу.



(3) Хамраас цус гарсан үед

Юун түрүүнд толгойгоо урагшаа бөхийлгөн амьсгаа авангаа хамрын ясны доод хэсгийг барина. 10 минут хэртэй өнгөрсөн ч цус тогтохгүй бол шууд эмнэлэгт очих хэрэгтэй. Цус тогтсоны дараа бас нэг хэсэг толгойгоо урагш бөхийлгөнө. Бүлээн усаар хамар амныхаа эргэн тойрныг арчиж цэвэрлээд гадны ямар нэг нөлөөллөөс зайлсхийх хэрэгтэй.



(4) Түлэгдсэн үед

Их түлэгдсэн үед нарийн мэргэжлийн эмчилгээ шаардлагатай байдаг бөгөөд юуны өмнө шархтай хэсгийг цэвэр бинтээр ороосны дараа өвчтний амьсгалын байдлыг ажина. Тэгээд эмнэлэгт яаралтай очих хэрэгтэй. Бага зэрэг түлэгдсэн үед шархтай хэсгийн хувцасыг хайчаар хайчлан хүйтэн ус гоожуулан дор хаяж 20 минут байлгаж хөргөх хэрэгтэй. Шархтай хэсгийг огт үрж болохгүй. Цэврүүг бас хагалж болохгүй. Шархтай хэсэг дээрээ вазелин түрхлэг тос, нян устгах тосон түрхлэг түрхэх нь зүйтэй. Харин шархны байдал ноцтой үед зөвхөн тосон түрхлэгээр эмчилэх нь учир дутагдалтай. Шархтай хэсгийг зүрхнээсээ дээш өргөж байлгавал өвчин намддаг.



(5) Цахилгаан хүчдэлд цохиулсан үед

Цахилгаан гүйдэлтэй эд зүйлсийг даруй салгаж унтраана. Унтраах боломжгүй газар бол цахилгаан дамжуулдаггүй хувцастай хүн цахилгаан дамждаггүй хэрэгсэлийн тусламжтайгаар цахилгаан эд зүйлийг хүнээс салгана. Ингэсний дараа цахилгаан хүчдэлд цохиулсан хүн ухаантай эсэхийг үзнэ. Хэрэв ухаангүй байвал амьсгал судасны цохилтыг нь шалгаж үзнэ. Амьсгал нь зогссон байвал хиймэл амьсгал хийх болон зүрхний массаж хийнэ. Цахилгаан хүчдэлд цохиулбал хүний дотоод эрхтэнд өөрчлөлт ордог тул даруй түргэн тусламж дуудаж эмчилгээ хийлгэх хэрэгтэй.



(6) Нарны хордлого

Нарны хордлого бол толгой хүзүүний хэсэгт нарны туяа шууд, хэт их туссанаас бий болдог. Нэг үгээр биед хураагдсан халууныг гадагшлуулж чадахгүй үед үүсдэг өвчин гэж болно. Ийм тохиолдолд өвчтөнийг сүүдэртэй сэрүүхэн газарт аваачих хэрэгтэй. Юуны өмнө хувцсыг нь тайлж нойтон алчуур даавуугаар өвчтөнийг хучаад сэнс болон дэвүүрээр сэрүүцүүлж байгаад эмнэлэгт яаралтай хүргэнэ.



(7) Амьсгаа боогдох, багтрах үед

Амьсгаа авах боломжгүй болохыг амьсгаа боогдох гэдэг. Энэ үед толгой хойш гэдийн, нүдний эргэн тойрон бүлтийж бүр ноцтой тохиолдолд нүүр хөхөрдөг. Ийм үед өвчтөнийг агаартай газар луу шилжүүлэх хэрэгтэй. Өвчтөн ухаан алдсан байсан ч амьсгаагаар байвал доош нь харуулж хэвтүүлээд амьсгал нь жигдэртэл байлгах хэрэгтэй. Хэрэв, бүр амьсгалахгүй байх юм уу амьсгаа авахад хүндрэлтэй байвал хиймэл амьсгаа хийх хэрэгтэй. Тэгээд ч сайжрахгүй бол эмнэлэг рүү явах хэрэгтэй.



(8) Яс хугарсан үед

Ясны холбоос үе мултарч товойх юм уу, яс хугарч арьсаа нэвтлэн гарч ирсэн тохиолдолд шархтай хэсгийг ариутган хөдөлгөөнгүй болгосны дараа түргэн тусламж дуудна. Шархтай хэсгийг огт хөдөлгөж болгохгүй бөгөөд дэр, гудас ивж хөлийг зүрхнээс дээш байрлуулах хэрэгтэй. Шагай мултарсан үед өвчтэй хэсгийг сунадаг самбайгаар ороож хөдөлгөөнийг багасгавал хавдар нь бууна. Өвчинг намдаахад мөсөн жин үр дүнтэй.




(9) Хуруугаа тасалсан үед

Тасарсан хурууг дахин наах бололцоотой байдаг тул осолд орсны дараа анхны тусламжийг цаг алдалгүй шуурхай хүргэх хэрэгтэй. Юуны өмнө шархтай хэсгийг дарж цусыг тогтоогоод гарыг зүрхнээс дээш байлгана. Тасарсан хурууг бинтэнд сайтар ороогоод мөстэй гялгар уутанд хийж яаралтай эмнэлэг рүү явах хэрэгтэй. Тайрсан хэсэгт хамаагүй гар хүрч болохгүй.

Memo





БНСУ-д
ажиллаж, амьдарч
байгаа гадаадын
иргэдэд зориулсан
гарын авлага

VIII

Нийгмийн хамгааллын систем

184 Ард иргэдийн амьжиргааны доод түвшингийн
баталгааг хангах хөтөлбөр

184 Хамрагдах хүн

185 Тэтгэмжийн төрөл

186 Өргөдөл гаргах арга

187 Тэтгэвэр

187 Хамрагдах хүн

188 Даатгалын хураамж төлөх

188 Тэтгэвэрийн хэлбэр

190 Шуурхай тусламжийн хөтөлбөр

190 Хамрагдах хүн

191 Хүсэлт гаргах, хүсэлтийг шийдвэрлэх

192 Шуурхай тусламжийн үзүүлэлт

192 Тусламжийн төрөл

194 Бие даахад нь туслах хөтөлбөр

194 Хамрагдах хүн


194 Ажлын нөхцөл

195 Бүртгүүлэх үе шат

196 Өрх толгойлсон эцэг/эх-д үзүүлэх тусламж

196 Тусламжийн төрөл

197 Тусламж авах үе шат



1” Ард иргэдийн амьжиргааны доод түвшингийн баталгааг хангах хөтөлбөр

Энэ хөтөлбөрийн хүрээнд амьжиргааны доод түвшинд хамрагддаг иргэдэд улсаас амьжиргааны зардал, орон байр, боловсрол, эрүүл мэндийн халамж тусалцаа үзүүлдэг. Холбогдох хуулийн дагуу гадаадын иргэд ч бас энэхүү хөтөлбөрийн дагуу хөнгөлөлт эдлэх боломжтой байдаг.

1_Хамрагдах хүн

Зарчмын хувьд гадаадын иргэний гэр бүлийн гишүүд орлогын зөвшөөрөгдсөн хэмжээ*, тэжээгчийн шаардлага зэргийг бүгдийг нь хангасан ч гэсэн зөвхөн уг Солонгосын харьяат гэр бүлийн гишүүд л энэ хөтөлбөрт хамрагдахаас биш гадаадын иргэн энэхүү хөтөлбөрт хамрагдах боломжгүй гэсэн заалт байдаг.

Гэвч гадаадын иргэн амьжиргааны доод түвшингийн баталгааг хангах хөтөлбөрт хамрагдаж улсаас халамж авах тохиолдол байдаг. Солонгос хүнтэй суусан (гэр бүл цуцлагдсан, гэр бүлийн хүн нь нас барсан тохиолдол орно.) гадаадын иргэн Солонгос улсын иргэний харъяалалтай насанд хүрээгүй хүүхдийг өсгөж тэжээж байгаа бол орлогын зөвшөөрөгдсөн хэмжээ, тэжээгчийн үндсэн шаардлагыг бүгдийг хангасан тохиолдолд энэ хөтөлбөрийн дагуу тусламж үйлчилгээ авах эрхтэй.

***Орлогын зөвшөөрөгдсөн хэмжээ:** Өрхийн гишүүний орлого, эд хөрөнгө нийлээд амьжиргааны хамгийн доод түвшинг хангах зардлын хэмжээнээс ** бага хэмжээг хэлнэ.

****Амьжиргааны доод түвшинг хангах зардал:** Иргэн нь эрүүл саруул, соёлын амьдралд шаардлагатай доод талын амьжиргааны өртгийг хэлнэ. Гэр бүлийн гишүүний тооноос хамаарч ялгаатай байх ба улс энэ хэмжээг жил бүр зарлан тогтоодог.

2009 оны амьжиргааны баталгаат доод түвшин *

(Нэгж: вон/сар)


Ангилал	1 ам бүл	2 ам бүл	3 ам бүл	4 ам бүл	5 ам бүл	6 ам бүл
Мөнгөний хэмжээ(вон/сар)	490,845	835,763	1,081,186	1,326,609	1,572,031	1,817,454

※ 7-гоос дээш ам бүлтэй өрхийн амьжиргааны баталгаат доод түвшин: Ам бүл 1-р нэмэгдэх бүрт 245,423 воноор нэмэгдэнэ.(7-н ам бүлтэй өрх: 2,062,877 вон)

2_Тэтгэмжийн төрөл

(1) Амьжиргааны тэтгэмж (энгийн тэтгэмж)

- Тэтгэмжийн хэлбэр: Хувцас, хоол хүнс, түлшний зардал болон бусад өдөр тутмын амьдралд шаардлагатай эд бараа.
- Тэтгэмжийн хэмжээ: Өрхийн зөвшөөрөгдсөн орлогын хэмжээг харгалзан тооцож гаргасан зардлаас орон байрны зардлыг хасаж бэлнээр олгоно.
 ※ Тэтгэмжийг бэлнээр олгохдоо бодитоор төлөгддөг эмчилгээний зардал, боловсролын зардал болон бусад хуулиар олгогдох тэтгэмж (орлогын татвар, TV-ийн хураамж г.м)-ийг хасч, орлогогүй иргэн гар дээрээ бэлнээр авах мөнгөний хэмжээ



2009 оны орон байрны тэтгэмжийн дээд хязгаар, орон байрны бэлнээр олгогдох тэтгэмж (Нэгж: won/cap)

Ангилал	1 ам бүл	2 ам бүл	3 ам бүл	4 ам бүл	5 ам бүл	6 ам бүл
Амьжиргааны баталгаат доод түвшин	490,845	835,763	1,081,186	1,326,609	1,572,031	1,817,454
Бэлнээр олгогдох тэтгэмжийн хэмжээ	405,881	694,607	900,048	1,105,488	1,310,928	1,516,369

※ 7-гоос дээш ам бүлтэй өрхийн ам бүл 1-р нэмэгдэх бүрт 245,423 воноор нэмэгдэнэ.(7-н ам бүлтэй өрх: 2,062,877 won)

(2) Орон байрны тэтгэмж

- Тэтгэмжийн хэлбэр: Орон байрандаа сэтгэл амар амьдрах боломжоор хангахын тулд түрээсийн зардал, засварын зардал зэргийг бэлэн мөнгө болон бодит материалын хэлбэрээр олгоно.

(3) Боловсролын тэтгэмж

- Тэтгэмжийн хэлбэр : Элсэлтийн болон хичээлийн төлбөр, сурах бичгийн төлбөр, нэмэлт сурах бичгийн зардал, хичээлийн хэрэгслийн зардал г.м
- Ахлах сургуулийн сурагч: Элсэлтийн болон хичээлийн төлбөр, сурах бичгийн төлбөр(109,000 won/1 хүн), хичээлийн хэрэгслийн зардал (45,000 won/1 хүн)
- Дунд сургуулийн сурагч: Нэмэлт сурах бичгийн зардал(33,000 won/1 хүн), хичээлийн хэрэгслийн зардал(45,000 won/1 хүн)

(4) Амаржисны тэтгэмж

Төрсөн(төрөх гэж буй) үед 500 мянган воныг бэлнээр олгоно.

(5) Оршуулгын тэтгэмж

Тэтгэмжид хамрагдагч нас барсан тохиолдолд нас барсан 1 хүн тутамд 400~500 мянган вон олгоно.

(6) Бусад тэтгэмж

- Шуурхай тусламжийн хөтөлбөр (р 190 ⇒ 3. Шуурхай тусламжийн хөтөлбөр сэдвээс харах)
- Биеэ даахад нь туслах хөтөлбөр (р 194 ⇒ 4. Биеэ даахад нь туслах хөтөлбөр сэдвээс харах)
- Эрүүл мэндийн тэтгэмж (р 169 ⇒ VII. Эрүүл мэнд ба эмчилгээ үйлчилгээ, 2. Эрүүл мэндийн тэтгэмжийн систем сэдвээс харах)

3_Хамрагдах үе шат



- Хүн амын амжиргааны баталгаажих доод түвшний өрхийг хамгаалах хөтөлбөрт хамрагдах өргөдөл гаргахдаа баг • суурин • хороон захиргаан дээрээ очин “нийгмийн халамжид хамрагдах / тэтгэмж хүсэх өргөдөл” бөглөж өгнө.
- Өргөдөл хүлээн авсан ажилтан тухайн иргэн хөтөлбөрт хамрагдаж болох эсэхийг судлана.
- Өргөдөл гаргасан өдрөөс хойш 14 хоногийн дотор, цаад тал нь 30 хоногийн дотор дээрх хөтөлбөрт хамрагдаж болох эсэх талаар хариу мэдэгдэнэ.



Мэдэхэд илүүдэхгүй



보건복지콜센터

Эрүүл мэнд, нийгмийн халамжийн дуудлагын төв 129(<http://www.129.go.kr>)

- Та өөртөө, мөн гэр бүлдээ шаардлагтай байгаа нийгмийн халамжийн тухай мэдээлэл болон зөвлөгөө авахыг хүсвэл аль ч газраас орон нутгийн кодгүйгээр 129 дугаарын утас руу залгаарай. (Гар утаснаасаа залгах тохиолдолд орон нутгийн код + 129)
- Зөвлөгөө өгөх цаг
 - Орлогын баталгаа, амьжиргааны тогтвортай байдлыг хангах, нийгмийн халамжийн үйлчилгээ, эрүүл амьжиргааны зөвлөгөө : Ажлын өдөр 9 ~ 18 цаг
 - Яаралтай тусламжийн зөвлөгөө: 365 хоног 24 цаг

2» Тэтгэвэр

Насан өндөр болсноос ажил хийж амьдралаа залгуулах боломжгүй болох, гэнэтийн ослоор тахир дутуу болох юм уу нас барах зэрэг тохиолдолд тэтгэвэрийн даатгуулагч өөрт нь юм уу түүний гэр бүлийнхэнд тэтгэвэр, тусламж олгож тэдний амьжиргааг баталгаажуулах зорилготойгоор, Солонгос улс нийгмийн хангамжийн бодлогынхоо хүрээнд өндөр настны тэтгэвэрийн тогтолцоог бий болгосон. Энэ тогтолцооны дагуу тэтгэвэр тэтгэмж авахын тулд тэтгэвэрийн даатгалд даатгуулагч сар бүр тодорхой хэмжээний хураамжийг даатгалын байгуулгад төлдөг.

1_Хамрагдах хүн

Солонгост оршин сууж буй гадаадын иргэн нь Солонгос иргэний адилаар үндэсний тэтгэвэрийн даатгалд хамрагдана. 18-60 насны гадаадын иргэн үйлдвэр компанид ажилладаг бол ажлынхаа газрын шугамаар ажилтны тэтгэврийн даатгалд даатгуулах ба түүнээс бусад гадаадын иргэд нь орон нутгаасаа даатгуулж болно. Хэрвээ гадаадын иргэний төрлөх улсад БНСУ-ын тэтгэврийн системтэй ижил төрлийн систем болон хууль үйлчилдэггүй тохиолдолд уг гадаадын иргэнийг тэтгэврийн даатгалд хамруулахгүй. Харин тухайн гадаадын иргэний төрлөх улстай нийгмийн баталгааны тухай тусгай хэлэлцээр байгуулсан бол түүнд заасан журмын дагуу шийдвэрлэнэ.



Үндэсний тэтгэврийн даатгалд хамаардаггүй улс (20-н улс)

Вьетнам, Мيانмар, Бангладеш, Непал, Саудын Араб, Сингапур, Иран, Пакистан, Камбуж, Өмнөд Африкийн Нэгдсэн Улс, Зүүн Тимор, Молдав, Беларус, Армен, Итиоп, Египт, Тонга, Фижи

※ Монгол, Узбекистанаас ирсэн гэрээний ажилчны хувьд Нийгмийн халамжийн тухай хэлэлцээрийн дагуу тухайн улсын хууль дүрэм үйлчлэнэ.хэлэлцээрийн дагуу тухайн улсын хууль дүрэм үйлчлэнэ.

2_Даатгалын хураамж төлөх

- Үйлдвэр компанид ажиллагсадын хувьд түүний орлогын түвшинд харгалзуулан ажилчин өөрөө болон ажил олгогч сарын орлогын 4.5%-тай тэнцэх хураамжийг тус бүр төлнө.
- Орон нутгаас даатгуулагч(хувиараа хөдөлмөр эрхлэгч)-ийн хувьд өөрийнх нь мэдэгдсэн(бодит) сарын орлогын 9%-тай тэнцэх хураамжийг төлнө.

3_Тэтгэвэрийн хэлбэр

- Даатгуулагч гадаадын иргэн нь өндөр настай, тахир дутуу, ар гэрийн тэтгэмж авах нөхцөл шаардлагыг хангасан байх юм бол Солонгосын иргэний нэгэн адил тэтгэвэр тэтгэмж авна.
- **Өндөр насны тэтгэвэр**
 - 10-аас дээш жилийн хугацаатай даатгалын хураамж төлсөн, 60 нас хүрсэн иргэнд насан туршид нь сар бүр олгодог тэтгэмж юм. Харин, өндөр насны тэтгэвэр авах нас нь 2013 оноос эхлэн 5 жил тутамд 1 насаар сунгагдаж 2033 оноос хойш 65 нас болно.
- **Тахир дутуугийн тэтгэвэр**
 - Даатгалын хугацаанд өвчилж, гэмтэн эмчлүүлсний дараа ч гэсэн тахир дутуу болсон бол тахир дутуугийн зэргээс хамаарч 1~3 зэрэг бол тэтгэвэр, 4-р зэрэг бол түр хугацааны турш нөхөн олговор хэлбэрээр тэтгэмж олгоно.
- **Ар гэрийнхэнд олгох тэтгэмж**
 - Даатгалын хугацаанд буюу тэтгэмж авч байгаад нас барсан үед ар гэрийнхэнд нь сар бүр тэтгэмж олгоно.
- **Даатгалын хураамжийг эргэн төлөх**
 - Тэтгэвэрийн даатгалын хураамж төлөгч гадаад иргэн нутаг руугаа буцаж явах юм уу нас барсан бол мөн 60 нас хүрсэн үед тэр үеийг хүртэл хугацаанд төлсөн даатгалын хураамжтай тэнцэх хэмжээний мөнгийг тодорхой хэмжээний хүүгийн хамтаар тооцож олгодог. Даатгалын хураамжийг эргэн төлөх журам зөвхөн дараах болзолд хамаарах гадаадын иргэдэд үйлчилнэ.
 - ① Тухайн гадаад иргэний эх нутагт тус журамтай адил журам байдаг ба түүний дагуу даатгалыг Солонгос иргэнд эргэн олгодог бол
 - ② БНСУ болон тухайн гадаадын улсын хооронд байгуулсан нийгмийн халамжийн хэлэлцээртэй холбогдох дүрэм журам байгаа бол
 - ③ Солонгост оршин суух Е-8(дадлагажигч ажилчин), Е-9(мэргэжлийн бус ажилчин), Н-2(айлчин ажилчин) ангилалын зөвшөөрөлтэй гадаадын ажилчин бол



Үндэсний тэтгэврийн даатгалын хураамж эргэн төлөгдөх боломжтой улс (37 улс)

- Тайланд, Филиппин, Малайз, Индонез, Шриланк, Энэтхэг, Казакстан, Гонгконг, Турк, Гренада, Бабэйдос, Сэйнтбинсэнт Гранадин, Зимбайбэ, Камэрун, Конго, Того, Венесуэл, Гана, Бануат, Бомюда, Сүдан, Швец, Элсальвадор, Жордан, Кэня, Тринидадтобаг, Нигер, Колумб (эдгээр 29 улсын хувьд харилцан ойлголцлын үндсэн дээр түр хугацааны тэтгэмж олгогдоно.)
 - Герман, Америк, Канад, Унгар, Франц, Австрали, Чех, Белги (эдгээр 8 улсын хувьд нийгмийн халамжийн тухай хэлэлцээрт үндэслэн түр зуурын тэтгэмж олгоно.)
- ※ E-8, E-9, H-2 статустай бол улс үндэстэн хамаарахгүй.



Дэлгэрэнгүй мэдээллийг Үндэсний тэтгэврийн даатгалын албаны салбарууд дээр биеэр очиж лавлах юм уу 1355 дугаараас лавлана уу.

Жич: Үндэсний тэтгэврийн даатгалын албаны вэбсайт (<http://www.nps.or.k>)



3» Шуурхай тусламжийн хөтөлбөр

Орлогын эх үүсвэр ологч нь гэнэт хүндээр өвчлөх, нас барах, орон гэрээ орхиж явах, хоригдох, бизнес нь зогсох, хаагдах зэрэг шалтгааны улмаас амьжиргаагаа залгуулахад хүндрэлтэй болсон бага орлоготой давхаргын иргэнд амьжиргааны болон эмчилгээний гэх мэт шаардлагатай халамжийн үйлчилгээг хурдан шуурхай үзүүлдэг хөтөлбөрийг шуурхай тусламжийн хөтөлбөр гэдэг.



Дараах нөхцөл байдалд орсон гадаадын иргэн энэхүү хөтөлбөрийн шугамаар тусламж үйлчилгээнд хамрагдах боломжтой.

- БНСУ-ын иргэнтэй гэр бүл болсон бөгөөд одоо хамт амьдарч байгаа гадаадын иргэн
- БНСУ-ын иргэн гэр бүлийн хүнээсээ салсан юм уу тухайн гэр бүлийн хүн нь нас барж БНСУ-ын иргэн үр хүүхэд, эцэг эхийг нь асран хамгаалж буй гадаадын иргэн
- Гамшигт өртсөн болох нь нотлогдсон гадаадын иргэн
- Бусдын буруутай үйл ажиллагаанаас үүдэлтэй гал түймэр, гэмт хэрэг болон байгалийн гамшигт өртөж хохирсон гадаадын иргэн


1_Хамрагдах хүн

(1) Шалтгаан

- Тэжээгч нь нас барсан, гэрээсээ явсан, шоронд орсон зэрэг шалтгааны улмаас орлогын эх үүсвэргүй болж, өрхийн орлого нь амьжиргааны баталгаат доод түвшнээс доогуур тохиолдолд
- Хүндээр өвчилсөн эсвэл гэмтэж бэртсэн тохиолдолд
- Гэр бүлийн гишүүн нь тухайн иргэнийг асран хамгаалахгүй байх, хаясан юм уу дарамталсан тохиолдолд
- Гэр бүлийн хүчирхийлэлд өртөж гэр бүлийнхээ гишүүнтэй хэвийн байдлаар амьдрахад хэцүү болсон юм уу гэр бүлийн гишүүний бэлгийн хүчирхийлэлд өртсөн тохиолдолд
- Гамшиг ослын (гал түймэр, уулын нуралт, үер г.м) улмаас амьдарч байсан орон гэр, байшин нь амьдрах боломжгүй болсон тохиолдолд
- Эрүүл мэнд, нийгмийн халамж, гэр бүлийн яамны сайдын тодорхойлсон бусад шалтгаан

(2) Амьжиргаа нь хүнд байдалд орох

- Энэ нь амьжиргаагаа залгуулах боломжгүй болох, эмчилгээний зардлаа төлөх боломжгүй болох, амьдрах газаргүй болох зэрэг шалтгаанаар нийгмийн халамж үйлчилгээгээр үйлчлүүлэх шаардлагатай байгаа байдлыг хэлнэ.

2_Хүсэлт гаргах, хүсэлтийг шийдвэрлэх


- Хүнд байдал үүсвэл оршин суугаа газрын хот, сум, дүүргийн тамгын газрын холбогдох хэлтэс болон Эрүүл мэнд нийгмийн халамжийн дуудлагын төв (129) рүү холбоо барина.
- Тухайн асуудлыг хариуцсан ажилтан газар дээр шалгалт хийж, юуны түрүүнд тусламж олгосны дараа тусламж өгөхөд тохиромжтой эсэх талаар дахин шалгана. Хэрэв тусламж авах нөхцөл байдал үүсээгүй юм уу нөхцөл шаардлагыг хангаагүй гэж үзэх юм бол тусламж өгөхөө зогсоож, авсан тусламжийг эргүүлэн төлүүлнэ.
- Яаралтай тусламж үзүүлээд дууссан байхад ч гэсэн хүндрэлээс гарахгүй байвал улсын болон иргэний байгууллагаас хэрэгжүүлж буй холбогдох нийгмийн халамжийн хөтөлбөр, системд хамрагдаж болдог.

3_Шуурхай тусламж үзүүлэх шаардлагатай өрхийн орлогын үзүүлэлт

- (Орлого) Амьжиргааны баталгаат доод түвшин нь 150%-иас бага тохиолдолд(4 ам бүлтэй өрх: 1,990,000 вон)
Харин амьжиргааны тусламжийг амьжиргааны баталгаат доод түвшингээс багаар олгоно. (4 ам бүлтэй өрх: 1,320,000 вон)
- (Эд хөрөнгө) Том хот(135,000,000 вон), жижиг дунд хот(85,000,000 вон), хөдөө(72,500,000 вон)
- (Санхүүгийн эд хөрөнгө) 3,000,000 воноос бага('09.2.6-наас хэрэгжинэ.)

4_Тусламжийн төрөл

Амьжиргааны, эмчилгээ үйлчилгээний, боловсролын, орон байрны, тусламж болон нийгмийн халамжийн газраар үйлчлүүлэх зэрэг бусад тусламжууд (түлш, цахилгаан, амаржих болон оршуулгын зардал) багтана.





Солонгос иргэнтэй гэр бүл болж 1 хүүхэдтэй болсон юм. Гэтэл нөхөр маань гэнэт нас барчихлаа. Эдийн засгийн хувьд маш хүндрэлтэй байна. Тусламж дэмжлэг авч болох болов уу?

2 ам бүлтэй өрх (өөрөө ба 1 хүүхэд)-ийн нийт орлого 830 мянган воноос бага тохиолдолд Нийгмийн халамжийн шуурхай тусламжийн хөтөлбөрт хамрагдаж болно. Оршин сууж буй дүүрэг хорооны тань энэ асуудлыг хариуцсан мэргэжилтэн таны өрхийн орлого, өмч хөрөнгө, амьдралын нөхцөл байдал зэргийг судалж уг судалгаан дээр үндэслэн тус хөтөлбөрт хамрагдах боломжтой эсэх талаар шийдвэр гаргадаг. Хөтөлбөрт хамрагдахыг хүсвэл өөрийн оршин суугаа баг • суурин • хорооны захиргаа болон Эрүүл мэнд, нийгмийн халамжийн зөвлөгөө өгөх утас(☎ 129)-нд хандаж зөвлөгөө аваарай. Хэрвээ та Солонгос хэл сайн мэддэггүй бол Солонгос иргэнтэй гэр бүл бологч гадаад иргэдэд туслах төвийн орчуулагч юм уу ойр дотныхоо хүмүүсээс тусалцаа аваарай. Нийгмийн халамжийн шуурхай тусламжийн хөтөлбөрт хамрагдсанаар амьжиргааны тэтгэмж, оршуулгын тэтгэмж зэргийг авч болно.



Гэнэт хүнд өвчин тусаад мэс засал хийлгэсэн чинь эмнэлэгийн зардал байдаггүй. Тусламж авч болох болов уу?

Та БНСУ-ын иргэнтэй гэр бүл болсон юм уу эсвэл түүнээс салсан байсан ч БНСУ-ын харьяат хүүхдээ асран хүмүүжүүлж байгаа бол Нийгмийн тусламжийн хөтөлбөрт хамрагдаж эмнэлэгийн тусламж, үйлчилгээний тэтгэмж авч болно. Оршин сууж буй дүүрэг хорооны тань энэ асуудлыг хариуцсан мэргэжилтэн таны өвчний байдал, эмчилгээний үйл явц, өрхийн орлого, өмч хөрөнгө, амьдралын нөхцөл байдал зэргийг судалж үзсэний дараагаар уг хөтөлбөрт хамрагдан тэтгэмж авч болох эсэх талаар судалж үзсэний дараагаар шийдвэр гаргана. Өөрийн оршин суугаа баг • суурин • хороон захиргаа болон Эрүүл мэнд, нийгмийн халамжийн Зөвлөгөө өгөх утас(☎ 129)-нд хандаж зөвлөгөө аваарай. Хэрвээ та Солонгос хэл сайн мэддэггүй бол Олон соёлт гэр бүлд туслах төвийн орчуулагч юм уу ойр дотныхоо хүмүүсээс тусалцаа аваарай.



Нөхөр зодоод байгаа болохоор гэртээ орж чаддаггүй. Яах вэ, туслаач?

Танд Шуурхай тусламжийн хөтөлбөр тусална. Хөтөлбөрийн ажилтан энэ талаар асууж судалсны дараа та амьжиргааны тэтгэлэг болон бусад шаардлагатай тэтгэлгийг авах боломжтой. Мөн түр хорогдох байранд амьдрах боломжтой. Өөрийн оршин суугаа баг • суурин • хороон захиргаа болон Эрүүл мэнд, нийгмийн халамжийн Зөвлөгөө өгөх утас(☎ 129)-нд хандаж зөвлөгөө аваарай.

4» Бие даахад нь туслах хөтөлбөр

Энэ нь ажил хөдөлмөр эрхлэх чадвартай хэдий ч тодорхой мэргэшилгүйгээс, ажлын байр байхгүйн улмаас, мөн үйл ажиллагаа явуулах суурь хөрөнгөгүйгээс ахуй амьдрал нь хүнд, ядуу иргэдэд ажлын байр олж өгөх, тэдэнд орлогын эх үүсвэр бий болгох зорилго бүхий хөтөлбөр юм.

1_Хамрагдах хүн

Доорх 3-н шаардлагыг хангасан иргэн тус хөтөлбөрт хамрагдана.

- Өрхийн орлогын зөвшөөрөгдөх хэмжээ нь (гэр бүлийн гишүүдийн нийт орлого болон эд хөрөнгийг нийлүүлэн тооцож Засгын газраас тогтоосон хэмжээ) нь амжиргааны баталгаажих доод түвшиний орлогын 120%-иас доош өрхийн гишүүн
- БНСУ-ын харьяат биш ч гэлээ тус улсын харьяат насанд хүрээгүй хүүхдийг өсгөн хүмүүжүүлж байгаа иргэн
- Хөдөлмөрийн чадвартай иргэн

2_Ажлын нөхцөл

- Нэг долоо хоногийн хөдөлмөрийн өдөр болон нэг өдрийн хөдөлмөрийн цаг нь тухайн этгээдийн ажил хөдөлмөр эрхлэх чадвараас хамаарч тогтоогдно. нэг өдөрт 5 ~ 8 цаг, нэг долоо хоногт 4~ 5 өдөр байх ба 1 өдрийн хөдөлмөрийн хөлс 21,000 ~ 31,000 вон байна.
- Ажлын нөхцлийн талаарх мэдээллийг ойролцоох орон нутгийн төвөөс лавлана уу.




Солонгосын орон нутгийн өөрөө ажил эрхлэх төвийн холбоо ☎02-324-1841

3_Бүртгүүлэх үе шат



- Баг · суурин · хороон захиргаан дээрээ очиж асуух болон хариуцсан мэргэжилтнээс утсаар асууж лавласны дараа өргөдөл гаргана.
- Өргөдөл хүлээн авсан мэргэжилтэн судалж үзсэний үндсэн дээр хөтөлбөрт хамрагдаж болох эсэх талаар шийдвэр гаргана.
- Тухайн байгууллагаас хөтөлбөрт хамрагдах боломжтой гэж үзсэн тохиолдолд өргөдөл гаргасан иргэнд тус шийдвэрийг мэдэгдэнэ.
- Ажлын байр олгогч байгууллага хөтөлбөрт хамрагдсан иргэнтэй зөвлөлдсөний үндсэн дээр тохирох ажлын байрыг санал болгоно.
- Хөтөлбөрт хамрагдахыг хүсвэл оршин суугаа газрынхаа баг · суурин · хороон захиргаа, нийгмийн халамжийн асуудал хариуцсан мэргэжилтэн дээр биеэр очиж асуух буюу Эрүүл мэнд, нийгмийн халамжийн зөвлөгөө өгөх утсанд (☎ 129) хандана уу.
- Солонгосын Биеэ даахад нь туслах байгууллагуудын холбооны (☎02-324-1841, www.jahwal.or.kr)



5» Өрх толгойлсон эцэг/эх-д үзүүлэх тусламж

Салалт, нас баралт, эдийн засгийн хүндрэл зэргийн улмаас ганц бие амьдрах болсон өрх толгойлсон эцэг/эхчүүд олширч байна. Тэдний гэр бүлийн тогтвортай амьжиргааг хангахын тулд төрөл бүрийн тусламжийн хөтөлбөрүүд хэрэгжиж байна.

1_Тусламжийн төрөл

(1) Өрх толгойлсон эцэг/эх-д хүүхдээ асран тэжээж, сургаж хүмүүжүүлэхэд нь зориулж тусламж үзүүлэх

Ангилал	Агуулга
Хамрагдах хүн	• Өрх толгойлсон эцэг/эх 18-аас доош насны(сургуульд орох үед 22-оос доош насны байх) хүүхдийг асран хүмүүжүүлж байгаа бага орлоготой өрх (орлогын зөвшөөрөгдсөн хэмжээний 130%-иас бага орлоготой өрхөд хамаарна. Харин тус өрх нь амьжиргааны баталгаажих доод түвшний тэтгэмж авдаг бол хамаарахгүй.)
Тусламж	• Хүүхдийн мөнгө : 12-оос доош насны хүүхдэд сар бүр 50 мянган вон олгоно. • Ахлах сургуулийн төлбөр: Ахлах сургуульд сурдаг хүүхдэд элсэлтийн болон хичээлийн төлбөрийг зуун хувь олгоно.

(2) Өрх толгойлсон эцэг/эх-д зээл олгох

- Зээл авагч : Бага орлоготой өрх толгойлсон эцэг/эх хөдөлмөр эрхлэх чадвартай, бие дааж амьдрах хүсэл эрмэлзэлтэй болох нь тодорхой, бизнесийн төлөвлөгөөгөө боловсруулсан тохиолдолд энэ зээлийг олгоно.(бусад байгууллагаас давхар зээл авах боломжгүй)
- Зээлийн хэмжээ болон нөхцөл
 - 1 хүн тутамд олгох зээлийн хэмжээ: 20,000,000 вонгоос илүүгүй
 - Зээлийн хүү: Жилийн 3%-иар тогтооно.
 - Зээлийн төлөх хугацаа: 5 жилийн турш 5 хувааж төлнө.
 - Өрхийн гишүүний тоогоор олгоно.(Орлогын зөвшөөрөгдсөн хэмжээний 130%-иас доош. Харин амьжиргааны баталгаажих доод түвшний тэтгэмж авдаг бол хамаарахгүй.)

Ам бүл	2 ам бүл	3 ам бүл	4 ам бүл	5 ам бүл	6 ам бүл
2009(вон/сар)	1,086,490	1,405,540	1,724,590	2,043,640	2,362,690

※ 7-оос дээш ам бүлтэй өрхийн хувьд өрхийн гишүүн 1-р нэмэгдэх бүрт орлогын зөвшөөрөгдсөн хэмжээ 319,050 оноор нэмэгдэнэ. (7 ам бүлтэй өрх 2,681,740 вон)


2_Тусламж авах үе шат

- Оршин суугаа газрынхаа баг · суурин · хороон захиргаан дээр очиж “Нийгмийн халамжийн үйлчилгээнд хамрагдах өргөдөл” бөглөж өгнө.
- Хариуцсан мэргэжилтэн судалж үзсэний үндсэн дээр халамжийн үйлчилгээнд хамрагдаж чадах эсэх талаар шийдвэр гаргаж мэдэгдэнэ.



Нөхөртөө хаягдаад цаашдаа хэрхэн амьдрахаа мэдэхгүй байна. Хүүхэдтэйгээ цуг байдаг. Ямар тусламж авч болох вэ?

Таны хүүхэд тус улсын харъяат, мөн бага орлогтой бол Өрх толгойлсон эцэг/эхийн халамжийн хөтөлбөр болон Хүн амын амжиргааны баталгаажих доод түвшнийг хамгаалах хөтөлбөрт хамрагдах боломжтой. Уг хөтөлбөрүүдэд хамрагдаж болох эсэхийг нийгмийн халамжийн асуудал эрхэлсэн мэргэжилтэн таны орлого болон эд хөрөнгө зэрэг зүйлсийг судалж үзсэний дараа шийдэх болно. Яаралтай бол Нийгмийн халамжийн шуурхай тусламжийн хөтөлбөрт ч хамрагдах боломжтой. Тиймээс оршин суугаа газрынхаа баг · суурин · хорооны захиргаа болон Эрүүл мэнд, нийгмийн халамжийн Зөвлөгөө өгөх утсанд (☎ 129) хандана уу. Хэрвээ та Солонгосоор сайн ярьж чаддаггүй бол ойр дотныхоо хүмүүсээс тусламж аваарай.



БНСУ-д
ажиллаж, амьдарч
байгаа гадаадын
иргэдэд зориулсан
гарын авлага

IX

Ажилд орох ба хөдөлмөр эрхлэлт

- 200 Ажил эрхлэлт болон мэргэжлийн сургалт
- 200 Ажил эрхлэлт
- 204 Мэргэжлийн сургалтын хөтөлбөр
- 206 Хөдөлмөр эрхлэлттэй холбоотой анхаарах зүйлс
- 206 Нийгмийн даатгал
- 206 Хөдөлмөрийн хуулийн тухай
- 208 Хөдөлмөрийн харьцаа
- 210 Цалин хөлс
- 211 Хөдөлмөрийн даатгал
- 211 Ажилгүйдлын тэтгэмж
- 213 Үйлдвэрлэлийн ослын даатгал
- 213 Үйлдвэрлэлийн осол
- 215 Аюулгүй ажиллагааны үндсэн зарчим
- 216 Аюулгүй ажиллагааны мэдэхэд илүүдэхгүй зүйлс
- 217 Төрөхийн өмнөх ба төрсний дараах амралт
- 217 Төрөхийн өмнөх амралт
- 218 Дутуу төрөлт ба амьгүй төрөлтийн амралт
- 219 Хүүхэд асрах чөлөө



1» Ажил эрхлэлт болон мэргэжлийн сургалт

1_Ажил эрхлэлт

Гадаадын иргэн Солонгост нэвтрэн орж ирэхдээ авсан визний ангилалаас хамааран ажил хөдөлмөр эрхлэж болдог. Солонгосын иргэний гэр бүл(F-13, F-21)-ийн визээр ирсэн хүн хууль ёсоор ажил хөдөлмөр эрхлэх эрхтэй байдаг.

※ Таны визний төрөл ажил хөдөлмөр эрхлэж болох төрөлд хамаарах эсэхийг Гадаадын иргэдийн нэгдсэн мэдээллийн төв (www.hikorea.go.kr 1345)-өөс лавлаж болно.

Ажил хөдөлмөр эрхлэхээсээ өмнө гэр бүлийнхэнтэйгээ ажил хийх шаардлагатай эсэх, ямар ажил хийвэл зүгээр эсэх, цалингаа юунд зарцуулах талаар хэлэлцэх хэрэгтэй.

(1) Ажлын байр зуучлагч байгууллагад хандах

Солонгос иргэнтэй гэр бүл болсон гадаадын эмэгтэйчүүд өөрийн оршин сууж байгаа газартаа хамгийн ойрхон Хөдөлмөр эрхлэлтийг дэмжих төв, Хөдөлмөр зуучлал мэдээллийн төв, Эмэгтэйчүүдийн төлөөх Хүний нөөцийн Хөгжлийн төв, Гадаадын ажилчдыг дэмжих төв, Олон соёлт гэр бүлийг дэмжих төв зэрэг байгууллагууд дээр очиж тэдэнд зориулсан ажлын байрны талаарх мэдээллийг авч болно.

Ангилал	Агуулга
Хөдөлмөр эрхлэлтийг дэмжих төв	Засгийн газраас удирдлаган дор ажилдаг энэ төв нь ажилд үнэ төлбөргүй зуучилдаг байгууллага бөгөөд салбар хэлтсүүд нь Солонгосын өнцөг булан бүрт үйл ажиллагаа явуулж байна. Ажилд орохыг хүссэн дотоодын болон гадаадын иргэд энэ байгууллагаар идэвхтэй үйлчлүүлдэг. Ажил хайж байгаа иргэд өөрийнхөө хүссэн ажлын байрыг эндээс олж авахаас гадна өөрт нь тохирсон ямар ажлын байр байгаа талаар мэдээлэл авч мөн ажилд орох хүртлээ ажил олгогч талын ярилцлага - шалгалтанд орох зохион байгуулалттай арга хэмжээнд хамрагдах боломжтой.
Хөдөлмөр зуучлал мэдээллийн төв	Энэ төв бол тухайн хот, орон нутгийн засаг захиргааны удирдлаган дор үйл ажиллагаа явуулдаг ажилд үнэ төлбөргүй зуучилдаг байгууллага юм. Ихэнх хотын Захирагчийн алба, сумын Тамгын газарт энэхүү төвийг байгуулан ажилладаг бөгөөд өөрийн оршин суугаа нутаг дэвсгэрт байгаа ажлын байрны талаарх мэдээллийг авч болно.
Эмэгтэйчүүдийн Хүний нөөцийг Хөгжүүлэх төв	Энэ төв нь эмэгтэйчүүдийн төлөө байгууллага бөгөөд энэ байгууллагаас ажлын байр зуучлах, мэргэжлийн сургалт явуулах зэрэг үйл ажиллагаа явуулж байна. Зарим хөтөлбөрийг эс тооцвол ихэнх хөтөлбөр нь үнэ төлбөргүй явагдаж байна.

Гадаадын ажилчдыг дэмжих төв	Ажил хөдөлмөр эрхлэх зорилгоор БНСУ-д ирсэн гадаадын ажилчдад тулгардаг төрөл бүрийн хүндрэл бэрхшээлтэй асуудлуудыг шийдвэрлэж өгөх зорилго бүхий төрийн бус байгууллага юм.
Олон соёлт гэр бүлийг дэмжих төв	Олон соёлт гэр бүлд туслах зорилго бүхий байгууллага бөгөөд энэ байгууллагаас ажлын байр зуучлах, соёлын хөтөлбөр зохион байгуулах зэрэг үйл ажиллагаа явуулж байна.

(2) Интернэт ашиглах

Солонгосын иргэнтэй гэр бүл болсон гадаадын иргэн интернэт ашиглаж сурвал илүү амар хялбар, шуурхай аргаар ажилд орох боломжтой. Солонгос иргэнтэй гэр бүл болсон гадаадын иргэдэд ажилд зуучлах үйлчилгээ үзүүлдэг ихэнх байгууллагууд интернэт вэбсайттай байдаг бөгөөд гэрээсээ интернэтээр дамжуулан ажил хайж болдог.



Сөүл Глобал Төв(<http://jobs.seoul.go.kr>)

Сөүл хотоос эрхлэн ажиллуулдаг энэ вэбсайт Солонгос дах гадаадын иргэдэд ажилд орох өргөдөл гаргах, ажил хайх, ажлын талаарх мэдээллийг англи, япон, хятад, франц хэлээр хүргэдэг.



Жоб нэт(<http://www.jobnet.go.kr>)

Солонгосын хөдөлмөр эрхлэлтийн мэдээллийн төвөөс эрхлэн ажиллуулдаг Жоб нэт нь ажлын вэбсайтуудад тархсан ажлын байрны тухай мэдээллийг нэг дор бөөнд нь харуулах хүчин чадалтай ажил хайлтын вэбсайт юм.



Вокнэт(<http://www.work.go.kr>)

Хөдөлмөрийн Яамны Солонгосын хөдөлмөр эрхлэлтийн мэдээллийн төвөөс эрхлэн ажиллуулдаг ажил, ажлын байрны талаарх мэдээллийг авч болдог вэбсайт.



Солонгосын хөдөлмөрийн мэдээллийн систем(<http://know.work.go.kr>)

Солонгосын хөдөлмөр эрхлэлтийн мэдээллийн төвөөс эрхлэн ажиллуулдаг төрөл бүрийн ажлын талаарх мэдээлэл авч, интернэт зөвлөгөөгөөр дамжуулан өөртөө тохирох ажил олоход нь тусладаг вебсайт.



Хөдөлмөрийн Яамны Хөдөлмөр эрхлэлтийг дэмжих төв(<http://jobcenter.work.go.kr>)

Үнэ төлбөргүй ажилд зуучилдаг байгууллага бөгөөд зөвлөгөө өгч тохирох ажлын байрыг олж өгөх ба ажилд орон ортол нь төрөл бүрийн тусламж үзүүлдэг. Тухайн вэбсайтаас оршин суугаа орон нутгийн хөдөлмөр эрхлэлтийн төвийн вебсайт руу холбогдон орж болдог.



Эмэгтэй ажиллах хүчин бэлтгэх төв(<http://www.vocation.or.kr>)

Төрөл бүрийн ажил хөдөлмөрийн сургалт, ажил эрхэлдэг эмэгтэйд зөвлөгөө өгөх, ажилд зуучилдаг бөгөөд зөвхөн эмэгтэйчүүдэд үйлчилдэг байгууллага юм.

Хот-сумын ажил хөдөлмөрийн мэдээллийн төв

Орон нутгууд ч бас ажилд зуучлах үнэ төлбөргүй үйлчилгээ үзүүлдэг байгууллагыг ажиллуулдаг. (орон нутгийн захиргааны вэбсайтаас харах)



Хэрэв ажил хайгч ажилд орох гэж байгаа үйлдвэр компани дээр ганцаараа очих боломжгүй гэж үзэх юм бол Хөдөлмөр эрхлэлтийг дэмжих төвөөс зөвлөх ажилтныг ажил хайгчтай хамт илгээдэг.

- **Хөдөлмөр эрхлэлтийг дэмжих төв(jobcenter.work.go.kr)**
- **Эмэгтэй ажиллах хүчин бэлдэх төв(www.vocation.or.kr)**



Мэдэхэд илүүдэхгүй

Орчуулга хэрэгтэй үед Солонгосын гадаадын ажилчдыг дэмжих төв, Солонгосын ОУ-ын хөдөлмөрийн сан(Work in Korea)-д очих юм уу утсаар үйлчлүүлж болно.

Байгууллага	Утас	Ажлын цаг	Орчуулгын хэл
Солонгосын Гадаадын ажилчдыг дэмжих төв	1644 - 0644	Солонгосын Гадаадын ажилчдыг дэмжих төв 1644 - 0644 Даваа~Баасан 09:00~18:00 Ням13:00~19:00	Солонгос, монгол, вьетнам, хятад, индонейз, тайланд, англи(филлипин), шриланк, узбекстан(орос), пакистан (энэтхэг), камбуж, непал, мяанмар, бангладеш
Work in Korea	031) 838 - 9111~2	Мягмар, лхагва, пүрэв, баасан, ням 09:00 ~ 18:00	Англи, хятад, энэтхэг, индонейз, орос, вьетнам, филлипи, монгол, шриланк, узбекстан, киргизстан, бангладеш, непал, пакистан, камбуж(камбуж хэлний орчууллага зөвхөн ням гаригт боломжтой.)



2_Мэргэжлийн сургалтын хөтөлбөр


Ажил шаардлагатай байгаа хүнд мэргэжлийн чадвар технологи эзэмшүүлж ажилд ороход нь тусладаг хөтөлбөрийг мэргэжлийн сургалтын хөтөлбөр гэнэ. Тус сургалт нь Хөдөлмөрийн даатгалаас явуулдаг системчилсэн мэргэжлийн сургалт болон эмэгтэйчүүдийн нийгмийн оролцоог хөнгөвчлөхөд туслах сургалт гэсэн хоёр хэсгээс бүрддэг.

- Хөдөлмөр эрхлэлтийг дэмжих төв(<http://jobcenter.work.go.kr>)
- Хөдөлмөрийн Яамрын Зөвлөгөө өгөх нэгдсэн төв(☎ 1544-1350)
- Хөдөлмөрийн Яамны Мэргэжлийн сургалтын мэдээллийн сүлжээ (www.hrd.go.kr)

(1) Мэргэжлийн сургалтанд хамрагдах болзол

- Ажилгүй, ядуу буурай амьдралтай хувиараа хөдөлмөр эрхлэгч, хөдөлмөрийн хамгаалалтанд байдаг хүн, амьжиргааны баталгаажих доод түвшний тэтгэмж авдаг хүн
- Солонгос иргэнтэй гэр бүл болсон гадаадын иргэн нь БНСУ-ын харьяат болж байж үүнд хамрагдна.
- Солонгос иргэнтэй гэр бүл болсон Солонгосын харьяат бус гадаадын иргэн хэрвээ хөдөлмөрийн даатгалд даатгуулж байсан бол ‘Ажлын байраа алдсан иргэнд зориулсан мэргэжлийн сургалт’-д хамрагдаж болно.

(2) Мэргэжлийн сургалтанд хамрагдах үе шат



(3) Мэргэжлийн сургалтын төрөл

Сургалтын төрөл	Агуулга	Хамрагдах хүн	Тэтгэмж
Ажилгүй хүмүүст зориулсан сургалт	Ажилд ороход нь туслах	Хөдөлмөрийн даатгалд даатгуулж байгаагүй хүн	Унаа хоолны зардал
Ажлын байраа алдсан иргэнд зориулсан сургалт	Дахиж ажилд ороход нь туслах	Хөдөлмөрийн даатгалд даатгуулж байсан хүн	Унаа хоолны зардал, өөрийн хүчээр ажил эрхлэх тэтгэмж
Өрх толгойлогч эмэгтэйд зориулсан сургалт	Хөнгөн хэлбэрийн ажил зуучлах болон бизнес эрхлэхэд түлхүү анхаарна	• Нөхөргүй эмэгтэй • Ганц бие, эцэг эхгүй юм уу эцэг эх нь хөдөлмөрийн чадваргүй тохиолдолд • Нөхөр нь ажилд орох өргөдөл өгснөөс хойш 6 сараас дээш хугацаанд ажилгүй байгаа эмэгтэй • Шүүхэд гэрлэлтээ цуцлуулах өргөдөл гарган тусдаа амьдарч буй эмэгтэй • Бусад гэр бүлийнхнээ тээжээж буй эмэгтэй	Унаа хоолны зардал, гэр бүлийн нэмэгдэл, өрхийн орлого зарлагыг тогтвортой байлгах нэмэлт тэтгэмж
Эрэлтгүй мэргэжилтний сургалт	Мэргэжлийн сургалт явуулдаг иргэний байгууллагад даалгаж сургана.	• Ажилд орох өргөдөл гаргасан бүх ажилгүй хүн • Ажлаа алдсан хүн • Дээд сургуульд орох төлөвлөгөөгүй байгаа ахлах сургуулийн 3-р ангийн сурагч	Хоол унааны зардал, эрэлтгүй мэргэжлийн нэмэгдэл
Биеээ даан хөдөлмөр эрхлэхэд туслах сургалт	Амьжиргааны доод түвшинд хамрагдах өрхийн гишүүний ажлын чадварыг нэмэгдүүлэх сургалт	Амьжиргааны баталгааг хангах хуулийн дагуу амьжиргааны тэтгэмж авдаг ба хувьд биеээ даан хөдөлмөрлөхөд туслах сургалтын явцад ажиллах хүсэл нь нэмэгдсэн, хөдөлмөрийн удирдамж хөтөлбөрт оролцсон хүн	Хоол унааны зардал, биеэ даан хөдөлмөр эрхлэх нэмэгдэл
Хөдөлмөр эрхлэлтийг дэмжих сургалт	Ажил хөдөлмөр эрхлэх чадварыг дээшлүүлэх сургалт	Хөдөлмөрийн даатгалд даатгуулж байгаагүй хүмүүсээс хотын дарга, сумын захирагч, дүүргийн засаг даргын сонгосон ажилгүй болон ажлаа алдсан хүн	Хоол унааны зардал

(4) Мэргэжлийн сургалт олгох бусад байгууллагууд

- Солонгос иргэдтэй гэр бүл болсон гадаадын эмэгтэйчүүд Хөдөлмөрийн даатгалын сангаас зохион байгуулдаг мэргэжлийн сургалтаас гадна Эмэгтэйчүүдийн төлөөх Хүний нөөцийн Хөгжлийн төв, Эмэгтэйчүүдийн төв, Эмэгтэйчүүдийн Хийманг Ильто (Эмэгтэйчүүдийн “Мөрөөдлийн ажил” Төв) зэрэг байгууллагууд дээр төлбөртэй болон төлбөргүйгээр мэргэжлийн сургалтанд хамрагдаж болно.
- Гэхдээ эдгээр байгууллагууд бүгд гадаадын эмэгтэйчүүдэд зориулсан сургалт явуулдаггүй. Тиймээс өөрийн оршин суугаа газрын холбогдох байгууллагаас эхлээд асууж лавлах нь зүйтэй.
- Дэлгэрэнгүй мэдээллийг Аймаг, хотын Тамгын газрын Эмэгтэйчүүд, гэр бүлийн бодлого эрхэлсэн газар болон Солонгос иргэнтэй гэр бүл болсон гадаадын эмэгтэйчүүдийг дэмжих төв зэргээс авч болно.



• Эмэгтэй ажиллах хүчинг хөгжүүлэх төв (www.vocation.or.kr)

2» Хөдөлмөр эрхлэлттэй холбоотой анхаарах зүйлс

Аливаа аж ахуйн нэгж, үйлдвэр үйлчилгээний газарт ажил хөдөлмөр эрхлэхтэй холбогдсон журам гэж байдаг. Үүнд хөдөлмөрийн болон амралтын цаг, ажил хөдөлмөртэй холбогдсон дотоод дүрэм журам, хөдөлмөрийн аюулгүй байдал болон эрүүл ахуйн шаардлага зэрэг зүйлс багтдаг.

1_Нийгмийн даатгал

- БНСУ-н харьяат ажил хөдөлмөр эрхлэх тохиолдолд нийгмийн даатгал (Тэтгэвэрийн даатгалын сан, Эрүүл мэндийн даатгал, Хөдөлмөрийндаатгал)-д даатгагдсан байхаар хуульчлагдсан байдаг.
- БНСУ-н харьяат бус гадаадын иргэн нийгмийн даатгалд хамрагдах эсэх тухай сонголт хийх эрхтэй бөгөөд нийгмийн даатгалын олон хөнгөлөлтийг эдлэхийг хүсвэл тус даатгалд даатгуулж болно.
- Холбогдох даатгалын хураамжийг компани цалингаас суутгаж нийгмийн даатгалын байгууллагад төлдөг.

2_Хөдөлмөрийн хуулийн тухай танилцуулга

Тус хууль нь хөдөлмөрийн харилцааг тодорхойлон, ажилчны үндсэн амьжиргааг баталгаажуулах, сайжруулах, иргэдийн эдийн засгийн тэнцвэртэй хөгжилд хувь нэмэр оруулах зорилгоор боловсруулж бий хууль юм.

(1) Хөдөлмөрийн гэрээ

Ажил олгогч болон ажилчны хооронд байгуулдаг гэрээг хэлнэ. Гэрээ байгуулахдаа цалин хөлс, ажлын төрөл зэрэг гол нөхцлүүдийг харилцан тохиролцдог бөгөөд хөдөлмөрийн гэрээг баримтжуулан үлдээх нь чухал байдаг.

(2) Хуулиар хамгаалагдсан хөдөлмөрийн харилцаа


- 5-аас дээш ажилчинтай ажлын байранд үйлчлэнэ.
- 4-өөс доош ажилчинтай ажлын байранд хөдөлмөрийн хуулийн зөвхөн зарим заалт үйлчлэнэ.

- Цалин хөлсийг бэлнээр сард 1 –ээс дээш удаа тогтоосон хугацаанд тогтмол олгоно.
- Сунаж ажиллах, шөнийн цагаар ажиллах, амралтын өдөр ажиллах тохиолдолд нэмэгдэл цалин авах эрхтэй.
- Ажилчин 1 жилээс дээш хугацаагаар тасралтгүй ажилласан тохиолдолд ажлаас халагдсаны цалин авах эрхтэй.
- Цалин хөлс, ажлаас халагдсаны цалингаа авч чадаагүй, ажил олгогч буюу хариуцлагатай ажилтны хүчирхийлэлд өртсөн, урт цагаар ажилласан болон өөрийн хүсэл зорилгоос үл хамааран хүчээр ажилсан зэрэг хөдөлмөрийн хуулийг зөрчсөн гэтм хэргийн хохирогч болсон бол энэ тухай харьяа орон нутгийн хөдөлмөрийн алба, хөдөлмөрийн байцаагчид мэдэгдэнэ. (Хөдөлмөрийн зөвлөгөө өгөх нэгдсэн төв ☎1350, 1544-1350)

(3) Цалинг хойшлуулах тохиолдолд

- Ажил олгогч тогтоосон өдөр цалин олгохгүй байхыг цалинг хойшлуулсан гэж үзнэ. Энэ тохиолдолд тухайн үйлдвэр компаны харьяалагдах орон нутгийн хөдөлмөрийн албаны хөдөлмөрийн байцаагчид мэдэгдэж арга хэмжээ авч өгөхийг шаардах эрхтэй.
- Орон нутгийн хөдөлмөрийн алба мэдэгдлийг бүртгэж авсны дараа ойролцоогоор 10-14 хоногийн дараа ажилчин ба ажил олгогчийг дуудаж шалгадаг. Шалгалтын явцад ажилчин өөрийнхөө байдлыг нотлох бичиг баримтыг бүрдүүлж шалгуулах нь зүйтэй.

• Асуудлыг шийдэх дэс дараа



(4) Цалингийн баталгааг хангах систем

Ажил олгогч дампуурсан гэх мэт шалтгааны улмаас ажилгүй болсон ажилчин цалин хөлс, ажлаас халагдсаны цалингаа авч чадаагүй тохиолдолд улсаас дараах баталгааг гаргаж өгдөг.

- Дээд тал нь 3 сарын цалинг олгох: Ажлаас халагдсан буюу хөдөлмөрийн харилцаа дуусгавар болсон өдрөөс тооцож 3 сарын турш ажилласан хугацааны цалинг бүхэлд нь
- Дээд тал нь 3 сарын амралтын нэмэлт цалин: Ажлаас халагдсан буюу хөдөлмөрийн харилцаа дуусгавар болсон өдрөөс тооцож үүссэн 3 сарын амралтын нэмэлт цалин
- Дээд тал нь 3 жилийн ажлаас халагдсаны цалин: Ажлаас халагдсан өдрөөс тооцож 3 жилийн ажлаас халагдсаны мөнгө (90 хоногийн дундаж цалин)

(5) Ажлаас халагдах

Хөдөлмөрийн хуулинд ажил олгогчийн ажлаас халалт хүчин төгөлдөр байхын тулд ‘хүндэтгэн үзэх шалтгаан’ байх ёстой гэж л заасан байдаг боловч ихэвчлэн дараах 3 төрөлд хуваадаг.

- Хувийн шалтгаан
- Зохисгүй үйл хийх
- Менежментийн зайлшгүй шаардлага

3_Хөдөлмөрийн стандарт

(1) Ажлын цаг

- Шинэчлэгдсэн хөдөлмөрийн хууль үйлчилдэг ажлын байрны 1 долоо хоногийн ажлын үндсэн цаг амралтын цагийг хасаад 40 цагаас хэтрэхгүй байх ба 1 өдөрт амралтын цагийг хасан 8 цагаас илүүгүй байна.
- Шинэчлэгдсэн хөдөлмөрийн хууль хараахан үйлчилээгүй байгаа ажлын байрны 1 долоо хоногийн ажлын цаг амралтын цагийг хасаад 44 цагаас хэтэрч болохгүй бөгөөд 1 өдөрт амралтын цагийг хасаад 8 цагаас илүүгүй байна.
- 20 хүнээс бага ажилчинтай жижиг хэмжээний үйлдвэрийн газруудын хөдөлмөрийн цаг 2011 оны үеэс долоо хоногт 40 цаг болох төлөвтэй байна.

(2) Амралтын цаг

- Амралтын цаг нь хөдөлмөрийн 4 цаг тутамд 30 минут, хөдөлмөрийн 8 цаг тутамд 1 цагаас доошгүй байна.
- Ажилчин өөрийн амралтын цагаа чөлөөтэй ашиглах эрхтэй бөгөөд ажил олгогч амралтын цагийн мөнгө олгохгүй байж болно.

(3) Илүү цагаар ажиллах, шөнийн цагаар ажиллах, амралтын өдөр ажиллах

- Хуульд заасан 8 цагаас илүү ажиллахыг илүү цагаар ажиллах гэнэ.
- Шөнийн цагаар ажиллах гэдэг нь 22 цагаас 06 цаг хүртэлх хугацаанд ажиллахыг хэлнэ.
- Амралтын өдөр ажиллах гэдэг нь хуульд заасан амралтын өдөр (долоо хоногийн Бямба, Ням гариг, ажилчдын өдөр гэх мэт) болон гэрээнд заасан амралтын өдөр (тухайн аж ахуйн нэгжийн тогтоосон амралтын өдөр) ажиллахыг хэлнэ.
- Илүү цагаар, шөнийн цагаар, нийтийн амралтын өдөр ажилласан тохиолдолд хөдөлмөрийн хөлсийг хуульд заасны дагуу 1,5 дахин их байхаар бодож олгоно.

(4) Ээлжээр ажиллах

- 24 цагийн тасралтгүй ажиллагаатай үйлдвэрийн хувьд ажилчдаа хоёр болон гурван ээлжээр хуваан ажиллуулахыг ээлжээр ажиллах гэнэ.
- Ээлжээр ажилладаг үйлдвэрт ажилчид нэг нэг долоо хоногоор өдрийн болон шөнийн ээлжинд солигдон гардаг.
- Мөн өдөр, шөнийн ээлж анхнаасаа тус тусдаа байдаг үйлдвэр ч бий.



4_Цалин хөлс

Ангилал	Агуулга
Хөдөлмөрийн хөлсний доод хэмжээ	- Ажилчдын амжиргааны баталгаажих доод түвшинг хамгаалах үүднээс хуулиар тогтоосон хөдөлмөрийн хөлсний хамгийн бага хэмжээг хөдөлмөрийн хөлсний доод хэмжээ гэнэ. - Бүх аж ахуйн нэгж, үйлдвэр үйлчилгээний газар үүнийг даган мөрдөнө. 2009 оны байдлаар хөдөлмөрийн хөлсний доод хэмжээ 1 цаг тутамд 4,000 won, 1 өдөрт 32 мянган won байгаа ба 2010 онд 1 цаг тутамд 4,110 won, 1 өдөрт 32,880 won болно.
Хөдөлмөрийн хөлсний доод хэмжээ	- Хөдөлмөрийн хөлс олгох гэрээнд цагаар, өдрөөр, сараар, жилээр гэсэн тогтолцоо байдаг. - Хөдөлмөрийн хөлсийг үйлдвэрийн газруудад сараар тооцон олгодог бол барилгын салбарт өдрөөр тооцон олгох нь их бий. Хөдөлмөрийн хөлсийг цагаар тооцон олгох гэрээ байгуулсан ажилчин нь өөрийн ажилласан цагаараа тооцох бөгөөд түүнийг өдөр өдрөөр авах, ихэнх тохиолдолд сарын тодорхой нэг өдөр тооцуулан авдаг. - Хөдөлмөрийнхөө хөлсийг үнэн зөвөөр тооцуулж байгаа эсэхээ шалгаж байх хэрэгтэй бөгөөд үүний тулд өдөр бүр хөдөлмөрийнхөө цагийг тэмдэглэн баримтжуулан үлдээж байх нь ач тустай байдаг. Харин компанийн зүгээс ажлын цаг бүртгэх карт хөтөлдөг бол тэгэх шаардлаггүй юм.
Ажлаас халагдсаны мөнгө	- Ажлаас халагдсаны мөнгө авах гэвэл хөдөлмөрийн хуулиар заасан ажилчин байх ёстой. - Харин долоо хоногийн хөдөлмөрийн цаг 15 цагаас ихгүй бол тухайн ажилчинд ажлаас халагдсаны мөнгө олгогдохгүй. - Зөвхөн 5-аас дээш ажилчинтай ажлын байранд ажилладаг ажилчин л авах боломжтой. - Компанид 1 жилээс дээш хугацаагаар ажилласан байх ёстой.



3» Хөдөлмөрийн даатгал

Компанийн зүгээс ажилгүй болох үед урьдчилан бэлтгэж ажил олгогч ба ажилчин сар бүр цалингийн тодорхой хувийг хөдөлмөрийн даатгалд хураамж болгон төлдөг. Ажилчин ажилгүй болвол хөдөлмөрийн даатгалын сангаас ажилгүйдлийн тэтгэмж олгож, мэргэжлийн сургалтанд хамрагдах боломжоор хангадаг.

1_Ажилгүйдлийн тэтгэмж

Ажилчин ажилгүй болсон үед тодорхой хугацаанд тэтгэмж олгосноор ажилгүйдсэний улмаас үүссэн амьжиргааны тогворгүй байдлыг давж гархад нь туслаж, дахин ажилд орох боломж олгодог тогтолцоо юм.

- Ажилгүйдлийн тэтгэмж нь ажилгүй болсон иргэдийн сэтгэл санааг тайтгаруулах гэсэн мөнгөн тэтгэмж, хөдөлмөрийн даатгалын хураамж төлснийх нь төлөө олгож байгаа төлөөс мөнгө огт биш.
- Ажилгүйдлийн тэтгэмж нь дахиж ажилд ороход нь дэмжлэг үзүүлэх зорилгоор олгодог мөнгөн тусламж юм.
- Ажилгүйдлийн тэтгэмжийг ажлаас халагдсаны дараа өдрөөс эхлэн 12 сар хэтрэх юм бол олгогддоггүй.

(1) Хамрагдах хүн

Доох бүх шаардлагыг хангаж байвал ажилгүйдлийн тэтгэмжид хамрагдана.

- Хөдөлмөрийн даатгалд даатгуулсан ажлын байранд 6 сараас дээш хугацаагаар ажилласан бол
 - Өөрийн хүсэл сонирхлоос үл харгалзан ажилгүй болсон бол
 - Дахин ажилд орох гэж идэвхитэй хөөцөлдөж байгаа бол
- (Харин, өөрөө ажлаасаа гарсан юм уу, ажилдаа томоохон хохирол учруулж ажлаас халагдсан тохиолдолд ажилгүйдлийн тэтгэмж олгогдохгүй.)



Мэдэхэд илүүдэхгүй

Хөдөлмөрийн даатгалд хамрагдах эрх

БНСУ-ын иргэншилтэй хүн ажилд орсон тохиолдолд Хөдөлмөрийн даатгалд заавал хамрагдах бөгөөд харин тус улсын харъяат бус тохиолдолд хамрагдах эсэхээ сонгож болно. Харин нэг сарын хөдөлмөрийн цаг 60 цаг (нэг долоо хоногийн хөдөлмөрийн цаг 15 цаг)-аас ихгүй тохиолдолд хамрагдах боломжгүй.


(2) Ажилгүйдлийн тэтгэмжид хамрагдах

- Ажилгүйдлийн тэтгэмж = Ажлаас халагдахын өмнөх дундаж цалингийн 50% × олгох хоног
- Ажилгүйдлийн тэтгэмж олгох хоног: Ажилгүйдлийн тэтгэмжийг ажлаас халагдсан тухайн үеийн нас, хөдөлмөрийн даатгалд хамрагдсан цаг үеээс хамаарч доод тал нь 90 хоногоос дээд тал нь 240 өдөр хүртэл авч болно. Ажилгүйдлийн тэтгэмжид хамрагдах

Ажилгүйдлийн тэтгэмж олгох хоног(тогтоосон хоног). Насыг ажлаас халагдсан үеийн насаар тооцно.

Нас, даатгуулсан хугацаа	1 жилээс бага	1-3 жилээс бага	3-5 жилээс бага	5-10 жилээс бага	10 жилээс дээш
30-с доош насны	90 өдөр	90 өдөр	120 өдөр	150 өдөр	180 өдөр
30~50-с доош нас	90 өдөр	120 өдөр	150 өдөр	180 өдөр	210 өдөр
50-с дээш насны болон тахир дутуу иргэн	90 өдөр	150 өдөр	180 өдөр	210 өдөр	240 өдөр

(3) Ажилгүйдлийн тэтгэмж хүсэх үе шат



4» Үйлдвэрлэлийн ослын даатгал

1_Үйлдвэрлэлийн осол

Үйлдвэрлэлийн ослын нөхөн олговорын тогтолцоо нь ажилчин үйлдвэрлэлийн осолд орсон үед улсаас нөхөн олговор олгодог даатгалын тогтолцоо бөгөөд бүх аж ахуйн нэгжид энэхүү тогтолцоо үйлчилдэг. Тодорхой нөхцөл шаардлагыг хангаж Хөдөлмөрийн халамжийн агентлагт тэтгэмжийн хүсэлт гаргах юм бол агенттлагаас шалгасны үндсэн дээр нөхөн олговор олгогддог.

(1) Үйлдвэрлэлийн ослын талаарх үндсэн ойлголт

- Үйлдвэрийн ослын нөхөн төлбөрийн өргөдлийг компанийн зүгээс хариуцаж гаргах тохиолдол олон. Хэрэв компаний зүгээс өргөдөл гаргаж өгөхгүй байх тохиолдолд хувь хүн өөрөө эсвэл гэр бүлийнхэн нь Хөдөлмөрийн сайн сайхны төлөөх цогцолбор(☎ 1588-0075) дээр очиж өргөдөл гаргах юм уу зөвлөгөө дэмжлэг үзүүлэх байгууллагаас туслалцаа хүсэх хэрэгтэй.
- Үйлдвэрийн осол гарсан үед анхан шатны эмчилгээ хамгийн чухал байдаг бөгөөд заавал мэргэжлийн эмчийн онош зааврын дагуу эмчилгээ хийх шаардлагатай. Ялангуяа хуруугаа тайрсан үед 24 цагийн дотор тасарсан хуруугаа авч очвол наах мэс засал хийж болдог. Тиймээс эмнэлэг рүү дагуулж очихыг шаардах хэрэгтэй.
- Ажил хийж байгаад гэмтсэн бол өөрийн буруугаас болсон ч байлаа үйлдвэрийн ослын нөхөн төлбөрт хамрагдана. Ажил тасалсны болон тахир дутуугийн нөхөн төлбөрийн мөнгийг өөрийн нэр дээрх дансаар шилжүүлж авч болно. Тиймээс аж үйлдвэрийн ослын эмчилгээ хийлгэх үедээ банкны дэвтэр нээж сайн хадгалах хэрэгтэй.
- Үйлдвэрийн ослын эмчилгээ хийлгэж байх үед ажилтныг ажлаас халах юм уу албадан эх оронд нь буцааж болохгүй. Гадаадын ажилчдын дунд үйлдвэрийн осолд орсон үедээ хууль дүрэм сайн мэдэхгүйгээс болж эх орондоо буцах арга хэмжээнд орсон хүн ч байдаг. Цаашилбал үйлдвэрийн ослоор нас барсан гадаадын ажилчны ар гэрийнхэн Солонгосын байдлыг сайн мэдэхгүйгээс нөхөн төлбөр авч чадаагүй байх тохиолдол ч бий. Энэ мэтээр хохирохгүй байх үүднээс үйлдвэрийн осолд ормогц зөвлөгөө дэмжлэг үзүүлэх байгууллагад хандан өөрийнхөө эдлэх ёстой эрхийнхээ талаар мэдэж авч байя.


(2) Хамрагдах хүн

Үйлдвэрлэлийн ослын нөхөн олговорын тухай хууль үйлчилдэг аж ахуйн нэгж, ажлын байранд харьяалагддаг ажилчин ажил дээрээ гэмтэх, өвчлөх, хүнд гэмтэх юм уу нас барсан тохиолдолд хүсэлт гаргаж болдог.

(3) Бичиг баримт бүрдүүлэх

Осол гарсан цаг өдөр, юу тохиолдсон талаар аль болох нарийн дэлгэрэнгүй бичнэ. Бичиг баримт бүрдүүлэхдээ эмчлүүлэн сувилуулах өргөдөл, амралтын цалингийн өргөдөл, хүнд гэмтлийн нөхөн төлбөрийн нэхэмжлэл(шаардлагатай бол), эмчилгээ сувилгааны зардлын нэхэмжлэлийг тус бүр 3 хувь бичиж ажилчин, компани, эмнэлгийн тамга тэмдгийг дарсны дараа эхлээд эмчлүүлэн сувилуулах өргөдөл, амралтын цалингийн өргөдлийн эх хувийг Хөдөлмөрийн халамжийн агентлагт явуулна.

(4) Нөхөн төлбөр олгох үе шат




(5) Үйлдвэрлэлийн ослын даатгалын тэтгэмжийн төрөл

Ангилал	Агуулга
Эмчилгээ сувилгааны тэтгэмж	Ажиллаж байгаад гэмтэж, өвчин туссан тохиолдолд эмнэлгийн байгууллагаас тухайн өвчнийг эмчлэхэд зарцуулагдах зардлыг бүрэн эмчлэгдэх хүртэл бодитоор олгодог тэтгэмж
Амралтын цалин	Эмчилгээ сувилгаа хийлгэн ажлаа хийж чадахгүй байгаа хугацаанд нь үйлдвэрлэлийн осолд орсон ажилчин болон түүний гэр бүлийн амьжиргааны баталгааг хангах зорилгоор цалингийн оронд олгодог тэтгэмж
Хүнд бэртлийн тэтгэмж	Ажиллаж байгаад осолд орж түүнийгээ эмчлүүлсэн ч гэсэн ослоос үүдэлтэй гэмтэл бэртэл үлдсэн тохиолдолд гэмтлийн зэргээс хамаарч олгодог тэтгэмж
Ар гэрийхэнд олгох тэтгэмж, оршуулгын зардал	Ослын улмаас нас барсан үед ар гэрийнхэнийх нь амьжиргааны баталгааг хангах зорилгоор ар гэрийнхэнд нь олгодог тэтгэмж, оршуулгын зардал

2_Аюулгүй байдлын үндэс зарчим

Аж үйлдвэрийн аваар ослоос урьдчилан сэргийлэх хамгийн эхний нөхцөл бол ажлын байр, эргэн тойрны зам газрыг байнга цэвэрлэж эмх цэгцтэй байлгах явдал юм. Зам дээр байгаа хөлд тээглэх эд зүйлсийг цэгцэлж халтиргаатай газар байгаа эсэхийг байнга шалгаж байх хэрэгтэй. Одоо бүх ажлын байран дээр сахих ёстой аюулгүй байдлын зарчмын талаар танилцуулая.

- Хортой бодисыг төрөл тус бүрээр нь тогтоосон газар саванд хадгалах
- Ажил хийх үедээ ажлын хувцас өмсөх, ажлын байранд тамхи татахгүй байх, хоол идэхгүй байх.
- Аюулгүй байдлын малгай, гутал гэх мэт хамгаалах хэрэгслийг заавал хэрэглэх.
- Эргэлдэж байгаа машинд хүрэх үедээ даавуун бээлий бус ажлын бээлий өмсөх.
- Тайрах, хэрчих гэх мэт үл үзэгдэх тоосонцор, үртэс их гардаг ажил хийх үедээ хамгаалалтын шил зүүх.
- Угаалгын нунтаг, цавуу гэх мэт хортой бодис ордог ажил хийх үедээ хамгаалалтын маск зүүх.
- Аваарын хаалга хаана байдгыг ажиглах.
- Түргэн тусламжийн хайрцаг, хүчил төрөгчийн байршлийг мэдэх.
- Аюулгүй байдлын тэмдэг. анхааруулах тэмдэг зэргийг сайн унших.
- Хоол идэх үедээ гараа угаах.



3_Заавал мэдэж байх ёстой аюулгүй ажиллагааны тэмдгүүд

				
Хэрэглэж болохгүй	Сууж болохгүй	Гал гаргах болохгүй	Гадны хүн нэвтэрч болохгүй	Ус асгаж болохгүй
				
Сууж болохгүй	Цахилгаан гүйдлээс сэрэмжил	Аюултай газар	Дэлбэрэх бодис	Шатах бодис
				
Хорт бодис	Эргэлддэг эд зүйл	Унахаас болгоомжил	Хальтрахаас болгоомжил	Хавчуулагдахаас болгоомжил
				
Хамгаалалтын шил зүүх	Тоосны маск зүүх	Чихэвч зүүх	Нурж унахгүй байхаар хийнэ үү.	Ажлын гутал өмсөх

5» Төрөхийн өмнөх болон төрсний дараах амралт

Жирэмсэн эхчүүд хүүхдээ төрүүлэхийн өмнө болон төрсний дараа амралт авах эрхтэй. Мөн төрөөд 1 нас хүрээгүй байгаа хүүхдээ асрахын тулд хүүхэд асрах чөлөө авч болно

1_Төрөхийн өмнөх амралт

(1) Хамагдах хүн

- Хүүхэд өргөж авсан эхчүүд ч бас хүүхэд асрах чөлөө авах боломжтой боловч төрөхийн өмнөх буюу төрсний дараах амралтыг хүүхэд тээж, төрүүлсэн эмэгтэйд л авах боломжтой.
- Энэ журам нь хөдөлмөрийн гэрээний хэлбэрээс хамаарахгүйгээр хөдөлмөрийн хуулийн хүрээнд ажил хөдөлмөр эрхэлж байгаа бүх эмэгтэйчүүдэд үйлчилнэ.

(2) Төрөхийн өмнөх амралтын хугацаа

- Ураг дахь хүүхдийн өсөлт бойжилт хэвийн явагдаж байгаа жирэмсэн эхчүүдийн төрөх болон төрсний дараах амралтын хугацаа нийлээд 90 хоног байна.
- Төрөхийн өмнөх амралтын хугацаа нь төрөхөөс өмнө 45 хоногоос дээш байна.
- Төрөхийн өмнөх болон төрсний дараах амралт нь тухайн ажлын байранд ажиллаж буй ажилчинд олгогддог учир амарч байх хугацаанд нь хөдөлмөрийн гэрээ дуусгавар болсон тохиолдолд гэрээ дуусгавар болсон үеэс эхлэн төрөхийн өмнөх болон төрсний дараа амралт ч бас дуусна.

(3) Төрөхийн өмнөх амралтын тэтгэмж

- Төрөхийн өмнөх амралтын хугацаанд амралтын тэтгэмж олгоно.
- Томоохон корпорацийн хувьд 60 хувийг компанийн зүгээс 100%-ийн үндсэн цалингаар тооцон олгох бол үлдсэн 30 хувийг Хөдөлмөрийн даатгалын сангаас олгоно.
- Жижиг дунд аж ахуйн нэгжийн хувьд 90 хоногийн амралтын тэтгэмжийг Хөдөлмөрийн даатгалын сангаас олгоно.

(4) Төрөхийн өмнөх амралтын тэтгэмж хүсэх

Төрөхийн өмнө болон төрсний дараах амралтын тэтгэмж авахыг хүссэн ажилчин нь ажил олгогчоосоо төрөхийн өмнөх буюу төрсний дараах амралтын бичиг авч өргөдлийн хамт өөрийн оршин сууж буй газар болон ажлын байрны харьяалагдах Хөдөлмөр эрхлэлтийг дэмжих төвд аваачиж өгнө.



Бүрдүүлэх бичиг баримт

- Ажлын газраасаа авах бичиг баримт : Төрөхийн өмнө болон төрсний дараах амралт олгосон тодорхойлолт, цалингийн хүснэгт, хөдөлмөрийн гэрээний хуулбар зэрэг цалингийн хэмжээг нотлох баримт бичиг
- Хөдөлмөрийн Яамны вэбсайт болон Хөдөлмөр эрхлэлтийг дэмжих төвөөс авах баримт бичиг : Төрөхийн өмнө болон төрсний дараа амралтын тэтгэмж хүсэх өргөдөл

2_Дутуу төрөлт ба амьгүй төрөлтийн амралт

(1) Хамрагдах хүн

- Дутуу төрөлт ба амьгүй төрөлтийн амралт нь ураг дах хүүхэд аяндаа дутуу төрсөн тохиолдолд, жирэмсний 16 дах долоо хоногоос хойш жирэмсний хугацаанаас хамаарч ялгаатай олгогдоно.
- Хөдөлмөрийн хуулинд зааснаар 1-ээс дээш ажилчинтай ажлын байранд ажилладаг эмэгтэй ажилтан гэрээний хэлбэр(байнгын ажилтан, түр ажилтан)-ээс үл хамааран энэхүү амралтыг авч болно.

(2) Дутуу төрөлт ба амьгүй төрөлтийн амралтын хугацаа

- Жирэмсний 16 дах долоо хоногоос өмнө дутуу төрсөн тохиолдолд амралт авах боломжгүй.
- 16 дах долоо хоногоос хойш дутуу төрсөн бол эхийн биеийн байдал сайжирсан хугацаанаас хамаарч амралт олгогдоно.
 - Жирэмсний 16~21 долоо хоногийн дотор: Дутуу төрсөн юм уу амьгүй хүүхэд төрүүлсэн өдрөөс эхлэн 30 хүртлэх өдрийн амралт
 - Жирэмсний 22~27 долоо хоногийн дотор:: Дутуу төрсөн юм уу амьгүй хүүхэд төрүүлсэн өдрөөс эхлэн 60 хүртлэх өдрийн амралт
 - Жирэмсний 28 долоо хоногоос дээш: Дутуу төрсөн юм уу амьгүй хүүхэд төрүүлсэн өдрөөс эхлэн 90 хүртлэх хоног

(3) Дутуу төрөлт ба амьгүй төрөлтийн амралтын тэтгэмж

- Дутуу төрөлт ба амьгүй хүүхэд төрүүлсний амралтын тэтгэмж нь төрөхийн өмнө болон төрсний дараах амралтын адил хэмжээгээр олгогдоно.
- Том аж ахуй нэгжийн хувьд амралтын хугацааны доод таль нь 60 өдрийг компаниас, 60 өдрөөс хэтэрсэн 30 хоногийг хөдөлмөрийн даатгалын сангаас олгоно.
- Тэтгэмж олгох нэн шаардлагатай том аж ахуйн нэгж(жижиг дунд аж ахуйн нэгж)-ийн хувьд нийт амралтын хугацаа буюу 90 хоногийг хөдөлмөрийн даатгалын сангаас олгоно.

(4) Дутуу төрөлт ба амьгүй төрөлтийн амралтын тэтгэмж хүсэх

Дутуу төрөлт ба амьгүй хүүхэд төрүүлсний амралтын тэтгэмж авах гэж буй ажилчин нь ажил олгогчоосоо дутуу төрөлт ба амьгүй хүүхэд төрүүлсний амралтын бичиг авч өргөдлийн хамт жирэмсний 16 долоо хоногоос хойш дутуу төрсөн, амьгүй хүүхэд төрүүлсэн гэдгийг нотлох эмнэлгийн байгууллагын тодорхойлолтыг өөрийн оршин суугаа газар болон ажлын байрны харьяалагдах Хөдөлмөр эрхлэлтийг дэмжих төвд аваачиж өгнө.

3_Хүүхэд асрах чөлөө

Төрөөд 3 нас хүрээгүй байгаа нялх хүүхэдтэй ажилчин хүүхдээ асрах зорилгоор 1 жилийн хугацаатай чөлөө авч болно.

(1) Хамрагдах хүн

- Тухайн ажлын байран дээр 1 дээш жил ажилласан бөгөөд 3 нас хүрээгүй нялх хүүхэд бүхий эрэгтэй эмэгтэй ажилчин хүүхэд асрах чөлөө авах өргөдөл гаргаж болно.
- Хүүхэд асрах асуудлаас болж ажлаасаа гарах явдлаас сэргийлж ажлын байраа хадгалахын зэрэгцээ хувийн аж амьдралаа өөд нь татах боломжийг олгодог энэ цалинтай чөлөөг бага насны хүүхэдтэй ямар ч эцэг эх авах эрхтэй.

(2) Хүүхэд асрах чөлөөний хугацаа

- Хүүхэд асрах чөлөөний хамгийн дээд хугацаа нь 1 жил байна.

(3) Хүүхэд асрах чөлөөний тэтгэмж

- Хүүхэд асрах чөлөө нь цалингүй байдаг боловч, амьжиргааны баталгаат байдлаа хадгалангаа хүүхдээ өсгөх боломжоор хангаж хөдөлмөрийн даатгалын сангаас сард 500 мянган воны хүүхэд асрах чөлөөний тэтгэмж олгодог.
- Хүүхэд асрах чөлөөний тэтгэмжээс гадна хүүхэд асрах чөлөө олгоход зориулж ажил олгогчид дэмжлэгийн мөнгө(сард 200 мянган вон), орны ажилчин хөлслөх дэмжлэг (сард 200~300 мянган вон)-ийн мөнгийг олгодог.

(4) Хүүхэд асрах чөлөөний тэтгэмж хүсэх

- Чөлөө авахаас 30 хоногийн өмнө ажил олгогчид хүүхэд асрах чөлөө хүссэн өргөдөл гаргана.
- Хүүхэд асрах чөлөө хүссэн өргөдөл нь Хөдөлмөрийн Яамны интернэт хуудас болон Хөдөлмөр эрхлэлтийг дэмжих төв дээр байна.
- Оршин суугаа газар болон ажлын газраа хамаарах Хөдөлмөр эрхлэлтийг дэмжих төвд Хүүхэд асрах чөлөөний тэтгэмж хүссэн өргөдлийг ажил олгогчоосоо авсан Хүүхэд асрах чөлөө олгосон 202 тодорхойлолтын хамтаар бүрдүүлж өгнө.



Memo





БНСУ-д
ажиллаж, амьдарч
байгаа гадаадын
иргэдэд зориулсан
гарын авлага

Х

Соёлын амьдрал ба аялал жуулчлал

- 224 Соёлын амьдрал
- 225 Аялал жуулчлал
- 225 ЮНЕСКО-д бүртгэгдсэн дэлхийн соёлын өв
- 228 Улсын дархан цаазат газрууд
- 229 Аялал жуулчлалын гол газрууд
- 240 Музей, уран зургийн галлерей
- 243 Парк – Соёл амралтын хүрээлэн
- 245 Гадаад иргэдийн гудамж



1» Соёлын амьдрал

Солонгос улсад амралт, чөлөөт цагаа өнгөрүүлэх соёл олон нийтийн үйлчилгээний газрууд олон бий. Дэлхийн аль ч оронд байдаг кино театр, театр зэрэг үзвэр үйлчилгээний газар олон байдгын зэрэгцээ зөвхөн Солонгост байдаг видео өрөө, комикс номын сан зэрэг өвөрмөц үйлчилгээний газар ч бий.



Кино театр

Ихэнх кино театруудад өглөөний 9-10 цагт эхлэх киноны билетийг хямдр үнээр зардаг. Баасан, бямба, ням гаригт шөнийн 12 цаг өнгөртөл шөнийн үзвэртэй газрууд ч бий. Сүүлийн үед 10-аас дээш тооны кино танхимтай мультплекс кино театрууд олширсон бөгөөд 1 газарт олон киноны дотроос дуртайгаа сонгож үзэх боломж олгосноороо онцлог юм.



Видео болон DVD өрөө

Видео болон DVD тоглуулагч суурилуулсан жижигхэн өрөөг ийнхүү нэрлэдэг. Эндхийн төлбөр кино театраас хямд бөгөөд хүссэн киногоо хүссэн цагтаа цагтаа сонгож үзэж болно.



Комикс номын сан

Зурагтай комикс номыг тодорхой төлбөртэй эзэлэн авч уншдаг газар. Ном унших суудал бэлтгэж тавьсан байдаг тул тэндээ уншсан ч болох ба гэртээ авч очоод уншиж ч болно.



Караоке

Хүссэн хугацааныхаа хэрээр мөнгөө төлөөд дуртай дуугаа дуулдаг энэ газрыг Солонгосоор “Нурэбан” гэдэг. Гадаад хүмүүс олноор амьдардаг газар Солонгос дуунаас гадна гадаад дуу ч их бий.



Интернэт кафе

Компьютер тоглоом, и-мэйл, мэдээлэл хайх, бичиг баримт шивж бэлтгэх зэрэг шаардлага гарвал энэ газрыг зориорой. Солонгост олон тооны интернэт кафе байх бөгөөд Солонгосоор “Пиши-бан” гэдэг. Төлбөр нь 1 цагт 1000-1500 вон байдаг.

2» Аялал жуулчлал

Солонгос орон үзэсгэлэнт байгаль, эртний түүх соёлын өвөөрөө дэлхийд гайхагддаг орон. Чандоггүн ордон, Сүвоны Хуасон зэрэг түүхийн дурсгал газрууд нь UNESCO-ийн дэлхийн соёлын өвд бүртгэгдсэн.

1_UNESCO-д бүртгэгдсэн дэлхийн соёлын өв



Хаадын шарил Сөүл хотын Жунну дүүрэг, 1995 онд UNESCO-ын дэлхийн соёлын өвөөр бүртгэгдсэн.

Жусон улсын хаад, хатдын нэрсийн пайз (нас барсан хүний нэрийг бичсэн жижигхэн модон пайз)-ыг хадгалдаг хааны гэр бүлийн өргөө бөгөөд улс орон, хаант төрийн оршин тогтох үндэс суурь нь хэмээн олноороо билэгдэн хүндэтгэдэг. Солонгос японы дайны үеэр түймэрт шатаж, дайны дараа 1608 онд сэргээн босгосноос хойш хэд хэдэн удаа шинэчилэн засварласны дүнд өнөө үе хүртэл хадгалагдан ирсэн юм.

✱ Метроны 1, 3, 5-р шугамны Жунну 3 га буудал 8, 11-р гарц



Хэй-ин хийдийн сударын модон дуган Кёсаннам муж Хабчон сум, 1995 онд UNESCO-ын дэлхийн соёлын өвөөр бүртгэгдсэн.

13-р зуунд бүтээгдсэн дэлхийн соёлын өв болох Гурё улсын үеийн 80 мянга орчим судар хадгалаастай байдаг гэсэн мэдээ байдаг ба дэлхийн цор ганц судар хадгалах зориулалтай дуган юм. Энэхүү дуган нь модоор баригдсан бөгөөд гал, чийг, хорхой зэрэг гадны элдэв нөлөөг маш сайн тэсвэрлэн 750 гаруй жил эвдэрч сүйдэлгүй хадгалагдаж байна.

✱ 88 Олимпын хурдны зам Хэй-ин хийд IC → Гаясан (Хэйнса) чиглэлийн 1033-р орон нутгийн замаар хойд зүгт 14км



Бүлгүтса-Соггүрам Кёнсанбүт муж Кёнжү хот, 1995 онд UNESCO-ын дэлхийн соёлын өвөөр бүртгэгдсэн.

1,440 жилийн өмнө Шилла улсын Бобхын хааны 22-р онд түүний ээжийн санаачилгаар байгуулагдсан бөгөөд түүнээс хойш Шилла улсын Гёндог хааны үед Ким Дэйсон дахин барьж сүм дуганы нүүрэн талыг шинэчилсэн. Солонгос японы дайны үед байшин барилга төдийгүй үнэ цэнэтэй эд зүйлс бараг бүгд шатаж, устан 1920 оноос өмнө зарим барилга, цамхаг л үлдсэн байсан боловч, нөхөн сэргээж засварласны үр дүнд өнөөгийн дүр төрхөө олсон юм.

Бүлгүтсагаас уулын нурууг дагаж 3км орчим(засмал замаар 9км) өгсөж явах юм бол дорно дахины алдарт бүтээл болох Соггүрам байдаг.

✱ Кёнжү зогсоолын автобусны терминалаас 10,11 дугаарын автобус, 101,102 дугаарын суудлын автобусаар явна.



Сүвоны Хуасон цайз Кёнгү мужийн Хуасон хот, 1997 онд UNESCO-ын дэлхийн соёлын өвөөр бүртгэгдсэн.

Жонжу өөрийн аав Садусэйжагийн шарилыг Сүвон руу зөөх үед босгосон цайз бөгөөд өргөгч, зөөгч зэрэг шинэ технологи төхөөрөмж хэрэглэж барьжээ. Хуасон цайз нь цэрэг, худалдааны зориулалтаар ашиглагдаж байсан ба бүтэц хэлбэрийн хувьд маш өвөрмөц, дорны алдарт цайзуудын нэг юм.

✱ Метроны 1-р шугам Сүвон буудал, 4-р шугамын Садан буудлаас 7000, 7700 дугаарын автобусаар явна.



Чандоггүн ордон Сөүл хотын Жунну дүүрэг, 1997 онд UNESCO-ын дэлхийн соёлын өвөөр бүртгэгдсэн.

1610 онд Гуанхэгүн хааны үеэс 1866 онд Гужун их хаан Кёнбүггүн ордныг байгуулах хүртэл нийт 258 жилийн турш Жусон улсын орднууд дунаас хамгийн урт удаан хугацаагаар олон хаанаар гар дамжиж боссон ордон юм. Ордны арын цэцэрлэг болох Бивоноороо алдартай Чандоггүн ордонд Жусон улсын үеийн цэцэрлэгт хүрээлэн сүйдэж эвдрээгүй хэвээр хадгалагдаж байдаг.

✱ Метроны 3-р шугамын Ангүг буудал(Долоо хоног бүрийн даваа гарагт амрана.)



Кёнжүгийн түүх соёлын дурсгалт газар Кёнсанбүг муж Кёнжү хот, 2000 онд UNESCO-ын дэлхийн соёлын өвөөр бүртгэгдсэн.

Кёнсанбүг мужийн зүүн өмнөд хэсэгт орших Кёнжү хот нь МЭӨ 57-р оноос МЭ935 оныг хүртэл 56 хаан удирдан захирч, 1000 жилийн турш хаант ёс ноёрхож байсан Шилла улсын нийслэл бөгөөд Солонгосын соёлын эх үүсвэр болох Шилла улсын түүх, соёлыг хадгалсан өвөрмөц хот юм.



Канхуа·Гучан·Хуасүны чулуун булш 2000 онд UNESCO-ын дэлхийн соёлын өвөөр бүртгэгдсэн.

Чулуун булш(гуиндуль) гэдэг нь ‘чулууг овоолох’ гэсэн утгатай бөгөөд төмөр зэвсгийн үеийн гол төлөөлөх булш юм. Музейн гадна оршдог төмөр зэвсгийн үеийн түүхийн дурсгалуудын нэг юм. Голдуу ширээ хэлбэртэй байдаг ба Солонгосын хойгийн төв хэсгээс, Жолла муж юм буу Кёнсан муж зэрэг өмнөд хэсгээс жижиг хэмжээний чулуун булшнууд олддог.



Жусон улсын хаадын булшны 40-р үе 2009 онд UNESCO-ын дэлхийн соёлын өвөөр бүртгэгдсэн.

Жусон улс 500 гаруй жил хаант төртэй байсан ба угсаа залгамжлагч хаад хатдын булш нь бүтнээрээ үлдсэн(Жусон улсын Тэжу хаанаас эхлэн сүүлчийн их хаан Сүнжуны булш) дэлхийн цорын ганц булш юм. Жусон улсын хаадын шарил нь байгаль дэлхийтэй зохицуулдуулан барьсан уран барилга, цэцэрлэгжүүлэлтийн өвөрмөц арга, оршуулгын ёс жаяг зэрэг түүхэн ёс жаншлыг энэ үед хүртэл хадгалаж ирсэн юм.

2_Улсын дархан цаазат газрууд

Үндэсний түүх соёлын дурсгалыг хадгалсан, байгалийн үзэсгэлэн төгс бүрдсэн цэцэрлэгт хүрээлэн, дархан цаазат газар Солонгост олон бий. Эдгээр газрыг хуулиар чанд хатуу хадгалан хамгаалсаар иржээ. Улсын дархан цаазат газрыг хамгаалдаг агентлагийн вэб(www.knps.or.kr)-ээс илүү тодорхой мэдээллийг авч болно.

Нэр	Онцлог	Байршил
Жирисан уул	1,500м гаруй өндөр оргилтой	Жонбүг, Жоннам, Кённам нутгийг эзлэн оршдог.
Кёнжү	Бүлгүгса сүм, Бурханы цамхаг, Бурханы агуй зэрэг Шиллагийн үеийн дурсгалууд	Кёнбүг, Кёнжү
Гейрюнса	Бэгжэгийн үеийн дурсгал, Эртний сүм дуган (Дунхагсүм, Габ сүм, Шинвонь сүм), үзэсгэлэнт хүрхрээ	Чүннам Гунжү Нунсан, Тэжон нутгийг эзлэн оршдог.
Халлёо олтирог	Цагаан дэглий, Саарал дэглийн орон болсон Тогоруут арал (Байгалийн дурсгалт газар)	Жоннам Ёо-Сү, Кённам Тун-ёон нутгийг эзлэн оршдог
Сорагсан уул	Бэгдам хийд, Чонбүльдон хавцал, У-Сэг халуун рашаан, Дэсын хүрхрээ	Канвон, Сугчу хот, Янг-Ян сум, Инжэ сумын газар нутагт байдаг.
Сугнисан уул	Мүнжандэ, Бобжү хийд, Жон-И Пүмсун нарс мод	Канвон, Сугчу хот, Янг-Янг сум, Инжэ сумыг эзлэн оршдог.
Ханла уул	Солонгосын хамгийн өндөр цэг болох Халла уул (1 950 м), Бэгнугдам цөөрөм	Жэжү арал
Нэйжан уул	Намрын шар улаан навчис, Навчны баяр, Нэжанг сүм	Жолланамбүг аймаг
Гаяа уул	Солонгосыг төлөөлөх байгалийн үзэсгэлэнт найман газрын нэг, Хэ-Инх сүм	Кённам Хабчон сум, Гочань сум, Кёнбүг Сонжү сум
Догноү уул	8 хавцал, Мүжү Гүчон агуй, Өвлийн үзэсгэлэнт байгаль	Жолла аймаг, Кёнсан аймаг
Удэй уул	Вольжон сүмийн 8 талт 9 давхар суврага, Сангвон сүм, Соёлын дурсгалт газар	Канвон аймгийн Каннын хот, Хунчон сум
Жууан уул	Өвөрмөц хадан хясаа, Хүрхрээ	Кёнбүг Чонсун дүүрэг, Ёндог дүүрэг
Бүгхан уул	Сүм хийд, хавцал, Соёлын дурсгалт газар	Сөүлийн хойд хэсэг
Чианг уул	Биру оргил, Сангвонь сүм	Канвон аймаг Вонжү хот, Хүэнсон сум
Вораг уул	Сүм хийд, хавцал, Соёлын дурсгалт газар	Чүнбүг Жэчон, Чүнжү, Дань-Янь, Мүнгёон
Субэйг уул	Биру оргил, Улсын одон орон судлалын цамхаг	Чүнбүг аймаг Дань-Ян, Кёнбүг аймаг ёонжү
Волчүл уул	Хүрхрээ, Өвгөн нарс мод, Хулс мод, Намрын шар улаан навчис, Өвөрмөц хадан хясаа	Жоньнам ёоннам сум, Канжин сум

3_Аялал жуулчлалын гол газрууд

(1) Сөүл ба Сөүл орчмын газар



Кёнбүтгүн ордон Уг ордныг 1395 онд Жусон улсын их хаан Тэжу бүтээн босгосон юм. 1592 оны Солонгос японы дайны үеэр сүйтгэгдэж 1800 оны үед Гужун их хаан сэргээн босгожээ. Гэнжон өргөө, Хянвон өргөө, Амисан яндан хэвээр үлдэж Солонгосын уламжлалт соёлын өвийн гоо үзэмжийг тусган харуулсан байдаг.

✱ Метроны 3-р шугам Кёнбүтгүн буудал 1-р гарц



Чонъгэчон горхи 40 жилийн турш зам гүүрээр ашиглаж байсан Чонъгэчоны горхийг сэргээн босгосон юм. Нийт 5.8км урттай, Мужон, Гуантун, Бодэл, Дүмүл зэрэг нийт 22 гүүр, 9 усан оргилууртай. Чонгэ талбай, Гуантун гүүр, Жонжубан машин зам, загварын талбай, Чонгэчоны угаалгын газар, Хүслийн хана, Ханэлмүл газар, Бодэл цэцэрлэг гэх мэт олон төрлийн газрууд байдаг.

✱ Сөүлийн мертоны 1, 2-р шугамны Шичон буудал, 5-р шугамны Гуанхуамүн буудал, 2-р шугамны Элжиру ибги буудлаас явган явна.



Жугэса хийд Жугэса хийд нь 1910 онд Гагхуан хийдийн буурин дээр үүсчээ. Солонгосын буддын шашны гол төв сүм хийд юм. Жугэса хийдийн дуган, дуганы ард байрлах байшин нь Жугэжун захиргаа, буддын шашны танхим бөгөөд 327-р улсын эрдэнэс болох Юунмүнсан мөргөлийн дуганы төмөр хонх, чулуун цамхаг, 9-р түүхийн ховор дурсгал болох 500 жил болж байгаа нэг царс мод байдаг.

✱ Метроны 1-р шугам Жунгаг буудлаас явганаар 10 минутын зайтай



Намсан Намсан нь Сөүлийн Жүнгү болон Юнсан дүүргийн зааг дээр байрладаг бөгөөд 262 метрийн өндөртэй уул юм. Жусон улсын эхэн үед Сөүлийг нийслэлээ болгох үед олон уултай нийлж нийслэлийг хүрээлсэн цайз хана болж байсан ба өнөө үед Солонгосын гол төвд оршиж 1 сая 20 мянга 9300 м² талбай бүхий уулархаг нутаг дэвсгэртэй Сөүлийн хамгийн том цэцэрлэгт хүрээлэн болсон байна. Орой хэсэгт нь найман талст дээвэртэй асар, Сөүл цамхаг байдаг.

✳ Метроны 3-р шугамны Тундэ ибгү буудал, 4-р шугамны Мёндун болон Чүнмүрү буудал



Солонгос үндэсний тосгон Үндэсний тосгон нь үндэсний соёлын өв баялагийг хадгалж, хүүхдүүдийн сургалт боловсрол, гадаад дотоод иргэдэд үндэсний уламжлалт соёлыг таниулах зорилгоор 1974 онд байгуулагдсан юм. Үндэсний тосгонд Жусон улсын цаг үеийн амьдралыг бүрдүүлсэн байдаг. Тариаланчдын хөгжим, олсон дээгүүр явах, морин дээрх цэргийн урлаг, үндэсний хуримын ёслол болон бусад урлагийн арга хэмжээнүүд зохион байгуулагддаг. Зах дээр нь Солонгос үндэсний өвөрмөц онцлог бүхий хоол хүнс, цагаан будааны боов, архи дарсыг амтлан үзэж болно.

✳ Метроны Жамшил болон Бүндан буудал дээрээс 1116 дугаарын автобус, метроны Каннам, Янгжэ буудлаас 1560 дугаарын автобус, Сүвон буудлаас 37 дугаарын автобусаар явна.

(2) Канвон мужийн бүс нутаг



Кёнпудэ далайн эрэг Кёнпудэ 1.8 км цагаан элсэн эрэгтэй, усны гүн дунджаар 1~2 м бөгөөд налуу багатай учраас жил бүр олон зуун хүн ирдэг газар юм. Далайн эргийн ойролцоо гацуур модны төгөл байдаг учир ой мод, далайн эргийг нэг дор харж сонирхож болох газар юм. Кёнпу онгоцны ойролцоо дугуй түрээсэлдэг учир далайн эргээр дугуйгаар аялах боломжтой. Ойр орчимд нь Сораг уул, Удэй уул гэх мэт дархан цаазат газар байдаг учир уул, далай, уулын хөндий нэг дор хослон байглийн сонинг гайхуулдаг.

✳ Кёнпу буудлаас 19-7 автобусаар 20 минут



Самчогийн Хуансон агуй Нийт урт нь 6.2км гэж таамагладаг азийн хамгийн урт шохойн агуй бөгөөд далайн түвшнээс 500м-ийн өндөрт байрлах ба 14м-ийн өргөнтэй, өндөр нь 10м арк хэлбэртэй олон салаа агуй юм. Агуйн дотор тал нь бусад шохойн агуйны адил гоёмсог чулуужсан шохой төдийгүй олон давхаргаас бүрдсэн хоёрдогч мөчлөг байдаг учир тэндээс уг агуйн үүсэл, хөгжил, өөрчлөлтийн явцыг ажиглаж болох юм.

✱ Самчогийн автобусны терминалаас автобусаар 40 минут



Сораг уул Солонгосын хойгийн гол нуруу болох Тэйбэг нурууны хамгийн өндөр оргил оршдог Сораг уул нь өмнөд Солонгосын хамгийн үзэсгэлэнтэй уул бөгөөд хавар олон төрлийн цэцэг ургаж, зун нь цэвэр тунгалаг уулын горхи урсах ба намрын өнгө алагласан навчис, цас хучсан дөрвөн улирлын аль ч үед тэнд очсон хүмүүсийн сэтгэл хөдөлдөг газар юм. Хагейрён, Миширён толгодтой залгагддаг юм.

✱ Сугчугийн хурдны автобусны терминалаас 7 номерийн автобусанд сууна.



Намисом арал 1994 онд Чонъпёны даланг босгох үед Бүгхан голын ус дүүрснээр үүссэн Кёнги муж болон Канвон мужийн зааг дээр байдаг арал юм. “Өвлийн хайрын дууль” киноны зургийг авсан газар гэдгээрээ алдартай болж япон, тайвань, хятад зэрэг азийн жуулчидад өргөн танигдсан арал юм.

Гапёны автобусны терминал болон Кёнчүнсоны Гапён буудал дээрээс такси юм уу автобусаар явна.

✱ ойролцоогоор 10 минут орчим зарцуулагдана.

(3) Төвийн бүс нутаг



Сосанын чулуун бурхан 1962 оны 12 сарын 20-нд 84 дах улсын эрдэнэсээр бүртгэгдсэн. Бунжун босоо бурхан 2.8м, Бусал ибсан бурхан нь 1.7м, Бангасан бурхан нь 1.66м-н өндөртэй. Чүнчоннам мужийн Сосан хотын Үнсан багийн Гаяа уулны хөндий дэх хадан дээр том босоо бурханыг голлуулан баруун талд нь Бусал ибсан бурхан, зүүн талд нь Бангасан бурханыг сийлсэн байдаг.

✱ Сөүлийн Намбү терминалаас автобусаар 2 цаг 20 минут



Гүннамжи Улсын 135-р түүхэн газар бөгөөд ‘Марэйбанжүг’ гэж ч нэрлэдэг ба Чүннамын Бүёо сумын Бүёо багийн Дуннамрид байрладаг Солонгосын хамгийн урт түүхтэй хиймэл цөөрөм юм. Бүёо багаас өмнө зүгт 1км-ын зайнд байдаг ба зүүн зүгт нь суурь чулуунууд, ойр хавьд нь эртний шавар дээвэр их тархсан байдаг. Мөн ойр орчимд нь боржин чулуугаар 3 давхарлаж өрсөн найман талт худаг байх ба одоо хүртэл ундны усанд хэрэглэж байна.

✱ Бүёогийн автобусны терминалаас явганаар 15 минут



Гунжүгийн Гунсан цайз Чүнчоннам мужийн Гунжү хотын Сансон дун-Гэмсондун-Угнуондунд байрлах Бэгжэ улсын үеийн цайз юм. Цайзын тойрог 2,660м-ын 1,930м нь чулуунаас, 730м нь шорооноос бүтсэн байдаг. Бэгжэ улсын үед баригдсан зүүн талын шороон хэсэг нь нөхөн сэргээлт хийгдэлгүй тэр чигээрээ байгаа ба бусад чулуун хэсэг нь нөхөн сэргээлт хийгдэж ахны төрхөө хадгалсаар байгаа юм.

✱ Гунжүгийн автобусны терминалаас 1, 3, 22 юм уу 30 номерын автобусаар 20 минут явна.



Солонгосын тусгаар тогтнолын дурсгалын музей

Улс орон учирсан аюул заналыг давж үндэстний тусгаар тогтнолын төлөө амь биеэ золиосолсон өвөг дээдсийн үлдээсэн тэмдэглэл, баримт материалыг цугуулан олон нийтэд үзүүлдэг. 1987 оны 8 сарын 15-нд Чүнчоннам мужийн Чонан хотын Дуннам дүүргийн Мугчон багийн Хэгсонсаннутг 1сая 200 мянга 8135-н пёнъгийн хэмжээтэй талбайд 37 танхимаас бүрдсэн Тусгаар тогтнолын дурсгалын музейг байгуулсан юм. Солонгос үндэстний гэр, 3 сарын 1-ний хөдөлгөөн, Мүгүнхуа хөшөө, Нэгдлийн зам, 105 хүний шат зэрэг 7 үзвэрийн танхимтай.

✳ Чонаны автобусны терминалаас Солонгосын тусгаар тогтнолын дурсгалын музейн чиглэлд явам автобус



Бобжу хийд Шилла улсад буддын шашин орж ирсэн 24 дэх жил болох Жинхын хааны 14-р онд Ышин ламын босгосон хийд юм. Дотор нь Солонгосын 3 том бурханы өргөөний нэг болох Дэүнбу өргөөг тойрон Юунхуа өргөө, Вонтун өргөө зэрэг 8 өргөө, дунда хаалга, баганан хаалга зэрэг 5 нэмэлт барилга байгууламж, мөн 3 дуган, 10 орчим лам нарын орон сууц үлдсэн байдаг.

✳ Сугнисан уулын автобусны терминалаас явганаар 20 минут




Чүнжү нуур Чүнжү хотын Жунминдун, Дуннянмёны дундах хавцлыг хааж байгуулсан нуур бөгөөд Солонгосуудын нууруудаас хамгийн том бөгөөд цэвэрхэн нь юм. Ойр хавьд нь Ворак уул, Гүин уул, Сүанбу халуун рашаан, Нудун агуй гэх мэт олон аялал жуулчлалын газрууд байдаг.



Дудам гурван орой Жангүнбун(Нампёнбун : нөхөр орой)-г тойрон зүүн талд нь Чоббун(Ддальбун : охин орой), баруун талд нь Чобун(Адильбун : хүү орой) гэсэн гурван шовгор орой усан дээр шовойн гарсан байдаг. Домогт өгүүлснээр хүүтэй болохын тулд өөр эхнэр авсан нөхөртөө уурлан буруу харж суусан эхнэрийн дүрс гэж ярьдаг. Хөгжмийн аясаар хөдлөх усан оргилуур нь жуулчдын харцыг булаадаг.

✳ Даянянь IC – 5-р улсын зам (Даяняньны чиглэл) – Санжин гүүр – Даянянь баг – 4-р улсын зам (Дудам гурван оройн чиглэл)

(4) Баруун өмнө бүс нутаг(Хунам)



Ма-и уулын чулуун цамхаг Ма-и уул нь шаварлаг чулуунаас бүрдсэн ба Эр оргил(667м), Эм оргил(673м) гэсэн хоёр том оргилтой дэлхийд цор ганц байдаг эхнэр нөхөр оргил юм. Ма-и уул нь И Габюун түшмэлийн босгосон 80-аад чулуун цамхаг байдгаараа алдартай. Чулуун цамхагийг 1800 оны сүүл үед И Габюун түшмэл ганцаараа босгосон хэмээн тэмдэглэсэн байдаг ба хүчтэй ширүүн салхи салхилсан ч огт нурдаггүй гэдэг.



Гуанханнү цамхаг Уг нэр нь Гуантуннү гэдэг байсан боловч 1444 онд мужийн захирагч Жон Инжи цамхагийн гоё сайхныг биширч энэ газрыг сарны ордонтой адил юм гээд Гуанханнү гэж нэрлэжээ. Чүняньжон зохиолд И ноёг болон Чүнянь хоёр уулзалдаж нөхөрлөсөн газар гэж гардаг бөгөөд 1920 онды үед Чүнянийн өргөөг байгуулан дотор нь Чүняний хөргийг залж хойч үеийнхэндээ Солонгос хүний үндэсэрхэг үзэл баримтлыг залгамжлуулж ирсэн юм.

✱ Намвон буудлаас таксигаар 10 минут, Намвоны автобусны терминалаас явганаар 10 минут



Хуаом хийд Гүрэй суурингаас зүүн тийш 5.4км алслагдсан Жирисан уулын хормойд байрладаг мянган жилийн турш судалсны дүнд 544 онд боссон гээд хийдийг Хуаомгён : “Будагийн сургааль судар”-ын Хуа-ом гэсэн эхний хоёр үеийг авч нэрлэсэн гэдэг. Солонгос японы дайнд шатаж үгүй болсныг 1630 онд Бёгам лам хийдийг дахин босгож 7 жилийн дараа буюу 1636 онд барьж дууссан юм.

✱ Гүрэгийн хот хоорондын автобусны терминалаас автобусаар 30 минут



Мирэг сажи Шиллагийн Сонхуа гүнжтэй гэрлэсний дараа хаан суудалд суусан Мадун буюу Мү хаан Сонхуа гүнжийн хамт Юунхуа уул(одоогийн Мирэг уул)-нд байдаг лам дээр очиж явсан чинь лянхуа цэцгэн дунд гэнэт гурван чулуун бурхан харагдаж, үүнээс болон Мирэг хийдийг байгуулах болсон гэж ярьдаг. Улсын 11-р эрдэнэс болох Мирэг хийдийн чулуун цамхагийн өндөр нь 14.24м бөгөөд Солонгосын хамгийн өндөр, хамгийн том чулуун цамхаг юм.

✱ Игсан буудлаас Ссаннын чиглэлийн 41, 60, юм уу 105 номерын автобусанд сууна.



Наган цайз Цайз дотроо сүрлэн гэр, захтай энэхүү цайз Жусон улсын үеэс хойш маш сайн хадгалагдаж иржээ. Энд нийт 108 өрх одоо хүртэл эртний соёлоо хадгалан солонгосын уламжлалт амьдралын хэв маягаар амьдарч байна. Андуны Хажвэ тосгон шиг ноёд түшмэд амьдардаггүй голдуу эгэл жирийн ард иргэд амьдарч байсан эртний дүр төрхөө хадгалсан байдаг.


✱ Сүнчоны экспресс автобусны терминалаас 63 номерын авт обусаар 30 минут



Уанъин докторын түүхэн дурсгал Гүрим тосгоноос зүүн тийш Мүнпилбун уулын ирмэгт Уанъин докторын амьдарч байсан сууцыг сэргээн босгосон газар. Уанъин нь технологи, гар урлал түгээн дэлгэрүүлэх, япон дуу үүсэн бий болход хувь нэмэр оруулж японы хааны өргөөний лам бөгөөд улс төрийн зөвлөхөөр томилогджээ. Бэгжэ улсын соёлыг дамжуулснаар япон хүмүүсийг гэгээрүүлэн сэхээрүүлж японы соёлын түүхэнд том хувь нэмэр оруулсан хүн юм.

✱ Ёньамын автобусны терминалаа Мугпу гийн чиглэлд машинаар 10 минут

(5) Зүүн өмнөд бүс нутаг(Ённам)



Жигжиса хийд Хийдийн дотор ойр орчимд он удаан жил ургасан нарс мод, өргөн хавцал хөндий, цэвэр тунгалаг ус, намрын улаан навчис хоорондоо хослон үзэсгэлэнтэй харагддаг. 1 мянган бяцхан бурханыг эгнүүлэн өрсөн Биру дуган(өөр нэр нь Чонбүл буюу мянган бурхантай дуган) байдаг ба 1,000 жил ургасан чиг өвсний үндсэн баганатай хаалга, Жусон улсын үеийн төлөөлөх уран барилгын нэг Дэүн дуган, Шиллагийн нэгдсэн хаант улсын үеийн агуу уран бүтээл болох 1.63м-ийн өндөртэй чулуун Бхасаяа гүрү бурхан (319-р улсын эрдэнэ) байдаг.

✱ Кимчоны автобусны терминалаас 11 номерын автобусанд сууж эцсийн буудал дээрээс явганаар 20 минут



Дунхуа хийд Тэгү хотын төвөөс зүүн хойшоо 22км зайтай оршин Пальгун уулын өмнө хэсэгт Шилла улсын Сужи хааны 15-р он (493 он)-д Гэгдал Хуасаны байгуулсан хийд бөгөөд тухайн үед Юуга хийд хэмээн нэрлэдэг байсан авч, Хындог хааны 7-р он (832 он)-нд дахин босгох үед өвлийн улирал байсан мөртлөө уянгат мод дэлгэрсэн гээд Дунхуа хийд хэмээн нэрийг нь өөрчилсөн гэдэг.

✱ Дундэйгү хурдны автобусны терминалаас Дунхуа хийд рүү явах 105 номерын автобус



Бунжон хийд Шилла улсын Мүнмү хааны тушаалаар 672 онд Ысан ламын барьж байгуулсан хийд юм. Солонгосын хамгийн урт түүхтэй модон барилга болох Гэгнаг дуган нь Гурё улсын уран барилгын хэв маягийг илэрхийлж байдаг. Хийд дотор 3 давхар чулуун цамхаг зэрэг соёлын олон эд өлөг байдаг.

✱ Андуны автобусны терминалаас 51 номерын автобусаар 1 цаг



Гожэгийн Хэгым гол Уг нэр нь Галду(чиг өвсөн арал) арал гэж чиг өвсний үндэс шиг хэлбэртэй гээд ийнхүү нэрлэх болсон бөгөөд Галду гэхээсээ илүү Намхэгийн Гымган уул гэсэн утгаас Хэгым гол гэж нэрлэх нь элбэг байдаг. Хоёр арал нийлсэн Хэгым гол нь Ханлэгийн далайн дархан цаазат газарт хамаардаг бөгөөд 1971 онд байгалийн үзэсгэлэнт газар 2-р бүртгэгдсэн юм. Газрын хэлбэр нь чиг өвсний үндэс шиг тархсан хэмээн Гальду(Гальгудду) гэж нэрлэсэн нэрнээс нь илүү далай дах Гымган уул гэсэн утгаар Хэгым гол гэж өргөнөөр нэрлэдэг.

✱ Гожэгийн Жансэнпугаас автобусаар 1 цаг 30 минут



Хэүндэгийн далайн эрэг 1.8км урт, 5м өргөнтэй далайн эргийн элс болон эргээрээ алдартай, зөөлөн намуун давалгаа, гүехэн устай болохоор наран шарлагын газарт тохиоромжтой юм. Пүсан гэхээр хамгийн түрүүнд Хэүндэгийн наран шарлагын газар бодогддог ба тэр хирээр Пүсаны гол төлөөлөх газар юм.

✱ Пүсаны метроны Хэүндэ буудлаас явган явна.



Андуны Хахвэ тосгон Хахвэ тосгон нь Пүнсаны Рю овогтон үе дамжин амьдарч ирсэн Солонгос үндэсний сууц гэрийн гоо үзэмж бүрдсэн тосгон юм. Жусон улсын эрдэмтэн Гёмам Рю Үнлюун болон Соэй Рю Соннюун нарын төрсөн нутаг болох Хахвэ тосгон нь 1999 оны 4 сард Английн Элизабет 2-р хатан хаан айлчилж улам их нэр хүндтэй болсон юм.

✱ Андунаас Ейчоны чиглэлд 25км зайтай (Андун - Сүнхёндун-Пүнсан -Пүнчон жүнни – Хахвэ тосгон)

(6) Жэжү арал



Сонсан уулын оргил Далайн түвшнээс дээш 182 м-т оршдог Сонсан уулын оргил нь 100 мянган жилийн өмнө Жэжү арал дээрх олон арван галт уулын дундаас далай дотор дэлбэрсэн галт уул юм. Галт уулын лаав устай холилдох үед дэлбэрэлт үүсч чулуу нь нарийн үнс болон бутраад тогооны амсрыг тойрсон байдаг. Оргилын тойрог нь 600 м, тогоо нь далайн түвшнээс 90м-т 80 мянга орчим кв.м талбайтай

✳ Жэжүгийн Үндэсний музейгээс автобусаар 30 минут



Манжан агуй Дэлхийн хамгийн урт галт уулын чулуун агуй бөгөөд 5м өргөн, 5-10м өндөр ба нийт 13,422м урт агуй юм. Ойролцоогоор 2 са 500 мянган жилийн өмнө Жэжү арал дээр галт уул дэлбэрэх үед Халла уулын тогооноос урсан гарсан лаав далай руу орж одооны энэ агуйг үүссэн гэдэг.

✳ Жэжүгийн автобусны терминалаас машинаар 40 минут



Сангүм бүри галт уул Жэжү арал дээр 360 орчим дэлбэрсэн галт уул байдаг хэдий ч Сангүм бүригээс бусад галт уулын тогоо нь бүгд хөмөрсөн аяга шиг хэлбэртэй, харин Сангүм бүри галт уулын тогоо ганцаараа лаав, нүүрс ялгаруулалгүй дэлбэрч тэнд байсан галт уулын чулуу үсэрч үүссэн нүх л байдаг. Ийм галт уулыг Маар(Маар) гэж нэрлэдэг бөгөөд Солонгост ганцхан байдаг төдийгүй дэлхий д ховор галт уул юм.

✳ Жэжүгийн автобусны терминалаас 40 минут

Солонгосын аялал жуулчлалын газрын вэбсайт(www.visitkorea.or.kr) болон аялал жуулчлалын мэдээллийн утас 1330(Сөүлээс бусад бүс юм уу гар утаснаас залгахдаа бүсийн код +1330)-аас Солонгосын аялал жуулчлалын талаар илүү дэлгэрэнгүй мэдээллийг авч болно. Солонгосын аялал жуулчлалын газрын вэбсайтаас сэдэвчилсэн хайлт хийж болох бөгөөд мэдээллүүд нь англи, япон, хятад, герман, франц, спани, орос, тайланд хэл дээр байдаг.

Мөн орон нутгийн байгууллагын вэбсайтаас тухайн орон нутгийн аялал жуулчлалын газрын талаар илүү дэлгэрэнгүй мэдээллийг авч болно.

Орон нутгийн байгууллагын вэбсайт

Ангилал	Вэбсайтын хаяг	Ангилал	Вэбсайтын хаяг
Сөүл	www.seoul.go.kr	Канвон муж	www.provin.gangwon.kr
Пүсан хот	www.busan.go.kr	Чүнчонбүг муж	www.cb21.net
Тэгү хот	www.daegu.go.kr	Чүнчоннам муж	www.chungnam.net
Инчон хот	www.incheon.go.kr	Жонланам муж	www.jeonnam.go.kr
Гуанжү хот	www.gwangju.go.kr	Жонлабүг муж	www.jeonbuk.go.kr
Тэжон хот	www.metro.daejeon.kr	Кёнсанбүг муж	www.gyeongbuk.go.kr
Үлсан хот	www.ulsan.go.kr	Кёнсаннам муж	www.gsnd.net
Кёнги муж	www.gg.go.kr	Жэжү муж	www.jeju.go.kr

4_Музей, уран зургийн галлерей



Үндэсний төв музей

www.museum.go.kr ☎02-2077-9000

Үндэсний төв музей бол бүх төрлийн үзмэрийг дэлгэн харуулсан хамгийн том музей юм. Энэхүү музей нь ази дорно дахины улс орнуудын соёлтой танилцаж болох Азийн танхимтай ба мөн энд сургалт боловсролын хөтөлбөр, хүүхдийн музей, төрөл бүрийн тоглолт, концерт зэргийг үзэж болох зориулалтын тоглолтын тайз ч байдаг.



Угсаатны зүйн үндэсний музей

www.nfm.go.kr ☎02-3704-3114

Геонбүг ордны дотор байрлах Угсаатны зүйн үндэсний музей нь Солонгос хүний Солонгосын хойгт суурьшин амьдарч эхэлсэн түүхийн өмнөх үеэс эхлээд Жусонь улсын үе хүртэлх солонгос үндэстний аж амьдралыг сэргээн харуулсан музей юм. Музей дотор байрлах бага насны хүүхдийн музейд бага сургуулийн нийгмийн сурах бичигт гардаг угсаатны зүйн холбогдолтой зүйлсийг нүдээр үзэж гараар барих боломжтой.



Цагдаагийн музей

www.policemuseum.go.kr ☎02-735-2519

Жусоний үеийн цагдаагаас эхлээд орчин үеийг хүртэл, Солонгосын цагдаагийн түүхийг нэг дор үзэх боломжтой музей юм. Цагдаа нарын хэрэглэдэг зэвсэг хэрэгслийг нүдээр харж барьж үзэх боломжтой.



Хөдөө аж ахуйн музей

www.museum.nonghyup.com ☎02-2080-5727

Газар тариалангийн соёлын өв сангийн олдвор болон хадгалалт, хөдөө аж ахуйн түүх, соёлын судалгааны эх баримтуудаас өвөг дээдсийнхээ онч мэргэн ухаанаас суралцаж уламжлалт соёлоо өвлөн сурах боломжтой музей юм.



Сөүлийн түүхийн музей

www.museum.seoul.kr ☎02-724-0163

Сөүл бол Жусоний хаант улсын үеэс хойш 600 жилийн түүхтэй хот юм. Сөүлийн түүх, уламжлалт соёлын талаарх ойлголтоо дээшлүүлж, Сөүл хотын түүхийг биеэр харж мэдрэх боломжтой.



Сансар огторгуйн музей

www.aerospacemuseum.or.kr ☎02-300-0466

XXI зуун бол сансар огторгуйн шинжлэх ухааны эрин билээ. Сансар огторгуйн цоо шинэ хөтөлбөрүүдтэй холбоотой агаарийн техникийн хөгжлийн түүх, нисэх онгоцны бүтэц зохион байгуулалт, байлдааны онгоцны загвар зэрэг олон мэдээллийг эндээс олж авч чадна



Содэмүнхь Байгалийн түүхийн музей

www.namu.sdm.go.kr ☎02-330-8899

Сөүл хотын Еонхын хороололд байрлах байгалийн түүхийн музей нь эртний амьтай биетээс хүн төрөлхтний хөгжил хүртэлх хувьслын явц, орчин үед амьдарч байгаа олон төрлийн амьд амьтны талаар дэлгэн харуулжээ. Ялангуяа үлэг гүрвэлийн амьдрал, үзэсгэлэнт эрвээхэй зэрэг амьд амьтны төрөл бүрийн амьдралын дүр төрхийг харьцуулан харуулжээ.



Лиүм Самсонг Дүрслэх урлагийн музей

www.leeum.org ☎02-2014-6901

Солонгосын соёлын өв, дүрслэх урлагийн бүтээлүүдийг эртний үеийн, шинэ үеийн, орчин үеийн гэж хуваан үзэж болно. Ялангуяа төрөл жанр, зураачдыг голлон уламжлалт хэв загварыг өвлөн уламжилсан дүрслэх урлагийн хөгжлийн түүхийг харж болно.



Орчин үеийн Дүрслэх урлагийн музей

www.moca.go.kr ☎02-2188-6000

Кёнги мужийн Гуачонд байдаг Сөүл Лэнд соёл амралтын хүрээлэн дотор байрладаг. Маш олон хэлбэрийн орчин үеийн дүрслэх урлагийн бүтээлүүдийг дэлгэн тавьсан байдаг ба та эндээс дэлхийд алдартай урлагын бүтээлүүдтэй танилцаж болно.



Содэмүн Шоронгийн түүхийн музей

www.sscmc.or.kr/culture2 ☎02-360-8590

Сөүл хотын Хёнжо хороололд байрлах эртний Содэмүний шоронг тэр хэвээр нь хадгалан одоогийн энэхүү түүхийн музейг байгуулжээ. Японы колончлолын үед Солонгос хүмүүсийг хэлмэгдүүлэн хорьж байсан газрыг тэр хэвээр нь сэргээн байгуулсан байна. Солонгос үндэстний тусгаар тогтнолын үзэл санааг харуулсан түүхийн амьд үзмэр болж чаджээ.



Дайны дурсгалын музей газар

www.warmemo.co.kr ☎02-709-3139

Сөүл хотын Юсань дүүрэгт байрлах Дайны дурсгалын музейд дайны дажинтай холбогдсон бүхий л холбогдох эд зүйлсийг дэлгэн харуулжээ. Эртний болон орчин үеийн бүхий л буу зэвсэг, их буу, танк, байлдааны онгоц зэргийг эндээс харж болно.



Самсонг хүүхдийн музей

www.samsungkids.org ☎02-2143-3600

Сөүл хотын Шиньчонь хороололд орших шинжлэх ухаан, дүрслэх урлаг, нэвтрүүлэг, нийгэм соёл зэрэг олон төрлийн салбаруудын үзмэрүүдээс бүрдсэн байна. Энд хүүхдүүд өөрийн биеэрээ бодол санаагаа шууд илэрхийлж, тоглож наадах орон зайг бий болгосон байна.



Төмөр замын музей

info.korail.com ☎031-461-3610

Галт тэрэгтэй холбогдсон олон үзмэрийг дэлгэн тавьсан музей бөгөөд Кёнги аймгийн Ый-Ван хотод байдаг. Энэхүү музейн гадна талбайд олон төрлийн галт тэрэг, засварын багаж төхөөрөмжүүдийг дэлгэн үзүүлжээ.

Гангсунг Дүрслэх урлагийн музей

☎02-762-0442

Сөүл хотын Сонгбүг хороололд байх Гангсунг Дүрслэх урлагийн музейд улсын соёлын үнэт өвийн зэрэглэлд хамаарах ховор ном, дүрслэх урлагийн бүтээлүүд хадгалагдаж байдаг.

※ Мөн амьдарч буй орон нутгийн музейд очиж үзэхийг хүсвэл www.emuseum.go.kr вэбсайтаас тухайн орон нутгийн музейн талаар илүү дэлгэрэнгүй мэдээллийг авч болно.

5_Парк – Соёл амралтын хүрээлэн



Сөүл Парк grandpark.seoul.go.kr

Кёнгү аймгийн Гуачон хотод байрлах бөгөөд энд та Чонгё уулын намуун байгалийн үзэсгэлэн, амьтдын ертөнцийн сонин хачинг мэдрэх болно. Далайн гахайн шоу үзүүлбэр, сарнай цэцгийн хүрээлэн, бага насны хүүхдийн зоо парк, байгалийн цогцолбор газар, тоглоомын газар гээд үзэх харах, тоглож наадах зүйл мундахгүй олон байдаг.



Лоттэ Волд www.lotteworld.com

Лоттэ волд нь Сөүл хотын Чамшиль дүүрэгт байрладаг цогцолбор парк юм. Олон төрлийн адал явдалт тоглоомууд дээр тоглож болохоос гадна шоу фестиваль, хүүхэддэйн хөгжимт жагсаал, урлагийн тоглолтууд гээд үзэх юм ихтэй.



Эвэ Лэнд www.everland.com

Кёнгү аймгийн Юн-Ин хотод байдаг Солонгосын хамгийн том нэгдсэн цогцолбор парк юм. Төрөл бүрийн хөгжөөнт тоглоомноос гадна зэрлэг амьтдыг дэргэдээс нь харж болох автобустай аялалын ертөнц - амьтны хүрээлэн эндхийн бахархал билээ. Мөн дотор гадаг холбосон асар том хэмжээний Карибийн усан паркард та хиймэл далайд сэлж давалгаан дээр гулган наадаж болно



Сораг Вото Пиа www.seorakwaterpia.com

Канвон аймгийн Сугчу хотод байдаг Сораг Вото Пиа нь Сораг Ханхуа амралтын хүрээлэн дотор байрлах халуун рашааны цогцолбор юм. Өвөл зун, намар хаврын алинд нь ч гэсэн халуун рашаанд булхаж, усан санд сэлж болох таатай орчинг энд бүрдүүлжээ.



Солонгос үндэсний тосгон www.koreanfolk.co.kr

Солонгос үндэсний тосгон нь Кёнгү аймгийн Юн-Ин хотод байдаг бөгөөд Солонгосын уламжлалт аж амьдралын дүр төрх, хэв маягыг эрт үед байсан тэр л хэвээр нь харуулсан музей тосгон юм. Энд Солонгос үндэсний барилга, угсаатаны зүйн холбогдолтой үзмэрүүдийг дэлгэн тавьсан байдаг. Солонгосын уламжлалт ёс заншил, соёлтой танилцахыг хүссэн гадаадын жуулчдын зорьж ирдэг аялал жуулчлалын гол газар бөгөөд Солонгосчууд өөрсдөө ч энэ тосгонд ирэх дуртай.



Пусаны хүүхдийн парк bschildpark.or.kr

Пусан хотын төв Сомёнд байдаг төрөл бүрийн модод өтгөн шигүү ургасан хотын төв дэх цэцэрлэгт хүрээлэн юм. Уг паркард хүүхэд залуучуудын боловсрол соёлын төв, хүүхдийн ордон, хүүхдийн автомашины парк, тоглоомын хүрээлэн, ой үржүүлэх сургалтын төв, зоо парк зэрэг байдаг. Гэхдээ одоохондоо зоо парк нь ажиллахгүй байгаа бөгөөд 2008 оны эхээр ашиглалтад орох төлөвлөгөөтэй байна.



Тэжон хотын Экспо Шинжлэх ухааны парк www.expopark.co.kr

Экспо ШУ-ны парк нь ШУ-ны салбаруудаас бүрдсэн цогцолбор парк юм. Хамгийн орчин үеийн шинжлэх ухаан, технологийн бүтээлүүдийг дэлгэн үзүүлсэн байх бөгөөд стерео кино танхим, Аймакс кино театер, ШУ-ны туршилтын лаборатори, Роботын лаборатори зэрэг орчин үеийн шинэ технологийн үзмэрүүдээр хүүхэд залуучуудад сургалт, боловсролын орчинг бий болгосон байна.



Чонь-Ань хотын ногоон бүсийн соёл амралтын хүрээлэн www.sangnokresort.co.kr

Тус соёл амралтын хүрээлэнд тоглоом, усан сан, 4 улирлын цана чаргын талбай, гольфийн талбай, зочид буудал бүхий том хэмжээний соёл амралтын хүрээлэн юм.



Тэгү хотын Ү-Банг Лэнд www.woobangland.co.kr

Ү-Банг Лэнд нь Тэгү хотын хамгийн том тоглоомын парк юм. 77 давхар цамхагт байрлах үсрэлтийн тавцан, акворум, бага насны хүүхдэд зориулсан сонин хачин зүйлсийн музей, усан сангийн наадам зэрэг хөтөлбөрүүдээр үйлчилж байна.



Тунгду Фантаз www.fantasia.co.kr

Геонгнам Янгсань хотод байрлах Тунгду Фантаз нь тоглоомын парк, ус, цана чаргын гулгалтын талбай, галлерей, баяр наадам зэрэг цогцолбор бүхий парк юм.



Гымху Фэмэли Лэнд www.kumhofamilyland.co.kr

Гуангжү хотод байрлах Гымху Фэмэли Лэнд нь хамгийн сүүлийн үеийн 30 төрлийн тоглоомууд, 4 улирлын цана чаргын гулгалтын төв, тэшүүрийн талбай, усан бассейн зэрэг цогцолбор бүхий 4 улирлын парк юм.

6_Гадаад иргэдийн гудамж

• Итэвон(Сөүл)



Гадаадын хүмүүст аль хэдийн танил болсон Итэвонд олон орны элчин сайдын яам, лалын шашны хийд, Солонгост өөр хаанаас ч олж идэх боломжгүй гадаад үндэстний хоолны газрууд байдаг. Метроны 6-р шугам Ханганжин зогсоолоос Нугса ён зогсоол хүртэл үргэлжилсэн гудамжаар явбал дэлхийн бүх улс орны зоог, идээтэй танилцах боломжтой.

- Европ хоолны газар: Итали, Франц, Швейцар, Герман
- Ази хоолны газар: Пакистан, Тайланд, Индонез, Энэтхэг, Хятад, Япон, Солонгос
- Латин Америк хоолны газар: Мексик

Эдгээр хоолны газруудын талаар тодорхой мэдээллийг www.iteawon.go.kr/food/index. asp сайтаас аваарай. Солонгос, англи, япон, хятад хэл дээр бий.

• Непалийн гудамж(Сөүл)

Метроны 1-р шугам Тундэмүн зогсоолын 4-р гарцны ойролцоох Чаншин дун, Сүнин дунгийн газар нутагт Непал хоолны газар, дэлгүүр хоршоод бөөгнөрөн байрласан байдаг бөгөөд түүнийг Непалийн гудамж гэдэг. 2000 оноос бий болсон энэхүү гудамжинд гадаад худалдаа, хоолны газар ажиллуулдаг 200 гаруй Непал иргэд амьдардаг.

• Енбений гудамж(Сөүл)

Касан дун, Карибун дун, Дэрим дунгийн эргэн тойрон.

Хятад хүмүүс олноор амьдардаг Енбений гудамж гэгдэх энэ гудамжинд Гүрү цогцолборын ажилчдын амьдардаг байсан жугбан(ядуу буурай хүмүүс амьдардаг жижигхэн өрөө) гол төлөв байх бөгөөд энд 1990 оноос хойш гудамжны өнцөг булан бүрт хятад барааны дэлгүүр,хоолны газар, хятад дууны караоке, гадаад руу утсаар ярих цэг, валют солих цэг зэрэг газрууд олноороо бий болсон.

Метроны 1-р шугам Гүрү зогсоол, 2-р шугам Дэрим зогсоол болон Гүрү дижиталданжи зогсоолын аль нь дээр буусан болно.

• **Дундад Азийн хотхон**

Ылжиру юнга болон Гванхи дунгийн эргэн тойрон

Метроны 2-р шугам Тундэмүн үндунжан зогсоолын 12 гарцаар гараад өмнө зүг рүү салаалсан замаар 20 метр явбал дундад Азийн хотхон байна. Орос болон түүний ойролцоох улс орнуудын ганзагын наймаачид Тундэмүны хувцасны зах дээр наймаа арилжаа хийх болсноор энэ хотхон үүсч бий болсон. Энд дундад азийн уламжлалт хоолны газар элбэг.

• **Филлипиний гудамж (Сөүл)**

Дунсоны дунд ахлах сургуулийн хашааг даган үргэлжлэх энэхүү гудамж Хехва дунгийн сүм хүрдэг. Сөүл болон Сөүлийн эргэн тойронд амьдардаг Филиппин ажилчид манго, буурцагны төрлийн ногоо зэрэг халуун орны жимс, лаазалсан хүнсний бүтээгдэхүүн, шямпунь, гоо сайхны бараа, үнэртэн, хоол амтлагч гэх мэт Филиппин хүмүүсийн хэрэглэх дуртай барааг зардаг. Филиппиний алдартай дуучдын бичлэг, телевизийн драм, киноны кассет зэргийг бас эндээс худалдаж авах боломжтой.

Метроны 4 шугам Хээхуа зогсоол дээр буугаарай.

• **Инчоны Чайна таун**

Солонгосын соёл, Хятадын соёл нэг дор орших Инчоны Чайна таунд 1883 онд Инчоны боомт байгуулагдсанаас хойш хятадууд суурьшиж эхэлсэн. Солонгос дахь цорын ганц хятадын хороолол болох энэ газарт 500 гаруй Солонгосын хятадууд амьдарч байна. www.ichinatown.or.kr/index.asp (Солонгос хэл дээр)

Метроны 1 шугам Инчон зогсоол.

• **Хил хязгааргүй нэг ертөнц**

Кёнги мужийн Ансан хотын Вонгуг дун

Кёнги мужийн Ансан хотын урд талын хэсэгт орших Вонгуг дун-д Солонгосчуудаас илүү гадаадынхан их амьдардаг. Олон үндэстэн ястангууд хөрш зэргэлдээ амьдардаг хотхон болохоор орон бүрийн үндэсний хоолны гуанз, дэлгүүр зэрэгтэй элбэг харагдана.


Метроны 4-р шугам Ансан зогсоол дээр байдаг.

• **Оросын гудамж (Пүсан)**

Пүсан боомтын эгц өөдөөс харсан Чурияны гадаад иргэдийн худалдааны гудамжийг “Чурияны тексас” гэж нэрлэх нь ч бий. 90-д оны эхээр Оросын хөлөг онгоцны ажилчид хэрэгцээт эд бараагаа худалдаж авахаар ирдэг болсноос хойш Оросуудын гол цуглардаг газар болжээ.

Пүсан хотын метроны Пүсан зогсоолын 5-р гарцаар гараарай.





Хаьсралт

250

Олон соёлт гэр бүлийг дэмжих төв

☎ 1577-5432

255

Солонгос иргэнтэй гэр бүл бологч гадаад
эмэгтэйчүүдэд яаралтай тусламж үзүүлэх төв

☎ 1577-1366


255

Гадаадын ажилчдыг дэмжих төв

256

Гадаадын иргэн, харьяатын асуудал эрхлэх алба

☎ 1345



1» Олон соёлт гэр бүлийг дэмжих төв (Multicultural Family Support Center)

	Төв	Утас
Сөүл	Дундэймүн дүүргийн Олон соёлт гэр бүлийг дэмжих төв	02-957-1074
	Сонбүг дүүргийн Олон соёлт гэр бүлийг дэмжих төв	02-953-0468
	Ёндэн дүүргийн Олон соёлт гэр бүлийг дэмжих төв	02-846-5432
	Дунжаг дүүргийн Олон соёлт гэр бүлийг дэмжих төв	02-599-3260
	Сунпа дүүргийн Олон соёлт гэр бүлийг дэмжих төв	02-403-3844
Пүсан	Намгү дүүргийн Олон соёлт гэр бүлийг дэмжих төв	051-610-2027
	Сасан дүүргийн Олон соёлт гэр бүлийг дэмжих төв	051-320-8344
	Саха дүүргийн Олон соёлт гэр бүлийг дэмжих төв	051-205-8345
	Гижан сумын Олон соёлт гэр бүлийг дэмжих төв	051-723-0419
Тэгү	Намгү дүүргийн Олон соёлт гэр бүлийг дэмжих төв	053-475-2324
	Дальсо дүүргийн Олон соёлт гэр бүлийг дэмжих төв	053-580-6819
	Согү дүүргийн Олон соёлт гэр бүлийг дэмжих төв	053-341-8312
	Дальсон сумын Олон соёлт гэр бүлийг дэмжих төв	053-282-4371
Инчон	Намгү дүүргийн Олон соёлт гэр бүлийг дэмжих төв	032-440-6545
	Канхуа сумын Олон соёлт гэр бүлийг дэмжих төв	032-933-0980
	Гейянь дүүргийн Олон соёлт гэр бүлийг дэмжих төв	032-552-1016
	Намдун дүүргийн Олон соёлт гэр бүлийг дэмжих төв	032-467-3912
Гуанжү	Гуансан дүүргийн Олон соёлт гэр бүлийг дэмжих төв	062-954-8003
	Бүгтү дүүргийн Олон соёлт гэр бүлийг дэмжих төв	062-363-2963
Тэжон	Жүнгү дүүргийн Олон соёлт гэр бүлийг дэмжих төв	042-252-9997
	Дэдог дүүргийн Олон соёлт гэр бүлийг дэмжих төв	042-639-2664
Үлсан	Намгү дүүргийн Олон соёлт гэр бүлийг дэмжих төв	052-274-3185
	Үлжү сумын Олон соёлт гэр бүлийг дэмжих төв	052-263-6881
Кёнги	Намяньжүгийн Олон соёлт гэр бүлийг дэмжих төв	031-590-8214
	Сүвоны Олон соёлт гэр бүлийг дэмжих төв	031-257-8504
	Ансон хотын Олон соёлт гэр бүлийг дэмжих төв	031-677-7192

	Төв	Утас
Кёнгй	Гуянь хотын Олон соёлт гэр бүлийг дэмжих төв	031-938-9801
	Бүчоны Олон соёлт гэр бүлийг дэмжих төв	032-320-6391
	Соннам хотын Олон соёлт гэр бүлийг дэмжих төв	031-740-1175
	Ансон хотын Олон соёлт гэр бүлийг дэмжих төв	031-439-2209
	Юунин хотын Олон соёлт гэр бүлийг дэмжих төв	031-323-7133
	Эьжонбү хотын Олон соёлт гэр бүлийг дэмжих төв	031-878-7880
	Пёнтэйг хотын Олон соёлт гэр бүлийг дэмжих төв	031-650-2660
Канвон	Вонжү хотын Олон соёлт гэр бүлийг дэмжих төв	033-765-8135
	Каннын хотын Олон соёлт гэр бүлийг дэмжих төв	033-648-3019
	Чүнчон хотын Олон соёлт гэр бүлийг дэмжих төв	033-251-8014
	Сугчу хотын Олон соёлт гэр бүлийг дэмжих төв	033-638-3523
	Хунчон сумын Олон соёлт гэр бүлийг дэмжих төв	033-433-1925
	Хвэнсон сумын Олон соёлт гэр бүлийг дэмжих төв	033-344-3459
	Инжэ сумын Олон соёлт гэр бүлийг дэмжих төв	033-462-3651
	Пёнчан сумын Олон соёлт гэр бүлийг дэмжих төв	033-330-2087
	Чорвон сумын Олон соёлт гэр бүлийг дэмжих төв	033-452-7800
Чүнбүг	Чонжү хотын Олон соёлт гэр бүлийг дэмжих төв	043-223-5253
	Угчон сумын Олон соёлт гэр бүлийг дэмжих төв	043-733-1915
	Буэн сумын Олон соёлт гэр бүлийг дэмжих төв	043-544-5422
	Жэчон хотын Олон соёлт гэр бүлийг дэмжих төв	043-643-0050
	Чүнжү хотын Олон соёлт гэр бүлийг дэмжих төв	043-856-2253
	Гвэсан сумын Олон соёлт гэр бүлийг дэмжих төв	043-832-1078
	Жинчон сумын Олон соёлт гэр бүлийг дэмжих төв	043-537-5431
	Ёндун сумын Олон соёлт гэр бүлийг дэмжих төв	043-745-8489
Чүннам	Гунжү хотын Олон соёлт гэр бүлийг дэмжих төв	041-856-0883
	Гэмсан сумын Олон соёлт гэр бүлийг дэмжих төв	041-750-3990

	Төв	Утас
Чүннам	Асан хотын Олон соёлт гэр бүлийг дэмжих төв	041-540-2972
	Бүёо сумын Олон соёлт гэр бүлийг дэмжих төв	041-835-2480
	Еэсан сумын Олон соёлт гэр бүлийг дэмжих төв	041-334-1367
	Сосан хотын Олон соёлт гэр бүлийг дэмжих төв	041-664-2710
	Хунсон сумын Олон соёлт гэр бүлийг дэмжих төв	041-634-7432
	Нунсан хотын Олон соёлт гэр бүлийг дэмжих төв	041-735-5810
	Данжин сумын Олон соёлт гэр бүлийг дэмжих төв	041-358-3673
	Бүрөн хотын Олон соёлт гэр бүлийг дэмжих төв	041-936-8506
	Сочон сумын Олон соёлт гэр бүлийг дэмжих төв	041-953-1911
	Ёнги сумын Олон соёлт гэр бүлийг дэмжих төв	041-862-9338
	Чонан хотын Олон соёлт гэр бүлийг дэмжих төв	070-7733-8305
	Чонян сумын Олон соёлт гэр бүлийг дэмжих төв	041-944-2333
	Тэан сумын Олон соёлт гэр бүлийг дэмжих төв	041-670-2396
Жонбүг	Игсан хотын Олон соёлт гэр бүлийг дэмжих төв	063-850-6046
	Жансү сумын Олон соёлт гэр бүлийг дэмжих төв	063-352-3362
	Кимжэ хотын Олон соёлт гэр бүлийг дэмжих төв	063-545-8506
	Намвон хотын Олон соёлт гэр бүлийг дэмжих төв	063-635-5474
	Уанжү сумын Олон соёлт гэр бүлийг дэмжих төв	063-291-1296
	Жонжү хотын Олон соёлт гэр бүлийг дэмжих төв	063-243-0333
	Жоныб сумын Олон соёлт гэр бүлийг дэмжих төв	063-531-0309
	Гучон сумын Олон соёлт гэр бүлийг дэмжих төв	063-561-1366
	Сүнчан сумын Олон соёлт гэр бүлийг дэмжих төв	063-653-8180
	Гүнсан хотын Олон соёлт гэр бүлийг дэмжих төв	063-443-0053
	Мүжү сумын Олон соёлт гэр бүлийг дэмжих төв	063-322-1130
	Бүан сумын Олон соёлт гэр бүлийг дэмжих төв	063-580-4587
	Имшил сумын Олон соёлт гэр бүлийг дэмжих төв	063-642-1837

	Төв	Утас
Жонбүг	Жинан сумын Олон соёлт гэр бүлийг дэмжих төв	063-433-4888
Жоннам	Нажү хотын Олон соёлт гэр бүлийг дэмжих төв	061-331-0709
	Сүнчон хотын Олон соёлт гэр бүлийг дэмжих төв	061-742-1050
	Ёнгуан сумын Олон соёлт гэр бүлийг дэмжих төв	061-353-7997
	Ёнам сумын Олон соёлт гэр бүлийг дэмжих төв	061-463-2929
	Гуанянь хотын Олон соёлт гэр бүлийг дэмжих төв	061-797-6832
	Гухын сумын Олон соёлт гэр бүлийг дэмжих төв	061-832-5399
	Ёсү хотын Олон соёлт гэр бүлийг дэмжих төв	061-690-7160
	Жансон сумын Олон соёлт гэр бүлийг дэмжих төв	061-393-5420
	Жанхын сумын Олон соёлт гэр бүлийг дэмжих төв	061-864-4810
	Хэнам сумын Олон соёлт гэр бүлийг дэмжих төв	061-534-0017
	Гугсон сумын Олон соёлт гэр бүлийг дэмжих төв	061-362-5411
	Хампён сумын Олон соёлт гэр бүлийг дэмжих төв	061-324-5431
	Хуасүн сумын Олон соёлт гэр бүлийг дэмжих төв	061-375-1057
	Дамянь сумын Олон соёлт гэр бүлийг дэмжих төв	061-380-2807
	Мүан сумын Олон соёлт гэр бүлийг дэмжих төв	061-452-1813
Кёнбүг	Гүми хотын Олон соёлт гэр бүлийг дэмжих төв	054-464-0545
	Мүнгён хотын Олон соёлт гэр бүлийг дэмжих төв	054-554-5591
	Пухан хотын Олон соёлт гэр бүлийг дэмжих төв	054-270-5556
	Еэчон сумын Олон соёлт гэр бүлийг дэмжих төв	054-654-4321
	Кёнсан хотын Олон соёлт гэр бүлийг дэмжих төв	053-810-6221
	Кёнжү хотын Олон соёлт гэр бүлийг дэмжих төв	054-743-0770
	Кимчон хотын Олон соёлт гэр бүлийг дэмжих төв	054-439-8279
	Санжү хотын Олон соёлт гэр бүлийг дэмжих төв	054-535-1341
	Андун хотын Олон соёлт гэр бүлийг дэмжих төв	054-853-3111
	Ёньжү хотын Олон соёлт гэр бүлийг дэмжих төв	054-634-5431

	Төв	Утас
Кёнбүг	Ёньчон хотын Олон соёлт гэр бүлийг дэмжих төв	054-334-2882
	Үлжин сумын Олон соёлт гэр бүлийг дэмжих төв	054-789-5411
	Ысон сумын Олон соёлт гэр бүлийг дэмжих төв	054-832-5440
Кённам	Кимхэ хотын Олон соёлт гэр бүлийг дэмжих төв	055-329-6349
	Жинжү хотын Олон соёлт гэр бүлийг дэмжих төв	055-749-2326
	Чанвон хотын Олон соёлт гэр бүлийг дэмжих төв	055-274-8337
	Гожэ хотын Олон соёлт гэр бүлийг дэмжих төв	055-682-4958
	Гочан сумын Олон соёлт гэр бүлийг дэмжих төв	055-945-1365
	Масан хотын Олон соёлт гэр бүлийг дэмжих төв	055-245-8746
	Мильянь хотын Олон соёлт гэр бүлийг дэмжих төв	055-356-8875
	Яньсан хотын Олон соёлт гэр бүлийг дэмжих төв	055-382-0988
	Хамянь сумын Олон соёлт гэр бүлийг дэмжих төв	055-963-2013
	Намхэ сумын Олон соёлт гэр бүлийг дэмжих төв	055-864-6965
	Хаман сумын Олон соёлт гэр бүлийг дэмжих төв	055-583-5430
Жэжү	Жэжү хотын Олон соёлт гэр бүлийг дэмжих төв	064-712-1140

2» Солонгос иргэнтэй гэр бүл бологч гадаад эмэгтэйчүүдэд яаралтай тусламж үзүүлэх төв ☎ 1577-1366

Бүс	Төв	Зөвлөгөө	Захиргаа
Сөүл	Гадаад эмэгтэйчүүдэд яаралтай тусламж үзүүлэх төв	1577-1366	02-927-1410
Сүвон	Орон нутаг дах төвүүд		031-257-1841
Тэжон			042-488-2979
Гуанжү			062-367-1577
Пүсан			051-508-1366

3» Гадаадын ажилчдыг дэмжих төв

Төв	Утасны дугаар	Интернэт хаяг
Солонгосын гадаад ажилчдыг дэмжих төв	1644-0644	www.migrantok.org
Ансаны гадаад ажилчдыг дэмжих төв	031-4750-111	www.afwc.or.kr
Ыжонбүгийн гадаад ажилчдыг дэмжих төв	031-8389-111	www.ufc.or.kr
Кимхэгийн гадаад ажилчдыг дэмжих төв	055-338-2727	www.gimhaekorea.or.kr
Масаны гадаад ажилчдыг дэмжих төв	055-253-5270~5	www.mfwc.or.kr

4» Гадаадын иргэн, харьяатын асуудал эрхлэх алба (ᠳ1345 дугаараас лавлах)

Байгууллага	Хаяг	Хамаарах бүс
Сүүл-Кёнг-Инчон		
Сүүлийн гадаадын иргэн, харьяатын асуудал эрхлэх алба	Сүүл хот Яньчон дүүрэг Мугдунну 121	Сүүл хот Кёнг мужийн Анянь, Гуачон, Соннам, Ханам, Гуаньмён хотууд
Сэйжунну дах төлөөлөгчийн газар	Сүүл хот Жунну дүүрэг Самиллу 12 Үнхёнгүн SK –ын байрны 2 давхар	Сүүл хот Жунну, Жүнгү, Эяньпён, Дундэймүн, Жүнняян, Дубун, Сонбүг, Канбүг, Нувон дүүргүүд
Инчоны гадаадын иргэн, харьяатын асуудал эрхлэх алба	Инчон хот Жүнгү дүүрэг Хандун 7-гийн 1-31	Инчон хот Кёнг мужийн Ансан, Бүчон, Шихэн, Кимпу хотууд, Унжин сум
Сүвоны гадаадын иргэн, харьяатын асуудал эрхлэх алба	Кёнг муж Сүвон хот Ёнтун дүүрэг Ёнтун хороо 1012-6 дугаар байшин	Кёнг мужийн Гүнпу, Ыван, Сүвон, Юунтын, Усан, Ичон, Ансон, Хуасон, Гуанжү хотууд
Пёнтэйг дэх төлөөлөгчийн газар	Кёнг муж Пёнтэйг хот Шинжан дун Сан 5	Пёнтэйг боомт, Данжин боомт
Усан дах төлөөлөгчийн газар	Кёнг муж Пёнтэйг хот Сунтан шуудангийн хайрцаг 3	Усаны цэргийн нисэх бааз
Эйжонбүгийн гадаадын иргэн, харьяатын асуудал эрхлэх алба	Кёнг муж Янжү хот Тогтэ хороо 467-2 дугаар байшин	Кёнг мужийн Эйжонбү, Дундүчон, Гүри, Гуянь, Намяньжү, Пажү хотууд Яньжү, Ёнчон, Пучон сумууд Канвон мужийн Чорвон сум
Канвон муж		
Чүнчоны гадаадын иргэн, харьяатын асуудал эрхлэх алба	Канвон муж Чүнчон хот Дуннэй мён Саамни 6	Канвон муж, Кёнг мужийн Гапён сум
Дунхэй дэх төлөөлөгчийн газар	Канвон муж Дунхэй хот Чонгугдн 847 Дунжин байшингийн 4 давхар	Канвон мужийн Дунхэй, Каньнын, Самчог, Тэйбэйг хотууд Жонсон сум
Сугчу дах төлөөлөгчийн газар	Канвон муж Сугчу хот Дунмён дун 53-3 Сугчугийн боомтын төв	Канвон муж Сугчу хот Янянь сум, Гусон сум
Гусон дах төлөөлөгчийн газар	Канвон муж Гусон сум Хёन्नэй мён Мёнху ри 88	Өмнөд хойд Солонгост нэвтрэх гадаадын иргэн, харьяатын асуудал эрхлэх алба
Чүнбүг-Чүннам-Тэжон		
Чонжүгийн гадаадын иргэн, харьяатын асуудал эрхлэх алба	Чүнчонбүг муж Чонжү хот Хэндог дүүрэг Сэйто 1-р гудамж 23	Чүнчонбүг муж
Тэжоны гадаадын иргэн, харьяатын асуудал эрхлэх алба	Тэжон хот Жүнгү дүүрэг Мугдуны гудамж 150	Тэжон хот, Чүнчоннам мужийн Чүнбүг Ёндун сум, Угчон сум
Дэсан дах төлөөлөгчийн газар	Чүнчоннам муж Сосан хот Дэсан Ыб Дэсан ри 197-8, Хансон байшин 3 давхар	Чүннам Сосан хот, Тэан сум, Хунсонь сум, Даньжин сум, Бурён боомт

Байгууллага	Хаяг	Хамаарах бүс
Жонбүг-Жоннам-Гуанжү		
Жонжүгийн гадаадын иргэн, харьяатын асуудал эрхлэх алба	Жоллабүг муж Жонжү хот Хусон ру 213	Жонлабүг муж
Гүнсан дах төлөөлөгчийн газар	Жоллабүг муж Гүнсан муж Жанми дун 49-32	Жонлабүг мужийн Гүнсан хот, Жаньхан боомт
Ёсүгийн гадаадын иргэн, харьяатын асуудал эрхлэх алба	Жолланам муж Ёсү хот Мүсон ру 267	Жонланам мужийн Ёсү, Сүнчон, Гуанъян хотууд
Гуанъян дах төлөөлөгчийн газар	Жолланам муж Гуанъян хот Жүндун 1359-5	Гуанъян боомт
Гуанжүгийн гадаадын иргэн, харьяатын асуудал эрхлэх алба	Гуанжү хот Согү Хуажон ру 196	Гуанжү хот, Жонланам муж (Ёсү, Сүнчон, Гуанъян хотуудаас бусад)
Мугпу дах төлөөлөгчийн газар	Жолланам муж Мугпу хот Угам дун 982-2	Жонланам мужийн Мугпу хот, Уанду сум, Шинан сум, Мүан сум, Жинду сум, Ёнгам сум, Хэйнам сум
Кёнбүг-Кённам-Тэгү-Улсан		
Пүсаны гадаадын иргэн, харьяатын асуудал эрхлэх алба	Пүсан хот Жүнгү Чүнжанну 14	Пүсан хот, Гижан сум, Кёсаннам муж(Кимхэй, Яньсан, Мирянь хотууд)
Улсан дах төлөөлөгчийн газар	Улсан хот Намгү Мэам дун 139-16	Улсан хот, Үлжү сум
Тэгүгийн гадаадын иргэн, харьяатын асуудал эрхлэх алба	Тэгү хот Дунгү Аншимну 117	Тэгү хот, Кёсанбүг муж
Пухан дах төлөөлөгчийн газар	Кёсанбүг муж Пухан хот Бүгтү Хангү дун 58-1	Кёсанбүг мужийн Пухан хот, Үлжин сум, Ёньдог сум, Үллэн сум
Масаны гадаадын иргэн, харьяатын асуудал эрхлэх алба	Кёньсаннам муж Масан хот Хэ-анну 260	Кёсаннам муж (Кимхэй, Яньсан, Мирян хотуудаас бусад)
Тунъён дах төлөөлөгчийн газар	Кёсаннам муж Тунъён хот Дунху дун 17 1-10	Тунъён хот
Сачон дах төлөөлөгчийн газар	Кёсаннам муж Сачон хот Дунгэм дун 44-5	Кёсаннам мужийн Сачон хот, Намхэй сум, Хадун сум
Гожэ дах төлөөлөгчийн газар	Кёсаннам муж Гожэ хотМажон дун 535-5	Кёсаннам мужийн Гожэ хот
Жэжү арал		
Жэжүгийн гадаадын иргэн, харьяатын асуудал эрхлэх алба	Жэжү муж Жэжү хот Имхан ру 277	Жэжү муж

БНСУ-д ажиллаж, амьдарч байгаа гадаадын иргэдэд зориулсан гарын авлага 한국생활 가이드북

Бэлтгэн гаргасан газар

БНСУ-ын Засгийн Газар

Эмхэтгэсэн

Бүх Солонгосын Олон соёлт гэр бүлийг дэмжих ажлын хороо

Фото зураг

Солонгосын аялал жуулчлалын газар

Дизайн

Дэ Сэвен Партнерс

Орчуулга

Чэнольтан(Монгол хэл)

Ашигласан ном, товхимол

Солонгос дах жаргалтай амьдрал (2007, Эрүүл мэнд хамгаалал, гэр бүлийн яам)
Гадаад ажилтдад зориулсан соёлын түлхүүр (2005, Соёл биеийн тамир, аялал жуулчлалын яам)
Бага · дунд · ахлах сургуулийн сурагчдад зориулсан гарын авлага (Зботь, 2009, Боловсрол шинжлэх ухаан, технологийн яам · Чүнчонбүгду Боловсролын газар)
Аз жаргалыг мөрөөдөхүй, Happy Start хөтөлбөр (2009, Хууль зүйн яамны гадаадын иргэн, харьяатын бодлого эрхлэх хэлтэс)

※Тус номыг  Эрүүл мэнд хамгаалал, гэр бүлийн яам,  Захиргаа аюулгүй байдлын яам,

 Соёл биеийн тамир, аялал жуулчлалын яамны дэмжлэгээр бүтээв.

※ Энэхүү номын агуулгыг хэсэгчлэн болон бүтнээр нь зөвшөөрөлгүйгээр ашиглах, олшруулахыг хориглоно.